


Feb 17

W-153

R 9
6/22







En guadalajara a. z.
del mes de noviẽbre del
año de 1574. Yo el prete
tado fray ju de segovia co
misionario del sacro ofi de
la inquisiçion de t.^o, por m.
Dado de los señores inquisi
dores ategi este libro segun
la c.^o suza del ex purga m.^o

El pre tado fray
Ju de segovia

Lomilla

Alonso de Leon

PSALTERIUM

PARAPHRASIBVS

ILLVSTRATVM.

seruata ubiq; ad verbum

Hieronimi trans-

latione,

Alonso de Leon

RATNERIO SNOTGOVDA-

NO AVTHORE.

Accessere ad postremam hanc editionem, singulis Psalmis
Argumenta, quae veram genuinamque Prophetæ in-
telligentiam pio lectori commonstrabunt.



LVGDVNI,

Apud Bartholom. Vincentium.

M. D. LXXI.

Magno F. Orsini Depictus a F. Orsini

Prologus.

in cortice, sed in medulla: non in verbis, sed in sensu: non in sermonum foliis, sed in radice rationis. Quod Psalterium ipsum diuina quædam & mystica est poësis, aliud in cortice præ se ferens, aliud in medulla retinens. Decachordum enim Psalterium (Hieronymo teste) apud Hebræos lyrico carmine conscriptum est. Nam in morem Flacci Romani, & Pindari Græci nunc Iambo currit, nunc Elegiaco personat, nunc Sapphico nitet, nunc trimetro vel tetrametro pede incedit. Atqui huic libro triplex præfigitur titulus. Dicitur enim liber Hymnorum, Soliloquiorum, Psalmorum. Hymnorum, quia apud Hebræos lyrico carmine personat. Est enim hymnus laus Dei cum cantico. Soliloquiorum, quia solius Spiritus sancti eloquium est, seu locutio hominis cum Deo. Psalmorum, quia in instrumento musico decachordo, id est, decem chordarum, Dauid hanc poësim, seu verius prophetiam modulabatur, quod Græce ψαλτήριον, Hebraice Nablum, Latine organum dicitur. Quippe cum Arca de Sylo reduceretur per Dauid regem (vt habetur primi Paralipomenon decimoquinto) elegit quatuor millia hominum de Israel, qui organis, citharis, nablis, tympanis, cymbalis, tubis personabant hos psalmos, cum voce humana consona modulatione, concordantibus instrumentis musicis. Ex his quatuor millibus elegit centum quinquaginta principes, qui antecedentes aliis præessent. At his alios quatuor præfecit, scilicet Ethan, Heman, Asaph, Idithum. Et filij Core ianitoribus præfecti sunt. At horum nomine multi psalmi intitulantur, vel pro honore ministerij, vel propter nominum interpretationem, licet Dauid cunctos ediderat. Verum enimvero Psalterium hoc sacrosanctum spiritali

Prologus.

tali modulatione coruscans, modò salutari præcepto, modò pœnitentium gemitu, modò pollicitatione præmiorum, modò terrore pœnarum, & vbiq; ceu floribus, laudibus Domini decoratum: Psalterium inquam hoc, tuba est mirabilis placans Deum, peccata expellens, veniam impetrans, exhilarans animam, illuminans conscientiam. Insuper quid est, quod non discatur ex psalmis? Omnis magnitudo virtutis, norma iustitiæ, pudicitiae decor, prudentiæ consummatio, pœnitentiæ modus, patientiæ regula. Insuper Dei cognitio perfecta, prænuntiatio c H R I S T I in carne venturi, suppliciorum metus, gloriæ pollicitatio, mysterium reuelatio. Omnia hæc prorsus veluti in magno quodam & communi thesauro recondita inueniuntur. Quid plura? Ipsa psalmodia est consolatio flentium, cura dolentium, sanitas ægrotantium, animæ remedium, & miseriarum omnium suffragium. Subinde Psalterium plus cæteris diuinis scripturis, in ecclesiasticis decantatur officiis, quia est consummatio totius theologicæ paginæ. Et per tres quinquagenas distinctum, tres status Christianæ religionis exprimit. Primus est incipientium in pœnitentia, cui applicatur prima quinquagena Psalmorum, quæ terminatur in pœnitentia, scilicet: Misere mei Deus. Secundus est proficientium de virtute in virtutem, & est status in iustitia: & hæc est secunda quinquagena, quæ finitur in psalmo rigoris & iustitiæ. Tertius est perfectorum in vita æterna, cui competit tertia quinquagena, quæ finitur in laudem spiritalem, videlicet, Omnis spiritus laudet Dominum. Cæterum illud minimè silentio prætereundum est, diuum Hieronymum ter ex Hebræo transtulisse hoc psal-

Prologus.

terium. Primò, secundum Septuaginta interpre-
tes, quod psalterium Romanum nuncupatur. Se-
cundò, iuxta Hebraicam veritatem ad preces So-
phronii, quo Hebræos disputando conuinceret.
Tertiò, ad preces Damasti Papæ, quod vulgò Psal-
terium Gallicanum nuncupatur, & hæc translatio
communis est & nostra qua vtimur. Nec quispiam
credat me his scholiis velle aliquam gloriolam au-
cupari. Absit, cum nec bene, nec ingeniosè res acta
sit. Mihi inuersa cithara tantùm cecini (vt aiunt) &
Musis. Non intellectos psalmos in dies deblatera-
re, & in choro fidelium reboare vanum & ridicu-
culum æstimauit. Iam utcumque paraphrasibus mi-
nimis, aut si maior, scholiis nō adornatum, sed enu-
cleatum Psalterium mecum legere potes, qui-
cumque in has meas chartulas fortuitò incideris.
Illud tamen mihi vendicare ausim, modò pa-
teantur inuiduli hos psalmos me tali phrasi expla-
nasse, vt ne vllum quidem verbum ipsius textus
aut omissum aut inuersum, aut immutatum sit:
cohæret textus glossulis adedò ferruminatus, vt
nisi characteribus disparibus distinctus foret,
haud facile vnum ab altero diiudicaretur. Desu-
darunt plurimi in hac palæstra, cæterum non tali
schemate, quandoquidem Laconica breuitate
hoc opus exegi, calculatorum more, qui ingen-
tes summas paruo ære exprimunt, expenduntque.
Aemulatus sum veteres, ex quorum filis meam
orditus sum telam, Hieronymum videlicet, Augu-
stinum, Arnobium, Isidorum, Rabanum, Cassio-
dorum, Remigium. Neotericorum turbam, quam
dinumerare nemo poterat, facessere sinimus, cum
vnusquisque illorum in suo sensu abundet. Fixi-
mus vestigia meditando apud paucos, ne peregrin-
naremur

Prologus.

naremur mendicando apud multos. Vale candide
lector. Auspicati sumus hæc subcisiuo tempore per
otium, ne illud (quod aiunt) inter digitos efflue-
ret, dum aliquod menses morabamur cum Adol-
pho à Burgundia heroë Beueriensi, cui à medicis
fuimus in Duelandia Zelandiæ ad aggeres
æstu maris disruptos reficiendos, quod
& ipse perfecit sua sagacitate,
ope & opera. Anno 1533.

IIII. Calendas

Iunij.

Is sciat se profecisse in sa-
cris, quem Daudica
carmina valde
consolan-
tur.

PSALMORVM
SACRORVM
LIBER.
*

PSALMVS PRIMVS.

ARGV M. Quum in omni scriptura sacra cœlestis Spiritus ad fidendum Deo homines cohortatur, ac prorsus damnat impietatem: in hoc primo psalmo qui tituli vice esse poterit, graphice admodum ~~condemnat~~ typum describit & impij. xii Illum prædicans beatum, quia capto diuinæ legis consilio, fructus huberes produxerit, proximos quosque ad idem studium verbo excitans & exemplo. Porro hunc miserum censet, quod prauitatem sui cordis sequutus scæda morum linguæque peruersitate, sibi aliisque perniciem attulerit.



Beatus est vir ille qui non abiit à iustitia prima in consilio prauo impiorum actis consentiendo, & in via lata peccatorum non stetit perseverando in delictis: & in cathedra contagiosa pestilentix atque illusoria doctrina non sedis perniciose docendo.

Sed in lege Domini fuit semper voluntas Hier. 17. 6.
eius bona: & in lege eius adimplenda meditabitur tum lectione, tum mandatorum obser-

tione die ac nocte sine intermissione.

Et erit tanquam lignum virore diuinae gratiae fecundum quod plantatum est firma radice secus decursus & fluentia aquarum, gratiarum, scilicet, Spiritus sancti, quod fructum suum bonorum operum dabit utique in tempore suo, ut dignum efficiatur felicitate aeterna.

Et folium ac verbum eius iusti non defluet à veritate in mendacium ceu instabile & irritum, imò & omnia quaecunque faciet atque operabitur, prosperabuntur sibi quidem in salutem, alijs verò in eruditionem.

Non sic impij, qui non meditantur in lege Domini, non sic prosperabuntur: sed erunt tanquam pulvis infecundi & sicci ab humore diuinae gratiae, quem proiicit impulsu tentationum ventus superbiae, & aura diaboli à facie terrae & praesentia vitae aeternae.

Ideo quia proiecti à Deo, non resurgunt impij & infideles in iudicio extremo, quia iam iudicati sunt: neque peccatores & falsi Christiani in consilio & consortio iustorum, qui ad vitam aeternam sunt praedestinati.

Quoniam acceptat, nouit, & approbat Dominus Deus viam immaculatam iustorum ad beatitudinem: & iter atque progressus vitae impiorum reprobatorum à Deo peribit in mortem aeternam.

ORATIO.

Efficiamur Domine tanquam fructuosissimum lignum in conspectu tuo: vt irrigati diuina tua gratia beatitudinem viri iusti consequamur, & per obseruantiam mandatorũ tuorum ambulantes, tandem resurgere valeamus in congregatione iustorum: Per CHRISTVM Dominum.

PSALMVS II.

Psalmus ipsius David Propheta, agens de consilio Gentium & Iudeorum aduersus Christum in sua passione: & de regni Christi institutione.

ARGVMENTVM. Christus seruator, postquam deuicta morte per resurrectionem & spiritum viuificantem (vt ait Apostolus) diuinitatis de se opinionẽ in hoc mundo confirmauit, regnum fidei, id quod hic sub typo montis Sion, & alibi per urbem Hierusalem intelligitur, suo subiecit imperio, admonens subiectos vt ab impiorum sese mox subducant tyrannide, poenis etiam æternis istos territans, nisi verbo Dei cedant, ac protinus diuinis pareant iussibus. Porro quæ causa impulerit impios Iudæos, vt Christum innocẽtem capitis damnauerint, in principio secum admiratur Propheta, dicens:

Rom. 1.

Psalm. 40.

Quare sine ratione fremuerunt belluino more gentes Romane: & populi Hebræorum meditati sunt in eorum consilijs inania & frivola mendacia?

Actu 4. c.

Astiterunt contra regẽ cœli reges terræ Herodes & Pilatus, & principes sacerdotum Annas & Cayphas conuenerunt sacrilega mente in

te in vnum prauum consensum aduersus Dominum Deum patrem & aduersus Christum vultum Messiam eius filium.

Ditum piamus omnino vincula Euangelis ea eorum ne obligemur seruitute, & proiciamus in irritum à nobis, ne dominantur super nos, iugum & legem ipsorum nouam.

Qui pater habitat in cœlis super Cherubim iridebit eos inania meditato, & Dominus noster Christus subfannabit similiter eos miserrimos Iudeos.

Act. 13. c
Heb. 1. b. &
5. b.

Tunc in die iudicii loquetur qui iam mansuetus tacet ad eos, increpando in ira sua, qua iustissime vindicat: & in furore suo implacabili cōturbabit in corpore & anima eos vlciscens in pœna aeterna.

Ego autem Christus constitutus sum hæreditario iure rex secundum humanitatem ab eo Deo patre super Sion Ecclesiam speculari tem montem sanctum eius in eminentia honoris & firmitate fidei prædicans & euangelizans præceptum eius & voluntatem patris mei.

Dominus pater vniuersorum dixit ad me Christum, Filius meus consubstantialis es tu per naturam: ego hodie in præsentia aeternali genui te, verbum mihi coeternum, atque Deum de Deo.

Postula à me passionis tuæ merito, & dabo tibi gentes atque omnes nationes orbis in hæredit

reditatem tuā, vt copulentur nomini Christia-
no, & possessionē tuam peculiarem terminos
terræ, eatenus vt terrarum orbis in te credat.

Reges eos qui non receperunt doctrinam Apoca. 2. g.
19. c.
tuam in virga ferrea & iustitia inflexibili, &
tanquā vas figuli quod leui momento sit con-
fringes ceu inutiles ad gloriam eos rebelles.

Et nunc reges mundi intelligite quantus
sit ipse Christus, quam excelsus, quam potens:
erudimini in lege Christiana vos qui iudica-
tis in potestate humana terram, semper præ
vobis ferentes calorū iudicem superiorem.

Seruite Domino omnium, cui seruire reo-
gnare est, in timore casto & filiali: & exulta-
te ei volūtariē & hilariter, cum tremore tas-
men & reuerenter, haud dissolutē.

Apprehendite & exosculamini discipli-
nam atque doctrinam Christi filij Dei, ne-
quādo irascatur Dominus pater, & pereas-
tis tandem eo vindice de via recta, iusta &
vera quam Christus docuit.

Cū exarserit ad vindicandū in breui
die iudicij ira eius iustissima, beati omnes
erunt Christiani & securi, qui confidunt
per spem & charitatem in eo Christo Dei filio
crucifixo.

ORATIO.

Deus noster, verbum patris, ab æterno
ante luciferum genitus: Deus de Deo, qui
consti

cōstitutus es rex super omnē creaturā: noli nos cōfringere in ira tua, tanquā vas siguli reprobātū: neq; exardeat in die iudicij ira tua super nos peccatores. Sed pręsta clemētissime, vt apprehendentes doctrinā tuam Euangelicam, valeamus tibi cum timore & reuerentia famulari, perseuerātes in v̄a veritatis & iustitia. Amen.

PSALMVS III.

2. Reg. 15.

Psalmus ipsius David in spiritu ostensus cum fugeret à facie Absalom filij sui.

ARGVM. Christus ad patrem loquens, peruer-
sitatem admiratur aduersariorum, & gloriatur, gra-
tias agens de sui exaltatione & illorum depreſſio-
ne. Sic & Christianus hæc dicit ad Deum, cum gra-
tias agit, quòd aduersariis veritatis, temptationibus,
peccatis, horrore mortis & inferni circumdatus,
quando etiam de se desperabat, & sibi videbatur
mortuus, non perierit, sed forti animo, ~~per fidem~~

Iac. 15.

~~per fidem~~, Domino suscipiente.
Sic de filio Prodigio legis, Hic filius meus mortuus
erat & reuixit, &c. Vt interim non dicam, quòd fide-
lis tantum fiducia habet ex Christi resurrectione, vt
& se non dubitet cum corpore in gloria resuscitan-
dum, qui dicit Psalm. 16. Satiabor cum apparueris
gloria tua.

Domine Deus pater, quid multiplicati
sunt Pontifices, Scribe & Pharisei qui
tribulant & impugnant me persequendo?
multi insurgunt, vt calumnientur aduer-
sum me suis falsis testimonijs.

Multi

Multi inimicorum insultando, dicunt & comminantur animæ & vitæ meæ, quia non est salus neque spes ipsi Christo in Deo eius quem sibi Deum patrem prædicat.

Tu autem Domine pater susceptor meus es in tribulatione, & gloria mea in resurrectione, & exaltas caput meum in ascensione.

Voce mea in cruce ad Dominum Deum patrem clamaui pro totius mundi salute: & exaudiuit me, suscepitque orationem meam de monte sancto suo, de altitudine iustitiæ suæ, qua liberantur electi, & puniuntur reprobis.

Ego dormiui spontanea morte in cruce, Ioan. 2. 2 & soporatus sum leui somno in sepulchro, & exurrexi tertia die à morte: quia Dominus pater suscepit me filium, diuina sua potentia resuscitando.

Non timebo amplius millia populi Iudaici circumdantis me & clamantis: Crucifige eum: exurge Domine in paternum auxilium: saluum me fac à morte suscitando Deus meus.

Quoniam tu percussisti digna ultione omnes Iudeos aduersantes mihi sine causa iusta & vera, dentes peccatorum quibus fremebant verba mordentia contriivisti in irritum.

Domini & non hominū est salus vera, qui
saluat

*saluat ab omni malo: & super totum populum
tuum Christianum sit benedictio tua tum
gratia in presenti, tum gloria in futuro.*

O R A T I O.

Domine Iesu Christe, qui in expiationem originalis culpæ atque in pretium & redemptionem ac reconciliationem nostrorum delictorum, vltionem mortem in cruce obiisti, atque in ventre terræ in sepulchro soporatus, tertia demum die resurrexisti: salua populum tuum Christianum pretioso sanguine tuo redemptum, & effunde benedictionem tuam, ne aduersantium millibus vitiorum circundentur. Amen.

P S A L M V S. .IIII.

*In finem legis qui Christus est, Psalmus
cantici, hoc est, modulatio organi cum hu-
mana voce sequente ipsius David & cuiusli-
bet iusti.*

ARGV M. Propheta, & quisque fidelis gloriatur ad Deum vel de Deo, quasi in conspectu carnalium hominum, qui viam crucis irrident, quia gloriosam esse coram mundo ignorant. de qua sic Paulus: Mihi autem absit gloriari &c. Quibus increpando dicit, Filij hominum vsquequo graui corde &c. Erratis vestram vanitatem cum studio vsque secuti, Deus sanctos suos quos insanos & stultos putatis, mirificat: id est, mirabiliter exaltat & semper exaudit inuocantes. Scio quidem non posse fieri quin irascamini nobis cum ob vitæ dissimilitudinem, tum ob veritatem, qua vos obiurgamus, sed humanum hoc interim est. Nolite in ira pergere, nolite porro pec-
care

care aduersus veritatem, & ea comperta, nolite obsequi vestris concupiscentiis aduersus iustitiam. Id Ephes 4

~~Quod interpretatur Paulus: Domine, non solum~~
~~sed etiam in omnibus, quod tu iussisti, faciamus.~~
~~Et tu Domine, qui iussisti, faciamus.~~
~~Et tu Domine, qui iussisti, faciamus.~~
~~Et tu Domine, qui iussisti, faciamus.~~
~~Et tu Domine, qui iussisti, faciamus.~~
~~Et tu Domine, qui iussisti, faciamus.~~
~~Et tu Domine, qui iussisti, faciamus.~~
~~Et tu Domine, qui iussisti, faciamus.~~

vt diximus. Sed aiunt, Vnde scimus te vilem hominem videmus qui nostra damnas. quod signum ostendis nobis quod tu veritatem sequeris, nos vanitatem & mendacium? Respondeo: Domine, presentia luminis, siue illuminationis tue confirmata est super nos per spiritum tuum, per Christum tuum in cordibus nostris, ubi nos semper intueris, semper arrides tui cognitione per intellectum verbi tui. Spiritualis enim homo diiudicat omnia. Hoc testimonium spiritus habeo, hæc est mea certitudo, de qua tibi gratias ago: carnalibus hominibus hæc frustra dixerò, stultitia est ipsis tua iustitia & illuminatio, donec & ipsi videant, sed per lumen vultus tui. Quia verò hæc agnosco, dedisti lætitiā in corde meo. Quid enim lætitiæ non habeat ista fides? Gaudeant alij rebus externis ditati, ego in hac pace cordis & gaudio spiritus tui moriar & requiescam, nihil aliud in hac vita requiram, cætera secundum Euangelium adicientur mihi.

Quoniam tu Domine, vt nihil
 hic mihi arrogem, specialiter, vel solus hanc
 mihi spem dedisti perpetuam.

*

B

Cum inuocarem Deum ex intimo cordis
 affectu, exaudiuit me angustiatum Deus
 inquam, dator & auxiliorum in iudicio meo, atque
 remunerator: in tribulatione quam passus
 sum, dilatasti cor per patientiam, & dedisti
 mihi letitiam.

Miserere mei, contra miseriae huius vite,
 quae plurimae sunt, & exaudi mea benignitate
 orationem meam, ut de virtute in virtutem
 proficiscar.

Filij hominum & primorum parentum
 usquequo eritis graui corde & sarcina ini-
 quitatum depressi? ut quid tam ardenti deside-
 rio diligitis vanitatem ac terrena, quae va-
 na sunt & inania, & quaeritis cum labore men-
 dacium rerum caducarum, quae mentiuntur
 hominem felicem?

Et scitote quid sequamini quoniam mi-
 rificauit & gloriosum fecit Dominus pater
 Sanctum suum Christum, qui est sanctus san-
 ctorum: Dominus per eum exaudiet me oran-
 tem pro requie aeterna consequenda cum &
 quandoque clamauero cordis deuotione ad
 eum Sanctum suum.

Ep he. 4. f

Irascimini vobis ipsis indignando de pecca-
 tis proprijs, & nolite amplius peccare: de his
 autem quae dicitis & tractatis in cordibus
 vestris per cogitationem, & in cubilibus ve-
 stris per delectationem, quae sunt cogitationum
 cubilia

*cubilia, compungimini pœnitentiam agendo
antequam ratio consentiat.*

*Sacrificate & mactate vos Deo, tanquam
sacrificium iustitiæ, ut opera iusta sequan-
tur: & tunc sperate in Domino: aliter foret
presumptio. multi carnales, vari & increduli
dicunt in suorum delictorum excusationem,
Quis ostendet unquam nobis inuisibilia bo-
na futura? perinde ac non esset.*

*Signatum est & impressum super nos in
intellectuali parte animæ lumen & imago vul-
tus tui divini, quo similes tui sumus Domine:
& per hac dedisti lætitiā spiritualem rectæ
fidei in corde meo de tanto beneficio.*

*A fructu & uberitate frumenti, vini, &
olei sui in quibus estimant consummatū bonū,
multiplicati & distracti sunt varijs curis, sola
illa temporalia ambientes.*

*In pace mentis in idipsum summū bonum,
quod Deus est, dormiam hic à strepitu seculi, &
in futura beatitudine requiescam fruitione
æternitatis.*

*Quoniam tu Domine qui unus es, singu-
lariter & simpliciter in una spe firmissima
æternæ beatitudinis consequenda constituisti
stabilisti me, qui nihil præter te summum bo-
num suspiro.*

ORATIO.

Deus qui es iustitiæ dator, gratiarū au-

thor, ac bonorum remunerator, exaudi nos in tribulationibus nostris & miserere nobis. Te solum summū bonum suspiremus, qui signasti super nos lumen vultus tui, atque amemus non turbam nascentium rerum atque intermorientium: sed æternitatis ac unitatis gloriam in Iesu Christo Domino nostro. Amen.

P S A L M U S V.

In finem & in Christum pro ea Ecclesia honoranda quæ hæreditatem vitæ æternæ consequitur sanguine Christi dedicata, Psalmus David contextitur.

A R G V M. Propheta & quisque fidelis anxie precatur, dicens: Precor Domine & precabor, ut exaudias me, propter illos, quos ego à te doctus scio quoddam oderis, ne peream cum eis, quoniam non Deus volens iniquitatem tu es &c. qui nituntur omnibus modis pios seducere à via veritatis, quoniam non est in ore eorum veritas &c. pereant illi, gaudeant verò in te confidentes, quos diligis, & æterna circundas protectione.

Verba mea deprecatoria auribus tuæ misericordie percipe Domine, qui in cælis es, & intellige spiritualem clamorē meum, in gemitu cordis.

Intende & annue voci orationis meæ iustæ, rex meus per gubernationem, quem veneror, & Deus meus, per creationem quem adoro.

Quoniam ad te solum demerendum orabo
per se

perseueranter: Domine, primo tempore, videlicet manè in aurora dei & gratia exaudies te nebris peccatorum depulsis vocem meam.

Manè cum oritur sol iustitiae in me, astabo per iuge seruitium tibi, & non vanitatibus seculi, & sic videbo in luce virtutum te mundo corde cognoscēs: quoniam Deus iustus non volens peccatum & iniquitatem sed aequitatem tu es idem ipse inuariabilis.

Neque habitabit in presenti per gratiam iuxta te, neq; in futuro per gloriam malignus & obstinatus peccator: neque permanebunt diuinam non sustinentes maiestatem iniusti & reprobī ante oculos tuos, vt videant te fruitione aeterna.

Odisti ad exterminium omnes impoenitentes qui operantur perseueranter iniquitatem mortalem. perdes aeternaliter puniendo omnes qui loquuntur perniciosum mendacium.

Virum sanguinum homicidam ac pauperum oppressorem & dolosum proximo in mendacijs abominabitur Dominus exheredando à regno suo.

Ego autem confidens in multitudine bonae iustitiae, quae nulla est, sed misericordiae tuae, quae infinita est, introibo in Ecclesiā sanctam domum tuam orationis: adorabo mente sincera ad templum caeleste sanctum corpus tuum in pane sacramentali, & hoc inti-

more tuo casto, filiali, reuerenter.

Domine qui penitentes recipis, deduc pro-
uehendo me de virtute in virtutem in iustitia
tua, ne deniem ad iustitiam meam: propter
inimicos meos demones confundendos, & ho-
mines corrigendos, dirige & gubernare in con-
spectu tuo legis Evangelica viam meam, ut
opera mea sint tibi grata & accepta.

Quoniam non est, quia calumniantur, in
ore eorum inimicorum veritas Christiana
fidei: cor eorum vanum est per superbiam
& auaritiam.

Infr. 1. b
Rom. 3. b

Sepulchrum patens fœtidum ac turpe est
guttur eorum, exhalans mendacia atq; adu-
lationes ad corrumpendum: linguæ suæ male-
uolis dolosè agebant sub specie veri mentien-
tes, iudica ad penam illos cōdemnando Deus
iustus, ut sentiant te iudicem.

Decidant & defraudentur spe, ne impieta-
tem augeant impietate à cogitationibus suis
ac prauis desiderijs mundana felicitatis, secun-
dam multitudinem impietatum & scelerū
admissorum, expelle eos ab æterna hereditate,
quoniam irritauerunt te dulcis Domine, &
contempserunt legem tuam Evangelicam.

Et lætentur iusti ac boni omnes lætitia
sempiterna qui sperant modo in te & à te mer-
cedem, quia in æternum, & non ad horam
exultabunt accepta hereditate perpetua, &
habit

habitabis in eis, sicut in templo tuo.

~~Et~~ gloriantur fruenda Deo in te fonte
 totius boni omnes qui zelo divino diligunt
 & amplexantur nomen tuum & gloriam no-
 minis tui, quoniam tu conferendo gratiam be-
 nedices gaudiorum immensitate iusto amato-
 ri nominis tui.

Domine non nostra iustitia, sed tua divi-
 na misericordia, ut scuto & protectione bonæ
 voluntatis & gratiæ tuæ divinæ coronasti
 nos, quia protegens adiuvans, & remunerans
 coronas.

ORATIO.

Deprecationes nostras auribus tuæ cle-
 mentiæ percipe Domine, qui speramus in
 multitudine misericordiæ tuæ, nihil præsu-
 mendo de iustitia nostra, ut tenebris pecca-
 torum nostrorum depulsis, tu Sol iustitiæ
 oriaris in nobis, qui crassam nostram igno-
 rantiam reformes in viam veritatis Evan-
 gelicæ. Tu scutum nostrum, tu corona no-
 stra protege nos aduersus sæua iacula ca-
 lumniatoris diaboli, gratia ipsius Domini
 nostri Iesu Christi. Amen.

PSALMVS VI.

In finem & in Christum, qui est cōsumma-
 tio nostræ agnitionis, dirigit nos hic Psalmus
 pœnitentis David, qui scriptus est pro octa-
 ua mundi ætate, quæ erit dies iudicij ventura.

ARGVM. Furorem Dei deprecatur, misericordiam verò precatur: nam quum videat clementem ~~Deum nonnullum in impio peccatore~~
~~nonnullum in impio peccatore~~, quorum bona pars hic enumeratur: ad eum sanè modum quo de Prodigio filio à parente in statum pristinum recepto, Euangelica tradit historia, perpetuis laudibus benignitatem Dei celebrat, & fatetur se omnia illi debere.

Luc. 15.

Domine, precor ne in finali iudicio in furore tuo implacabili arguas me seuero iustitiæ rigore: neque in ira tua indignationis & vindictæ corripias me exanimatum ad mortem æternam condemnando.

Miserere mei in hac vita Domine: & opus est, quoniam infirmus & sauciatus sum natura fragilitate ac peccatorum mole: se na per penitentiam, & conforta me Domine per tuam gratiam, quoniam conturbata sunt casu peccatorum quassata ossa & omnia interiora robora mea.

Et anima mea peccatrix contremiscēs turbata & territa est valde à districto iudicii examine, sed tu Domine qui non vis mortem peccatoris vsquequo differes auxiliari & sanare?

Convertere de rigore iustitiæ Domine ad dulcorem misericordiæ, & eripe à manu diaboli animam meam herentem delectationi, & ligatam peccandi consuetudine, saluum me fac ab imminenti periculo propter misericordiam tuam

tuam quæ vnica mea spes est.

Quoniam nō est in morte peccati, & post mortem temporalem qui memor sit tui confessione fructuosa ad salutem: in inferno autē quis & certē nullus confitebitur tibi, imò blasphemabunt.

Laboraui pro satisfactione peccatorum in gemitu meo intrinseco cordis per contritionem, lauabo & mundabo per singulas tenebri-
cosas noctes peccatorum lectum meum volu-
ptarium, & consciētiam, ne macula remaneat,
& lacrymis meis pœnitentialibus stratum
meum sensualitatis in quo iacuit anima infir-
ma rigabo castigando.

Turbatus est & contremuit à furore ex-
candescenti, qui erit in extremo iudicio ocu-
lus meus interior cordis, scilicet mens & ratio:
nec mirum, quia inueteraui senescens in pecca-
tis obstinatus inter omnes inimicos meos
dæmones ac homines malos, quibus conformis
peccando consensi.

Discedite procul à me omnes spiritales ne-
quitie tam diabolus, quàm membra eius, qui
operamini semper iniquitatem extimulando
& tentādo homines, quoniam exaudiuit Do-
minus misericors vocem compunctam fletus
mei, pœnitentiam acceptando.

Exaudiuit Dominus luctuosam deprecā-
tionem meam, peccata remittendo: Dominus

Deus orationem meam iam securam de adipi-
scendis virtutibus suscepit, gratiam cōferendo.

Erubescant exemplo meo de peccatis, & cō-
turbentur timore iudicij vehementer cū con-
tritione omnes quondam inimici mei aduer-
santes saluti, conuertantur ad Deum, & eru-
bescant recordatione peccatorum, de quibus
olim gloriati, valde velociter, non procrastina-
ntes poenitentiam.

O R A T I O.

Domine, qui in maiestate horrenda ge-
nus humanū iudicaturus aduenies: misere-
re nobis in hac vita, ne in die iræ, furoris &
vindictæ condēnemur ad gehēnalia suppli-
cia. Et cōuertere de rigore iustitię ad dulco-
rem misericordiæ, eripiendo de potestate
tenebrarum animas nostras, atq; in infirmi-
tatibus & gemitibus nostris tua semper gra-
tia muniamur. Per Christum Dominū &c.

P S A L M V S. VII.

In finem & Christum nos dirigens Psal-
mus iste est David Propheta quē cantauit ad
honorem Domino Deo gratias referendo pro
verbis Chusi & manifestatione silentij filij
Iemini. hoc est, dextera. Secretum enim dextera
2. reg. 16. d Dei est, ut iustus virtute eius ab omnibus perst-
cutoribus liberetur.

ARGV M. Etsi diui Basilius, Chrysostomus,
Theodoretus, & apud Latinos Augustin⁹, existima-
rūt titulum huius carminis ad Chusim Arachitem
refere-

referendum esse, & contra Absalonem & Achitophelis perfidiam versus istos fuisse confectos: tamen nos hac in parte Hieronymum sequemur, qui in commentariolis huius libri planè demonstrat, & titulum, & versus ad Saulen pertinere in qua quidem sententia omnes ferè sunt Hebræi. David igitur seruari se ab ingente nimiumq; infesta persequutione Saulis precatur, innocentiam suam memorat, vindicari sibi destinatum regnum, quo ad Deum populus colligatur, depulsa improbitate sceleratorum orat: tum canit suo ipsorum gladio illos perituros, & laude Dei psalmum claudit.

Domine per omnium gubernationē, Deus per creationem, meus per fidem: in te & tua misericordia speraui, & non in mea virtute, saluū me fac auxilio tua gratia ex omnibus persequentibus me tam vitis & demonibus, quàm prauis hominibus & libera me ab his corporaliter & spiritualiter.

Nequando rapiat diabolus, vt leo rugiens, circumueniens, quærēs quem deuoret, animam meam peccatrice, dum non est præter te alius qui redimat me à morte, neque qui saluum faciat vitam dando eternam.

Domine Deus & rex meus & redemptor si feci istud exhibendo membra mea arma iniquitatis, si est iniquitas, aut aliquod peccatum mortale in manibus & operibus meis.

Si reddidi libidine vindictæ mala retribuentibus mihi mala, tunc decidam tanquam

quam victus meritò meo malo ab inimicis meis me persequentibus, inanis, & vacuus à fructu iustitiæ.

Persequatur ergo tunc inimicus animam meam mala suggerendo, & comprehendat eum ad consensum peccati, & conculcet in terra vitam meam prosternendo & occidendo & gloriam meam, quæ est in conscientia munda in pulverem deducat ad nihilum redigendo.

Exurge Domine mihi opem ferendo in ira & vindicta tua contra inimicos meos & exaltare atque superior appare, ut victor, in finibus & possessione inimicorum tuorum, diaboli videlicet & suorum.

Et exurge atque euigila Domine Deus meus, ostendendo te iustum iudicem in præcepto secundum iudicium quod mandasti facere iustitiam de malis, & ita synagoga seu congregatio populorum diversorum circumdabit te, tanquam certum refugium.

Et propter hanc congregationem in altum solium regredere ostendendo potentiam & maiestatem tuam, ut revereantur te iustum iudicem: Dominus omnium & iudex generalis iudicat populos unicuique secundum opera sua reddens.

Iulica me Domine, quia iudex es vivorum & mortuorum, secundum iustitiâ meam
quam

quam dediſti mihi, & ſecūdam innocentiam
meam. quorum vtrunque non ex me, ſed ſuper
me deſcendit à patre luminum.

Cōſumetur et terminabitur nequitia pec-
catorum atque impiorum, & interea diriges
& probabis iuſtum in tot tentationum flucti-
bus, ſcrutans videns & ſciens corda atque co-
gitationes & renes carnalium deſideriorum
Deus qui omnia noſti.

1. Par. 28. b
Hierc. 17. b
20. c.

Iuſtum eſt adiutorium meum quod peto
à Domino Deo, qui ſaluos facit in gloria
rectos corde & intentione, conformantes ſe
voluntati diuina.

Deus iuſtus iudex, ſingulis ſecundum opera
ſua reddens, fortis, cui nemo poterit reſiſtere,
& patiens tolerando malos, nunquid irſcitur
inferendo vindictam ſtatim per ſingulos dies?
certè non, ſed dat locum pœnitentiæ.

Niſi à peccatis veſtris conuerſi fueritis
ad Deum per pœnitentiã, Dominus gla-
dium ſuum in vindictam manifeſtam vi-
brauit, exeret atque exacuet, inſuper arcum
ſuum tetendit ſeueriter, & parauit illum vt
puniat certo.

Et in eo arcu parauit Dominus vaſa mor-
tis æternæ, vt peccatores in æternum punian-
tur: ſagittas ſuas vindicatrices ardentibus
flammis effecit plenas ad terrorem & puni-
tionem.

Eſa. 59. 2
Iob 19. d
20. c

Ecce

Ecce quomodo homo parat sibi causam mortis, & non Deus, quia ipse parturit conando ad effectum producere iniustitiam suam, concepit insuper dolorem ex suggestione diaboli per consensum, & peperit per operationem iniquitatem perficiendo.

Lacum inferni aperuit concipiendo peccatū & effodit eum parturiendo per consensum, & incidit in foueam perditionis & mortis quam sibi fecit spontanea voluntate.

Cōuertetur dolor eius, & peccatum, quod est causa doloris in caput eius, & animam, quæ est caput corporis: & in verticem ipsius atque rationem iniquitas eius, quam peperit descender, cum peccatum in animam ipsius re-torquebitur.

Confitebor ergo Domino confessione laudis secundum iustitiam eius, qui a bonos protegit, & malos iuste punit, & psallam spiritualiter gaudendo nomini Domini altissimi ad honorem eius, non ad gloriam meam.

ORATIO.

Deus, qui in tua misericordia speramus, & nō in virtute nostra, libera nos à peccatis nostris, ne aliquando rapiat diabolus, vt leo rugiens, animas nostras in inuentū. Præter te alium saluatorem non agnoscimus, imò confitemur & psallimus nomini tuo altissimo, qui es benedictus in secula. Amen.

PSALMVS VIII.

In finem & in Christum, qui est finis noster,
Psalmus iste scriptus est à David Propheta
pro torcularibus & cōstitutione Ecclesie adi-
ficata super Christum.

ARGVM. Dei gloria per totum mundum &
vsque super cælos per Christum ex ore infantium
magnificata & manifestata hîc describitur. Et ve-
rò manifestata hæc gloria in confusionem infide-
lium, & Christi aduersariorum, vt destruas inquit,
inimicum & ultorem : & in gloriam credentium,
qui dicunt, Quoniam videbo cælos tuos &c. Ve-
rum admiratio subit, vnde tam incomprehensibi-
lis gloria filio hominis (quæ est vilissima sine vi-
lis titulis appellatio) acciderit, vt omnia ei præ-
ter Deum subiecta sint.

Domine omnium, qui es peculiaris domi-
nus noster per cultum & venerationem,
quam admirabile & gloriosum est nomen
tuum diuinum & ineffabile in vniuersa ter-
ra, à solis ortu ad occasum?

Quoniã eleuata est de terrena humilitate
magnificentia tua, & filius tuus, per quẽ ma-
gna operatus es super cælos atq; cælestes hic-
rarchias, quia sedet ad dexteram patris.

Ex ore infantium & lactantium puerorum Matt. 21. b
Hebræorum perfecisti laudem magnificentiæ
tuæ, quando clamabant, Osanna in excelsis, &
hoc propter inimicos tuos principes Iudæorū
confutandos : vt destruas tandem inimicum
errorem Iudaicum, & ultorem seu persecuto-
rem

rem nominis tui.

Quoniam nunc videbo intellectu fidei cœlos tuos, & sacras scripturas, quæ sunt opera digitorum tuorum, quia scriptæ sunt in inspiratione Spiritus sancti: similiter & lunam quæ est catholica Ecclesia à Christo sole illuminata, & stellas homines sanctos, quæ omnia tu fundasti, atque in tua fide solidasti.

Quid est homo, & quale meritum eius quod tu Deus memor es eius, miserendo & à morte liberando? aut filius hominis Christus filius Virginis quoniam visitas eum mittendo verbum tuum in carne ad redimendum hominem?

1. Hebr. 2. a Minuisti eum filium tuum paulominus ab Angelis, quia passibilem & mortalem fecisti, tamen propter meritum passionis suæ, gloria resurrectionis, & honore ascensionis super omnes angelos coronasti eum, quia sedet ad dexteram patris, & constituisti eum, caput & regem super omnia opera manuum tuarum, cui data sit omnis potestas in cœlo & in terra.

2. Cor. 15. d Omnia tam superiora quàm inferiora subieccisti sub pedibus, dominio & potestate eius, cui flectitur omne genu, cœlestium, terrestrium, & infernorum: oues, simplices homines, & boves vniuersas, videlicet rectores & pastores, qui excolunt suis laboribus simplices, insuper & etiã pecora campi, carnales more pecudum

in lux

in luxu viuentes.

Volucres cœli, *superbos qui ponunt in cœlum os suum, & pisces maris, curiosos & aua-*
ros, qui perambulant pertinaci studio semi-
tas maris, & fluenta huius seculi, citò perituri.

Domine Dominus noster & omnium,
quam ineffabiliter admirabile & magnum
est nomen tuum, honor & fama, in vniuer-
sa terra, & ubique per omnia.

O R A T I O.

Domine, cuius nomen admirabile &
gloriosum est in vniuersa terra, qui infan-
tes erudis, superbos destruis, peccatoribus
misereris, cui item flectitur omne genu,
coelestium, terrestrium, & infernorum, sup-
plices exoramus, vt pro nominis tui gloria
te veneremur vt creatorem, diligamus vt
redemptorem, qui paulominus ab angelis
diminutus es, propter nos homo factus, at-
que timeamus vt dominum, qui es bene-
dictus in secula. Amen.

P S A L M V S IX.

In finē Christum pro occultis iudicijs filij
Dei, Psalmus iste factus est à Dauid Propheta.

ARGVMENTVM. Dauid gratias agit pro insigni qua-
piam victoria præcipuè hostis, quem Goliath
nonnulli arbitrantur, occasum iustitiam Dei, qui
suos in tempore vindicat, pluribus atrollit: denique
precatione, vt improbos Deus compescat, psalmum
claudit.

Confitebor tibi Domine confessione laudis in toto corde & affectu meo, atque narrabo omnia opera, & precabor mirabilia beneficia tua.

Lætabor & exultabo corpore in te Deo meo in quo est vera lætitia, psallam cum gratiarum actione nomini tuo diuino altissime, omnia illi accepta ferendo.

In conuertendo à sua potestate inimicum meum diabolum rectorum per tuam passionem, infirmabuntur demones, & membra eius in malitia nocendi, & peribunt in die iudicii à facie tua, ne videant gloriam, sed mittantur in ignem eternum.

Quoniam fecisti, & consummaſti iudicium meum, pro me iudicatus iniuste coram Pilato, & causam meam perfecisti pro peccatis meis mortuis, sedisti super thronum cum maiestate magna, qui iudicas secundum merita singulorum, iustitiam singulis tribuens.

Increpasti per predicationem Apostolorum Gentes de idolatria, cui erant deditæ, & perit diabolus impius, qui habitat in idolis: nomen eorum idolorum deleſti in æternum de terra, & in seculum seculi, quia ultra non memorabuntur.

Inimici ipsius diaboli defecerunt, & diminutæ sunt fræces seu gladij, quibus animas occidunt in finem per Christum: & ciuitates
idol

idololatrias eorum demonum destruxisti, excluso inde diabolo principe.

Periit & delcta est memoria eorum idolorum cum sonitu, strepitu & repugnantia, & Dominus Christus & regnum eius in æternum permanet stabile & fixum.

Parauit ipse Christus in iudicio, & potestate sua iudiciaria thronum suum ad iudicandum, & ipse qui iudicatus est in humilitate, tandem iudicabit in maiestate vniuersum orbem terræ & habitatores in æquitate, reddendo digna pro meritis, iudicabit populos omnes in iustitia vera.

Et factus est interim dominus Christus refugium desideratum pauperi populo Christiano, & adiutor singularis in opportunitatibus & necessitatibus, quando homo est in tribulatione.

Et ergo sperent in te fideles, qui nouerunt nomen tuum benedictum & misericors, quoniam non omnino dereliquisti, subtrahendo gratiam, quærentes te Domine, fide & operibus.

Psallite Domino gratias agendo, qui habitat in Ecclesia catholica, quæ Sion est, contemplans Deum per fidem annunciate & prædicate inter gentes ignorantes Deum studia atque mandata eius, in quibus studendum est.

Quoniam ipse Dominus est, requirens per

vindictam sanguinem eorū martyrum, qui occiduntur à tyrannis, & recordatus est atque misertus, & non est oblitus in eternum clamorem pauperum spiritus atque iniuste oppressorum.

Miserere mei, attende, & adiuua Domine Deus, vide oculo compassionis humilitatem & depressionem meam, quam sustineo de inimicis meis patienter.

Qui exaltas, elongas, & liberas me innocentem de portis mortis, atque concupiscentiis prauis, quibus itur ad mortem animæ, vt annunciem predicando omnes laudationes tuas, & opera tua laudabilia, in portis Ecclesie, filia Sion, quia itur in coelestem Ierusalem.

Exultabo in Christo salutari tuo, per quē saluasti mundum: infixæ & demersæ sunt Gentes clauis peccatorum, atque tyranni, in interitu mortis aeternæ, quem sibi fecerunt occidendo corpora sanctorum.

In laqueo & fraudulento isto consilio, quem absconderunt sub quodam pretextu iustitiae, comprehensus & illaqueatus est pes, & malus affectus eorum.

Cognoscetur in die iudicii Dominus Christus iudicia iusta faciens, reddensque unicuique iuxta opera sua, & tunc in operibus manuum & affectionum suarum comprehensus est & coniectus peccator, qui
const

constringetur in eū.

*Conuertatur in finali iudicio peccatores,
& deiciantur in infernum, cuiusmodi sunt
omnes gentes, quæ sine pœnitentia obliui-
scuntur Deum, non credentes in eum.*

*Quoniam non in finem neque perpetuò
obliuius apud Deum erit pauperis spiritus:
etiam patientia pauperum & humilium, qua
modo malos tolerant, non peribit sine remunera-
tione in finem & in perpetuum.*

*Exurge Domine ad iudicandum, non
confortetur neque praualeat homo peccati
Antichristus: iudicentur & condemnentur se-
cum Gentes ignorantes Deum in conspectu
tuo, quia te non latebit eorum iniquitas.*

*Constitu Domine propter peccata eorum
legislatorem Antichristum super eos in ruinam
eorum: ut sciant & experiantur Gentes,
cum seductæ fuerint ab eo, quoniam homines
sunt stulti ponentes spem in homine, & non in
Deo, qui solus saluare potest.*

ARGV M. Precatio est in impios, maliciosos
& importunos homines, quorum secundæ res,
& iniustitia aduersus Deum, atque homines sæpe
commouent animos piorum, ut ea querantur,
quæ David persequitur his versibus, exagitans
magno impetu orationis sceleratorum hominum
intemperantiam, & in omni vitiorum genere ef-
frenatam immanitatem.

secundum
Hebræos
hic incipit
10 Psal.

VT quid Domine tempore Antichristi recessisti longè ab electis tuis, despicias & sinis tribulari in opportunitatibus ad utilitatem eorum in tribulatione temporalis?

Dum superbit in potestate impius Antichristus, tunc incenditur & cruciabitur pauper populus Christianus omni genere tormentorum: comprehenduntur tamen Antichristus & satellites eius in consiliis eorum vanis, quibus cogitant irretire sanctos.

Quoniam laudatur à suis adulatoribus homo peccator Antichristus, in desideriis & concupiscentijs animæ suæ, adeò ut dicatur esse Deus, & iniquus homo benedicatur, usurpans sibi diuinitatis nomen.

Exacerbavit & irritavit Dominum Deum homo peccator Antichristus, secundum multitudinem & abundantiam iræ suæ diuina contra se provocata non quæret penitentiam, sed morietur in sua obstinatione induratus.

Non est Deus alicuius reputationis in conspectu eius, quia extollet seipsum super omne, quod est Deus, inquinatæ sunt & sordent viæ & cogitationes illius, & consilia & opera in omni tempore vitæ suæ.

Auferuntur à memoria sua iudicia tua superuentura, & ideo non metuet à facie eius præ nimia elatione & obstinatione: omnium inimicorum suorum in seductione signorum
domi

dominabitur, reges terræ doli sibi subſciens.

Dixit enim ex nimia elatione in corde suo, ego securus sum in statu meo, Non moue bor ab hac dominatione mea, imò regnabo à generatione hac in generationem futuram sine ullo malo iniquitudoinis & aduerſitatis.

Cuius maledictione in Christum & contumelijs in sanctos os plenum est, cum se Dei filium mentietur, & amaritudine comminatoria & dolo: & sub lingua eius erit labor sanctorum & dolor, quia proclamabit ad supplicium qui illum contempserunt adorare.

Sedet in infidiis more latronum, cum diuitibus, quos muneribus illaqueabit: atq; in occultis consilijs varia excogitabit, vt interficiat populum innocentem inobedientem sibi. Infrà 13. b
Rom. 3. b

Oculi eius Antichristi in pauperem populum Christianum respiciunt crudeliter: insidiatur in abscondito, & fraudulenter quasi leo fortis in spelunca sua quarens quem deuoret.

Insidiatur, vt violenter rapiat populum Christi pauperem ac humilem, rapere inquam, pauperem seuendo, dum attrahit eum ad rete suum blandiendo.

In dolo ceu laqueo suo, quia miracula faciet humiliabit & subiugabit eum populum Christi, tandem inclinabit se Deo volente, & cadet subito cum dominatus fuerit, pertem

pus & dimidium temporis pauperum, Christianorum abiectorum & spoliatorum.

Dixit enim, & cogitavit in corde suo maligno, Oblitus est Deus sanctorum suorum, auertit faciem suam contemnendo ne videat, quæ in hoc mundo aguntur, & ergo regnabo usque in finem & perpetuo.

Exurge Domine Deus, qui videris quasi dormire, & exaltetur atq; monstretur manus & potestas tua, ad eum interficiendum, ne obliuiscaris tuorum pauperum fidelium, dimittendo eos diutius in persecutione Antichristi.

Propter quid irritauit suis blasphemis impius Antichristus Deum verum? dixit enim in corde suo superbo, Deus tanquam nesciens, aut impotens non requireret facta mea ad puniendum.

Vides cui omnia nuda sunt, quoniam tu Deus laborem & dolorem, quos infligit sanctis tuis Antichristus, consideras diligenter ad puniendum, ut & quomodo tradas eos, scilicet Antichristum & suos ministros, in manus tuas & in potestatem iustitiæ tuæ.

Tibi ad defendendum derelictus est populus pauper Christianus: & eidem populo orphano tempore Antichristi tu Deus eris adiutor in tribulationibus.

Contexe & redige ad nihilum, brachium & potestatem peccatoris, filij perditionis, & malig

maligni *Antichristi*: quæretur à te & diligenter excutietur peccatum illius, an sit amplius utile ad purgationem electorū, & non inuenietur ultra utile, quia sufficienter erunt purgati.

Dominus *Christus* tunc regnabit in æternum destructo *Antichristo*, & in seculū seculi sine fine peribit is morte æterna gētes complices *Antichristi*, de terra promissionis & de regno illius *Christi*, quo soli beati perfruentur.

Desiderium iustorum pauperū *Christianorum* exaudiuit Dominus. faciēdo finem de persecutione *Antichristi*: præparationem & affectum cordis eorum, quo desiderabant liberari à malis presentibus, audiuit & intellexit auris & clementia tua diuina.

Iudicare Domine pupillo. pro illo sententiā ferendo, & humili populo catholico: vt nō apponat neque præsumat ultra magnificare & erigere se homo quicumque contra Deum super terram, sicut fecit *Antichristus*.

O R A T I O.

Ipse, qui Dominus est vniuersorum, ab *Antichristi* insidiis ac fraudibus nos custodire dignetur illæsos, vt sic exaltati de portis inferi in illum sperantes, ab illo pupilli effecti, solū ipsum *Christum* vt patrē confiteamur, ipsum sequamur fide, ipsum timeamus corde, ipsum glorificemus opere. Cui cum æterno patrē & Spiritu sancto est

honor & gloria in secula seculorū. Amen.

PSALMVS X.

Sec. Heb. II

In finem & Christum qui est α & ω, Psalmus ipsius Dauid contra hereticos.

ARGV M. Expostulat Dauid cum iis, qui sibi exuli nullum tutū latitandi locū in omni Israelis ditione concedebant: simul prædicans cum suam in Deum fiduciam, tum Dei in bonos & malos iudicium.

IN domino Iesu Christo confido, qui est unica spes salutis meæ: & quomodo vos heretici dicitis & suaderis animæ meæ insidiantes, Triāsmigra hinc à simplici tua fide in montem ambitionis & superbiæ, valde altum, inflatum scientia peruersa, & esto sicut passer instabilis & vagus?

Quoniam insidiosè ecce peccatores heretici intenderūt arcum dolosæ persuasionis, & detorserunt sacram scripturam ad voluntatem eorum, parauerunt verba venenosa & sagittas suas, videlicet argumētationes sophisticas, in pharetra & sententia eorū obstinata, ut sagittent & vulnerent, in obscuro scripturarum intellectu rectos & simplices corde.

Quoniam de nequissima eorum voluntate, diuina eloquia, quæ perfecisti & perfecta edidisti, destruxerunt perperam interpretando. Iustus autem Christus quid fecit, ut sic dilaceretur tunica inconsutilis?

Dominus tamē Christus semper est in templo

plo sancto suo, & viro bono, ubi inhabitat per gratiam: Dominus Deus, in cœlo empyreo sedes maiestatis eius.

Oculi eius per misericordiam in pauperem & simplicem populum Christianum respiciunt aspectu diuinitatis palpebræ eius non dormitantes interrogant, & scrutantur actus & cogitationes inter filios hominum.

Dominus Deus interrogat, probat, & examinat per tribulationes & hæreses iustum & impiũ, bonum & malum in conscientijs eorum: qui autem diligit desiderio perseveranti iniquitatem, nolens se emendare, odit certè animam suam, preparando illi æterna supplicia.

Pluet dominus super peccatores obstinatos, laqueos, ut constringatur funibus peccatorum suorum ignis inextinguibilis, sulphur & fœtor intolerabilis, spiritus procellarum, atque impetus plurimorum tormentorum erit pars quadam calicis & pœna eorum. unicuique enim reddetur pro parte sua iuxta opera sua.

Quoniã semper iustus est Dominus Deus, & iustitias dilexit vnũquenq; secundũ opus propriũ dijudicans: æquitatẽ verã vidit sēper aspiciẽdo opera hominũ vultus eius diuinus, iustis premia, & peccatoribus pœnas tribuẽs cõdignas.

ORATIO.

Spes salutis nostræ Deus, in quem cõfidimus, respice in pauperem populũ tuum
Christia

Christianum, vt non secundum peccata nostra nobis supplicia inferas, sed secundum magnam misericordiam tuam, veniam largiaris, atque versutias dolosque hæreticorum & malignorum, quorum futuras pœnas agnoscimus, subterfugere valeamus, æquitatem & iustitiam veram custodientes. Per Christum.

PSALMVS XI.

Sec. He. 12

In finem & in Christum tendenti est Psalmus iste Dauid Propheta, pro octaua aetate mundi, qua erit dies iudicij.

ARGVM. Plerumque accidit, vt à rebus humanis veritas prorsus exulet, potissimum vbi in pretio habetur impietas. Tū verbo Dei nobis maxime est opus, quod ab omni fæce humanarum sordium, ceu argentum repurgatum, ac purum relucens, viâ salutis facile errantibus cōmonstrabit.

Salum me fac Domine à seculi huius periculo, quoniam in hoc mundo defecit sanctus homo, cū pauci sint boni, quoniam valde diminutæ sunt istæ tres veritates, scilicet doctrina, vita, & iustitia à filiis hominum, qui vani sunt.

Vana, falsa, & inutilia locuti sunt, ad decipiendum, vnusquisque ad proximū suum, cui tamen tenetur benefacere, labia dolosa habent, & bilingues sunt, in corde & corde, vis delicti duplici corde locuti sunt deceptores.

Disperdat Dominus, vt passim pereant
vniu

vniversa & singula labia dolosa ac fraudulenta: disperdat etiam linguam magniloquam superbiorum, alta de se loquentem.

Qui dixerunt arroganter, Linguam nostram loquacitate vana magnificabimus, atque iactanter extollemus: labia facunda & ingenia nostra, non aliunde, sed à nobis ipsis habemus & sunt: ergo quis noster Dominus est? quasi dicant, nullus.

Propter tollendam miseriam hominum inopum, qui egent mea ope, & propter gemitum ac fletum pauperum in limbo inferni existentium, nunc in tempore gratiæ exurgam, ad hos liberandos, dicit Dominus Deus pater, & apparebo in filio meo incarnato.

Ponam consolationem pauperum in Iesu filio salutari meo: & potenter, fiducialiter, atque efficaciter agam omnia in eo, per eum liberando genus humanum.

Eloquia ipsa Euangelica Domini Christi sunt eloquia, pura, casta, & sincera, nulla labe corrupta, neque adulterata, sed verissima, sicut argentum purum ipso igne multipliciter examinatum, & probatum, à scrobibus terræ purgatum, quia septuplum ab omni impuritate perfectum.

Tu Domine, cuius eloquia sunt casta, servabis nos hic in presenti per gratiam: & custodies nos in bono à generatione hac per
versa

uersa & praua huius seculi, in æternum gaudium futurum.

In circuitu vitiorum ac temporalium rerum vbi nullus est finis, impij ac mali ambulant, & tanquam rota voluuntur; sed secundum altitudinē tuam & consiliū tui, quod est incomprehensibile, multiplicasti electos filios hominū, ad participandū beatitudinem tuam.

ORATIO.

Concede nobis Domine secundum eloquia tua casta, & Euangelica, fiducialiter agere in hoc mundo naufrago, vbi diminutæ sunt veritates doctrinæ, vitæ, & iustitiæ à filiis hominum. Ne disperdas nos, sed seruare & custodire digneris, cum tota consolatio nostra sit in Iesu CHRISTO saluatore nostro. Qui tecum viuit, &c.

PSALMVS. XII.

Sec. Heb. 13

In finem Christum vt liberet ab aduersitatibus, Psalmus ipsius Propheta.

ARGVM. Ex angustia maxima, & quasi ex inferno & potestate diaboli ad desperationem adigentis cupit vehementi affectu liberari, ne inuoluatur cæcitate impiorum, & in æternum pereat.

VSquequo & quandiu Domine Deus obliuisceris me, subtrahendo gratiam? erit hoc vsque in finē & perpetuū? Vsquequo etiam auertis procul faciem tuam diuinam à me peccatore?

Quan

Quandiu ego ponam, & voluam confilia diuersa in anima mea *anxius*, quomodo liberabor de aduersitate & miseria? & quandiu ponam dolorem pro incolatu praesentis miserie in corde meo? certe per diem & singulos dies continuo.

Usquequo etiam exaltabitur, & gloriabitur inimicus, & calumniator meus diabolus super me peccatore, captiuum tenendo in peccatis? respice oculis misericordiae miseriam meam, & exaudi me de tribulatione tanta liberando Domine saluator, Deus creator meus per gratiam.

Illumina Domine oculos interiores meos qui sunt intellectus & affectus, ne vnquam deceterò obdormiam obstinatus in morte peccati seu mortalis culpa: nequando in futuro iudicio dicat gloriando & insultando inimicus meus diabolus, Praualui tentando aduersus eum, & deuici.

Qui tribulant & vexant me tentationibus, scilicet diabolus & membra eius, exultabunt & letabuntur, si motus fuero à statu gratiae in statum culpa: ego autem non mouebo, quia in misericordia tua. quae est magnanimis, speraui, semper confidens ab ijs tribulationibus liberari.

Exultabit cor meum letitia interiori, in salutaris tuo Iesu Christo, qui venit saluare

mundum : cantabo cordis letitia Domino ad laudem eius , qui bona tum spiritualia , tum temporalia necessaria tribuit mihi gratis ultra id quod merui , & psallam cum deuota gratiarum actione nomini glorioso Domini Dei altissimi in excelsis.

O R A T I O.

Ne obliuiscaris nos domine in finem, neque auertas faciem gratiæ tuæ in tribulationibus nostris. Sed illumina quæsumus interiores oculos mentis nostræ, ut non obdormiamus in morte peccati, ne præualeat calūniator noster diabolus. Sed exultetur cor nostrum in salutari tuo domino nostro Iesu Christo, cuius nomen altissimum sit benedictum in secula.

P S A L M V S. XIII.

Sæc. heb. 14

In finem qui Christus est in lege promissus, quem in carne contempserunt Iudæi, Psalmus iste dirigit nos, & est ipsius Dauid Prophetæ.

ARGV M. Omnia plena esse impiis & palam perditis hominibus queritur: Ingenium eorum, quo nihil magis corruptum, putidum, & violentum, describitur utiotionem his, & salutem innoxiiis, quos hi præterunt, imò vorant, precatur, & simul prædicit.

Dixit insipiens *populus Iudeorum* in corde suo *peruerso & incredulo*, Hic homo Christus non est Deus verus.

Corru

Corrupti sunt cecitate infidelitatis & abominabiles ac reprobi facti sunt apud Deum, in studiis & machinationibus suis dolosis, quibus studebant, quomodo Christum occiderent: non est qui faciat bonum, quia omnes peccauimus & egemus gloria Dei, non est usque ad vnum, quia omnes in primo parente transgressi sumus.

Infrà 15

Rom. 3. b

Dominus Deus pater, de cœlo diuinitatis prospexit, intendens super Iudeos filios hominum rationalium, vt videat & videri faciat si quispiam eorum est intelligens diuinitatem filij sui Christi, latentem in assumpta humanitate, aut si est aliquis requirens Deum, vt fide posset cognoscere.

Omnes Iudæi declinauerunt simul à veritate, & inuiles facti sunt ad cognoscendum Christum, & inter tales perfidos non est, qui faciat bonum absente fide non est usque ad vnum.

Sepulchrum fetidum & patens exhalansque sermones pestiferos, est guttur eorum Iudeorum: linguis suis adulando dolose agebant praua consilia aduersus Christum, venenum mortiferum ipsorum aspidum & serpentum est sub labiis eorum.

Sap. 5. c
Rom. 3. b

Quorum os blasphemia & maledictione in Deum, & amaritudine in proximum plenum est, prompti, expediti ac veloces sunt pedes, & affectus eorum Iudeorum ad effun-

Rom. 3. c
Esa. 59. b
Rom. 3. c

dendum sanguinem Christi & suorum.

Contritio, dolor, punitio, & infelicitas atque miseria est in viis atque operibus eorum Iudeorum, & viam pacis qui Christus est non cognouerunt, neque intelligere voluerunt occacati malitia: quæ omnia ideo contigerunt, quia non est timor sanctus Dei veri, ante oculos & in præsentia eorum.

Nonne cognoscent ultionem venturam omnes qui operantur perseveranter iniquitatem, nunc sine timore, qui deuorant, seducunt, & occidunt plebem meam electam Christianam sicut quotidianam escam panis? panis enim quotidianus cibus est.

Dominum Christum venientem in carnem non inuocauerunt, in illum credendo, & ideo illic trepidauerunt, vano timore, sicut Pilatus timore Cesaris, & Iudei timore Romanorum, ubi tamen non erat habendus timor.

Quoniam Dominus, qui iustitias diligit, in generatione iusta est, & non in eis qui diligunt seculum, sed vos Iudei consilium Christi inopis contempsistis, & confudistis humilem aduentum eius, quoniam Dominus Deus pater, spes sola eius est.

Quis alius dabit ex Sion de Iudeis procedens, salutare, ut sit saluator Israel populo fidei, ut veniat Euangelium salutis? certè tunc cum auerterit Dominus Iesus Christus capitiui

ptiuitatem plebis suæ à iugo legis Mosayca,
tunc exultabit Iacob de completa promissione
Dei, & lætabitur, atque gratias aget Israel cœ
tus fidelium.

ORATIO.

Respice Domine de cœlo sancto tuo, vt
viam pacis agnoscentes ambulemus in ti-
more sancto tuo, vt hic Iacob effecti, sup-
plantatis vitiis, tandem veri Israelitæ in
cœlesti Ierusalem inueniamur. Per Domi-
num nostrum.

PSALMUS X S. XIII.

Psalmus iste est David Prophetæ instructio. Sec. He. 13.
vius morum & præsumptionis repressio.

ARGV M. Quibus oporteat esse moribus præ-
ditos veros cœlorum ciues, & ecclesiæ Dei muni-
cipes, hoc psalmo describitur.

Domine Deus quis habitabit dignè &
perseueranter in tabernaculo tuo, &
Ecclesia militante, in quo sunt multi mali? aut
quis requiescet post militiam & laborem in
monte, vbi est visio pacis, sancto tuo, & in
Ecclesia triumphantè?

Qui ingreditur peregrinationem huius vi-
te sine macula & labe mortalis culpæ, & ope-
ratur iustitiam, bona videlicet opera, ac iusta
mandata Dei adimplendo.

Qui loquitur & prædicat veritatem Dei
in corde suo perfecto, qui nō egit, ad decipiē-

dum proximum, dolum & fraudem in lingua tua, aliud habens in ore, aliud in corde.

Nec fecit, aut machinatus est proximo suo aliquod malum in facto, & opprobrium de- tractionis non accepit, gratum habens aduer- sus proximos suos, temere calumniatoribus credendo.

Ad nihilum reputatus, & deductus est sine honore in conspectu & reputatione eius ho- mo malignus, qui obloquitur proximo, timen- tes autem purò corde Dominum, ac verè vir- tuosos glorificat, honorat, gloriosos reputat.

Qui iurat fidem seruando proximo suo fir- miter, & non decipit, neque seducit, qui pecu- niam suam gratis proximo concessit, & non dedit illam ad vsuram vt sceneretur, & mu- nera iniusta super innocentem, vt eos depri- meret vel causam retardaret, non accepit.

Qui facit & complet opere hæc, quæ dicta sunt, is non mouebitur à statu gratiæ, nec in æternū à statu gloriæ, imo regnabit in patria.

ORATIO.

Præsta quæsumus, vt sine macula ingre- diamur Ecclesiam tuam, & operemur iusti- tiam indefinenter, atque à dolis proximi, oppressiõibus, & vsuris auertamur, vt sic non excidamus à cœtu filiorum Dei, neque abiiciamur à te vero Deo nostro Iesu Chri- sto. Amen.

Tituli triumphalis inscrip̃tio, & declaratio attributa ipsi Dauid, & Christo resurgenti, cum hic psalmus agat de passione & resurrectione Christi.

ARGV M. Christo seruatori meritò insignis titulus ac præconium non vulgare debetur, vt præ se ferre videtur psalmi huius inscrip̃tio: eo quòd morte superata, viam suis ad vitam æternam aperuit, à qua longè exulabunt impij, in se magis quàm in Deum fiduciam omnem collocantes. Vnde formulam quandam hic præscribit membris, qua per omnia Deo fidentes, se, qui caput est, rectà ad beatitudinem sequantur.

CONserua (inquit Christus homo) me tuum filium Domine Deus pater, quoniã speraui in te solo, dix. Dominopatri, Deus me^s es tu, & homo sum ego, quoniam bonorum meorum, qui fons es omnis boni non eges, sed ego potius tuo beneficio.

Sanctis & Apostolicis viris, qui sunt in terra & ecclesia sancta eius Dei patris, mirificauit, & mirabiles ostendit omnes & singulas voluntates meas, eos illustrando lumine sapientiæ suæ, & prædicationes in eis miraculis confirmando.

Multiplicatæ sunt apud Gentiles infirmitates, & cæcitates idolatriæ eorum: tamen postea dimissis idolis accelerauerunt, cur-

rendo velociter ad fidem Christi per predicationem Apostolorum.

Non congregabo amplius conuenticula eorum Gentium, & delubra idolorum, vt inde fiat sacrificium de sanguinibus animalium. nec memorero amplius nominum eorum, quod sint filij carnis & iræ, sed per labia mea vocabuntur Christiani, & filij Dei.

Dominus pater est pars, portio, & premium hereditatis meæ, videlicet sanctorum, qui sunt hereditas mea, & etiam Dominus est pars, premium, & merces calicis mei & passionis meæ, tu pater es qui per meritum crucis meæ restitues olim perditam hereditatem meam iam mihi debitam, fideles, inquam, qui per peccatum perierant.

Funes, quibus diuiduntur hereditatum possessiones, ceciderunt mihi quasi sorte in præclaris & electis hominibus: etenim huiusmodi hereditas mea, quæ est ecclesia fidelium præclara & prædilecta est mihi, per abundantiam gratiæ & sanctitatis.

Benedicam Dominum patrem, gratias agendo, qui tribuit mihi & membris meis mihi coniunctis intellectum suæ diuinitatis, insuper & vsque ad noctem & mortem crucis increpauerunt me vexando iniurijs & blasphemijs renes mei qui sunt Iudei, ex quibus secundum carnem natus sum.

Prouid

Prouidebam, & aspiciebam Dominum Act. 2. d.
 existentem in conspectu meo semper, vt om-
 nia iuxta voluntatem suam agerem: quoniam
 Dominus à dextris est mihi fauens ac propi-
 tius, ne commouear inuijs Iudæorum.

Propter hoc adiutorium diuinũ, lætatum
 est cor meum gaudio interiori, & exultauit
 in verbis lingua mea gaudio exteriori: insu-
 per etiã & caro mea non deficiet post mortem,
 sed requiescet in sepulchro sine putrefactione,
 per triduum in spe resurrectionis futurae.

Quoniam tu Deus meus non derelinques Act. 2. cap.
13. c.
 morte communi animam meam humanam in
 inferno, vbi descendet ad liberandum sanctos:
 nec dabis aut patieris corpus meum quod est
 sanctum tuum à te sanctificatum, videre cor-
 ruptionem, & putrefactionem.

Notas mihi & meis fecisti Domine pater
 vias vitæ, vt in mādatis tuis ambulemus: ad im-
 plebis me & meos læticia spiritali cū vul-
 tu tuo de fruitione diuinitatis: & delectatio-
 nes erunt mihi in dextera tua, posita facie ad
 faciem, & hoc vsque in finem, æternaliter.

ORATIO.

Conserua nos Domine sperātes in te, vt
 simus portio hereditatis tue, & notas nobis
 facito vias vitæ, vt læticia resurrectionis à
 dextris tuis cum omnibus sanctis letemur.
 Per Dominum nostrum Iesum Christum.

PSALMVS XVI.

Sec. He. 17.

Oratio ista est Christi ad Patrem pro se, qui est Caput & Ecclesia, quod est membrum signati per David, qui manus fortis & desiderabilis interpretatur.

ARGVM. Vir sanctus acerbissimè vexatus à Saule, & maximis angustiis pressus Deū implorat, vitæ suæ innocentiam commemorans, & inimicorum superbiam, crudelitatem animique impotentiam exagicans: tum summum bonum in contemplatione Dei constituendum esse admonens.

EXaudi Domine Deus iustitiam meam, quæ tibi usque ad mortem obediens fuit: intende & ausculta ad deprecationem meam liberando me à malis.

Auribus clementiæ tuæ percipe veracem orationē meam, quæ est de bonis adipiscendis, factam quidem non in labiis dolosis, sicut illi dicunt, & non faciunt voluntatem patris.

De vultu & aspectu tuo divino, iudicium meum, quo iudicatus sum à Pilato, prodeat in publicum ad notitiam omnium gentium, & oculi tui iudicando inter me & illos videāt æquitatem, retribuendo mihi gloriam resurrectionis, & Iudeis poenam cōdignam suæ iniquitatis.

Probasti cor meum utrum tibi obed:ēs forem usque ad mortem, & visitasti nocte tribulationis, & igne acerbissimæ passionis me examinasti, ceu metallum igne probatur, & tamen non est aliqua inuenta in me iusto
iniquit

iniquitas, quia semper humilis & obediens fui.

Vt nō loquatur neque proferat os meum, nisi quod ad tuam gloriam pertineat, & non opera hominum, quæ vana sunt & presumptuosa: propter verba prophetica labiorum tuorum adimplenda de redemptione generis humani, ego custodiui laboriosas vias, & duras, paupertatis, scilicet, mortalitatis, & passionis.

Perfice Domine gressus & actus meos, quibus in hoc mundo, ceu quibusdam pedibus ambulamus, & hoc in semitis & mādatis tuis adimplendis, ut non moueātur retrorsum vestigia mea, qui, scilicet, me imitantur itinere recto ad patriam cœlestem.

Ego clamaui valida intentione, & quoniā confidentiam habui impetrandi, exaudisti me: Deus meus inclina aurē tuam misericordie mihi humili, & exaudi verba mea, quæ sequuntur.

Mirifica per passionem filij tui misericordia tua, reconciliando tibi humanum genus deperditum, qui saluos facis in æterna beatitudine sperantes in te, & tua gratia.

A resistentibus Iudeis dexteræ & maiestati tuæ, qui sum dextera tua, per quam facta sunt omnia, custodi me secundum humanitatem, ut pupillam oculi, quæ tenerri me custodiat.

Sub vmbra & munimento alarum tuarum misericordiae & charitatis, protege me & meos, à facie & praesentia impiorum Iudeorum, qui me affligerunt vsque ad mortem crucis.

Inimici mei Iudei animam & vitam meam circundederunt gladijs & fustibus, volentes me perdere, adipem suum & viscera misericordiae concluderunt persequendo me, vt os impudens eorum Iudeorum locutum est contra me superbiam dicentium: Ave rex Iudeorum.

Proicientes extra ciuitatē me ad crucifigendum, nunc & tunc circundederunt eorum furore me, in cruce deridentes. & hoc ideo, quia oculos suos inuidos statuerunt non eleuare ad Deum, sed declinare in terram suam & gentem, ne fortē venirent Romani, vt tollerent locum, & gentem, si Christum non occiderent.

Susceperunt me principes Iudeorum à Pilato sicut leo famelicus paratus ad praedam deuorandam, & populus reliquus Iudeorum, sicut catulus leonis, assentiens principibus sacerdotū habitans & permanens in abditis insidijs, fremens more ferarum contra Christum, vt perderent iustum.

Exurge ad vindictam Domine Deus, qui dormire arbitrantur, & praeueni eum populum Iudaicum excacando in malitia sua, & ita

supp

supplanta ac subuerte eum, & locum & gentem perdat: eripe animam meam resuscitando eam à morte, quæ mihi ab impio populo irrogata est, fiameam tuam & animam meam, qua vsus es, ceu framea ad debellandum diabolum, hanc, inquam, erue ab inimicis manus & virtutis tuæ.

Domine Deus à paucis iustis & electis de terra viuentium, diuide & separa eos, per diuersa loca dispergendo in captiuitatem in vita eorum quandiu viuunt & de absconditis tuis, quasi peccata eorū tibi absconderētur, adimpletus est adeò vēter eorū, vt obliuiscantur Deū.

Saturati sunt vitijs & peccatis tanquam filiis, quæ ipsi sibi genuerunt: & dimiserunt in hereditatem reliquias suas maledictionis paruulis & posteris suis, clamantes, Sanguis eius super nos, & super filios nostros.

Ego autem Christus cum victoriæ triumpho in iustitia tua diuina apparebo deuicta morte conspectui tuo, cū ad te assumptus fuero: & ego satiabor salute generis humani, cū apparuerit in sanctis electis meis gloria tua æterna, quia ipsi in me, & ego in illis tecū.

ORATIO.

Domine Iesu Christe, qui saluos facis sperantes in te, cuius crux salus vniuersorū est, custodi nos peccatores vt pupillam oculi,

oculi atq; sub vmbra alarum tuarum, qui
sunt misericordia & caritas, protege nos
vt examinati diuino igne eadem in iustitiis
tua appareamus conspectui tuo, cum ven-
rit gloria tua in electis, quia tu es benedi-
ctus in secula seculorum. Amen.

PSALMVS XVII.

Sec. He. 18.

In finem. Videlicet Christum conueniunt huius
puero Domini Dei, filio David secundum carnem
qui locutus est Christus Domino Deo Pater
verba canticum huius agens de letitia resurrex-
tionis Christi in die qua eripuit & liberauit
eum dominus Pater cum suis fidelibus, de manu
& potestate omnium inimicorum eius, videlicet
Iudeorum quantum ad Christum, & demonum quan-
tum ad membra, & de manu Saul, hoc est mor-
tis eterne. Loquitur ergo hic Christus & Eccle-
sia, id est, totus Christus, caput, & corpus.

ARGVM. Vates canit primum certam ac im-
motam suam in Deum fiduciam: deinde mala qui-
bus fuerat obrutus, postea Dei potentiam & erga
se voluntatem, sub imagine descriptam prægrandis
tempestatis, mox sui liberationem, tum & inno-
centiam, atque Dei iudicia in omnes, post hæc vi-
ctoriam multo amplissimam de hostibus potētis-
simis relata, regni que mirum in modum prolata
pomœria, & potentiam in sempiternum confir-
matam: laudibus postremo, & de Christi vaticinio,
psalmum claudens.

Diligam te toto corde meo Domine Deus
quia tu es fortitudo mea contra insul-
tus inimicorum, Dominus Deus etiam est fir-
mamen

mamentum meum, ut tolerem aduersa constanti animo, & refugium meum in periculis, & liberator meus de morte inferni.

Deus meus qui me creasti, adiutor ac cooperator meus in bono: & ideo sperabo in eū, per quem saluabor, & non in alium. Heb. 2. c.

Protector meus contra insurgentes hostes, & cornu firmum salutis meæ, ad dissipandos inimicos, & susceptor meus per gratiam.

Laudans non meam, sed Dei gloriam, inuocabo Dominum cum deuotione cordis: & sic eius adiutorio ab inimicis meis tam carnalibus, quàm spiritualibus saluus ero, cum omnis, qui inuocauerit nomen Domini saluus erit.

Circundederunt me agminatim dolores mortis, cum mors inuidia diaboli intrauit in orbem terrarum, & torrentes ac fluxus iniquitatis cum impetu venientes in mundū turbauerunt me sua inundatione malorum.

Dolores inferni & inuidiæ quæ ducunt ad infernum circundederunt me innocentem & præoccupauerunt me ad nocendum etiam laquei mortis, qui sunt reatus originalis culpæ.

* In hac tanta tribulatione mea & pressurâ inuocaui adiutorē Dominum, qui est unicū solum remedium inter mala, & ad Deum patrem meum pro liberatione generis humani clāma.

Ab hoc versu usque ad finem, omnia verba possunt

transferri, clamaui indefinenter.

& in præ-
terito, & in
futuro, &
in præsen-
ti.

Et exaudiuit Deus Pater de templo sancto suo, de cælo gloriæ, in quo habitat, vocem meam humilem ac iustam, & clamor meus indefessus pro mundi salute in conspectu eius factus introiuit in aures potentia & clementia eius.

Commota est incarnationis tempore, & contremuit per prædicationem Christi & Apostolorum ipsa terra, & peccatores terrenis dediti, & etiam in corde per poenitentiam: & fundamenta montium ad præsumptiones superbiorum in diuitijs & honoribus mundi conturbata sunt etiam, & commota sunt ab eorum arrogantia, quoniam Dominus iratus est eis propter peccata.

Ascendit lacrymosa deprecatio poenitentium, quæ est fumus gratus Deo in ira eius, cum nouissent quid minatur Deus: & post poenitentiam ignis charitatis & amoris à facie eius & notitia Domini nostri exarsit, & ardere cepit: & ita carbones extincti & mortui succensi sunt, & illuminati reuixerunt ab eo igne charitatis.

Inclinauit & humiliavit cælos, & altitudinem potentia atque sapientia sue, & statim descendit Christus in carne, formam serui accipiens, & caligo, diabolus, qui hominum mentes obnubilat, est sub pedibus & potestate eius

eius Christi saluatoris.

Et post resurrectionem ascendit Christus super Cherubim & omnem angelicam celsitudinem, & volauit longè in altum, volauit, inquam, super pennas ventorum, rapiens se ab intellectu nostro.

Et posuit mysterium suae incarnationis tanquam tenebras, quia diuinitatem suam carnis nube contextit, quod est latibulum suum & secretum maiestatis suae in circuitu eius, est Ecclesia militans, quod est tabernaculum eius, quia in illa habitat: tamen tenebrosa & obscura est aqua, & scriptura inundans Ecclesiam in nubibus aëris & prophetis, obnubilantibus. videmus enim nunc per speculum in enigmate.

Præfulgore à claritate quæ est in conspectu & cognitione eius Christi: nubes, qui Apostoli sunt elucidantes verbum Dei, transierunt per mundum, vt grando, obiurgando & dura corda feriendo, & etiam vt carbones ignis, humana corda igne charitatis, & fidei accendendo.

Et intonuit per ora iustorum de cœlo Dominus, vt audiremus cœlestia, & altissimus per Apostolos dedit atque euangelizauit vocem & voluntatem suam diuinam per verba comminationis, quæ sunt grando in turbini-
bus malorum, & per premia iustorum, quæ sunt carbo

carbones diuini ignis & amoris.

Et misit Apostolos suos, tanquam sagittas suas, volantes & strenuè annunciantes voluntatem Dei, & dissipauit atque dispersit eos, ad quos missi sunt, quia alijs fuerunt odor vitæ in vitâ, alijs odor mortis in mortē: fulgura & miracula coruscantia multiplicauit per Apostolos, & per illa cōturbauit eos ad pœnitentiam.

Et tunc apparuerunt veritates prædicantiū Euangelia, quæ sunt fontes aquarum salientium in vitam æternam, vnde bibimus omnes: & tunc reuelata sunt atque intellecta dicta prophetarum, quæ sunt fundamēta, super quæ stabilitur orbis terrarum.

Ab increpatione tua facta peccatoribus Domine per verba prædicatium conuersi sum in bonum, & ab inspiratione atque doctrina spiritus iræ tuæ comminantis & verendæ.

Misit (Ecclesia loquitur) de summo cœli pater Christum saluatorem, & accepit me in sponsam, & assumpsit me in hereditatem de aquis multis in baptismo.

Eripuit & liberauit me sponsam suam de inimicis & persecutoribus meis fortissimis, & crudelibus, affligentibus populum Christianum, & ab his hereticis qui oderūt me & nomen meum, quoniam cōfortati sunt & potiores effecti super me, quasi vincere possunt.

Præueniūt me insidijs in die & tempore afflictio

afflictionis & persecutionis meae, quādo martyres trucidabant: & tūc factus est Dominus Deus protector meus, ne succumberem.

Et eduxit me de angustia tribulationis in altitudinē consolationis & bonae spei: saluum me fecit dando perseverantiam, quoniam voluit & elegit me gratis.

Et retribuet mihi Dominus gratiam pro gratia secundum iustitiam & bonam voluntatem meam, quam ipse in me operatus est, & secundum puritatem & innocentiam manuum mearum atque meorum operum bonorum retribuet mihi, qui dedit ut facerem.

Quia custodiui perseveranter vias Domini quae sunt dilectio Dei & proximi, nec impiē gessi recedendo per peccatum à Deo meo.

Quoniam omnia divina iudicia eius, quae sunt praemia iustorum & flagella impiorum, sunt in conspectu meo semper, & iustitias atque mandata eius, quae iussit, non repuli à me, imò compleui.

Et ero in aeternum immaculatus cum eo, qui enim adheret Deo unus spiritus est cum eo: & observabo atq; precauebo me ab iniquitate mea, ne recidiuem.

Et retribuet mihi Dominus mercedem secundum iustitiam, quam meam dico, non à me sed per gratiam: & secundum puritatem manuum ac operationum mearum, quae sem-

per sunt in conspectu oculorum & diuinitatis eius presentialiter.

Cum sancto homine conuersando sanctus eris . propter eius vitam & exempla : & cum viro innocente, qui vitam suam non corrumpit vitis , innocens etiam & tu eris, eius vestigia imitando.

Et cum electo atque predestinato ad vitam aternam electus eris , eum imitando , & cum peruerso in vita & moribus peruerteris, malis eius exemplis.

Quoniam tu Domine populum humilem penitentiam agentem saluum facies in die iudicij & oculos arrogantes superborum, qui magni sunt in oculis suis , humiliabis in Tartari profundo.

Quoniam tu illuminas in tenebris huius vite, lucernam, & animam meam intellectualem Dñe: Deus meus illumina per tuam gratiam tenebras meas, & ignorantias cordis mei.

Quoniam in te, per te, & non per me cripiar, & liberabor à tentatione diaboli : & in Deo meo atque virtute eius transgrediar murum , vitiorum congeriem superando.

Deus meus talis est quidem vt impolluta atq; immaculata sit via eius: insuper eloquia Domini sunt purissima, vt argētum splēdida, igne charitatis examinata, & probata: etiam protector est Dominus omnium hominū sperantium

rantium in se & suam misericordiam.

Quoniam quis Deus est alius præter Dominum? aut quis Deus est adorandus præter Deum nostrum Christianorum? quem ritè colimus: cùm omnes dii Gentium, demonia sint.

Deus, qui armauit & præcinxit me, vt fortis sim in virtute sua, ad pugnandum contra diabolum, & posuit, atque custodiuit immaculatā à labe peccati viam, & vitam meam.

Qui perfecit, & direxit pedes, & affectus meos in viam Dèi, agiles tanquam ceruorum, ad transfilienda sine læsione spinosa, & umbrosa huius seculi & super excelsa cœlestia statuens me, & cor meum.

Qui docet, & fortificat manus meas ad prælium in expugnatione diaboli: & posuisti atque firmasti vt arcum æreū inflexibilē brachia mea, dando constantiā ad bene operandū.

Et dedisti mihi fortitudinē in protectionem salutis animæ meæ tuæ: & dextera tua, fauor gratiæ tuæ suscepit me, tanquam medicus egrotum.

Dilatasti, & latè extendisti gressos meos & carnales affectus subtus me, quia ratio illis preualet: & ideo non sunt infirmata in tribulationibus mundi vestigia & opera mea, quæ sunt signa bonarum affectionum.

Persequar inimicos & affectus meos carnales, & comprehēdam illos priusquam pro-

grediētur in actum, & non conuertar ab hac intentione donec deficiant mortificati.

Confringam illos spiritus malignos, & motus carnales, nec poterunt stare & perseuerare aduersus me, sed cadent tua virtute subtus pedes meos, & vincentur.

Et hoc est ex eo, quia præcinxisti & armasti me virtute gratia tua ad bellum contra peccata: & supplantasti tu, non ego, aduersarios insurgentes in me, & contra me, subtus me, vt diabolus, mundus, & desideria carnis non dominantur mihi.

Et inimicos meos, Iudeos, (inquit Christus) dedisti mihi, quasi dorsum, cum ipsi me persequerentur & odientes me perseueranter dispersisti in vniuersum orbem.

Clamauerunt in ea dispersione, nec erat qui saluos faceret eos, cum non sit alius præter te: ad Dominū, inquam, clamauerunt, nec tamen exaudiuit eos obstinatos in malitia.

Et comminuam, & confringam eos ad nihilum, vt puluerem qui ante faciem venti semper mouetur & spargitur, atque vt vilissimum lutum platearum quod ab omnibus conculcatur, delebo eos obstinatos Iudeos.

Eripies me Deus pater de cōtradictionibus populi Iudaici, qui veritati tue & mihi contradicunt, & constitues me ereptum ab illis perfidis in caput, vt sim rector gentium infidel

infidelium, qui Christianissimum amplexabuntur.

Populus per orbem terrarum, quem non cognoui neque visiavi, in lege aut Prophetis, seruiuit mihi, credendo & colendo: & licet me non viderit, tamen in auditu auris, predicato Euangelio obediuit mihi, credendo.

Filij olim electi mei, sed nunc facti alieni, quia filij diaboli, mentiti sunt mihi blasphemantes contra me, & ipsi filij alieni Iudaei inueterati sunt & obstinati in suis erroribus & claudicauerunt vno pede: quia Vetus testamentum & non Nouum receperunt: vnde errauerunt à semitis suis à lege, & Prophetis, sequentes literam & non spiritum.

Viuit Dominus in me sua presentia, & benedictus atq; laudandus sit Deus pater meus per ora fidelium, & exaltetur atque dominetur toti orbi per fidem Deus author salutis meae.

Deus tu es, qui das de inimicis meis vindictas mihi ad vlciscendum, & subdis populos gentium sub me, vt obediât fidei, certè tu es liberator meus de inimicis meis impijs, iracundis, valde furentibus in persecutione mea.

Et ab persecutoribus insurgentibus in me, vt noceant, exaltabis me, quia pertuli & vici iniurias, à viro iniquo qui potens est ad malum, eripies atque liberabis me.

Propterea ob has causas confitebor tibi confessione laudis in nationibus omnibus Do-

2. Regi 23.
d.
Rom. 15. b

mine omnium & nomini tuo tum vocatum opere psalmum dicam glorificando.

Magnificans & ostendens toti orbi salutes mirabiles regis Christi filij eius, patris vis delictet, quas rex Christus in humano genere operatus est, qui est salus credentium, & ipse Deus pater est faciens misericordiam Christo filio suo Domino nostro, qui est David manu fortis, & semini eius, omnibus in eum credentibus, quod per Euangelium genuit usque in seculum & sine fine.

ORATIO.

Protektor noster Deus, & cornu salutis nostræ, fortitudo, firmamentum, & vnicum refugium nostrum, salua nos ab inimicis tam visibilibus quam inuisibilibus, & educ nos de angustia tribulationis in latitudinem consolationis, & bonæ spei. Illumina quoque tenebras cordis, ne inueterati in peccatis claudicemus à semitis tuis, & aberrerem⁹ à vero lumine qui CHRISTVS est benedictus in secula Amen.

PSALMVS XVIII.

Sec. He. 19.

In finem & in Christum, qui est finis summationis Psalmus ipsius David Prophetæ.

ARGVM. Post missum cœlitas Apostolis Spiritum sanctum, & resurrectionē Domini, verbum spiritus & scientia scripturarum omnibus gētibus & linguis prædicata sunt, vbique affulgente & accedente per spiritum Sole iustitiæ Christo. Et tunc lex Domini, hæctenus importabilis, facta est in-

gum

gum Christi suaue & onus leue, nempe donato spiritu Christi à patre in cordibus credentium. Et quia adhuc in eis aliquid superest carnis, atque adeò in carne peccatum, necesse habent post susceptam etiam gratiam semper clamare, Delicta quis intelligat?

COeli, & ipsi apostoli cœlesti doctrina imbuti enarrant, sua prædicatione gloriã, & maiestatem Dei Christi, in qua est equalis patri, & opera atque facta manuum & virtutum eius, quæ secundum hominem gessit, videlicet natiuitatem, passionem, & mortem, annuntiat firmamentum Apostolorum, qui firmati sunt Spiritu sancto, & solidati in fide & charitate.

Dies cœlestis & illuminans doctrina, diei genti Christianæ electæ per gratiam eructat mysteria diuina, atque edocet verbum incarnatum, videlicet Christum: & nox, quæ est prudentia ceca humana, nocti, atque homini ambulanti in tenebris, indicat, non sapientiam spiritualem, quæ est de diuinis, sed scientiam humanam, vanam & animale.

Non sunt neque fuerunt loquelæ & genera dicendi, neque sermones aut idiomata mundi, quorum per Euangelij prædicationem non audiantur, aut intelligerentur voces & annuntiationes eorum Apostolorum de Christo, quia prædicabant linguis omnium gentium.

Rom. 10. d

In omnem terram, à solis ortu vsque ad occasum exiuit à Ierusalem sonus & prædicatione eorum Apostolorum & in fines orbis & ambitum terræ ipsius verba diuina Christum annuntiantia eorum Apostolorum.

Luc 24. 8

In sole & lumine totius mundi, quia factus homo visibilis, posuit Christus tabernaculum & corpus suum assumptum ex Virgine, & ipse tanquam sponsus Ecclesiæ, toties promissus per prophetas, fuit procedens in mundum de thalamo suo, de intacto utero virginali.

Exultauit, qui non inuitus, sed ultro, ut gigas fortissimus ad currendam viam, quam suscepit pro redemptione generis humani, à summo cælo, videlicet à patre per æternam generationem egressio eius in mundum, factus homo.

Et occurfus atque egressio eius, in sua ascensione, fuit vsque ad summum eius, quia sedet ad dexteram patris, nec est homo qui se abscondat à gratia & calore spiritus eius, cum electorum suorum corda accendit & illuminat.

Lex Domini Evangelica immaculata est, munda, ac pura, omne malum excludens, conuertens animas de malo ad bonum testimonium Domini in Euangelio promissum fidele est, verax, & ineffabile, sapientiam diuinam præstans paruulis, simplicibus & humi

humilibus.

Iustitiæ Christi Domini Dei nostri rectæ sunt: quia, sicut docuit sic & fecit, latificantes spe præmij etiam corda credentium: præceptum Domini, Nouum videlicet testamentum lucidum est, cum in eo veritas reuelata sit, illuminans interiores & mentales oculos hominis.

Timor Domini filialis ex amore procedens sanctus est, permanens in æterna beatitudine, & nunquam in seculum seculi excidens, iudicia, & mandata Domini tum in Veteri, tum in Novo testamento scripta, vera sunt, neminem fallentia, & iustificata, non aliena auctoritate, sed in semetipsa immutabili veritate perseverantia.

Desiderabilia sunt mandata Noui & Veteris Testamenti, super aurum atque omnes diuitias mundi, & super lapidem pretiosum, pascentem oculos multum vana oblectatione: & etiam dulciora sunt deuotis mentibus, super mel & omnem dulcedinem mundi, etiam & super fauum, quia ad gloriam perducunt æternam.

Etenim verè dulcia sunt: quia, seruus tuus, verus Christianus, deuotè ac perseveranter custodit ea, operibus adimplendo, quia scit quod in custodiendis perseveranter illis mandatis, sequetur retributio inestimabilis.

Et multa nimis, quia vita aeterna.

Delicta omnia, quae plurima sunt quis hominum intelligit, Et cognoscit? nullus certe, nisi tu, qui omnia nosti: quocirca ab occultis peccatis meis oblitis Et ignoratis munda me, illa remittendo, & ab alienis peccatis, quae suadentibus malignis spiritibus, aut hominibus commisi parce seruo tuo, cui proprium est misereri, Et parcere, Et saluare.

Si mei inimici, qui sunt tum interna tum externa tentatio, non fuerint dominati Et praevalentes super me, tunc immaculatus Et purus ero à labe criminali, & tunc emundabor perfectè à delicto maximo, quae est infidelitas, apostatare à Deo.

Et tunc erunt post perfectam mundationem, ut complacent tibi Et accepta habeas eloquia, orationes Et laudes oris mei gratias agentis: & meditatio interna cordis mei iam mundi, grata Et accepta erit in conspectu tuo diuino semper, qui conscientiam puram desideras.

Domine esto adiutor Et cooperatore meus in bonis agendis, & redemptor meus ab iniquitate mea.

ORATIO.

Deus qui virginali thalamo egressus, rursus ad patris dexteram conscendisti, immen-

immensam tuam misericordiam exposci-
mus, vt lege tua Euangelica conuersi,
mandatis illuminati, testimoniis eruditi
in timore tuo sancto permanentes, à pec-
catis tam occultis quàm alienis nos emun-
dare digneris IESVS CHRISTVS, Do-
minus noster. Amen.

PSALMVS XIX.

In finem, Christum Psalmus ipsius David Sec. He. 10.
Propheta, vbi describitur diuinitas Christi sa-
cerdotalis & regalis.

ARGVMENTVM.

~~Interpretatio~~ Possumus &
hoc Psalmo vt quum oramus pro pio principe,
vt confirmetur prosperèque agat: vt sub eo quie-
tam tranquillamque vitam (sicut Paulus scribit)
per Deum & secundum Deum agamus, de quo cer-
ti sumus quòd Deus eum iuuabit, vt liceat nobis
dicere, Nunc cognoui: id est per fidem credo, quòd
Dominus auxilio est suo Christo, id est, regi quem
ipse constituit.

EXaudiat te, ô Christe Dominus pater in
die passionis & tribulationis tue in qua
teu sacerdos, offere ei hostiam pro nobis, pro-
tegit te immortalitate nomen Dei ipsius Ia-
cob, qui prefiguratur populum Christianum mis-
serem.

Mittat tibi & tuis pater auxilium suum
de sancto Spiritu: & de Sion, atque diuinitas
te sua, per quam speculatur omnia, tueatur te
& Eccle

¶ Ecclesiam suam.

Memor sit Ecclesia omnis sacrificij tui,
& totius passionis tue, quā pro nobis pertulisti
& holocaustum tuum, quod obtulisti Deo
pater pro peccatis nostris, pingue fiat, placitum
& acceptum Deo in reconciliationem.

Tribuat tibi Deus pater secundum col-
& desiderium tuum, per efficaciam passionis
tue & omne consilium tuum impleat atque
confirmet, ut quia cecitas ex Israel facta est
plenitudo gentium intret.

Latabimur nos in salutari tuo, atque in
salute a te nobis collata: & in nomine Dei
nostri, Iesu Christi magnificabimur, cum
tuo nomine dicti sumus Christiani.

Impleat Dominus pater omnes petiti-
ones tuas, quibus in caelo interpellas pro nobis
nunc per prophetiam cognoui, & mihi de-
monstratum est, quoniam saluum fecit, &
resuscitavit a mortuis Dominus pater Iesum
Christum filium suum.

Exaudiet illum Christum Deus pater de
caelo sancto suo, ubi interpellat pro nobis: &
in potentatibus nostris est salus dextera
eius Christi, cum nos potentes sumus ex auxi-
lio gratia eius.

Hi in curribus & volubili temporalium
successione trahuntur, & hi in equis efferrun-
tur terrena dignitate, nos autem in superna
speciem

*spem figētes in nomine Domini Iesu Christi
Dei nostri inuocabimus diuinā clementiam.*

*Ipsi reprobi, obligati & illaqueati sunt fusi-
bus peccatorum & temporalium cupiditate,
& de spe cœlesti ceciderunt in mortem ætera-
nam: nos autem per Dei gratiam surreximus
de peccatis & morte, & erecti sumus in spem
venie ad diuina & cœlestia contemplanda.*

*Domine Deus pater, saluum fac regem
Christum, ipsum resuscitando à mortuis: & ex-
audi nos per eum in die necessitatis nostræ,
qua inuocauerimus te, quia quicumque inuo-
cauerit nomen Domini saluus erit.*

ORATIO.

*Exaudi nos Domine de cœlo sancto
tuo, & imple omnes petitiones nostras, tu
qui es salus dexteræ nostræ, vt erecti in
spem veniæ surgamus de peccatis, quibus
obligati & illaqueati fuimus, in nomine
Domini IESU CHRISTI Dei nostri, de
cuius passione affligamur, eius resurre-
ctione lætemur. qui cum æterno patre &
Spiritu sancto viuit & regnat Deus per
omnia secula seculorum. Amen.*

PSALMVS XX.

*In finem & Christum qui est finis & com- Sec. He. 24
pletio legis, Psalmus iste est David Propheta.*

*ARGVM. Gloria triumphantis regis nostri
Christi describitur, & vindicta in eos, qui eum
odientes persecuti sunt.*

Domini

Domine Deus pater, in virtute tua & omnipotentia maiestatis tua lætabitur Christus rex regum: & super salutare tuum, quod per te saluator est generis humani, exultabit vehementer, quod diuinitas humanitati coniuncta est.

Desiderium cordis eius de mundi redemptione tribuisti ei, concedendo hoc, ut sicut vellet adimpleret: & voluntate desiderata labiorum atque petitionum eius non fraudasti eum. omnia enim adimpleta sunt, & Euangelium à gentibus receptum.

Quoniam præuenisti eum, ut non esset sub maledictione Adæ, in benedictionibus & charismatibus dulcedinis, quia totum fuit ex gratia & posuisti super omnes creaturas in capite eius coronam, in signum regie dignitatis de lapide pretioso, quæ est Ecclesia electorum.

Vitam gloria in sua resurrectione petiit à te, dicens, Pater clarifica filium tuum: & tribuisti ei gloriam in resurrectione, etiam longitudinem dierum dedisti, ut mors illi amplius non dominaretur, usque in seculum perenniter, & in seculum seculi sine fine.

Magna est gloria & claritas nominis eius Christi hominis, in salutari tuo atque in salute, qua eum resuscitasti: gloriam diuinam, & magnum decorem atque inestimabilem impon

impones super eum, collocando ad dexteram
tuam.

Quoniam dabis eum Christum credenti-
bus in benedictionem, vt in ipso benedicantur
omnes gentes, in seculum seculi nunc &
semper: lætificabis eum secundum hominem
in gaudio, cū adunata fuerit multitudo ele-
ctorum cum vultu tuo, diuino, quando eris
omnia in omnibus.

Quoniam rex homo Christus sperat non
in se, sed in te Domino Deo patre & in mise-
ricordia Altissimi, cooperante gratia Patris,
non commouebitur, sed stabit obediens vsq;
ad mortem crucis.

Inueniatur ergo ô Christe manus, & po-
testas tua, cū ad iudicium veneris puniendo
peccata, omnibus inimicis tuis, qui tibi cre-
dere noluerunt: & dextera tua, potentia &
maiestas grauius puniēs inueniat omnes pra-
uificatores, qui te oderunt pertinaciter, man-
data tua non adimplendo.

Pones eos reprobos, vt ardeant vt cliba-
num ignis, qui preparatus est diabolo & an-
gelis eius, in tempore vultus & iudicij tui
extremi: Dominus Christus in ira & vindi-
cta sua conturbabit proferens contra eos sen-
tentiam damnationis, & deuorabit eos eter-
naliter affligendo ignis gehennæ.

Fructum eorū, quem habuissent de terra
viven

viuentium, si credidissent Christo, perdes. quia contumaci spiritu restiterunt, & semen eorum, quod seminauerunt per opera prauè viuendo, segregabis à filiis hominum & electis tuis qui aeterna fruuntur beatitudine.

Quoniam declinauerunt & detorserunt in te Christo mala, dicentes, Daemonium habes & cogitauerunt consilia maligna, ut nomen tuum deleant de terra, quæ tamen non potuerunt itabilire. quia non est consilium contra Dominum.

Quoniam auertendo faciem misericordie, pones eos deorsum, deiciendo in infernum, in reliquiis & angelis tuis malis, qui à te sunt derelicti, præparabis & dabis vultum & presentiam eorum damnatorum, cum dicetur, Ite maledicti in ignem æternum.

Exaltare Domine in maiestate & virtute tua diuina resurrectionis & ascensionis: cantabimus ore, & psallemus opere, atque annuntiabimus virtutes tuas & mirabilia, quæ gessisti.

ORATIO.

Benedic nos Domine benedictione dulcedinis, ut laudes tuas fideliter cantemus, atque opere nostro mandata tua impleamus, & tandem consequamur longitudinem dierum æternorum in salutari tuo Christo Domino nostro, cuius magna est gloria in secula seculorum. Amen.

PSALMVS XXI.

In finem Christum, de cuius passione agit *Sec. He. 22.*
 hic, Psalmus ipsius est David Prophetæ, pro
 susceptione & resurrectione Christi maturi-
 na, quæ valde mane facta est.

ARGV M. Christus seruator, diei Parasceues
 diluculo similis venatorû prædæ, ceu misera quæ-
 dam cerua, in casses incidit, vbi culpam quâ nemo
 alius diluere poterat, acerrimas dando pœnas ex-
 piavit. Ille verò immotus tenaci proposito persi-
 stens, deuicta morte, fideiû ecclesiâ instaurâdo,
 fratribus suis salutem æternam hac via peperit.

Deus Deus meus (loquitur Christus ho-
 mo) respice in me pendentem in cruce,
 quare me dereliquisti in manibus Iudæorû?
 ceterum quòd longe factus sum à salute mea
 corporali, hoc exigebant verba & clamores de-
 lictorum membrorum meorum postulatum
 saluari per mortem meam.

Deus pater meus omnipotens clamabo ad
 te per diem circa horam nonam, & non exau-
 dies me, sed sines crucifigi: & etiam nocte cla-
 mabo, Pater, si possibile est, transeat à me calix
 iste, ceterum, & quòd exauditus non sum, non
 reputabitur ad insipientiam mihi, sed ad sa-
 pientiam, quia per crucem humanum genus re-
 dimere necessarium fuit.

Tu autem Deus pater in me sancto filio
 tuo habitas, qui es laus in Ecclesia & gloria

Israel videntium te per fidem.

In te Deum patrem sperauerunt antiqui patres nostri & hac est consolatio mea: sperauerunt, inquam, & liberaſti eos de neceſſitatibus, & tribulationibus eorum.

Ad te Deum clamauerunt in tribulationibus, & ſalui facti ſunt de ſeruitute Aegypti & de captiuitate Babylonis: in te ſperauerunt, & non in alio, & ideo non ſunt conſuſi ſed quod promiſiſti, adimpleſti.

Ego autem Chriſtus, licet ſim maior omnibus, & Sanctus ſanctorum, nihilominus tamen ſum in conſpectu Iudeorum vermiſ, & vilis, & non homo reputatus: ſed opprobrium & deriſio hominum, Phariſaeorum ſcilicet & Scribarum, & abiectio communis plebis Iudeorum.

Omnes Iudei videntes me in paſſione mea, deriſerunt me, dicentes, Aue rex Iudeorum: locuti ſunt labiis me vituperando, & mouerunt caput blaſphemando, dicentes,

Matt. 17. d
Marc. 15. c

Sperauit hic Chriſtus in Domino patre ſuo, eripiat iam eum de manibus noſtris: & ſaluum faciat eum, vt non moriatur, quoniaſ Dominus, vt ait, vult & diligit eum.

Quoniam tu es Deus pater meus, qui extraxiſti me, quia ſupra naturam natus de ventre virginali: ſpes mea tu es ab vberibus quae ſuxi matris meae Virginis, in te Deus meus

meus, proiectus sum spe tota secundum humanitatem ex utero virginali procedens.

De v̄tre matris meæ, ex quo factus sum homo Deus pater meus es tu, quia de te ante secula genitus: ne ergo discesseris subtrahendo auxilium à me filio tuo unico.

Quoniam tribulatio & acerbitas passionis meæ proxima est, imminetq; corpori meo: quoniam nō est alius qui adiuuet eripiendo me de manibus Iudeorum, nisi tu pater meus.

Circumdederunt me populi Iudeorum, tanquam vituli multi, qui ignorato Dei iugo, vagi & insolentes sunt: etiam principes Iudeorum, ceu tauri feroces & pingues crassitudine malitiæ obsederunt me, ne possem manus eorum euadere.

Aperuerunt blasphemantes super me innocentem os suum, clamando, Crucifige eum, sicut leo rapiens prædam, & rugiens deuorare eam præ crudelitate.

Sicut aqua effunditur, ita effusus sum in sanguine meo, dum lancea militis perforauit pectus: & dispersa sunt atque separata à suis iuncturis omnia ossa mea, per distentionem in cruce.

Factum est cor meum horrore naturali terribilis pœnæ imminenti tanquam cera resoluta & liquecens à calore ignis in medio ventris mei, atque in parte sensitua humana.

Aruit per effusionem sanguinis tanquam
 resta exiccata virtus mea per flagellationem,
 coronationem & lateris apertionē, & ossa mea
 omnia conturbata sunt exhausto sanguine, &
 lingua mea præ defectu humoris adhæsit sua
 siccitate faucibus meis: & tandem in pulue-
 rem omnibus arefactis mortis corporalis de-
 duxisti me innocentem.

Quoniam circumdederūt me Iudei, non
 ut homines, sed ut canes multi rabidi: confi-
 lium seniorum & malignantium Phariseo-
 rum obsedit falsò me, ut morti traderent.

Foderunt clavis ferreis manus meas per-
 forando in cruce, & pedes meos ligno affigen-
 tes dinumerauerunt præ nimia extensione
 omnia ossa mea.

Matt. 27. d
 Ioan. 19. d

Ipsi vero Iudei considerauerūt miracula
 multa, & tamen inspexerunt sine compassione
 me talia perferentem: diuiserunt sibi per qua-
 tuor partes vestimenta mea, unicuique militi
 vnā partē, & super vestem ac tunicam meā
 inconsutilem miserunt sortem, cuius foret.

Tu autem Domine pater ne elongaueris
 differendo auxilium tuum à me, & resurre-
 ctionem, sed ad defensionē meam, ne semper
 blasphemant conspice, ut protinus resurgam.

Eru e & libera à morte, tãquam à framea
 & gladio occidente, Deus pater animā meam,
 quæ propria voluntate à corpore separata est:

&

& de manu canis, ac potestate inferi, qui deuorat animas more canis, vnicam & solam à peccatis immunem animam meam.

Salua me Domine ex ore crudelis leonis, atque populi Iudaici, & eripe à cornibus lacerantibus atque indignationibus vnicornium superbissimorum humilitatem meam, qui humiliavi me vsque ad mortem.

Narrabo gloriosum nomen tuum atque Heb. 2. c. delectabile fratribus, Apostolis meis & discipulis: in medio congregationis Ecclesie fidelium laudabo te, annuntiās per Apostolos meos magnalia tua.

Qui timeris dominum timore filiali, laudate eum corde & ore: vn uersum semen, qui estis imitatores fidei & operum ipsius Iacob Patriarche supplantatis vitia, glorificate eum coram omnibus.

Timeat eum timore sancto omne semen spirituale Israel. qui sunt fideles: quoniā non spreuit negligendo, neque despexit refutando deprecationem & orationem pauperis Christi, qui nos sua paupertate diuites fecit.

Nec auertit Deus pater faciem suam à me repellendo orationem meam & cū clamarem orando ad eum patrem exaudiuit, resuscitando me à mortuis.

Apud te Deum patrem laus mea crit in Ecclesia, & cœtu fidelium quæ magna est, quia

per orbem terrarum late diffusa: vota mea que sunt sacrificium corporis & sanguinis mei in cruce oblatum, reddam, ut offeratur tibi in memoriam passionis mee in conspectu fidelium timentium & adorantium eum.

Edent hoc sacramentum humiles & pauperes spiritu, & saturabuntur pinguedine diuina gratia: & laudabunt Dominum spiritualiter exultantes, qui requirunt eum, quia ipse est panis qui de coelo descendit: & viuent corda eorum, qui dignè sumunt, hic vita gratia, & postea in seculum seculi vita gloria.

Reminiscentur gentes per predicationem Apostolorum Dei sui, & sic conuerterentur ad Dominum, qui auersi fuerant per idolatriam, & in uersis fines terræ, ex quibus collecta est Ecclesia catholica.

Et adorabunt eum sincera fide in conspectu eius diuino vniuersæ nationes, & familie Gentium, de omni ætate & sexu.

Quoniam Domini Christi iam est regnum & imperium totius Ecclesie vniuersalis, quia regnū diaboli cecidit: & ipse Christus qui idem est cum Patre in deitate dominabitur Gentium, cum ipse sit rex regum & Dominus dominantium.

Manducauerunt corpus Christi in sacramento, & adorauerunt genua flectentes omnes pingues in diuitijs, terræ, scilicet superbi

Et mali: in conspectu tamen eius Dei discernentis qui sumunt ad vitam, & qui ad mortem, cadent inuisibili casu per peccata omnes qui descendunt ab amore Dei in terram, & terrenas concupiscentias.

Ete contra, anima mea illi Deo Patri uiuet ad eius obsequium & laudem: & semen meum qui sunt filij Ecclesie seruiet ipsi omnia referendo ad ipsum.

Annuntiabitur per Euangelium Domino Deo generatio Christiana ventura & procreanda ex aqua & Spiritu sancto, & annuntiabunt cœli atque Apostolice cœlestes iustitiâ eius qui Christus est, per quem iustificamur populo Christiano, qui nascetur Domino spiritaliter ex fide per verbum prædicationis, quem fecit Dominus Christus liberum à peccatis.

ORATIO.

Deus, quies laus & gloria Ecclesie catholice, pro nobis opprobriū factus in ligno crucis, clauis confossus, lancea perforatus precamur, vt huius nō immemores, sperantibus in te sis liberator ab omnibus angustis & miseriis nostris. Ne differas auxilium: quia non est alius, qui adiuuet præter te Dominū nostrum, cuius nomen benedictum in secula. Amen.

Sec. He. 27.

Psalmus ipsius David Prophetæ, in quo
agitur de gratia & misericordia Dei.

ARGV M. Christus Pontifex animarum verus
atq; pastor ille magnus, nihil patietur nobis deesse
aut officere, quod perduremus in via, modò dicto
audientes nos oues illi exhibeamus, & sollicitudi-
ni illius ac curæ toto pectore nos commiserimus.

Dominus Christus regit me, vt pastor
oues suas, & nihil mihi eo regente deerit
quod necessarium sit ad salutem: quia in loco
pascuæ, in statu fidei, & vnitæ Ecclesiæ ibi
me collocauit nutriendum & roborandum.

Super aquam baptismalem refectio-
nis, qua reficitur & reformatur in homine simili-
tudo Dei, educauit me, ceu puerum, fidei nu-
trimento: & post baptismum animam meam,
quæ captiua fuerat sub diabolo, conuertit ad
se, eam iustam reddendo.

Deduxit etiam me peccatorem super semi-
tas perfectæ & diuinæ iustitiæ, & hoc pro-
pter nomen suum glorificandum, non propter
meritum meum.

Nam etsi ego ambulauero sub tanto duce
in medio vmbrae mortis, & huius mundi
periculis, non tamen timebo mala siue occul-
ta, siue manifesta, quoniam tu Deus mecum
es per fidem, protector vitæ meæ.

Virga

Virga tua castigationis, & baculus tuus tribulationis, ipsa me eruderunt quod sis memorem mei, & consolata sunt, quia iudicia paterna dilectionis: castigas enim omnem filium quem recipis.

Paraſti Domine in conſpectu meo, ut ſaturarer eſca coeleſti, menſam ſanctæ eucharistiæ, & hoc aduerſus eos demones, qui tribulant me diuerſis tentationibus, & impugnant fidem meam.

Impinguasti, & unxiſti in oleo & infuſione ſancti ſpiritus caput meum, & animam meam & calix benedictionis ſanguinis Chriſti meus, quia accipio, ſed tuus quia das, inebrias me amore tuæ diuinitatis, & obliuione vanarum delectationum, quàm utique præclarus & ſyncerus eſt, quia affectationes carnales nō miſcentur illo.

Et miſericordia tua quæ præceſſit ad gratiam conferendam ſubſequetur me quaſi cuſtos, ut perſeuerem in bono omnibus diebus præſentis vitæ meæ.

Et ut tandem inhabitem poſt hunc vitæ curſum in domo coeleſti Domini Dei noſtri in longitudine & eternitate dierum.

ORATIO.

Supplicamus Domine, ut animas noſtras à vitiis, & diaboli poteſtate ad te cōuertere

digneris. & super semitas iustitiæ diriget
& inter aduersa corroborare, vt sic calice
benedictionis sanguinis tui inebriati, at-
que esca cœlesti saturati, post finem huius
vitæ inhabitemus in domo tua cœlesti in
æternitate dierum. Amen.

PSALMVS XXIII.

Sec. Hebr.

24

Psalmus iste decantatur à David de glo-
ria resurrectionis Christi, quæ facta est in pri-
ma Sabbathi, quæ nunc ob reuerentiam Domi-
nica dies dicitur.

ARGV M. Est quidem Dei, quicquid omnibus
terrarum finibus continetur, non tamen omnes
mortales apud ipsum pari cōditione sunt, aut quæ
in cœlum recipiuntur: illa enim sedes iis duntaxat
parata est, qui vitam cœlestem in terris imitantur.
Id monet Vates sanctus his carminibus, & simul
celebrat ascensum Christi Dei in cœlum: apposite
id quidem, quando ille nobis iter in ea loca pate-
fecit, & princeps immortalī corpore penetrauit
in consilium beatorum. Inducit autem cœlites ea
de re colloquentes inter se, & gradum inferiorem
mentium beatarum à superiore discedentem: eum
qui humana specie ac figura ascendat in cœlū, esse
cœlitum, atque hominū regem ac dominum. Quæ
de re diligenter explicat Dionysius ille Magnus,
quem rite possumus appellare Theologum diui-
num ac cœlestem.

2. Cor. 10. f

Domini Christi, quia est rex regum, est
terra, quā creauit, & plenitudo. seu mul-
tudo in terra viventium, etiam est sub e-
ius potestate, insuper & orbis terrarum in
suo am

ſuo ambitu, & vniuerſi homines, qui habitant in eo orbe.

Quia ipſe Dominus ſuper maria ambientia vniuerſum fundauit in circuitu eam terram, & ſuper ac iuxta flumina diuerſa, vt in ea poſſent homines viuere, præparauit in ordine eam.

Quis erit ille, qui aſcendet ſine offeſſa in montē perfectionis iuſtitia, qui eſt mons Domini Dei noſtri? aut quis perſeueranter ſtabit in fide & bona operatione in loco ſancto Eccleſiæ eius, vt ſit de electis?

Innocens purus in manibus & operibus, & mundo corde in cogitationibus, qui non accepit neque applicauit in vano deſiderio rerum caducarum animam ſuam, imò potius ad legem Dei, nec iurauit perperam in dolo, ac fallacia proximo ſuo, ipſum decipiendo.

Hic homo accipiet æternam benedictionem à Domino Deo, dum dicetur: Venite benedicti, & miſericordiam totaliter liberantem ab omni miſeria, à Deo Chriſto ſalutari ſuo, qui ſolus peccata relaxat, & ſaluat.

Hæc eſt enim ſpiritualis generatio ſacri baptiſmatis fonte renatorum, quærentiū eum Dominum ſaluatorem, quærentium inquam, & videre cupientium faciē diuinā Dei ipſius Iacob Patriarchæ.

Attollit

Attollite, inquit Angeli, in descensu Christi ad inferos, ô vos principes tenebrarum portas vestras inferni, & eleuamini sursum de inferno vos portæ, & anima sanctorum æternales, & introibit cum electis suis Christus in regnum suum, quia ipse est rex gloriæ.

Quisnam, inquit demones, est iste mirabilis rex gloriæ? respondent Angeli, Dominus Christus fortis, qui mortem vicit, & potens confingere infernalium claustra, Dominus quoque potens in prælio contra infernalium claustra.

Attollite & reserate, inquit Angeli, in ascensu Domini ad cœlos ô vos principes cœli portas vestras, & aditus cœlestes, & eleuamini atque aperiimini vos portæ æternales, atque ianua sempiterna.

Quisnam, querunt ceteri Angeli, est iste rex gloriæ? quibus respondetur, Dominus virtutum, qui ex virtute Dei viuit in gloria, ipse est rex æternæ gloriæ.

ORATIO.

Domine IESU CHRISTE, rex gloriæ, cui plenitudo orbis terrarum deseruit, da quæsumus benedictionem & misericordiam tuam, vt qui sacri baptismatis lauacro regenerati sumus, te salutare nostrum mundo corde quærentes ablegatis mundi vanitatibus,

bus, tandem ad montem sanctum in cœlestibus peruenire valeamus. Amen.

PSALMVS. XXIIII.

In finem Christum Psalmus iste nos dirigēs Sec. He. 29.
attribuitur Dauid viro isti, qui in aduersis non
murmurat, sed diuinum implorat auxilium.

~~ARGVMENTVM. Quod dicitur in fine psalmi, quod iste psalmus
attribuitur Dauid viro isti, qui in aduersis non murmurat, sed
diuinum implorat auxilium. Ergo, qui in aduersis non murmurat,
sed diuinum implorat auxilium, iste psalmus attribuitur ei.~~

Orat ergo Dominum Vates sanctus, vt peccatis se
liberet, vias suas doceat, hostiūque furori eri-
piat, idque propter suam bonitatem, qua solet ser-
uare sibi fidentes, & ne peccatores quidē deferere,
si eius timore ac spe adhuc teneātur: quod vtrum-
que de se profiteretur. In fine annexit precationem
pro toto populo Dei.

AD te Domine contemplandum, gustan-
dum, & amplexandum leuavi ascensu
mentis spirituali animam meam, quæ carna-
libus desiderijs premebatur Deus meus non in
mea equitate, sed in te, & tua bonitate con-
fido, & ideo non erubescam, neque confun-
dar coram te in finali iudicio.

Neque irrideant suis suggestionibus me
subsannando inimici mei spirituales, videli-
cet demones: etenim vniuersi fideles, qui susti-
nent te, sub malorum persecutione non con-
fundentur, neque hic, neque in futuro.

Confundantur pereant omnes mali, ini-
qua,

qua, & impia agētes, vana laborantes, super-
uacue solliciti & infructuose.

Via tuas rectas iustitia Domine Deus de-
monstra mihi inter devia huius vite, & semi-
tas tuas angustas, quae ducunt ad vitam perfe-
ctiorem, edoce me, ne illas ignorem.

Dirige me, ut recte & pie vivam in veri-
tate tua Evangelica, & doce me ignorantem
scientiam salutaris, quia tu es Deus meus,
qui me creasti, & saluator meus, qui me rede-
misti, & te sustinui expectando misericordiam
tota die, omni videlicet tempore vite meae.

Reminiscere non obliuiscendo miseration-
um tuarum, quae fidelibus semper impendi-
sti Domine Deus, & misericordiarum tuarum
diuinitus tibi insitarum, quae à seculo, & à prin-
cipio mundi sunt, atque fuerunt: nunquam enim
sine misericordia fuisti.

Delicta, quibus viam equitatis dereliqui,
iuuentutis meae, quae vel incōsultò vel ex fra-
gilitate commisi, & ignorantias meas, quas
neglexi in bono, ne memineris, ad vindictam
reservando Domine Deus meus.

Secundum abyssalem misericordiam tuam
non secundum iram, qua dignus sum mement-
o mei tu, remittendo culpam, & dando gra-
tiam, propter bonitatem tuam, non propter
merita mea Domine Deus.

Dulcis, misericors, & rectus, ac iustus est
Dominus

Dominus & propter hoc, quia misericors est
& iustus, legem correctionis dabit erranti-
bus, & delinquentibus in via presentis vite,
vt secundum eam corrigamur. Lex est pœni-
tentibus misericordia, peccantibus pœna æ-
terna.

Diriget de virtute in virtutem mansue-
tos, patientes, & humiles in iudicio, vt bene
se habeant ad proximum, & docebit homines
mites, vt observet vias suas, Deum ex toto cor-
de diligendo.

Vniuersæ viæ, quæ in omni opere Domini
simul inveniuntur, sunt misericordia, quæ est
placabilis, & veritas, quæ iustissimè djudicat,
& hoc apparet requirentibus testamentum
eius Nouū, & testimonia atque oracula Pro-
phetarum eius, quæ manifestè hoc testantur.

Propter nomen tuum, quod Iesus est Do-
mine non propter meritum meum propitiabe-
ris, & misereberis peccato meo, ipsum remit-
tendo. multum est enim, quia in multis offen-
dimus omnes.

Quis est homo rationalis, qui timet Do-
minum timore filiali? legem Euangelicā sta-
ruit ei observandam in via Dei, quam elegit
liberè quilibet Christianus.

Anima eius sic timentis Deū, in bonis gra-
tia quasi in delicijs demorabitur in presenti:
& semen atque opus eius, quod hic iuste viuē-
do semo

do seminavit hereditabit atque possidebit terram viventium hereditario iure.

Firmamentum fidei, ne succumbant tentationibus, est Dominus Deus timentibus eum in veritate, & etiam est testamentum ipsius promissum, ut manifestetur illis in presenti per fidem, & in futuro per gloriam.

Oculi mei interiores, scilicet, intellectus & affectus, semper ad Dominum respiciunt de cuius gratia confido: quoniam ipse euellere & liberabit de laqueo diaboli pedes & sensus meos, quibus capiebar in voluptatibus secularibus.

Respice Domine in me pietatis affectu, & miserere mei, dum tempus est misericordie quia vnicus sine auxilio, & pauper spiritus sum ego seruus tuus.

Tribulationes & anxietates cordis mei, atque calamitates multiplicatae sunt nimis ex prolongatione huius exilij, de necessitatibus meis, per quas necesse habeo transire, erue me liberando.

Vide, & propitius respice humilitatem meam in cordis contritione, & laborẽ meum corporis in satisfactione, & ijs sacrificijs placatus dimitte indulgẽdo vniuersa delicta mea quae per infirmitatem commisi.

Respice oculis misericordiae inimicos meos, ut conuertantur, quoniam multiplicati sunt falsi fratres in Ecclesia, & odio iniquo atque

iniusto oderunt persequentes me.

Custodi ab eorum insidijs & imitatione animam meam, vt pereat, & erue me à consortio & communionē eorum: & tunc non erubescam. si fortè insurgunt aduersum me: quoniam speraui in te. & non præsumpsi de me.

Innocentes, nullis polluti mundanis conuersationibus, & recti corde adhæserunt mihi, consentientes in bonum, quia sustinui & passus sum frequentes propter te in hoc mundo angustias.

Libera & salua ô Deus populum tuum Israel, quem ad visionem tuam prædestinasti, ex omnibus corporalibus tribulationibus suis & spiritualibus.

O R A T I O.

Protektor noster Deus, in quem confidimus, reminiscere miserationū tuarum, & dimitte vniuersa delicta nostra, vt mansueti & mites facti, atque à delictis iuuentutis & ignorantiae exuti, vias vitæ & veritatis sectemur, per quam in bonis demoremur, & hereditate tandem perfruamur æterna, propitiatore Domino nostro Iesu CHRISTO. Amen.

P S A L M V S XXV.

In finem Christum Psalmus iste describitur à David Propheta. Sec. He. 26.

A R G V M. *Exponit vitæ suæ rationem, & quo-*

modo ex animo innocentiae studuerit, malorum societatem fugerit, religionisque incubuerit: tum deprecatur, quae debetur improbis, vltionem, cum ipse sanctè viuat, & nihil prius cupiat, quam gloriam Dei illustrare.

Iudica & discerne me à peccatoribus condemnandis Domine Deus, quoniam ego ambulavi in innocentia & simplicitate mea, atque ingressus sum viam iustitiae: & propter hoc in domino sperans, & non in me, non infirmabor cadendo in peccatum, sed perseuerabo in bonum.

Proba me prius Domine atq; vires meas respice, & tunc si ferre valeam, tenta me emendationis gratia: vire, & Spiritu sancti calore consume renes meos atq; desideria carnalia, & cor meum immaculatum custodi.

Quoniam misericordia tua, quae est magna nimis, ante oculos meos semper est, ipsam iugiter meditando: & complacui tibi, vt gratiam consequerer in veritate & equitate tua.

Non sedi, neque me coniunxi, neque consensi cum illis, qui concilio vanitatis agunt omnia, qui de terrenis cogitant semper, & loquuntur, & cum perfidis haereticis impia & iniqua gerentibus, ac scripturas deprauantibus non introibo, eorum doctrinis communicando.

Odiui ipsam Ecclesiam, & congregatio-

nem

nam malignantium, atque in malo perseverantium: & cum impiis haereticis non sedebō, ne questionibus perfidis commaculer.

Lauabo, ut mundus sim ab omni labe peccati, inter innocentes & electos Dei, manus meas spirituales, ut opera mea sint munda coram Deo: & circumdabo toto affectu altare tuum Domine, ubi immolatur hostia salutaris, ubi preces funduntur, vota afferuntur, atque mirabilia Dei narrantur.

Ut audiam, & intus intelligam vocem laudis tuæ, scilicet sacram scripturam, in qua laudatur Deus, & enarram atque exponam alijs uniuersa opera, & mirabilia tua, quod pro nobis passus es, & resurrexisti, & iustificas impium.

Domine Deus, dilexi admodum decorem & sanctitatem domus atque Ecclesie tuæ, & locum habitationis, qui est mens sanctorum gloriæ tuæ, in quibus gloriosè habitas.

Ne perdas, & condemnes cum impiis infidelibus Deus meus animam meam, quæ dilexit decorem domus tuæ, & cum viris sanguinum, qui carnaliter viuunt, vitam meam, quæ valde dissimilis est illis.

In quorum manibus & operibus iniquitates sunt & iniustitiae: dextera eorum auaritia repleta est muneribus, quia questum assument pietatem.

Ego autem per studium sancta vita in innocentia mea & humilitate ingressus sum viam veritatis & iustitiae: & ideo redime me à malis, & miserere mei in periculis huius vite.

Pes meus semper stetit fixus & immobilis in directo itinere mandatorum tuorum, non recedens à rectitudine fidei & iustitiae in Ecclesiis & congregatione fidelium benedicam te Domine de tuis beneficiis in me collatis.

O R A T I O.

Largire Domine misericordiam tuam famulis supplicibus, ut iniquorum consortia fugientes, fidelibus tuis in innocentia pura, spirituali semper charitate iugamur, atque benedicatur & glorificetur nomen tuum Domine per secula. Amen.

P S A L M U S XXVI.

Sec. HE. 27.

In finem consummationis futura iste Psalmus attribuitur David, & cuilibet poenitenti, & est de ijs quae patitur priusquam liniretur Christianus secundo, vñctione perfecta in regno eterno.

ARGV M. Vir sanctus crebris & maximis periculis liberatus, à Deo fortis & animosus erat factus, ut nullos impetus, aut insidias inimicorum iam extimesceret. Eam fiduciam proponit nostri confirmadi causatum etiam pietatem suam praedicat aduersus Deum: & ab eo praesidium implo- rat contra importunitatem aduersariorum, ac spe- cius praesidii animum suum confirmat.

Domina

Dominus Deus est illuminatio mea, docens me contra tenebras ignorantia, & salus mea tum anima, tum corporis: quem ergo timebo? certè nullum, vel insidiatorem, vel persecutorem.

Dominus Deus est protector vitæ meæ, repellendo omnes insidias inimicorum meorum: à quo ergo trepidabo, habendo talem protectorem?

Dum appropiant & accedunt super me & contra me nocentes, persequentes me, ut edant deuorando carnes meas & corpus, animam autem non possunt occidere.

Qui tribulant me persequendo & tentando inimici mei corporales & spirituales, ipsi infirmati & debilitati sunt in semetipsis, & victi ceciderunt à potestate nocendi.

Si ergo consistant & veniant aduersum me sperantem in te castra demoniorum & impetus vitiorum, non timebit tamen cor meum, in Deo protectore confirmatum.

Si etiam exurgat fortius aduersum me prælium, insultus & conflictus inimicorum: in hoc prælio ego, cui Deus est protector, sperabo victoriam & remunerationis gloriam.

Vnam rogationem petij præ cateris à Domino Deo, & hanc perseveranter orando requiram, & obtinebo, ut inhabitem in domo aeterna Domini in calis omnibus diebus vi-

tae meae, aeternaliter, ubi non sunt dies mortis.

Vt ibi videam facie ad faciem voluptatem, pulchritudinem & bonitatem Domini Dei nostri, & visitem caeleste templam eius, ubi cum sanctis fruam contemplatione aeterna.

Quoniam ne tētionum procellae obruant abscondit me militantem sibi in tabernaculo suo & Ecclesia Christiana in die malorum & tempore tentationum protexit me ad salutem, in abscondito tabernaculi sui, videlicet in Christo per fidem qui est absconditum tabernaculi spiritualis.

In petra, Christo, qui est vera petra, non tantum protexit, sed & exaltauit de virtute in virtutem me progredientem & fundatum supra petram: & nunc in presenti vita exaltauit caput & intellectum meum super omnes inimicos meos, qui sunt appetitus carnales, ne mei dominantur.

Circuiui perscrutando omnia opera tua, & praecipue opus redemptionis, & non ingratus immolaui offerendo in tabernaculo eius & sancta Ecclesia catholica hostiam laudis, vociferationis & iubilationis: cantabo ore, & psalmum dicam corde Domino Deo nostro.

Exaudi Domine ex tua clemētia vocem, & orationem meam tam mentalem, quam vocalem, qua clamaui toto corde ad te Deum: & miserere mei in hac vita, & exaudi me frequenter

quenti supplicatione te rogantem.

Tibi non hominibus dixit & aperuit cor
& desiderium meum, præ alijs omnibus ex-
quisiuit te mens, facies, & voluntas mea, fac
faciem & præsentiam tuam Domine Deus
requiram, non mundi gloriam, non diuitias,
non delicias.

Non auertas neq; abscondas faciē tuam,
& lumen gratiæ à me peccatore: ne declines,
tanquā ex despectu in ira tua à seruo tuo,
quia pereon nisi adiuues.

Adiutor & cooperator meus esto, vt perficiam in bono. ne derelinquas me, quia sine te deficio, neque despicias me peccatorem, quia tu Deus meus es, qui me creasti & salutaris meus, qui me redemisti.

Quoniam pater meus Adam: & mater mea Eua dereliquerunt me in originali peccato: Dominus autem Christus assumpsit & liberauit me per crucem.

Legem & regulam rectè viuendi pone, & da mihi Domine Deus in via tua Euangelica & dirige me, ne declinem vel ad dexteram, vel ad sinistram in semita recta & via certa eterna, propter demones inimicos meos, qui insidiantur operibus meis.

Ne tradideris me peccatorem in animas malignorum spirituum tribulantium & persequentium me, vt aliquando illis consentiam:

quoniam insurrexerunt suis falsis calumnijs
in me miserum testes falsi & iniqui, & ta-
men merita est dolosa & iniquitas tibi, quia
dubolus est mendax, & pater eius.

Credo & indubit inter confido videre ali-
quando bona illi dulcia, immortalia & sem-
piterna Domini Dei, electis promissa, & hoc
in terra beata viuentium eternaliter.

Expect: patienter Dominum, qui verax
est in promissis, & viriliter age de bono in me-
lius proficiendo: & confortetur cor tuum,
ne fatigeris à bonis operibus, & sustine patienter
Dominum, si flagellum immittit, quia ipse
vulnerat & medetur.

O R A T I O.

Domine protector noster & salus no-
stra, ne derelinquas, neque despicias nos.
Ne contineas in ira gratiam tuam, neque
auertas faciem tuā à nobis peccatoribus,
sed exaudi nos, & miserere nobis, dirigen-
do nos in via Evangelica, quæ est semita
recta, vt tandem videre mereamur bona
Domini in terra viuentium. Amen.

PSALMVS. XXVII.

Sec. He. 28. Psalmus iste est ipsi mediatori Christo Do-
mino nostro decantatus à David Propheta.
Est vox Christi hominis de passione & resurre-
ctione sua.

ARGVMENTVM.

Ad te ex magno cordis affectu Domine pater clamabo, & orabo, Deus meus ne fileas à me, derelinquendo in passione: nequando nec ad horam taceas à me in resurrectione, & si hoc feceris tunc assumilabor hominibus descendentibus in lacum inferni.

Exaudi Domine pater vocem internam deprecationis meæ, in passione mea, cū oro ad te pro totius mundi salute, dum extollo manus meas in cruce ad tēplum sanctum tuum, quod est Ecclesia fidelium, vt per passionem meam saluetur.

Ne simul trahas me in mortem cum peccatoribus cæteris, qui ad inferna descendunt, & cum operantibus iniquitatem mortalem ne perdas me, vt cum ipsis habeam portionem.

Qui Iudei, inimici mei loquuntur dolo pacem & verba pacifica cum me proximo suo secundum carnem, malitia autem & dolus est in cordibus & cogitatu eorum.

Da condignam illis retributionem secun-

dum opera eorum, quae mihi intulerunt, flagellantes & occidentes, & secundum nequitiam falsam adinventionum & mendaciarum ipsorum.

Secundum opera mala manuum & voluntatum eorum tribue illis mercedem & redde retributionem eorum malorum ipsi, quia sicut mihi mala reddiderunt, reddas & illis.

Quoniam non intellexerunt invisibilia opera Domini, quod verbum caro factum est, & quod maius mirum est, in opera visibilia manuum eius, quae faciebat agros sanando, mortuos suscitando, non considerauerunt: quocirca destrues illos per Romanos, & non amplius edificabis eos liberando à captiuitate.

Benedictus sit Dominus, & laudatus Deus pater eius: quoniam exaudiuit vocem & voluntatem deprecationis meae, quam oravi.

Dominus est adiutor meus in resurrectione, & protector meus in passione: & in ipso patre sperauit cor meum, atque humanitas mea, unde & ab illo adiutus sum in resurrectione.

Et re floruit in resurrectione caro mea, procedens de tumultu, gloriosa & incorrupta: & ex libera voluntate mea hilariter confitebor ei, & confitebuntur mei, in quibus ego sum.

Domi

Dominus est fortitudo in pugna contra diabolum plebis suæ, quæ in eo confidit & protector æternus saluationum Christi sui est, qui videlicet per Christum saluati sunt.

Saluum fac, & in salutem deducas populum tuum Christianum Domine Deus pater, quem per mortem meam redemi, & benedic æternaliter hæreditati, atque Ecclesiæ tuæ, quam mihi adoptaui, & rege eos ne deuiant à via iustitiæ, & extolle illos à terrenis ad cælestia vsque in æternum glorificando.

ORATIO.

Exaudi Domine deprecationem nostram, & protector noster adesto propitius, qui per crucem tuam redemisti genus humanum, benedicere digneris hæreditati tuæ, & dirigere in viam iustitiæ, vt tandem ad cælestia in æternum proueamur. Per Dominum nostrum Iesum Christum.

PSALMVS. XXVIII.

Psalmus ipsius David Propheta in con- summatione & perfectione tabernaculi at- que Ecclesiæ catholice, vbi monemur offerre spi- rituales hostias Deo. Sec. He. 29.

ARGV M. Hortatur hic propheta Hebræos ne à tabernaculo Domini abscedant, nisi prius veteri sacrificandorum pecorum ritu expiati, non tamen omissa interim vera gloriæ & laudis diuinæ per fidem piorum oblatione, quando hæc ceu potior & Deo gratior, antiquata illa priore, perpetuo sit duratura. Extollitur autem hic impensius fides, eo quod

ex verbo Dei pendeat, cuius dignitas & vires alibi copiosius in sacris libris explicatae, hic breui epologo à propheta commemorantur.

Afferte Domino corda vestra sancta, pura, & immaculata, vos qui per regenerationis gratiam filij Dei estis effecti: afferte etiam Domino Deo filios acquisitos per predicationem arietum, hoc est Apostolorum, qui ceu duces gregum, in caulas Domini perduxerunt populum fidelem.

Afferte Domino Deo patri gloriam, gloriam verbo, & honorem exemplo, ut per opera vestra glorificetur & honoretur, afferte Domino filio gloriam & sanctificationem nomini eius quod Iesus est: adorete Dominum Spiritum sanctum, in atrio sancto & Ecclesia eius, qui est sanctificator & inhabitator Ecclesiae sanctae suae.

Vox Domini Dei patris, facta est super aquas Iordanis in baptismo Christi, Deus maiestatis & excelsae virtutis tunc intonuit, dicens: Hic est filius meus dilectus: Dominus Deus est super aquas multas, quia credentes in aqua baptizamur & spiritu.

Vox predicationis Domini Christi, per se & suos facta est in virtute magna: Vox Domini Christi facta est in magnificentia miraculorum & operum, cui non poterant resistere sapientes huius mundi.

Vox predicationis Domini, per se & suos, confringentis altas cedros, & humiliantis sublimes atque superbos: & confringet Dominus Deus humiliando cedros Libani per poenitentiam, & regum colla iugo fidei submittet.

Et comminuet eas, succisa & confracta in his superbia, tanquam vitulum lasciuientem in Libani delicijs: & dilectus filius patris, Christus factus est, quemadmodum filius, secundum carnem vnicornium, & superborum Iudaeorum, qui gloriabantur in vna lege Mosaica.

Vox Domini Christi, est quasi intercedentis & resecantis flammam ignis, & furentem iracundiam persecutorum: vox Domini tanquam concutientis & commouentis ad fidem desertum populum Gentilem, qui sine lege, sine prophetis erant, & similiter commouebit atque conuertet ad fidem Dominus desertum Cades, videlicet Iudeos, qui deseruerant Sanctum legis propter traditiones eorum.

Vox predicationis Domini Christi, quasi preparantis ceruos, Apostolos & doctores Ecclesiae, agiles ad Euangelium annuntiandum, quibus & reuelabit obscura diuinarum scripturarum & condensa mysteria: & in templo seu Ecclesia eius omnes electi dicent gloriam & laudem Deo, pro donis acceptis.

Dominus suos in Ecclesia quasi in arca
Noe

Noe quasi per diluuium & fluctus huius seculi, inhabitare facit illesos, extra quam nullus saluatur: & sedebit Dominus Christus rex in Ecclesia, regens eam, usquequo deducat sanctos suos in æternum gaudium.

Dominus virtutem & fortitudinem populo suo, contra procellas huius seculi & turbas tentationum dabit, ut sint constantes: Dominus Christus benedicet electo populo suo mandata eius obseruanti in pace æterna.

ORATIO.

Deprecamur supplices, ut nos, qui sumus populus tuus, benedicere & adiuuare digneris, donesque huius seculi diluuium fide recta, ac conuersatione sancta sic pertransire ut ad cœlestem patriam peruenire valeamus. Per Dominum, &c.

PSALMVS XXIX.

Sec He. 30.

Psalmus iste cantici, laudis & letitia in dedicatione & assumptione domus, v. l. c. humanitatis Christi David manu fortis: ubi Christus homo gratias agit patri pro resurrectione sua.

ARGVM. Psalter gratias agit Deo, grauissimo morbo liberatus. Quod verò carmē inscribitur pro dedicatione domus, suspicantur nonnulli, dedicationem ædificii magnificentissimarū, de quibus mentio fit in lib. 2. Reg. incidisse in id tempus, quo emerferat e morbo. itaque illum gratias agere Deo, qui valitudine confirmata facultatem sibi dedisset dedicandæ atque habitandæ domus, quam nuper exædificarat.

Exalta

EXaltabo te gloriose Domine pater, manifestando nomen tuum hominibus, quoniam de morte in resurrectione suscepisti me ad dexteram tuam: nec delectasti diutius inimicos meos Iudeos super me, ut meo iocundarentur interitu.

Domine pater Deus meus in passione clamaui ad te, & exaudiisti, imò, & sanasti me ab omni corruptione carnis, quia in corpore glorioso me resurgere fecisti.

Domine pater eduxisti post resurrectionem ab inferno animam meam cum alijs animabus sanctorum: saluasti me & liberaisti à Iudeis descendentibus sua sponte in lacum inferni, ubi nulla est redemptio.

Psallite Domino bene operando sancti & electi eius: & confitemini ore & corde memorie beneficiorum & sanctitatis nominis eius, quia memor nostri nos sanctificauit, & à morte redemit.

Quoniam ira propter peccatum originale in indignatione eius, quia propter scelus populi percussit me: & vita gratie & glorie in voluntate, & ex beneplacito eius, & gratia, haud per merita nostra.

Ad vespertinam passionis Christi demorabitur fletus in Apostolis: & ad matutinum, quia Dominus resurrexit, erit lætitia & gaudium.

Ego autem Christus dixi deliberando in
abund

abundantia mea & plenitudine diuinitatis,
non mouebor à volūtate Dei patris in æter-
num, sed ero obediens vsque ad mortem.

Domine in voluntate tua & secundum
beneplacitum tuum, præstiti decori meo atq[ue]
humanitati virtutem miracula faciendi.

Auertisti quodammodo faciem & deita-
tem tuam à me, quando passioni exposuisti,
& factus sum in sensualitate carnis mee con-
turbatus, quia cæpi parere, & cadere, & ma-
stus esse.

Ad te Domine pater clamabo in cruce,
petens auxilium, & ad Deum meum pro re-
demptione generis humani deprecabor, vt fiat
voluntas tua.

Quæ utilitas foret generi humano in san-
guine meo & effusione eius in cruce, dum
descendo per mortem in corruptionem, &
tertio die non resurgo?

Nanquid, certè non, confitebitur tibi in
laudem puluis, & caro redacta in puluerem,
aut annuntiabit mundo veritatem tuam,
quam Apostoli post resurrectionem prædica-
uerunt?

Audiuit me deprecantem Dominus pater,
& misertus est mei ne viderem corruptionem,
imò vt resurgerem: Dominus Deus pater fa-
ctus est adiutor meus, quia non dedit San-
ctum suum videre corruptionem.

Conue-

Conuertisti planctum meum, dum tristis fuit anima mea usque ad mortem, in gaudiū mihi, quia de resurrectione gaudere fecisti: cōcidisti sacco & corpus meum, in passione, & circumdediti me stola immortalitatis cum summa lætitia.

Vt cantet tibi & laudet te Ecclesia catholica, quæ est gloria mea, & hoc ideo, quia semel passus, non compungar amplius, neque moriar. mors enim mihi ultra non dominabitur: ergo Domine Deus pater meus confitebor tibi per me & meos, & decantabo in æternum laudes maiestatis tuæ.

ORATIO.

Exaudi Domine nos suppliciter deprecātes, salua, sana & libera nos, conuertendo in gaudium planctum nostrum, remissa mole facinorū, atque nos mysterio resurrectionis tuæ lætificatos attollere digneris in cœlum, pro quibus dignatus es descendere ad infernum. Cui cū patre & Spiritu sancto est honor & gloria in seculorum secula.

PSALMVS XXX.

In finem atque in Christum dirigitur hic Sec. He. *Psalmus qui est ipsi Dauid Prophetæ extasis seu mentis excessus.*

ARGVMENTVM. Vox est Christi & piorū in passione & afflictione spiritus & carnis. Inde ubi dicitur

H

tur, Quàm magna multitudo, &c. cōmendat dulcedinē diuinæ misericordiæ, quæ semper adest timētibus Deum, licet vsque adēdō quandoque abscondita vt nihil minus adesse videatur. In fine addit Parænesin pulcherrimam, Diligite Dominum &c.

IN te protectore meo Domine pater speravi, ergo non confundar insultatoribus Iudeis in æternum: imò in iustitia tua sicut promissisti libera me, ne detinear morte, sed resurgam,

Inclina ad me humilem & infirmum aurem tuam, me exaudiendo: accelera festinanter, vt eruas me de sepulchro, tertia die resuscitando.

Esto mihi in auxiliū vndique, & in Deū protectorem tantus, quantum decet esse Deū. & in domū refugij, vt in te sim tutus, vt saluum à Iudeis me facias resuscitando.

Quoniā fortitudo mea ad tolerādus passionēs, & refugium meum ad eas euadendās es tu mihi, & non alius: & propter nomē tuū manifestandū hominibus deduces me de patria ad gloriam, & enutries me augēdo corpus meum quod est Ecclesia.

Luc. 23. f. Educes me per resurrectionem, de laqueo hoc mortis, quem ipsi Iudei occultis insidijs absconderunt & machinati mihi sunt: quoniam tu es vnicus protector meus, nullā ergo potest aduersitas preualere.

In manus tuas potentia & misericordiae commendo spiritum meum, ut potentia protegat, & misericordia saluet: redemisti me ab impijs Domine Deus veritatis, implens quod promittis.

Odisti & reprobasti omnes obseruantes & amantes vanitates mundi, ut diuitias, honores, delicias, sperantes superuacue in illis atque infelix eos.

Ego autem non in sublimitate aliqua, sed in Domino Deo patre speravi: & ideo exultabo corpore, & latabor spiritu in misericordia tua, quae non fallit.

Quonia respexisti, & misertus es mei propter humilitatem meam, quae usque ad mortem me exinanivi, saluasti etiam de necessitatibus & peccatis, à quibus homo se saluare nequit, animam meam immunem seruando.

Nec conclusisti me, inquit Ecclesia, in potestate & manibus inimici visibilis aut inuisibilis: sed statuisti atque firmasti in loco charitatis spatio ac lato, quae est in dilectione Dei ac proximi, pedes & affectus meos, in via scilicet mandatorum tuorum.

Miserere mei Domine, & necesse est, quoniam tribulor pondere malorum praesentium & futurorum imminentium, adeo quod conturbatus & commotus est in ira magna oculus meus, & interior ratio, etiam anima mea,

seu affectus sensualis, & venter meus naturalis carnis.

Quoniam defecit omnino in dolore, ait Ecclesia, vita mea, quia non possum emendare malos, nec eos segregare à sanctis, & anni mei, quandiu hinc milito, sunt in gemitibus, angustijs, & supplicijs diuersis.

Infirmata est & debilitata in paupertate & defectu bonorum virtus mea, quia plures sunt peccatores, & pauci sancti, & ossa mea in compagine sua conturbata sunt atque debilitata, propter iniquitates fidelium.

Super omnes inimicos meos Gentiles & Iudeos factus sum opprobrium, in derisum vicinis meis, quia mali Christiani, perversè viuendo, blasphemant nomen meum valde, & propter hoc sum timor, quia verentur ad fidem venire, notis meis, qui aliquam notitiam de me habuerunt.

Qui, inquit Christus, videbant me in cruce positum, foras, non intelligendo deitatem, fugerunt à me, estimantes spem suam morte mea finitam: & ideo obliuioni datus sum, non resurrecturus, tanquam mortuus à corde, & memoria eorum.

Factus sum in estimatione Iudeorum tanquam vas perforatum, perditum, & ad nullos usus utile, & hoc ideo, quoniam audiui, & patienter sustinui vituperationem & blasphemiam

niam multorum Iudeorum, cōmorantium, atque assistentium tempore passionis, in circuitu crucis.

In eo consilio, dum principes sacerdotum & Seniores populi conuenirent simul, in vnā prauam voluntatem aduersum me innocentem, accipere & tollere animam atque vitam meam consiliati sunt, vt me dolo tenerent & occiderent.

Ego autem inter hæc opprobria in te speraui, quo nihil securius: Domine pater dixi, Deus meus es tu, & non alius, in manibus tuis & potestate tua sunt sortes & dispositiones tam vitæ quàm mortis meæ.

Eripe me Domine de manu & potestate inimicorum meorū, Iudeorum, & à persecutibus falsis fratribus me in mēbris meis.

Illustra diuinam faciam tuam gratia super me seruum tuum secūdum humanitatem. saluum me fac ab his malis in misericordia tua diuina, Domine pater, vt non confundar à perfidis Iudæis, quoniam inuocaui te, qui potens es me exaudire.

Erubescant impij Iudæi, Christum crucifigentes, & deducantur cum demonibus in infernum, quia non credunt resurrectionem: muta fiant penitus eorum labia garrula & dolosa dum non timent iudicium.

Quæ labia loquuntur blasphemiam ad-

uersus iustum Christum, & iniquitatem in
superbia cordis & in abusione oris, quo cruci-
fixum irriserunt.

Quàm magna & inestimabilis multi-
tudo amoris, gloriæ, & dulcedinis tuæ in
futura beatitudine Domine disposita est ele-
ctis? quàm incomprehensibilem dulcedinem abs-
condisti, & seruasti in futura beatitudine ti-
mentibus te, vt solis illis reddas tempore op-
portuno.

Perfecisti hanc dulcedinem eis electis tuis
in gloria futura, qui sperant in te perseueran-
ter, & hoc ages in conspectu & presentia fi-
liorum hominum in finali iudicio, dicendo:
Venite benedicti.

Abscondes in æterna beatitudine eos, ne
videantur ab impijs, in abscondito faciei tuæ
diuinæ, qua persfuentur iusti, à conturbatio-
ne hominum, cum nulla humana malitia eos
valebit perturbare.

Proteges Domine eos electos in tabernacu-
lo tuo, atque in Ecclesia catholica militante,
proteges, inquam, à contradictione & strepitu
linguarum, schismatū & haresum, qua cōtra-
dicunt veritati Christianæ doctrinæ.

Benedictus Dominus Deus Pater meus,
quoniam mirificauit pro hominum salute mi-
sericordiam suam, qua dilexit genus huma-
num mihi, vt per me genus humanum redi-
meret

meret in ciuitate Ierusalem munita, ubi in medio terræ operatus est salutem.

Ego autem, cum in me Iudæi scirent, dixi in excessu, & stupore mētis meæ, quàm vilis reputatus? quia projectus sum in hoc passionis tēpore à facie & memoria oculorum tuorum, tanquam derelictus à te.

Ideone semper projectus reputarer, exaudisti tādē vocem validam orationis meæ, quando in cruce dixi: Pater, quare me dereliquisti? dum clamarem ad te, merui exaudiri resurrectionis meæ gloria.

Diligite ex totis viribus Dominum Christum, omnes sancti, & electi eius, quia tradidit semetipsum pro nobis, quoniam in iudicio extremo veritatem vitæ, doctrinæ, & iustitiæ nostræ requiret Dominus Christus iustus iudex, & retribuet condignam pœnam abundanter & seuerè faciētibus superbiam, quæ est cōtemptus Dei, & radix omnium malorum.

Viriliter & constantissimè agite perseuerando in bonis operibus, & confortetur cor vestrum, ne à recto proposito carnis imbecillitate seducamini omnes, qui speratis in Domino spe certa, quæ est expectatio futura beatitudinis, ex meritis & gratia proueniens.

ORATIO.

In manus tuas cōmendamus animas no-

stra: Domine, qui speramus in te, libera nos, & auxiliare nobis, qui es protector noster, & domus refugii, ne confundamur in æternum. Fac nos spem nostrā in te figere, vt valeamus ad illam dulcedinē peruenire, quam in coelesti patria electis preparasti, & abscondisti peccatoribus. Per Christum Dominum nostrum.

PSALMVS XXXI.

Sec. He. 31. Intellectus & instructio, vt peccata nostra recognoscamus, ipsius David Propheta, & cuiuslibet pœnitentis.

ARGVMENTVM.

ideoque felicem cui peccata cōdonantur: hoc ipsum verò, simul & Dei protectionem, impetrari sincera peccatorū confessione, sedulāque prece. Inde alios docet, vt iudicia Dei agnoscāt, qui improbis mala, bona bonis dispensat, vnde summa sit iustitiæ studiosis de Deo lætitia & exultatio.

Rom. 4. 2

B Eati sunt illi in spe & gratia, quorum remissæ sunt iniquitates, quantum ad culpam, & quorum reſta, abolita & deleta sunt hīc per pœnitentiam peccata, ne in iudicio reuelentur ad pœnam.

Beatus vir, ac summè felix est, cui non imputauit, siue ad culpam siue ad pœnam Dominus Deus peccatum suum, nec est in spiritu mentis eius dolus, quia verè pœnitet mente, & se accusatore.

Quon

Quoniam tacui cōfessionem peccati, inueterauerunt in malū olla mea, & interiora roborata anima mea dum clamare tota die continue peccatum defendendo, aut de iustitia, & meritis presumendo.

Quoniam die ac nocte in assidua tribulatione grauata est mole malorū super me manus & potestas tua, vltrix scelerum: & ideo conuersus sum assiduitate flagellorum in ærumna mea, & consideratione propria miseria, dum configitur suo remorsu aculeato spina, & stimulus in conscientia peccatrice.

Delictum meum omissionis cognitum tibi feci per veram cōfessionem: & iniustitiam, atque iniquitatem, meam commissionis non abscondi à te, imò detexi & patefeci.

Dixi firmiter proponendo quòd confitebor & corde & ore aduersum me, accusando me ipsum, iniustitiam meam atque impietatem Domino Deo meo: & tu per gratiam remisisti clementer impietatem & culpā peccati mei confessi.

Pro hac remissione & venia obtinēda, orabit, emundandus ad te Deum omnis sanctus, quia nullus est sine peccato, in tempore hoc opportuno gratiæ & vitæ presentis.

Veruntamen illi, qui sunt fluctuantes in diluuiū aquarum multarū atque voluptatum carnalium, ad eum Deum non approxima-

bunt saluandi, sed elongabuntur.

Tu solus es refugium meum vnicum à tribulatione tentationum, vitiorum & diaboli, quæ circumdedit & impugnat me in isto diluvio exultatio mea per spem & cōsolationem erue atque libera me captivum ferèque subversum, à circumdātibus & insidiantibus me, demonibus & peccatis.

Intellectum sapientiæ tibi dabo, inquit Dominus, ut te cognoscas & me, & instruam te armis iustitiæ, ad prosequendum bonum & fugiendum malum in via hac pœnitentiæ, qua gradieris & peregrinaberis sine errore, firmabo super te pœnitentem oculos meos gratia & misericordiæ.

Nolite fieri irrationales, sicut equus indomitus & effrenus, & mulus piger & stolidus, in quibus non est ratio, aut intellectus, ad refrenandum appetitus sensuales.

In camo, capistro & freno tribulationum, atque flagellorum maxillas eorum superbi constringe ac reprime, qui de suis viribus & meritis se iactant, qui certè non a proximo humiliando ad te, sed elongantur superbiendo.

Multa sunt flagella, siue in presenti, siue in futuro peccatoris pœnitentiam recusantis, & obstinati: sperantem autem in Domino certa & debita, misericordia, ne sit locus diabolo, circumdabit undique protegens, & liberabit.

Lxtam

*Lætamini mentis suauitate in Domino,
non in vobis, & exultate animi feruore iusti, nō
meritis vestris, sed gratia Dei iustificati: & glo
riamini testimonio conscientiae purae omnes
recti corde, habentes voluntatem conformem
voluntati diuina.*

ORATIO.

*Quæsumus Domine, intellectum sapien
tiae nobis tribuere digneris, atq; instruere
armis iustitiæ in via hac peregrinationis no
stræ, figendo oculos gratiæ & misericordiæ
super nos pœnitētes, qui confitemur iniusti
tias nostras, vt obtineamus per veniā peccatis,
nec imputatis vltra delictis, sic iustificati
mereamur sanctorum exultationis esse par
ticipes. Per Christum Dominum nostrum.*

PSALMVS XXXII.

*In finem Christum, Psalmus ipsius David, Sec. Heb. 33
quippe Christus est finis noster ad quem ten
dimus.*

ARGVM. Iustos & rectos ad quā studiosissi
mè celebrandū Deum inuitat. Deinde omnia eius
bonitate plena esse prædicit, miracula conditio
nis simul & gubernationis memorans. Denique
dum cecinit vnum Deum cuncta efficere & præ
stare, & suis semper benignè adesse, nomine populi
Dei spem & fiduciam in ipsum proficitur, bonita
tēque eius inuocat.

EXultate vos iusti, non in rebus seculi, non
in vobis, sed in Domino: quia rectos cor
de,

de, qui conformant se voluntati diuina, decet laudatio, qua Deo accepta est.

Confitemini Domino confessione laudis in cithara & operibus vite: & in psalterio decem chordarum per obseruantiam decem preceptorum psallite illi, tangite psalterium, & implete legem.

Cantate ei in spiritu canticum nouum, exuendo veterem hominem, & induendo nouum: bene psallite ei in spiritu, vita & gaudio: atque in vociferatione, nouo cordis affectu.

Quia rectum in se est verbum Domini, recte docens, iubens, predicans, & promittens, & omnia opera eius consistunt in fide, seu fidelitate. nihil enim promittit quod non reddat.

Diligit Dominus misericordiam, dum sustinet peccatores, & patienter expectat, & iudicium, quo in futuro retribuet unicuique secundum merita sua: misericordia Domini plena est terra, quia ubique terrarum à Domino concessa est poenitentibus remissio peccatorum.

Verbo enim Domini, & sapientia Dei Patris, cœli & Apostoli firmati & solidati sunt, in fide, in verbo, exemplo & dono: & postea spiritu oris, & filij eius, qui est os patris, omnis virtus in doctrina & miraculis eorum roborata est.

Congregans in unum locum, sicut in vire concludens aquas maris, & seculi tribulationes, quæ prius sauebant aperte fluctibus persequen

Sequentium, sed nunc intra terminos occultè clauduntur: ponens atque recondens in thesauris absconditis abyssos, imperscrutabilia, atque mirabilia soli Deo cognita sunt.

Timeat Dominum timore filiali, omnis habitans in terra hac peregrinationis: ab eo autem Domino commoveantur, & ad penitentiam conuertantur omnes peccatores inhabitantes orbem terræ.

Quoniam ipse Dominus dixit, & voluit, Iudith 16. c
& eius imperio facta atque formata sunt omnia: ipse mandavit verbo suo, & creata sunt omnia ex nihilo.

Dominus dissipat, ne effectum habeant consilia contra se & suos, Gentium qui conabantur destruere Ecclesiam: reprobatur autem vanas cogitationes populorum, qui machinantur delere nomen Christianum, & etiam reprobatur superba consilia principum atque tyrannorum huius seculi.

Consilium autem Domini de nostra vocatione, iustificat one & glorificatione in æternum manet, stabile ac fixum, & cogitationes, dispositiones cordis & sapietie eius ante mundi constitutionem permanent in generatione & generationem, quia quod disposuit Deus, mutari non potest ab hominibus.

Beata ergo gens, cuius est Dominus per veram fidem, Deus eius in debito cultu: populus
quem

quem elegit, per prædestinationem, in possessionem perpetuam, tanquam in hæreditatem sibi. electi enim sunt hæreditas Dei, & Deus hæreditas ipsorum.

De cælo, excelsio suo habitaculo respexit Dominus oculis misericordiae: vidit per suam gratiam omnes filios hominum, ut omnibus misereatur.

De præparato & disposito ad salutem mundi habitaculo suo assumpta humanitatis, in quo habitat omnis plenitudo diuinitatis respexit misericorditer super omnes homines, qui habitant terram, quos elegit ex mera sua gratia.

Qui finxit & formauit sigillatim & separatim corda & animos eorum hominum, qui intelligit cogitationes, dicta, facta, & omnia opera tam bona, quam mala eorum.

Non saluatur rex aliquis per multam virtutem sui exercitus, nisi assistat sibi diuinum auxilium: & gigas quâcumque fortis, non saluabitur, neque liberabitur in multitudine, & potentia virtutis suæ, & virium sui corporis.

Fallax etiam est equus ferox ad salutem, quia sæpe fallit sessorem suum: in abundantia autem fortitudinis & virtutis suæ sessor non saluabitur, imò sæpius collidetur in terram: a Deo ergo omnis salus.

Ecce ut nos protegat, sunt oculi Domini,
& respectus misericordia sua super metuen-
tes eum, & non de se presumens, & etiam in
eis hominibus qui sperant, non in virtutibus
suis, aut meritis, sed super misericordia &
gratia eius.

Ut tandem eruat à morte & damnatione
perpetua animas eorum, dans eis vitam eter-
nam; & aliat hinc interim eos, pane coelesti, &
verbo spiritali, in fame, quia esurient iusti-
tiam, sed saturabuntur.

Anima nostra interim sustinet Dominum,
& patiens est in Domino, expectando eius
beneplacitum, quoniam ipse adiutor ad fa-
ciendum bona, & protector noster est contra
malum.

Quia in eo, non in nobis, lætabitur perfe-
ctè cor nostrum, cum pro operibus premia su-
scipiemus: & interim in nomine Iesu sancto
filio eius saluatore nostro sperabimus, haud
in meritis nostris.

Fiat & veniat misericordia tua ineffabilis
Domine Deus super nos peccatores, quemad-
modum sperauimus haud in iustitia nostra,
sed in te & tua gratia.

ORATIO.

Domine Deus noster, cuius misericordia
plena est terra, qui dixisti, & facta sunt: qui
mandasti, & creata sunt: respice nos pecca-
tores

tores oculis gratię de cœlesti tuo habitaculo, vt omnibus miserearis. Pasce nos pane cœlesti, vt saturemur verbo tuo, qui hęc famescimus in via peregrinationis nostrę, quemadmodum speramus in te Iesu Christo Domino nostro.

PSALMVS XXXIII.

Sec. He. 34.
1. Reg. 21. d

Dauid, hoc est Christus, & in eo Christianus cecinit hunc psalmum, cū mutauit in cœna nouissima vultum suum, & vetus sacrificium, & hoc coram Abimelech & Iudæis, & Christus dimisit eum populum Iudaicum, & abiit ad Gentes.

iusus

ARGVM. Gratias agit quisque ~~salutis~~ quod liberatus sit ex omnibus tribulationibus, prouocās alios quoque, vt suo exēplo fidant Deo, vt gustent suauitatem misericordię eius, vt timeāt illum solum, qui suis ita paterna sollicitudine prouidet, vt nihil desit, siue ad corporis, siue ad animę salutē, impios verō à se reiecit. Si rectē introspicias, non parum hic psalmus fidem nostram cōfirmat atque corroborat.

Benedicam Dominum corde, ore, & opere in omni tempore, tam aduersitatis, quā prosperitatis: semper laus, gloria, & honor eius erit in ore meo, nec tacebo unquam.

In Domino, à quo est omne bonum, laudabitur, non ex sapientia mundi, aut sublimitate verborum anima mea. qui enim gloriatur, in Domino gloriatur: audiant hoc mansueti, mites & benigni, & lætentur me socium spiritualis gratiæ.

Magi

Magnificate laudando & prædicando Dominum esse magnum mecum resonando : & exaltemus per potestatem & bonitatem nomen eius quod Iesus est in idipsum, in unitate & concordia, ut sit nobis cor unum, & anima una.

Exquisivi ex toto corde Dominum orationibus sedulis, & exaudiuit me, dando bona, quæ ab eo postulavi : & ex omnibus tribulationibus, angustijs meis, & tentationibus eripuit & liberauit me.

Accedite ad eum fide & opere, & illuminamini ab eo, qui est vera lux : & facies vestrae in orationibus suis non confundentur, quia non patiemini repulsam.

Ille pauper spiritu clamauit orando deuotè, & Dominus Deus exaudiuit eum humiliter deprecantem : & ex omnibus huius mundi tribulationibus eius & angustijs saluauit eum transeuntem ad se.

Immittet se occultè Angelus Domini Dei in circuitu, pro defensione timentium eum de cordis puritate, & eripiet eos ab omni impugnatione demonum.

Gustate per spiritualem gustum animæ, & videte atque intelligite quoniã suauis palato cordis est Dominus Deus, qui peccata dimittit, & vitam confert aeternã: beatus est vir ille, qui sperat in eo Domino, qui est omne bonum.

Timete Dominum ne nimia securitate decipiamini, omnes sancti qui firmi statis in eius promissis, quoniā non est inopia spiritualium bonorum timētibus eum in veritate.

Diuites huius seculi egrediūt prae avaritia & esurierunt, ea quae non habent concupiscendo inquirentes autem Dominum toto corde non minuentur, imò abundabunt omnino, tum spirituali ad salutem, tum corporali ad necessitatem.

Venite filij per desiderium discipline, audite me diligenter: timorem Domini, qui est initium sapientiae docebo vos, quo nihil utilius.

2. Pet. 3. b.

Quis est homo mortalis, qui vult habere vitam aeternā, & diligit dies videre bonos atque aeternos in futura beatitudine?

Prohibe ac tempera linguam & loquelam tuam à malo contentionis, detractionis, murmurationis, & labia tua contra proximum ne loquantur dolum adulationis, mendaciae, deceptionis.

Diuertere à malo, quod diaboli instinctu provenit, & fac bonum, quod ex Dei gratia procedit: inquite cum magno desiderio pacem in Deum & in conscientia, & persequere perseueranter eam ut comprehendatis.

Eccles. 15. d.
Hebr. 4. c.

Oculi Domini & aspectus divinae pietatis semper sunt super iustos & dilectos, & aures eius paratae sunt in preces eorum exaudi.

dicendas.

Vultus autem ire & indignationis Domini Dei super facientes mala ad puniendum eos: vt perdat & destruat de terra viuentium memoriam eorum, adeò vt nec mentio, nec intercessio fiat pro eis.

Clamauerunt iusti deuotè orando, & Dominus exaudiuit eos promouendo in bonis: & ex omnibus tribulationibus atque angustijs eorum protegendo, liberauit eos à malis spiritalibus.

Iuxta est Dominus suo diuino auxilio, iis qui tribulato & contrito sunt corde, eos adiuvando: & humiles spiritu ac corde saluabit, quoniam ipsorum est regnum cælorum.

Multæ sunt tribulationes hominum iustorum à diabolo & inuidis hominibus: & de his omnibus vite presentis angustijs liberabit eos Dominus, quando absterget omnem maculam ab oculis eorum.

Custodit & obseruat Dominus Deus omnia ossa eorum electorum, quæ sunt animæ virtutes, in quibus robur mentis: & vnum ex his qualiscunque immineat tēatio, non conteretur, neque deperibit ex toto.

Mors peccatorum decedentium in mortali delicto pessima est, quia in gehenna perpetuò torquebūtur: & qui oderunt in animo iustum hominem, delinquent, cum odium fraternum.

est occasio multorum malorum.

Redimet Dominus pretio mortis sue animas seruorum suorum prædestinatorum: & non delinquent finaliter in mortem, omnes qui sperant spe formata charitate in eo, in quo est remissio peccatorum.

ORATIO.

Illuminemur quæsumus nos lumine gratiæ tuæ, vt hic gustemus & intelligamus, quàm suavis sis Domine in misericordia tua sperantibus in te. Et emitte Angelum tuum in circuitu nostro, cuius præsidio muniti, ab omni impugnatione demonum, & morte peccatorum pessima liberemur. Per Dominum. &c.

PSALMVS XXXIIII.

Sec. He. 35.

Psalmus iste attribuitur ipsi David, hoc est Christo manu forti, qui vicit mundum, mortem, & diabolum.

ARGVM. Hic Christus & quisque fidelis in tribulatione, fortiter precatur contra veritatis aduersarios. In fine autem iustitiæ fauentibus lætitiā imprecatur.

Iudica Domine iudicio cōdemnationis tuæ deos nocentes me, reddendo eis secundum opera eorum: expugna atque deuince impugnantes me iniuste.

Apprehende tua arma diuina ad arcendum inimicos, & scutum ad protegendum: & exurge atque succurre in adiutorium mihi,

cum

cum vires mee non suppetunt.

Effunde frameam, & euagina gladium
iræ tuæ in Iudeos, & concludere multitudine
hostium aduersus eos, vt intereant, qui per-
sequuntur me, quoniam tu es salus mea: dic
animæ meæ per reuelationem interiorem, Sa-
lus tua ego sum, vt neminem præter te requi-
ram in angustiis.

Confundantur Iudei, & facta sua erube-
scant, & tandem reuereantur emendati quæ-
rentes perdere animam & vitam meam.

Aueantur à Deo vt sint ietorsum, non
valentes perficere quod intendunt, & confun-
dantur in prauis actibus suis, cogitantes &
machinantes mihi mala, tam Iudei, quam
heretici, quàm Gentiles.

Fiant ipsi tanquam puluis lenissimus, qui
dispargitur ante faciem venti, vt facile vin-
cantur ab hostibus, & Angelus Domini ma-
lus sit coartans & affligens semper eos, atque
dominetur eis.

Fiat via & vita illorum impiorum, tene-
bræ, per ignorantiam & cecitatē cordis, & lu-
bricum vt facile labantur in vitia, & Ange-
lus Domini malus, sit etiam persequens &
tentans eos, vt eius impulsu facile capiantur.

Quoniam gratis, sine causa, cum nihil ma-
li fecissem, absconderunt mihi Iudei latenter
insidias, sed hoc fuit in interitum laquei sui,

quia per hoc laquearunt sese in mortem: superuacue, inutiliter & sine causa exprobrauerunt, & contumeliose accusauerunt, ut tollerent animam, & vitam meam corporalem.

Veniat illi populo Iudaico laqueus captiuitatis per Romanos, quem ignorat futurum esse, & captio, ac fraus, quam abscondit mihi insidiosè, apprehendat eum, subito & improviso: & in laqueum mortis cadat dictus populus, in ipsum inquam laqueum, quem mihi moliebantur.

Anima autem mea à malis liberata exultabit in Domino gratias agendo: & delectabitur iubilatione iucunda super Christo saluati filio suo, per quem saluati sumus.

Omnia interiora ossa mea, & robora anime mea, quæ sunt constantia mentis & sanctæ voluntates, dicent, loquentur & predicabunt Domine Deus, quis similis tui: certè nullus.

Eripiens tu es Domine inopem populum Christianum de manu & potestate fortiorum eius, immundorum videlicet spirituum, qui naturaliter fortiores sunt homine: Insuper egenum sapientia populum & pauperem virtutibus liberasti à potestatibus tenebrarum diripientibus eum, & hoc per crucem tuam.

Surgentes principes Iudeorum, & testes iniqui inducti ab eis, quæ ignorabam, ut
ment

mentiri & blasphemare, interrogabant me
ad extorquendum aliquod verbum reprehensio-
ne dignum.

Retribuebant Iudei mihi Christo mala
pro bonis: attuli eis vitam, ipsi me condemn-
auerunt morti: etiam sterilitatem retribu-
ebant animæ meæ, contumelias, vulnera, &
mortem.

Ego autem, quando in me seuirent, &
cū mihi molesti essent clamantes, Cruci-
fige: tunc non vindicabam eos, sed induebar
cilicio, & abscondebar secundum diuinitatem
sub humana carne.

Humiliabam & affligebam in ieiunio
Iudeorum animam meam, quia esuriebam
& sitiebam salutem eorum: & oratio mea pro
crucifixoribus emissa, ex quo suscipere non me-
rentur, in sinu meo, & secreto cordis, vnde
exierat, cōuerteretur & remeabit. frustra enim
pro eis orabam.

Quasi ad proximum meum & quasi ad
fratrem nostrū carnalem sic complacebam,
& morem gerebam illis, docendo, prædicando,
instruendo viam vitæ & veritatis: & quasi
pater lugens filium & contristatus de errore
eius sic humiliabar compatiendo eis, & affli-
gebar de perditione eorum.

Et tamen Iudei aduersum me innocentem
letati sunt in malenola & impia corū volun-

tate, & conuenerunt in unum consilium: congregata & multiplicata sunt super me innocentem flagella atque tormenta, & ignoscui causam, unde meruisseni.

Dissipati & attoniti sunt visis miracula in passione, nec tamen compuncti, de sua iniquitate ad penitentiam, tentauerunt me, Si filius Dei es, descende de cruce, subsannauerunt, deridentes me subsannatione hac, Vah qui destruis templum Dei: frenduerunt super me, ex crudelitatis magnitudine, dentibus suis, bestiali ferocitate.

Domine pater, quando respicies illorum iniquitates, & meam innocentiam: restitue, tertia die animam meam corpori, à malignitate eorum liberatam, & erue atque libera à leonibus, Iudais propter fortitudinem malitia eorum unicam carnem meam, quæ sola concepta fuit sine peccato.

Confitebor tibi, & laudabo te Domine pater in Ecclesia Christianorum magna, ex omni gente collecta, atque per orbem diffusa: in populo Christiano graui, maturo, ac modesto, firmiter præcepta tua custodienti, laudabo te glorificando.

Ioan. 15. d

Non supergaudeant Iudæi mihi, nomen meum delendo, qui aduersantur mihi iniuste, & persequuntur iniuste, qui oderunt me gratis, sine causa, & annuunt oculis, alios

conciat

concitantes ad derisionem.

Quoniam mihi quidem, licet dolose, tamen pacificè loquebantur, dicentes: Magister, scimus quia verax es: & tamen in iracundia terræ amittenda loquētes, ne perderent locum & gentem, dolos cogitabant, quomodo me esperent in sermone.

Et dilatauerunt in passione super me innocentem os suum blasphemantes, atque dixerunt deridentes: Euge, gaudemus, euge, bene actum de nobis, quia viderunt iam oculi nostri, quod desiderauimus, ut scilicet cum latronibus in cruce penderet.

Vidisti, & cognouisti Domine meam innocentiam & illorum nequitiam, & ideo ne sileas, sed profer sententiam: Domine pater, ne discedas in passione à me, & ab humanitate mea, quæ subiacet passioni.

Exurge Domine in adiutorium meum, & intende iudicio meo, quo iudicatus sum ad crucē: Deus pater meus & Dominus meus, respice in causam meam, quia patior pro hominibus, & non pro peccatis meis.

Iudica me secundum causam, & secundū iustitiam tuā, quæ non cōdemnat innocentem, Domine Deus pater meus: & non supergaudeant neq; insultiēt mihi Iudæi quasi victores.

Non dicant, neque arrogant in cordibus & cogitationibus suis maluolis. Euge, euge,

bene, bene est animæ nostræ, fecimus quod voluimus, nec dicant iactantes, Deuorabimus eum, & extinguemus nomen eius.

Erubescant, de peccatis suis, & reuerentur omnes simul pœnas æternas, qui gratulatur & exultant de malis meis, de afflictione & tribulatione mea.

Induantur pudore & confusione, & simul reuerentia, erubescant ex timore omnes, qui maligna loquuntur, vel detrahendo, vel iactando super me innocentem.

Exultent corpore, & lætentur spiritu, qui volunt iustitiam meam imitari quæ fuit in me: & dicant semper & usque in finem sæculi, Magnificetur Dominus pater in nobis, hoc, inquam, dicant hi, qui volūt & diligunt pacem Christi serui patris eius, qui sua morte pacem posuit inter Deum & hominem.

Et lingua mea atque apostolorum meorum meditabitur atque prædicabit iustitiã tuam, annuntiando Euangelium Gentibus, & tota die presentis vitæ decantabit laudem tuam in Ecclesia catholica.

ORATIO.

Præsto sit tuum diuinũ auxilium in persecutione impugnantiũ nos, quoniam unica salus nostra tu es. quis enim similis tibi? quocirca anima nostra delectabitur semper, & exultabit in salutari nostro

CHRISTO

CHRISTO, qui humiliavit semetipsum
usque ad mortem crucis, delens chirogra-
phum peccati. Protecti ergo scuto inexpu-
gnabili iustitiæ tuæ mereamur cum dili-
gentibus te lætitiæ & exultatione æterna
perfundi: Pereundem Dominū nostrum.

PSALMVS XXXV.

Sec. He. 36.

Psalmus tendens in finem Christum attri-
buitur seruo iusto Domini, qui est Dauid.

ARGVM. Describit cogitationes & peruer-
sitatem improborum: inde præclarius clementiam
& misericordiam Dei laudibus prosequitur.

Dixit in corde suo iniustus, & decreuit
apud se ut delinquat liberè peccando, ob-
duratum in semetipso cor habens, sed non est
timor Dei, quod est frænū peccati, autē o-
culos mentis eius.

Quoniam timore Dei posthabito dolose
egit, legem contemnens, in conspectu eius quō
videt omnia: ut inueniatur iniquitas, & repu-
tetur eius peccatū ad odium, ut Deus iniqui-
tatem iudicet, & non dimittat, sed impuet.

Verba oris eius iniusti sunt, iniquitas in
Deum & dolus in proximum: noluit peccas-
tor intelligere, imò contempsit dicta saluta-
ria, ut bene ageret, licet posset, si bona volun-
tas accederet.

Iniquitatem longa deliberatione medita-
tus est, & errorem in cubili suo atq; in secreto
cordis

cordis sui, & destitit & consensit omni viæ ne
bonæ, & in omni genere peccati, malitiam
autem non audiuit, sed dilexit, in malis gau
dendo & delectando.

Domine Deus in cælo est misericordia
& beneficentia tua divina, quæ ubique senti
tur: & veritas tua promissionum est utique ac
nubes, ubique, & semper.

Iustitia tua est altissima, sicut sunt mon
tes Dei, ab impijs incomprehensibilis iudicii
tua quod horum misereris, & hos excacis, sunt
abyssi multa profunda, & inscrutabilis.

Homines iustos ac rationales, & iumenta
brutos homines & carnales saluabis Domi
ne, dum tamen poenituerint: quem admodum
mirabiliter multiplicasti in omnibus miseri
cordiam tuam ineffabilem Deus noster.

Filij autem hominum proprijs viribus ad
omne bonum destituti, in tegmine & umbra
alarum tuarum expensarum in cruce sperabunt
cum nulla alia sit salus, nisi in cruce Domini.

Inebriabuntur atque saturabuntur ab
vbertate Spiritus sancti, & pinguedine do
mus tuæ, quia omnibus bonis replebis eos, & et
torrente atque abundantia voluptatis viæ
diuine potabis eos in fruitione aterna, qui
iam sentiunt iustitiam.

Quoniam apud te, Domine deus, est inde
ficiens fons vitæ, initium omnium bonorum.

& origo virtutum : & in lumine. Christo, filio tuo qui illuminat omnem hominem venientem in hunc mundum, videbimus & intelligemus lumen totius Trinitatis.

Prætende, longe latè que diffunde Domine Deus, misericordiam tuam in remissione peccatorum scientibus & cognoscentibus te per fidem, atque confitentibus individuum Trinitatem, & iustitiam tuam in vite rectitudine tribue his qui recto sunt corde, dirigentes se ad voluntatem Dei.

Non veniat, aut subrepat mihi pes, & affectus superbiæ, quod de me præsumam: & manus seu impulsio peccatoris mala suadentis, non moueat me à bono proposito, & à fide aut statu gratiæ.

Ibi enim in affectu superbiæ ceciderunt à gratia diuina omnes qui operantur iniquitatem, quoniam Dei iussa contemnuunt, expulsi ergo sunt & damnati à Deo, nec potuerunt stare vel resurgere, quia non cognoscunt errorē.

ORATIO.

Deus, fons vitæ & origo omnium bonorum, multiplica super nos misericordiam tuam : vt inebriati vbertate gratiarum tuarum, omnem iniquitatē, dolum, superbiam abdicantes nos, sacrosancti nominis tui cognitione illuminatos, regno tuo nos dignos efficias, in fruitione æternitatis.

Per

Per Christum Dominum nostrum.

PSALMVS XXXVI.

Psalmus iste est ipsi hominī impio à Dauid
Propheta decantatus.

ARGV M. Nō philosophicos, sed Christianos
hic audis mores qui ex sincera fide manant, id
quod totus psalmus vbiq̃e prodit. Cuius argu-
mentū cū aliās saepe in scripturis, tū vel maxime
habet Prover. 4. vbi dicitur: Ne delecteris in semi-
ta impiorum, nec tibi placeat malorū via. Fuge ab
ea, &c. In fine canit, impios vtcūq̃e florere videā-
tur, tandem excludendos & penitus delendos.

NOli æmulari, inuidere, & indignari in
malignantibus, nec te malè habeat im-
proborum fortuna, neque zelaueris aut dis-
xeris facientes iniquitatem. tales enim ne
imitandi, nec amandi sunt.

Quoniam tanquam fœnum, quod hodie
floreſcit & cras marceſcit, velociter arescent in
gloria & prosperitate malorum: & quemad-
modum olera herbarum viridia, sed viliū
citò decident in carnali eorum gloria.

Spera in Domino, quod est initium salu-
tis, & fac bonitatem, quia fides sine operibus
morta est, & inhabita terram permanendo in
vinitate Ecclesie, & pascēris vsque ad saturi-
tatem & suauitatem in diuitiis spiritualibus
eius, quarum thesaurus est ipse Christus.

Delectare non in rebus transitorijs, sed in
Domino, qui sit dulcedo mentis tue, & dabit
tibi

ribi petitiones non carnis, sed cordis tui, quas spiritus rationalis petit, quæ sunt bona gratiæ & virtutis.

Revela & patefac Domino Deo viam tuam peregrinationis per confessionem, & spera in eo, & nō in alio: & ipse sine dubio faciet illud quod desideras.

Et educet in publicum, quasi lumen alijs in exemplum virtutis, iustitiam tuam, atque opera iustitiæ tuæ & iudicium tuum, quo eligis sequi Christum tanquā meridiem in pleno splendore manifestabit in extremo iudicio: interim subditus esto Domino, præceptis eius obediendū, & ora cum piē ac perseveranter.

Noli æmulari, neque invidia commoveri in eo homine, qui prosperatur & floret in via sua perversa, & in homine malo faciente atque perpetrante iniustitias. Ille prosperatur in via sua & tu laboras in via Dei.

Define ab ira, ne subitō irascaris prosperitate malorum, & derelinque furorē, noli ob hoc contra Deum malignari: subinde noli æmulari aut indignari in tantum, ut ipse maligneris atque efficiaris reprobis,

Quoniam qui malignantur, & nequiter agunt, esto iam floreant in delicijs, exterminabuntur tamen in futuro extra terminos viventium: sustinētes autē & patiēter expectantes Dominum Deum, ipsi hereditabunt terram
viven

viuentium, & patriam cœlestem.

Et adhuc restat pusillum temporis, & non erit peccator, pro quo irascaris: & quæres locum atq; felicitatem eius, & non inuenies, quia euauit.

Matth. 5. 2

Mansueti autem & mites, qui iugum Domini patienter portāt, & aduersa mundi æquanimiter tolerant, hæreditabunt cœlestem terram viuentium, & delectabuntur atque gaudebunt in multitudine supernæ pacis, futuro seculi, quæ est requies perfecta.

Obseruabit occultis insidijs peccator, & circumueniat iustum, dolens de bono virtutis eius, & stridebit præ furore super eū iustum, dentibus suis detractiois & nequitie.

Dominus autem irridebit, atque dignum opprobrio eum indicabit, quoniam prospicit, & procul aspicit, quòd veniet post pusillum temporis dies perditionis eius, & dies visitationis iræ suæ.

Gladium persecutionis euaginauerunt atq; nudauerunt peccatores aduersus sanctos, intenderunt insidiando arcum suum in dolo.

Vt decipiant dolis pauperem, & humilem spiritu, & inopem, qui nec opem habet ab alio, vt trucident atque interficiant rectos corde, constantes & firmos in fide.

Gladius eorum, quo alijs nocere conantur, intret in corda, & animas ipsorum ad damnationem

nationem vt simili persecutione moriantur:
& arcus dolus eorum confringatur, & insi-
dia, ne iusto noceant.

Melius est & sufficientius, modicum tem-
porale iusto homini, qui tendit ad bona spiri-
tualia, super diuitias peccatorum multas,
quia auaro tam deest quod habet, quam quod
non habet.

Quoniam brachia, potestas, diuitia, ro-
bur peccatorum, in quibus considebant, con-
tererentur, minuuntur, & confringentur: confir-
mat autem, ne à bono virtutis moueantur, ius-
tos tam in prosperis quam aduersis Dominus
Deus.

Novit & approbat Dominus in vita præ-
senti dies immaculatum, conuersationem,
& vitam iustorum: & hæreditas eorum, qui
sine macula sunt in æternum erit, & in vita
eterna durabit.

Non confundentur neque priuabuntur spe sua
iusti in tempore malo, quod erit dies iudicii,
& in diebus famis, quibus denudati esurient
per carentiã boni, iusti saturabuntur per ado-
ptionem summi boni: quia peccatores peribunt.

Inimici verò Domini, qui sunt amici hu-
ius mundi, mox vt honorificari fuerint glo-
ria & reuerentia, & exaltati dignitatibus &
potentia: deficientes quotidie de malo in pe-
ius, quemadmodum fumus cuius nullum

tandem inuenitur vestigium, deficient tãdem perpetuò.

Mutuabitur & suscipiet peccator diuersa Dei beneficia, & non soluet, Deo gratias agendo, & mandata eius implendo, iustus autem de bonis à Deo acceptis miseretur affectu compatiendo, & retribuet largiendo eleemosynas.

Quia benedicentes, & gratias agentes ei Deo hereditabunt in præmium terram viuentium: maledicentes autem ei, quales sunt peccatores, blasphemæ, & Dei legibus inobedientes, disperibunt à iustorum beatitudine in æternâ perditionem.

Apud Dominum Deum gressus hominis iusti dirigentur, vt non declinet à rectitudine iustitiæ: & viam eius ad meritum æternæ vitæ ordinando volet & approbabit Dominus.

Cùm ceciderit in peccatum propter carnis infirmitatem, quia septies in die cadit iustus, non tamen collidetur, neque frangetur, gratiâ Dei irreuerabiliter amittendo: quia Dominus Deus supponit adiuvando manum suam misericordiæ, reducendo eum per poenitentiam ad gratiam.

Ecc1.2.c Iunior fui per ætatem, etenim iam senui in diebus: & non vidi vnquam iustum hominem derelictum à Deo, nec semen & progeniem eius vidi vnquam quærens panem, & necessaria bona.

Tota die atque omni tempore vite sue miseretur iustus, admonendo errantem, & commodat pauperibus dispensando eleemosynas: & semen illius, quod seminat ut metat, in benedictione erit, quia cum exultatione veniet, portans manipulos suos.

Declina à malo, & diuertere à peccato & fac bonum opus, exercendo de virtutibus, & inhabita in terra viventium in seculum seculi eternaliter.

Quia Dominus Deus amat iudicium, iustitiam, & equitatem, & ideo non derelinquet electos, sanctos suos, qui eius voluntatem impleuerunt: sed in æternum in vita beata conseruabuntur in corpore & anima.

Iniusti pœna æterna puniatur in inferno, & semen atque opus illorum impiorum hominum transibit, ut umbra, & peribit in nihilum.

Iusti autem homines hæreditabunt, atque possidebunt terram viventium, ubi nullus moritur: & inhabitabunt atque dominabuntur in seculum seculi sine fine, super eam tanquam domini & possessores.

Os ipsius iusti hominis meditabitur, & Esa. sic predicabit sapienciam, quæ est de Deo & æternus, & lingua eius cum discretionem loquetur iudicium veritatis, discernens quæ tenenda sunt, & quæ fugienda.

Lex Dei eius & observatio preceptorum

erit semper in corde ipsius, per iugem meditationem: & ideo non supplantabuntur à diabolo vel peccato gressus eius, quibus nititur ad Deum peruenire.

Considerat callidè peccator, ut circumueniat iustum, ad decipiendum: & etiam per inuidiam quærit opportunitatē mortificare eū, vel corporaliter vel spiritualiter.

Dominus autem Deus non derelinquet eum totaliter in manibus & potestate eius impij, nec dānabit eum iustum in futuro iudicio cum iudicabitur, sed sententia illi dabitur pro eo.

Expecta patienter Dominum, qui te iudicabit & renuntiabit, & custodi viam eius, obseruando mandata: & exaltabit te, de lacrymarum valle, ut hæreditate & firma possessione capias terram supernæ patriæ: & hoc, cum perierint, atque iudicati fuerint peccatores, tunc videbis præmia iustorum & pœnias impiorum.

Vidi impium præ alijs superexaltatum potentia & honoribus seculi, & eleuatum superbiam, sicut cedros, arbores Libani montis altissimas.

Et transiui per aliquod tempus expectans, & ecce non erat, qui sic intumuerat: quæsiui eum in gloria sua vana, & non est inuentus neque splendor pompæ dignitatis, superbiæ, aut etiam

etiam locus prosperitatis eius.

Custodi innocentiam vitæ, quo ad Deum,
& vide æquitatem, iuste cum proximo agen-
do: quoniam hæc bona opera sunt reliquiae,
quæ post hanc vitam relinquuntur homini pa-
cifico, ut post mortem præmientur in felici-
tate æterna.

Iniusti autem cum suis operibus disperi-
bunt, atque æterna damnatione delebuntur,
simul etiam cum eis reliquiae impiorum quæ
sunt honor, diuitiæ, fama interibunt, quo-
niam post mortem falsa eorum laus, & fragilis
gloria dissolvetur.

Salus autem mentis & corporis ipsorum
iustorum hominum, est à Domino Deo: qui
etiam & est protector eorum, siquid impu-
gnat in tempore tribulationis & tentatio-
nis ne superentur.

Et in collectatione temptationum adiuuabit
eos Dominus, cooperando ne fatigentur, &
liberabit eos si ceciderint in peccatū, & eruet
eos per veram penitentiam à peccatoribus qui
non erunt de numero obstinatorum, & tandem
saluabit eos, ad vitam æternam perducendo:
quia sperauerunt firmiter in eo, salus cunctis
sperantibus in Domino.

ORATIO.

Omnipotens Deus, salus, protectio, & li-
beratio nostra, cōcede petitiones cordis no-

stri, qui delectamur & speramus in te Domine, dirige gressus nostros in bonum, & cum ceciderimus in peccatū, porrige dexteram cadentibus cum auxilio gratiæ & misericordiæ tuæ, ne collidamur in interitum, ne confundamur in tempore malo, ne dispereamus cum impiis, sed hæreditatem iustorum in terra viventium sortiamur. Per Dominum nostrum.

Sec. Heb. 38

PSALMVS XXXVII.

Psalmus iste est David, & cuiuslibet penitentis in rememoratione atque recordatione Sabbathi, & requiei æternitatis, quam habere desiderat, sed peccatorum conscius perdere reformidat.

ARGV M. Psalmus est ad agnoscendam corruptionem & fragilitatem nostrā, quam Christus pro nobis portauit, absque suo peccato, peccatorū nostrorum factus reus. Atque in ea re imitari debemus illius patientiā, sicubi nobis quoque crux aliqua est ferenda. Potest & ad Dauidem referri Psalmus, qui morbo fortasse pestilenti correptus, Dei tam atrocem, etsi peccatis suis debitam castigationem, deprecatur: demum opem Dei, cui sese penitus permittit, implorat.

Domine precor, ne in furore tuo excaecanti arguas me cum reprobis damando, neque in ira atque indignatione tua castiges & corripias me, purgatorij pœnæ cruciando.

Quoniam in hac vita sagittæ tuæ vindicantur

cativæ, quæ sunt pœnalitates animæ & corporis, infixæ sunt mihi in vulnus, postquam peccavi, & confirmasti diu & in multis super me peccatorem manum tuam & potentiam vindictæ.

Non est sanitas, neq; requies in carne mea mortali, à facie & instantia iræ & vindictæ tuæ: etiam non est pax in interioribus ossibus meis & viribus animæ meæ, à facie & remissionis peccatorum meorum, atque instantia suggestionum malarum.

Quoniam iniquitates meæ regnantes in mortali corpore, supergressæ sunt suo numero caput & intellectum meum, quod in servitutem redigunt, & sicut onus graue, ob multitudinem & magnitudinem earum, grauati sunt, ut ad bona erigere mentem nequeant, super me peccatore.

Putruerunt plagæ peccatorum in delicijs suis, & corruptæ sunt tabe malorum operum cicatrices meæ in liuoribus peruersis, à facie & aspectu insipientiæ atque ignorantia meæ, quia neglexi ut rem vilem.

Miser, quia seruus peccati, factus sum in afflictionibus animæ & corporis, & curuatus sum in conscientia, peccatorum mole usque in finem humiliatus ad pœnitentiam tota die huius vitæ contristatus propter synderesin ingrediebar, timens pœnas futuras.

Quoniam lumbi mei carnaliū delectationū impleti sunt, & fatigati fomite cōcupiscentiæ, illusionibus vanis libidinum incentiuis: & ergo non est sanitas neque requies in carne mea, quæ semper aduersus spiritum cōcupiscit.

Afflictus sum corpore, & humiliatus sum mēte nimis, cū vndeque sit calamitas: rugie bā amarè flendo, à gemitu & contritione cordis mei, petens cū luctu remissionem.

Domine ante & corā te est omne desiderium meum: & quia pius es, gemitus meus pro peccatis, à te, qui nosti secreta cordium, nō est absconditus. tibi enim non occultantur occulta.

Cor meum, quia tranquillitatem conscientiae amisit, conturbatum est suis passionibus, & inde dolor, dereliquit me robur ac pristina virtus mea, inde pavor: & lumen ob passionū turbulentiam oculorum meorum mentaliū etiam deseruit me, inde error, & ipsum verum lumen, qui Christus est non est mecum, quia in tenebris decidi peccatorum.

Amici mei, vox est Christi, & proximi mei, Iudæi, aduersum me cum gladijs & fustibus appropinquauerunt, consilijs & dolis, steterūt perseueranter coram me, vt occiderent.

Et qui ante passionem iuxta me erant. Apostoli, de longè steterunt, quia relicto me fugerunt, & vim faciebāt Iudæi, trahentes ad principes

cipes sacerdotum, qui quærebant tollere animam, & vitam meam.

Et qui scrutantes inquirabant falsa & mala crimina, quæ opponerent mihi non inuenientes, locuti sunt vanitates, fingendo testimonia falsa, & dolo, fraudesque tota die meditantur, ut me morti traderent.

Ego autem ferendo impropria, tanquam surdus, non respondens non a diebam, & fui sicut mutus, conticescens, non aperiens ad exprobrationes os suum.

Et factus sum, dum me conspuerent illuderentque, sicut homo obiecta non audiens conuitia, & quasi non habens in ore suo innocenti redargutiones, quibus eorum blasphemys respondere possem.

Quoniam sustinendo crucem in te Domine speravi, ut me suscites, tu exaudies me, quia obediens fui usque ad mortem Domine Pater Deus meus.

Quia dixi in oratione, te deprecando, Nequando insultent & supergaudeant mihi conuiitatores inimici mei: & dum commouentur atque labascunt discipuli, qui sunt pedes mei, tunc super me irridendo magna impropria loquuti sunt, Si filius Dei es, descende de cruce.

Quoniam ego, non recusans crucifigi in flagella sustinenda & tormenta paratus sum.

volenti animo, & dolor meus crucis in conspe-
ctu meo, quia innocens patior, est semper
pro eis.

Quoniam & ergo ego pœnitens, iniquita-
tem meam accusando, annuntiabo in confes-
sione, & cogitabo sollicitus ac sedulò pro pec-
cato meo, operibus satisfaciendo.

Inimici autem mei prosperantur, viuunt,
fruentur mundo, & cōfirmati sunt in malitia,
securè peccantes super me ob eorum prosperita-
tem: & multiplicati sunt numero, qui oderūt
me sine causa, sed iniquè, sed sola peruersitati.

Qui retribuūt ex ingratitude mala pro
bonis, quod pessimorū est, detrahebant mihi
ex inuidia, quoniam sequebar consciētia bo-
nitatem, detestando vitia.

Ne derelinquas me in tētatione & tribula-
tione Domine author salutis mea, & Deus
meus quē adoro: ne discesseris penitus à me,
subtrahendo gratiam tuam.

Intende, quia graues sunt pugnae carnis, in
adiutorium meum, ut in bonis perseuerē Do-
mine Deus, author, dator, & promissor salu-
tis & redemptionis meae aeternae.

ORATIO.

Domine, ne in furore tuo excandescens
arguas nos, cum reprobis in eternum dam-
nando. Cognoscimus culpam, precamur ve-
niam, reminiscencia peccatorum nos affli-
git, cor

git, cor conturbatum est, non est sanitas in carne nostra, ne derelinquas nos Domine Deus noster, ne subtr. has gratiam tuam a nobis, sed intende in adiutorium nostrum author salutis nostræ Iesu Christe, qui es benedictus in secula seculorum.

PSALMVS. XXXVIII.

Sec. He. 39

In finem nos dirigens & Christū pro Idithun & pro transiliente mundum per contemptum & castigationes carnis canticum quod attribuitur ipsi David, docens mundana & cœlestia anhelare.

ARGVM. Existimatur virum sanctum fecisse hos versus, cum sibi Absalonem fugienti Semei occurrisset in via, & calamitatem ipsius acerbissime conuitiis exagitaret: quæ quidem conuitia ipse sedatè ac toleranter tulit. Deplorat autem atque oratione flebili misérias & incommoda vitæ lamentatur.

Dixi firmiter, & proposui in corde, Custodiam vias & actiones meas tali diligentia: vt etiam non delinquam peccando in lingua mea detrahendo, iurando, vel mentiendo.

Posui custodiam & cautelam ori meo silentium obseruans: cum consisteret hereticus, calumniosus peccator, vel reprobus aduersum me, mihi insidiando, vel quarens calumniam elicere.

Obmutui, volens vitare contentionem: & humiliatus & afflictus sum apud impios, adde

ad id ut & filii à bonis enuntiandis, unde ventum est subtrahatur: & dolor meus propterea renouatus est de indiscreta taciturnitate.

Concaluit & succensum est cor meum ex dilectione Dei, & proximi, intra me, in interiori homine: & in meditatione atque deliberatione mea de his habita exardescet ignis, & feruor dilectionis per Zelum, ut arguam insensatos.

Locutus sum Deo meo in lingua mea, toto corde & ore, cum deprecando. Notum atque manifestum fac mihi, ut semper in memoria habeam Domine Deus finem & exitum meum in mortali corpore.

Et numerum ostende mihi dierum meorum, quibus vitam in hoc seculo, quis est, & quantum supersit, non ut indulgeam voluptatibus, sed ut sciam quid temporis & meriti desit mihi, ut emendem vitam meam.

Ecce breues, mensurabiles, & transitorios posuisti atque ordinasti dies meos, imò numerus mensium apud te est: & substantia mea carnalis, quæ in Adam peccante corrupta est tanquam nihilum reputanda est ante te, qui æternus es.

Veruntamen in hac mortalitate, vniuersa sub sole degentia sunt vanitas, & etiam omnis homo viuens plenus est vanitate naturæ, culpe, & miseriæ.

Verum:

Veruntamen, præter hæc etiã in imagine, quæ videtur in speculo, & statim disparet, pertransit homo, cundo ad mortem, & euanesceat, sed & quamuis sic transeat, nihilo secius tamen frustra & inutiliter conturbatur, & grauatur vana solitudine circa temporalia.

Thesaurizet cum magna solitudine pro se & suis: & tamen ignorat cui cõgregabit ea, an furibus, an hostibus, an extraneis, an fisco.

Et nunc inter tot vanitates vitæ præsentis, quæ est expectat o mea, & finis meus, quem spero? nõne Dominus Deus, qui est super omnia & substantia mea spiritualis, quæ in conscientia existit apud te nota est atque reseruatur?

Ab omnibus peccatis, & iniquitatibus meis præteritis, præsentibus, & futuris erue, & libera me tua miseratione: in opprobrium atque derisum insipienti ac stulto peccatori dedisti me, quia mali semper illudunt bonis.

Obmutui, cum me conuitijs lacefferent, & non aperui os meum, cum me diuersis improperijs irritarent, quoniam in te fecisti me talem, vt in aduersis non murmurarem: amoue tamen à me peccatore plagas & correctiones tuas quibus me affligi permittis.

A fortitudine & graui correptione manus & potentie tuæ diuine ego defeci: & debilitatus sum in increpationibus tuis, & duris punitiõib

nitioibus, tamen propter iniquitatem & peccata iuste corripuisti flagellis tuis hominem ut tandem castigatus erudiatur.

Er tabescere, infirmari, atque humiliare fecisti, ad erudiendum sicut araneam, quæ nihil tabidius, quæ leuiter tacta cadit, animam eius, fragilem: verum tamen vanè anxius conturbatur, & affligit se omnis homo mortalis, cito transiens.

Exaudi orationem meam pro bonis accipiscendis Domine Deus, & deprecationem meam pro malis amouendis auribus tuis dominis, percipe misericorditer, lacrymas meas tibi fusas ex intimo corde.

Ne fileas neque dissimules: quoniam advena in hoc mundo ego sum apud te, non habeo permanentem ciuitatē, & peregrinus, pergit ad patriam vite eterne, sicut olim omnes patres mei, qui hinc migrauerunt.

Remitte mihi peccata mea, ut refrigereris conscientia per consolationem priusquā abeam de presenti vita ad mortem, & amplius non ero in statu merendi, quia post mortem non est peccati remissio.

GRATIO.

Pone Domine custodiam ori nostro, ut non delinquamus in lingua. Ab omnibus iniquitatibus libera nos, & corripe nos, sic tamen, ut non deficiamus in increpationibus.

Notum

Et exaudiuit Dominus preces meas mit-
tendo Christum, & eduxit me atque liberauit
de lacu miteriæ, infelicitatis, atque ignoran-
tiæ, & de luto fetido fecis, carnalis concupis-
ciæ, & desiderijs terrenorum.

Et statuit, atque firmavit per fidem supra
petram Christum, qui est vera petra, pedes
affectus meos, ut in eo confidam, & direxit per
legem & angelicam gressus & actus meos
ad beatitudinem eternam.

Et sic immisit superne in os meum, ut oc-
cinerem canticum novum de incarnatione,
passione, resurrectione, ascensione, carmen, in-
quies, laudes, & gratiarum actiones, Deo no-
stro Iesu Christo.

Vide sunt per fidem multi, qui ex tunc
& de Deo nihil intelligebant, & timebant
ignoscere, sed per fidem & affectum Christi
spes habuit confisus in Domino, laus nomi-
nis per eum.

Barbas est virile cuius est nomen Domi-
ni Iesu Christi, & salutaris, cuius nomen
aliud nomen in quo oportet nos salvari, &
qui non respexit neque fiduciam posuit in va-
nitate huius mundi, & insanias falsas, qua
sunt ira, rixæ, dissensiones, & reliqua opera
carnis.

Multa fecisti mundum creando tu Domine
Deus meus, sed maiora mirabilia tua sunt,
quod

quod per passionem tuam mundum saluasti:
& cogitationibus tuis, quibus disposuisti ab
aeterno mysterium incarnationis, non est ali-
quis qui similis sit tibi, quia hoc mirabile ex-
cedit omnia mirabilia tua.

Annuntiaui mirabilia prius per prophetas.
& nouissimè locutus sum ipse inter homines
conuersatus ut homo: unde multiplicati sunt
credentes super numerum arena maris.

Sacrificium & oblationem veteris legis
noluisti ad tollendum peccata mundi: aures
autem ad obediendum perfecisti mihi usque
ad mortem carnis.

Holocaustum quod totum incenderetur
ad honorem Dei, & pro peccato originali non
postulasti, quia non fuit tibi acceptum: tunc
dixi ego Christus, Ecce volens ac latus ego
venio ad offerendum corpus meum in ara crui-
cis, seu sacrificium acceptissimum.

In capite libri predestinationis scriptum Heb. 10. b
est de me, Christo, ut facerem atque adimple-
rem voluntatem tuam, quæ fuit obire mortem
pro redemptione generis humani. & Deus meus,
hoc idem volui, & ad hoc de cælo descendi, &
legem tuam Euangelicam semper habui in
medio cordis mei, per meditationem.

Annuntiaui per me & Apostolos iustitiam
& legem tuam Euangelicam, quæ penitentiam
docet in Ecclesia catholica, quæ magna est po-

testate & firmitate & amplitudine : ecce labia mea non comprimam, non prohibebo à promulgatione legis per me & meos, & tu Domine pater tu hoc scisti & testis es.

Iusticiam tuam & mandata tua non abscondi, quando potui prodesse in corde meo, sed palam annuntiaui doctrina & operibus : & veritatem tuam in exhibitione promissorum, & salutare tuum, videlicet meipsum pro salute hominū dixi, prædicaui atq; enuntiaui.

Non abscondi, neque celavi misericordiam tuam, quia peccata condonas, & veritatem tuam, quia minaris impijs, à concilio multo & congregatione magna. omnibus enim benignitatem tuam & doctrinam Evangelicam annuntiaui.

Tu autem Domine Deus pater, ne longè sed propè facias miserationes tuas infinitas à me & membris meis fidelibus : misericordia tua, qua dimittuntur peccata, & veritas tua, qua iustus es semper susceperunt & conseruauerunt me, ne peream.

Quoniam circumdederunt undique me mala & molestissima quæque, quorum non est numerus, negligentia nostra & tentationes innumerabiles sunt : comprehenderunt & illaquearunt me iniquitates meæ adeo, & non potui prospicere mihi, vt viderem quomodo illas euaderem.

Multip

Multiplicatæ sunt iniquitates meæ super capillos capitis mei, quia infinita, & ergo cor meum atque vigor animæ dereliquit me, desitutus fiducia & viribus.

Complaceat tibi in bona voluntate tua Domine Deus, ut eruas me, ut gratia tua à tantis malis liberer: Domine ad adiuvandum me auxiliator vnicus respice misericorditer.

Confundatur inimici mei ut resipiscant, & reuereantur erubescences simul pœnam, quam meruerunt, qui quærunt insidiando animam meâ & meorum, ut auferant eâ interficiendo.

Conuertantur de prauis suis voluntatibus retrorsum ne in malo opere perseuerent, & reuereantur atque timeant Deum, qui volunt mihi & meis mala inferre.

Ferant quasi pondus immensum confestim ne longius progrediamur in malum, confusione suam, ut citò redeant ad pœnitentiam: qui dicunt mihi & meis Euge, euge, bene, bene, applaudentes adulatoriè & dolosè.

Exultent corpore & lætentur mente super te Deum patrem, omnes quærentes te per fidem & dilectionem: & dicant semper atque predicent, Magnificetur Dominus, & sit nomen eius benedictum, qui diligant, me Christum salutare tuum, quem misisti pro salute hominum.

Ego autem mendicus sum, quia formam

serui accepi, & pauper, vilis, abiectusque indicatus: sed Dominus Deus sollicitus est, & curam mei habet.

Adiutor meus, cum sim fragilis, & protector meus, in angustiis tu es Deus meus, ne tardaueris periclitanti auxilium opportunum.

O R A T I O.

Exaudi preces nostras Domine, & edue nos de lacu miseriæ, infidelitatis & ignorantia, atque de luto carnalis concupiscentia, ne respiciamus in vanitates & insanias falsas. Sed dirige per legem Euangelicam gressus nostros ad beatitudinem eternam. Et misericordia suscipiat nos, cum multiplicatae sunt iniquitates super capillos capitis nostri. Ad adiuuandum nos respice ne tardaueris adiutor & protector noster qui es benedictus in secula. Amen.

P S A L M V S. XL.

sec. He. 42.

In finem & in Christum intellectus huius Psalmi tendens attribuitur filiis Core, hoc est imitatoribus passionis Christi.

A R G V M. Christus in hoc psalmo detestatus aduersariorum insidias & Iudæ perfidiam, in principio bene precatur illis, qui longè ab aduersariis ipsius dissimiles agnoscunt miseriam pauperis ab omnibus derelicti, quem omnes inferorum perunt insidia: hoc est, qui sciunt condolere necessitatibus infirmorum & afflictorum, è quorum numero iam unus erat ipse Christus. Itaque hic misericordes
illis

illis, qui absque misericordia Christum persecuti
sunt, opponit.

BEatus & felix est vir ille qui intelligit
per verā fidem super Christum, egenum
in sua humanitate, & pauperem ac humilem,
ut confiteatur eum verum Deum & hominem
esse, in die iudicii, quæ erit dies mala, dies iræ,
calamitatis & miserie, liberabit eum à dama-
natione æterna Dominus Deus.

Dominus Deus conseruet eum inter peric-
ula & tentationes huius laboriosa vitæ, & vi-
uificet eum suo spiritu & gratia, & beatum
verè faciat eum in terra viventium, ubi est
perfecta beatitudo: & non tradat eum iustum
in animam & voluntatem inimicorum dia-
boli & ministrorum eius.

Dominus opem suæ gratiæ diuinæ ferat
illi intelligenti super lectum afflictum dolo-
ris eius, aut corporis, aut animæ in infirmitate
carnis: quia tu Domine vniuersum stratum
eius iam quietum in omni sensualitate versa-
sti, & turbasti, in infirmitate & doloribus
eius castigando, & reminiscantur æternorum.

Ego peccator dixi ad te, Domine Deus mi-
serere mei, quia confiteor me miserū: sana ani-
mam meam, auferendo ab ea delicti reatum,
quia peccaui tibi & coram te, mea peruersa
voluntate.

Inimici mei Iudei dixerunt frequenter

multa mala opprobria mihi innocenti, atque in consilijs suis interrogauerunt, Quando morietur Samaritanus iste, & peribit seu annihilabitur nomen & memoria eius?

Et si forsitan ingrediebatur aliquis de inimicis meis, vt videret, me docentem, causa explorandi faciebat, & sic vana loquebatur & ficta, ad diffamationem: vnde & cor eius congregauit ad damnum suum iniquitatem sibi in detrimentum anime & corporis.

Egrediebatur ille foras ad populum, & loquebatur falsa & ficta in idiptum ad diffamationem meam.

Aduersum me innocentem susurrabant, latenter detrahendo, omnes inimici mei, Scribae & Pharisei: aduersum me, etiam cogitabant in consilijs eorum mala plura mihi inferre.

Verbum iniquum in omni iniustitia constituerunt & ordinauerunt aduersum me, clamantes, crucifigatur. Nunquid, qui dormit, & moritur sponte, non adiiciet morti sua vt resurgat? qui habuit potestatem ponendi animam suam, habet & resumendi eam.

Etenim Iudas, homo familiaris pacis mee, mecum habitans pacifice, in quo speraui & confidebam, quia loculos habebat, qui edebat panes meos mecum in mensa, magnificauit super

Mat. 26 b

Mar. 14. b

Luc. 2. b

Ioan. 13. b

Act. 1. c

per me innocentem supplantationem, ita ut traderer Iudæis osculo eius.

Tu autem Domine pater miserere mei, non derelinquendo in sepulchro, sed & resuscita me, tertio die à mortuis: & tunc retribuam eis vicissitudinem malorum, quæ in me gesserunt, dispergendo eos perpetuò captiuos in uniuersum.

In hoc cognoui quòd tibi semper placui, quoniam voluisti me glorificare & exaltare, quoniam non gaudebit finaliter inimicus meus populus Iudæus super me crucifixum, imò tristabitur de gloriosa resurrectione.

Me autem crucifixum sine debito propter innocentiam vitæ meæ, quia semper sine peccato fui, suscepisti ex sepulchro, corpus gloriosum mihi conferendo: & confirmasti me gloria immortalitatis in conspectu tuo, me ad dexteram collocando in æternum & ultrà.

Benedictus & laudatus sit Dominus Deus Christianorum, qui est Dominus Israel videntium Deum per fidem à seculo, ex quo omnia coeperunt, & usque in seculum futurum, æternaliter: fiat fiat. Amen, amen.

ORATIO.

Libera nos Domine, cōserua & viuifica nos, sana animas nostras, & miserere nobis quia peccauimus tibi. Opem nobis feras

in hac carne fragili, contra insultus demonum, nequando gaudeant inimici lupernos. Sit benedictio tua super nos, vt dum carnalia delicta clementer arguis, nobis veniam placatus largiaris. Per Christum Dominum nostrum.

Sec. He. 43

PSALMVS XLII.

In finem ad aeternam beatitudinem pervenire desiderantibus intellectus huius psalmi attribuitur filiis Core, qui scribuntur Ianitores tabernaculi siue templi Domini.

ARGVM. Cor tribulatum ad Dominum suspirat, quando impij oppugnatores fidei dicunt, Vbi est Deus tuus? nec cessant quotidie fidem tentare, & vt maximè externi desint: tamen oppugnamur impijs & carnalibus cogitationibus, vt fides pereat & fiducia in Deum. Hic se etiam consolatur, quòd ingressus nunc in tabernacula Dei, id est communionem fidelium, siue ecclesiam sanctorum, ingredietur quandoque, vbi videre liceat facie ad faciem cum lætitia Deum: de quo nunc impij exprobrant, quasi non adsit.

Quemadmodum desiderat & festinat ire ceruus agitatns à venatoribus & calefactus ad fontes aquarum, vt sitim & aestum extinguat: ita desiderat anima mea, demonum tentationibus, & malis seculi afflicta, venire ad te Deus, qui es vnicus fons misericordia.

Sitiuit, & summè desideravit anima mea, in hac peregrinatione ad videndum Deum fontem

fontem viuum, quia cupio dissolui & esse cum Christo, sed quando veniam, quando finiatur peregrinatio mea? & apparebo praesens ante faciem & conspectum De. redemptoris mei?

Fuerunt mihi ob desiderium Dei mei lacrymae meae, tanquam panes refectionis in anima, quibus sperabam remissionem peccatorum, die ac nocte. tam in prosperis quam aduersis rebus huius seculi: dum dicitur & improporatur mihi quotidie à reprobis & infidelibus, Vbi est Deus tuus, vt subueniat tibi?

Hæc opprobria recordatus sum, & pleno desiderio effudi atque prostravi in me ipso animam meam ad intelligendum Deum: quoniam transibo de periculis mundi in locum tabernaculi & Ecclesiæ catholicæ, admirabilis valde propter sacramentorum efficaciam: vsque ad domum æternam Dei in cælis.

In voce exultationis de beneficijs gratiæ, & confessionis de proprijs peccatis, est onus spiritualis animæ epulantis, quid esse dulcius quid salubrius, quàm Deum laudare, & se semper arguere?

Quare ergo tristis & afflicta es anima mea, perinde ac desperata? & quare conturbas me, dolorem inferendo in sensualitate?

Spera firmiter in Deo, & recipe consolationem, quoniam adhuc confitebor illi, gra-

tias agendo : qui est salutare vultus mei, & vera salus anima mea, & est Deus meus, ipse enim saluator noster homo est Deus.

Ad me ipsum anima mea conuersa, con- turbata est, & afflicta ob recordationem peccatorum : propterea vt euadam istas tribulationes, memor ero tui, Domine ad te in humilitate recurrens, de terra Iordanis, vbi fit baptisma, & Hermonijm, vbi fit penitentia in monte modico in humilitate.

Abyssus, Nouum testamentum, abyssum, Vetus testamentum inuocat, quia mutuo se testimonij confirmant, quae abyssus sunt, propter profunditatem intelligentia, in voce Prophetarum & Apostolorum cataraetarum tuarum & aqueductuum, quia per eos fluentia diuina sapientia nobis emanant.

Omnia excelsa & grauiora iudicia tua, quae minaris, & fluctus tui in tribulationibus propter peccata mea, super me transierunt, recessit ira, & venit misericordia, transierunt peccata, superabundat gratia.

In die tribulationis mandauit, & voluit Dominus Deus laudari misericordiam & benignitatem suam, & in nocte aduersitatis praecipit canticum gloriae nominis eius, & exultare in ipso.

Apud me, intus est oratio, pura mentis, quam offero Deo auctori vitae meae atque conserua-

tori: Dicam Deo, gratias agendo, Susceptor
& protector meus es, ne succumbam in tribu-
lationibus.

Quare ergo Domine tandem oblitus es mei,
in his mundi miseris? cur non dissoluor, ut tecum
sim? & quare contristatus incedo per
viam huius vite, dum affligit me tentando
inimicus, diabolus, caro, mundus?

Dum confringuntur tribulationibus ossa
mea & robora anima mea, exprobrauerunt
mhi verbis iniurijs, qui tribulant & perse-
quuntur me innocentem inimici mei, tam vis-
sibiles, quam invisibiles.

Dum dicunt, imperando mihi in afflictio-
nibus constituto, per singulos dies huius vite,
Vbi est Deus tuus? quasi nullus esses, tentan-
tes me in desperationem inducere: quare tristis
& afflicta es anima mea, perinde ac despera-
ta? & quare conturbas me, dolorem inferens
do in sensualitate?

Spera firmiter in Deo, & recipe consolatio-
nem, quoniam adhuc confitebor illi gratias
agendo, qui est salutare vultus mei, & vera
salus anima mea, & est Deus meus.

ORATIO.

Saluator noster Iesu CHRISTE, qui es
verus Deus & homo, effundimus animas
nostras in voce exultationis, ad te Deum
fontem viuū omnis gratiæ & misericordiæ,
abyssus

abyssus miseriæ inuocat abyssum misericordiae, vt à peccatorum fæce nos purificare digneris, & quando finietur peregrinatio nostra, appareamus præfentes in gloria æterna ante faciem tuam Iesu CHRISTI, qui es benedictus in secula. Amen.

Sec. He. 43.

PSALMVS XLII.

Psalmus & dulcis modulatio cælestium verborum ipsius Dauid, monentis ne in pressuris deficiamus.

ARGVMENTVM. Titulus nullus in Hebræo. Cohæret autem sententia huius psalmi cum psalmo præcedenti, licet Hebræi diuidant hunc ab illo.

Iudica me in futuro iudicio Deus. separa me à malis, & discerne causam meam & merita mea, de gente non sancta, sed mala & perversa: ab homine iniquo, qui apertè ledit, & doloso, qui occultè nocet erue & libera me.

Quia tu es Deus meus & fortitudo mea, succumbo præ fragilitate nisi iuueris: quare ergo me repulisti, exponendo me tantis munda tribulationibus? & quare tristis incedo præ dolore, dum affligit me quotidianis tentationibus inimicus, diabolus?

Emitte lucem tuam, & aufer tenebras nostras, & da mihi veritatem tuam, & aufer errorem: quoniam ipsa lux & veritas me deduxerunt ab errore peccati, & adduxerunt
per

per fidem charitate formatam in montem sanctū tuum, Christum saluatorem nostrum, qui est mons fidei, & in tabernacula tua, atque unitatem Ecclesie catholicae.

Et introibo cum gratiarum actione ad altare Dei, ut meipsum exhibeam hostiam viuentem & placentem Deo, introibo, inquam, ad Deum saluatorem meum, qui expurgato veteri fermento, lætificat in nouitate vite iuuentutem meam.

Confitebor tibi, gratias agendo in cithara & iubilatione anima, Deus omnium per creationem, Deus meus per redemptionem: quare ergo tristis es anima mea, & prona decumbis? & quare conturbas me, atque tuam multuaris, seu desperata?

Spera potius, & fiduciam habe in Deo, qui suos deferere nequit, quoniam adhuc confitebor illi toto pectore & ore: salutare vultus mei, in quo solo saluari possum, & Deus meus, à quo omnia habeo.

ORATIO.

Omnipotens Deus, fortitudo, vita, & salus nostra, emitte lucem tuam diuinam in nobis, & aufer tenebras cordis nostri, doce veritatem, & aufer errorem, ut introeuntes ad altare Dei nosmet exhibeamus in hostiam viuentem, placentem Deo, tibi semper consistentes, & laudantes, atque
in te

in te sperantes, qui es aspectus animæ nostræ Deus noster, Iesus CHRISTVS, benedictus in secula. Amen.

Sec. He. 44

PSALMVS XLIII.

In finem Christum hic Psalmus datur filiis & electis Core passionis Christi ad intellectum talem, vt contemnunt terrena, & desiderant eterna.

ARGVM. Christus seruator, lux & veritas, lumine vultus sui illustrabit sensus nostros, dextera & brachio afferens suppetias aduersus inimicos, modò patienter in aduersis perduremus. Nam vt nobis omnia de illo polliceamur, monent veterum exempla, sacris prodita libris, nullū perisse testantia, ex his qui fide certa Deo adhæserunt.

DEus nos auribus nostris per spirituales sensum audiuius, & cognouimus: patres nostri & Propheta annunciauerunt nobis, quæ gesta sunt illorum tempore.

Opus videlicet miraculosum, quod operatus es tu Deus noster in diebus eorum, Moyses, Iosue & aliorum patrum, & in diebus antiquis in exitu Israel de Aegypto.

Maus & potestas tua diuina gentes terre promissionis disperdidit in incertum, & plantasti atque constituisti eos patres nostros in eadem terra: afflixisti populos Chanaanæ & Iebusæos, & expulisti eos de terra promissionis.

Nec

Nec enim in gladio suo, neque per bella possederunt terrā promissionis, & brachium aut fortitudo eorum patrum non saluauit eos, ne ab inimicis superarentur.

Sed dextera & potētia tua diuina, & brachium tuum excelsum, & illuminatio vultus tui, quæ est gratia ex tua voluntate procedens: quoniam complacuisti, & voluisti in eis beneuolentiam tuam exercere.

Tu es ipse, qui tunc & nunc idem immutabilis, licet tēpora sint mutata, rex meus quem colo & Deus meus, quem adoro: qui mandas victorias, & salutes in bello populo Iudaico, qui exiuit de Iacob electo.

In te propugnatore nostro, omnes inimicos nostros tam visibiles quā inuisibiles ventilabimus, & disperdemus, cornu salutis nostræ, quod Christus est: & in nomine tuo diuino spernemus, & suppeditebimus hostes insurgentes in nobis, videlicet spiritus malignos & reprobos.

Non enim in arcu meo, aut armis, aut viribus meis sperabo, sicut nec patres nostri fecerunt: & gladius meus, seu violenta defensio non saluabit me, sed fides & humilitas tua.

Saluasti enim nos, & saluabis Domine de affligentibus & persequentibus nos spiritibus pessimis: & odientes nos propter nomen tuum

tuum confudisti aeterna damnatione.

In te Deo nostro laudabimur, quia tu
laus & gloria nostra tota die aeternitatis, qua
noctem non habet: & in nomine tuo, quod
Iesus est, confitebimur tibi de saluatione no-
stra in secula, semper & sine fine.

Nunc autem in hac mundi aetate repulisti
& permisisti nos martyres affligi, & confu-
disti nos in facie impiorum, tanquam frustra
te sperauerimus: & non egredieris ulterius
Deus noster in virtutibus nostris contra ho-
stes nostros: sicut olim patribus fecisti.

Auertisti nos adeò retrorsum post ini-
micos nostros, ut nos victos post se trahant
& qui oderunt nos iniquè, diripiebant nos
sibi in prædam, alios trahentes in carcerem,
alios occidentes.

Dedisti nos martyres persecutoribus ad
interficiendum, tanquam oves escarum, qua
interficiuntur ab hominibus in communem es-
cam: & in Gentibus atque provinciis variis
dispersisti nos, ut exultaremus confiscatis bo-
nis nostris.

Vendidisti permissiue populum tuum
Christianum sine pretio, adeò vilis reputatus:
& non fuit multitudo pretij in commuta-
tionibus & emptionibus eorum, quia minima
aut nullo pretio ducebamur in seruitutem.

Posuisti nos martyres, opprobrium in
contra

conumeliam vicinis & amicis nostris secundum carnem, in subsannationem indignationis, & derisum exprobrationis, his inimicis, qui in circuitu nostro quaqua uersum sunt, & gradiuntur.

Posuisti Domine nos martyres in similitudinem & exemplum maledictionis ipsis gentibus, dum aiunt, sic pereas, sic moriaris sicut Christianus ille: & etiam in commotionem capitis, qui cum irrisione mouendo caput insultant nobis, in populis infidelibus.

Tota die, & assidue, verecundia mea & erubescencia tantorum opprobriorum, quae patior, contra me est, & ante conspectum meum, & confusio & ignominia faciei meae propter subsannationes inimicorum cooperuit me, rubedine.

A voce exprobrantis sua maledicentia, & obloquentis detrahendo occultè, à facie & praesentia inimici, qui me capitaliter odit, & persequentis animam meam.

Hæc omnia valde graua venerunt super nos martyres, & patienter tulimus, nec oblitus sumus te propter scandala hæc: & iniquè aut peruersè non egimus timore mortis in testamento tuo, imò præcepta seruauimus, & nomen tuum glorificauimus.

Et non recessit per desperationem retro auertendo, cor nostrum à fide & charitate: & declinasti atque aliunde derinasti semitas no-

stras carnales, voluptatum & prosperitatum
via tua quæ arcta est & angusta. Alia enim est
via voluptatum, alia via tua quæ in tribula-
tionibus & tentationibus consistit.

Quoniam humiliasti in hoc mundo nos
martyres, in loco afflictionis, in hoc mundo,
ubi affligimur propter te: & cooperuit nos non
mors vera, sed umbra mortis, non mors ani-
me, sed mors corporis.

Si obliti sumus, & non recordamur nomē
Dei nostri, quod Iesus est saluator noster:
& si expandimus manus nostras in adora-
tione ad Deum alienum, idololatriam com-
mittendo:

Nonne Deus, si recessimus à via eius re-
quiret & exiget ista ad puniendum? certe si
ipse enim nouit cogitationes nostras, abscon-
dita cordis nostri.

Quoniam propter te & tuam dilectionem
mortificamur & diuersis tribulationibus op-
primimur tota die, nostra peregrinationis: &
estimati sumus ab hominibus, sicut oues oc-
cisionis, non utiles nisi ad occidendum.

Exurge in auxilium nostrum, quare obdor-
mis Domine, & videris negligere nos? exurge
& libera, & ne repellas preces nostras in fine,
totaliter, eò ut videaris ad tempus neglexisse.

Quare faciem tuam & presentiam gra-
tia tua auertis, quasi iratus, & obliuisceris
inopie

inopiæ atque indigentie nostræ, non dando nobis spiritum fortitudinis, & tribulationis nostræ, quam propter te patimur?

Quoniam non debes obliuisci nostri, quia humiliata est nimis in puluere pœnitentiæ anima & vita nostra recordatione peccatorum: etiam conglutinator est adherens in terra venter noster, quia conculcatio hominũ facti sumus, & nobis ipsis graues.

Exurge ergo Domine Deus, & a liuua nos tantis malis oppressos: & edime nos ab his tribulationibus, non propter iustitiam nostram, sed propter nomen tuum, in quo saluamur.

ORATIO.

Rex noster quem colimus, Deus noster quem adoramus, exurge in auxilium nostrũ. & erue nos ab opprobriis vitiorum. libe a de affligentibus nos propter nomẽ sanctum tuum. quatenus ab hostibus mentis & corporis liberari, peruenire valeamus securi ad te, qui es laus & gloria nostra, benedictus in secula. Amen.

In finem æternæ beatitudinis tendens hic titulus est David Prophete pro his sanctis qui cõmutabũtur & transformabũtur de hac mortalitate ad immortalitatẽ, videlicet filiis Core qui sunt imitatores Christi, quibus scribitur ad

intellectum & mysterium incarnationis Christi, & Canticum est pro sponso dilecto.

ARGV M. Christus Deus & homo, sub typo Salomonis hic canitur, atque aded regnum eius, & nuptia spiritu Dei fecundæ, id quod in psalmo ipso videbitur.

ERuctavit de plenitudine gratiae spiritus. *elis* cor meum in charitate verbum bonum, quia mysterium Christi & Ecclesiae dico ego. & cantare gestio opera mea, & carmina regi regum, Iesu Christo.

Lingua mea in pronuntiando est tanquam calamus seu penna alicuius scribae seu notarii, velociter scribentis, cum per linguam meam loquitur Spiritus sanctus, qui est vehemens in gratia, & velox.

Speciosus es forma, quia immunis à peccato præ omnibus filiis hominum, absolutissimus gratiis & virtutibus, insuper diffusa est ipsa gratia eloquentia in labiis tuis, cum te loquente mundus gratiam reconciliationis accipit: propterea benedixit te hominem Deus pater in assumpta carne, cum qua resurrexisti, in æternum regnaturus.

Accingere in virtute spiritus gladio tuo spirituali, quod est verbum Dei, super femur tuum in carne assumpta, prædicans Evangelium, cum femur sit humane propaginis seminarium potentissimè pugnando contra Diabolum, &
liber

liberando genus humanum.

Specie tua quantum ad humanitatē, & pulchritudine tua quantum ad diuinitatem, intende, vt hominem pereuntem miseratus aspicias, & prosperē ac feliciter procede veluti per viam huius vitæ, & regna demum morte triumphata in æternum.

Propter veritatē vitæ & doctrinæ, & mansuetudinem, quia iniurias patienter sustinuiſti, & iustitiam abundantem, quam ostendiſti in paſſione, offerendo te Deo patri: & deducet te per huius vitæ curſum mirabiliter, quia mortuos ſuſcitabis, leproſos mundabis, cætera q̃ perficies miracula, dextera tua & maiestatis tuæ diuinitatis, quæ te aſſumpſit.

Sagittæ tuę emiſſæ per prædicationem verborum tuorū tam acutæ erunt, quia verbum Dei penetrantius omni gladio, quod populi multi ſub te & tua obedientia cadē, humiliter orādo: & etiam in corda ſagittæ verbi trāſibunt inimicorum atque perſecutorum regis Chriſti. multa enim illis vulnerati conuertentur ad fidem.

Sedes tua iudiciaria, & regalis poteſtas, Deus meus, non eſt temporalis ſed æterna, in ſeculum ſeculi durans virga & regula diuina æquitatis atque directionis, quæ nunquam incuruatur, & virga & ſceptrum regni tui, quæ regit iuſtos, & impios percutit.

Dilexiſti iuſtitiam & veritatem, & odi-

fiti iniquitatem seu impietatem: propterea vocavit te *Christi* Deus pater Deus tuus, tibi con-
substantialis, in regem & sacerdotem oleo la-
titix & plenitudine gratix præ omnibus con-
sortibus tuis atque intellectualibus creaturis.

Myrrha, & gutta, & casia, ceteraque vir-
tutum & gratiarum aromata defluerunt
sponsæ videlicet Ecclesiæ à vestimentis tuis &
assumpta humanitate, qua veluti vestimento
divinitatis circumdatus es, atque à domibus
eburneis, & sanctis tuis, castitate & candore
virtutum decoratis: ex quibus domibus de-
lectaverunt te laudando & honorando filie
regum, & Ecclesiæ Apostolorum, per ordinem
diffusa, in honore tuo ad gloriam & hono-
rem nominis tui.

Astitit semper Deo inherens & coniuncta
regina, catholica Ecclesia Christi regis sponsa
à dextris tuis, serviens tibi in bonis gratia, in
vestitu deaurato, atque in doctrina Apostolorum
& Prophetarum, circumdata varietate popu-
lorum, personarum, linguarum, statuum & do-
norum, in unitate fidei Deum colentium.

Audi legem Evangelicam, & filia, & uxor
mea Ecclesia, & vide regem regum, cui nunc es de-
sponsata, & inclina aurem tuam ad obediendum
& imitandum: & obliuiscere populum tuum,
abrenuntians carni & sanguini, & domum
patris tuis diaboli, cuius filia fuisti, priusquam
esset

esses filia Christi per fidem.

Et tunc concupiscet rex Christus decorem tuum, quæ iam abluta per baptismum gratiæ Christi candida es: quoniam ipse, non solum est rex & sponsus tuus, sed etiam est Dominus Deus tuus, creator, & dominator tui, & adorabunt eum, regem regum omnes populi, de quibus collecta es.

Et non solum Iudæi, sed etiam filia Tyri, & gentes in muneribus seipsos in obsequium Christi offerentes, vultum tuum magna veneratione deprecabuntur, optantes societatem & conformitatem tuam, similiter omnes principes mundi, & divites plebis honorabunt te, Ecclesiam, sponsam meam.

Omnis gloria eius Ecclesiæ filia & sponsæ regis Christi consistit, non in magno apparatu exteriori, sed abintus in puritate conscientie, in ornatu charismatum & virtutum, in simbriis aureis charitatis, & etiam circumamicta est sponsa atque ornata varietatibus virtutum, linguarum, gratiarum, statuum quæ sunt in Ecclesia.

Adducentur in fide regi Christo prædicatione Apostolorum, virgines, integritatem & mentis & corporis servantes, post eam sponsam Ecclesiam tanquam proximæ pedisequæ, & proximæ eius, viduæ, castæ, quæ proximæ virginibus fructum sexagesimum habebunt.

afferentur tibi per fidem.

Afferentur quidem in læticia virtutum & exultatione gratiarum: & adducentur sponte, per gratiam tamen, in templum regis, ad seruendum Christo in conspectu eius.

Pro patribus tuis, qui fuerunt Apostoli & Prophetae, nati sunt, spirituali generatione tibi Ecclesie, filij, imitatores Apostolorum, ut Episcopi, & prelati: constitues eos in sede patrum tanquam principes in spiritualibus, super omnem terram, & vniuersalem Ecclesiam.

Memor ero semper nominis tui, fama, & gloria tua, Domine Deus in omni generatione presenti, & generationem futuram, usque ad finem mundi annuntiando verbum tuum.

Propterea etiam populi toties videntes gloriam Ecclesie tue confitebuntur tibi, glorificabunt, & celebrabunt nomen tuum in æternum sine fine, & in seculum seculi, hinc & in futuro.

ORATIO.

O Christe, verbum Patris, per quem cuncta creata sunt & creantur, custodi quæsumus Ecclesiam tuam varietate gentium congregatam, ut dum veritatem, mansuetudinem, & iustitiā tuam ex ipsa cognoscimus, principatum æterni seculi cum patribus nostris mereamur. Amen.

PSALMVS XLV.

In finem & Christum, qui est finis noster in quem tendimus, filiis Core imitatoribus passionis Christi, pro arcanis & secretis diuinitatis sua Psalmus iste cantatur.

ARGVM. Deus suo spiritu, & tuba vocis, siue verbi sui conturbat & delicit fidelium aduersarios. fideles autem erigit, consolatur, confortat, & in perpetua pace conseruat.

Deus omnium potestate, noster gratia & voluntate, refugium ad quem inter presuras calamitatum confugimus, & virtus seu fortitudo in quo ab omnibus periculis liberamur, & adiutor in tribulationibus varijs anima, & corporis, quæ inuenerunt & captiuauerunt nos nimis defatigantes.

Propterea facti tanto adiutore, non timebimus dum ex nouitate tanti miraculi turbabitur terra, generatio Iudeorum, qui terrena sapiunt, & transferentur relictis Iudeis montes Dei, qui sunt Apostoli, in cor & ad extrema maris, quod factum est, dum Iudei contempto verbo conuersi sunt ad Gentes.

Sonuerunt Apostoli predicando, & turbatae sunt aquae multae, & populi diuersi ad poenitentiam, & hoc sono predicationis eorum Apostolorum, etiam conturbati sunt perterriti montes, atque excelsiores seculi potestates, & principes Gentium in fortitudine & predicatione eius Dei qui assistebat Apostolis.

Fluminis imperus, & inundatio spiritus sancti vel ablutio baptismi lætificat singulorum & donis ciuitatem Dei, & sanctam Ecclesiam catholicam: & sanctificauit per illud flumen tabernaculum suum, quæ est congregatio fidelium, in qua habitat altissimus Christus Dei filius.

Deus habitat in medio eius Ecclesie, & ideo non commouebitur Ecclesia, in tribulationibus, quia fundata est super firmam petram Christum imò adiuuabit eam Deus in aduersitate laborantem mane, in principio conuersionis, & hoc diluculo per illuminationem Spiritus sancti.

Conturbatæ salubri commotione sunt gentes, per predicationem Apostolorum & miraculorum operationem: & inclinata atque humiliata sunt regna Gentium sub iugo fidei ad Christum adorandum: & Dominus dedit vocem, declarauit voluntatē suam per ora Apostolorum, & mota est terra, atque conuersa sunt corda terrena, ab infidelitate ad fidem, à vitijs ad virtutes.

Dominus virtutum cælestium & Angelorum nobiscum estceptor noster, qui carnem pro nostra salute suscepit, Deus ipsius Iacob iunioris, populi Christiani, qui vitia supplantare non cessat.

Venite, credite, & videte lumine fidei opera
Domi

Domini nostri saluatoris, quæ magnalia posuit & inassueta prodigia super terram tempore suæ natiuitatis, quando virgo suscepit, stella Magnus apparuit: auferens, etiam bella omnia usque ad finem terræ, quia tunc templum Iani ab Augusto Casare clausum est.

Arcum conteret, ut sit rex pacificus in terra: & confringet, destruétq; arma bellica: & scuta, quæ sunt præsidia humana, comburet igni, in aduentu Christi omnia erunt contrita & confracta.

Vacate Deo in tranquillitate mentis, & non seculo, & videte intelligendo, quoniã ego sum Deus, Christus in lege promissus, qui vos redemi: & exaltabor in gentibus, quoniam publicani me dignè colent, & etiam exaltabor in terra, apud omnes homines qui dicent,

Dominus virtutum celestium & Angelorum stat nobiscum ex parte nostra, susceptor & protector noster est Deus Iacob, quia hic luctamur contra tentationes, vitia supplantando.

ORATIO.

Deus noster, refugium, virtus, & adiutor in tribulationibus, quæ captiuauerunt nos, sis semper nobiscum in medio nostri ad protegendum à malo, & roborandum in bono, & sanctifica irroratione sancti Spiritus habitaculum nostri cordis, ut te nobiscum cooperante

rante confringere valeamus arma iniquitatis, Per Dominum nostrum Iesum Christum.

Sec. He. 47

PSALMVS XLVI.

In finem & Christum Psalmus iste est pro filiis Core & imitatoribus Christi.

ARGVM. Filij Core canunt de diuinæ gloriæ per vniuersum orbem exaltatione, conuerſionēque ad Deum: & populi Israelitici gloria, quæ reſuſcit, quum Arca fœderis, extructo per Salomonem templo, splendidissima pompa inferretur: plurimique reges & populi Deū Israelis agnoscerent, & donis venerarentur.

OMnes gentes, ad quas peruenit gratia Dei plaudite manibus, & gaudete bonis operibus: iubilare Deo, ex intimo cordis affectu: in voce exultationis, concordent manus cum lingua, illæ operentur, hæc consiteatur.

Quoniam Dominus Iesus Christus exclusus est, transcendens omnem intellectum creaturæ, & terribilis, qui iudicaturus est mundū, atque rex magnus, quia rex regum, & Dominus dominantium, super omnem terram, non tantum Iudeorum, sed etiam Gentium.

Subiecit populos Iudeorum nobis & vniuersali Ecclesiæ: & Gentes conuersas ad fidem sub pedibus nostris, cum errores suos agnoscendo acquiescunt sana doctrina.

Elegit sua gratia nobis non meritis nostris
hæred

hereditatem suam, ut coheredes Christi essemus speciem internam & benedictionem salutarem ipsius Iacob Abraham promissam, quæ semper dilexit Deus, & Esau odio habuit.

Ascendit Christus, Deus & homo ad cælum, in iubilo admirabili & exultatione Angelorum: & Dominus ubique insonuit in voce tubæ, atque prædicationis Euangelica, ut credamus.

Psallite Deo nostro, gratias agendo, psallite ore & corde: psallite regi nostro Christo, psallite bonis operibus laudando.

Quoniam omnipotens rex omnis terræ est Iesus Christus verus Deus & homo: quare psallite illi, non pro terrenis vel inani gloria, sed sapienter, ut soli Domino placeatis.

Regnabit Deus Christus super omnes Gentes, quas in hereditatem accepit à patre: Deus Christus sedet ad dexteram patris super sedem sanctam suam, & solium David in æternum.

Principes & rectores populorum de omnibus nationibus congregati sunt in unitate fidei, cum Deo Christo, qui est Deus Abraham Patriarchæ, cum populi sint filij ipsius per fidem: quoniam Apostoli Christi, dum effecti per gratiam, fortes terræ in fide & dilectione, vehementer clarificati & eleuati sunt, in signis, virtutibus, & prodigijs.

ORAT

ORATIO.

Deus, excelsus potentia, terribilis iudicio, rex regum, Dominus dominantium, qui sedes super sedem sanctam tuam ad dexteram patris, tibi psallimus, iubilamus & plaudimus, corde, ore & opere, creatori & redemptori nostro. Subinde elige nos quæsumus tua gratia in hereditatem tuam coelestem, ut participes fieri mereamur celestium gaudiorum. Amen.

Sec. He. 48

PSALMVS XLVII.

Psalmus iste, qui est cantici laudis diuina seu cantilena laudans Deum, tribuitur filiis Core, atque veris Christianis, Christum imitantibus, pro ijs quæ facta sunt in secunda die Sabbathi pro constitutione Ecclesiæ, quæ est ciuitas summi Dei.

ARGVM. Iterum canunt filij Core eximiam Ecclesiæ felicitatē, ob præsentiam & tutelam Dei, id verò sub typo Ierusalem.

Magnus est Dominus noster Iesus Christus, & laudabilissimus, quia est Dominus omnium creaturarum in ciuitate Dei nostri, quæ est Ecclesiæ catholica, ubi unimur fide & charitate, in mōte, videlicet, sãcto eius, cui Christus est, fundamentum, & lapis angularis.

Funda

Fundatur Ecclesia per Christum in fide, cum exultatione & gaudio vniuersæ terræ, & omnium credentium: mons Sion, qui est populus Iudaicus, & latera Aquilonis. quæ sunt gentes ex ijs, inquam, collecta est ciuitas regis magni Dei nostri.

Deus noster Christus in domibus eius, & in fidelibus, in quibus habitat, cognoscetur per fidem, & hoc cum sulcipiet eam Ecclesiam tuendam & protegendam ab inimicis.

Quoniam ecce: quod mirum est, reges terræ & principes populi congregati sunt cum cæteris in unitate fidei: & conuenerunt pariter, ut essent ciues sanctorum, in vnum, lapidem, summum, angularem credentes, qui Christus est.

Ipsi reges videntes gloriam redemptoris, & virtutes Apostolorum, sic in operibus miraculorum admirati sunt de verbo Euangelij, conturbati sunt in humana eorum prudentia, commoti sunt de infidelitate ad fidem: tremor futuri iudicij apprehendit eos ad agendam poenitentiam.

Ibi agnito errore, fuerunt dolores præ conscientia remorsu, ut sunt dolores parturientis mulieris: ceterum in Spiritu sancto vehementi ad salutem electorum conteres atque confringes naues Tharsis, & superbiam Gentium, quæ quondam in nauigatore superba fuit.

Sicut

Sicut audiuiamus in lege & Prophetis, & vidimus in Euangelio, in ciuitate & Ecclesia militante, quæ est Domini virtutū, & Angelorum, in ciuitate, inquam, Dei nostri, Iesu Christi Deus fundauit in fide Euangelij eam, & diriget eam vsque in æternum fixam.

Suscepimus ex promissione Deus nostra misericordiam tuam, & saluatorem Dominum nostrum Iesum Christum, qui peruenit mundo tandem misertus est in medio templi tui, & cordis nostri, cum per gratiam facti sumus templum tuum.

Secundum benedictum nomen tuum, & magnum Deus noster, sic & laus tua & reuerentia in fines & extrema terrarū, ubi diuisa buntur verba oris tui: iustitia, qua nos iustificas, plena & liberalis est dextera tua diffundens in electos.

Letetur in Domino mons Sion, & Ecclesia catholica, quæ speculatur Christum, & exultent in fide filia Iudæ, quæ per prædicationem Apostolorum de Iudæis conuersa sunt propter iudicia tua occulta Domine, qui hos eligis, & reprobas illos.

Circundate defendite, munitæ Sion, Ecclesiam in fide, & complectimini eam amplexibus charitatis, virtutes illius & mores seruando, narrate atque prædicate laudem Ecclesie, & gloriam Christi in turribus & virtutibus eius

eius, qui estis principes Ecclesie.

Ponite corda vestra & affectum vestrum in virtute eius, ne separemini à charitate, quam docuit, & distribuite per gradus officiorum, domos habitatores, & ciues eius Ecclesie, vt enarretis predicando magnalia Dei, in progenie altera posthuma vsque ad finem mundi, eadem docendo.

Quoniam hic Christus est Dominus, Deus noster, qui nos creauit & redemit in æternū, in presenti tempore, & in seculum seculi in futuro: ipse & non alius reget, proteget, & defendet nos in secula sine fine.

ORATIO.

Laudabilis Deus, Domine virtutum, cuius iustitia plena est terra, pone corda nostra in virtute tua, ne deniemus à ciuitate tua sancta, in qua reges terræ conuenerunt in vnitatem fidei, sed rege, protege, & defende nos, vt misericordia tua in nostri pectoris templo suscepta, dignos nos faciat in cœlesti Ierusalem æterna perfrui lætitia. Per Christum Dominum nostrum. Amen.

PSALMVS XLVIII.

Sec. Mc. 49.

In finem Christum, pro filiis Core, electis Dei, ne decipiantur murmurantes, est hic Psalmus ipsius David.

ARGVM. Ex vera prudentia & sapientia omnia

N

nata esse in confesso est: Vates igitur insaniam diuitias admirantium traducit, & miseriam exponit. In hac enim vita bonis suis perceptis, in aeternum apud inferos miseri erunt, cum studiosi virtutum in regeneratione, sempiterna felicitate fruuntur, domini & iudices horum, quos nunc orbis ob vim diuitiarum vt deos quosdam suspicit & metuit.

A Vdite hæc verba omnes gentes, quæ secundum carnem viuitis, auribus mentis & corporis percipite, intelligite, atque memoria commendate omnes qui habitatis orbem terrarum:

Quique terrigenæ, peccatores vitæ terrenis inquinati, & filij hominum boni ac rationales, geniti secundum gratiam: simul in vnum venite ad audiendum, diues & superbus, pauper & humilis.

Os meum propheticum loquetur sapientiam quam Deus abscondit superbis, & reuelauit paruulis: & meditatio intrinseca cordis mei cogitabit prudentiam & utilissimam doctrinam.

Psal. 77. Inclina bo, applicando intellectum, in parabolam & similitudines rerum, aurem meam interiorē, vt intelligam verba legis & Prophetarum, quæ frequenter parabolica sunt, & tunc aperiam dilucidè alijs in psalterio isto propositionem meam à spiritu sancto reuelatam.

Cur timebo in die illa tremendi iudicii,
quæ

que erit mala malis? ideo certè, quia iniquitas ac malitia calcanei mei, Satana insidians, & mortis extrema inopinatum occupans, circumdabit me ex omni parte, opprimet, & timere faciet.

Qui confidunt, atque præsument virtute seu fortitudine sua propria, perinde atq; gratia Dei non egerent: & in multitudine seu abundantia diuitiarum suarum, tanquam summo bono gloriantur, q̃, inquam, circumdantur calcaneo iniquitatis.

Frater non redimit à sententia damnationis fratrem, prece aut pretio, quomodo redimet ergo homo peccator seipsum? certè non dabit Deo placationem & expiationem suam, sacrificium, aut oblationem, unde propitiatur sibi Deus.

Et pretium aut eleemosynam redemptionis animæ suæ non poterit dare, quia erit extra statum merendi: & laborabit in æternum in tormentis perpetuis: & etiã viuet ipse adhuc in finē: quia queret mortem & non inueniet.

Non videbit carnalis homo, neque intelliget sibi imminere interitum gehēne, quia cum viderit atque prospexerit sapientes in Deo ac iustos morientes, reputabit nullum illius præmium: & ergo simul insipiens, qui penam credit futuram & stultus in diuitijs, non in Deo sperans, penbuunt in corpore & anima.

Et relinquent tales iniqui alienis heredi-
bus diuitias suas, in quibus sperauerunt: & se-
pulchra eorum, quæ construxerunt magnifi-
cè, sunt domus, in quibus habitant illorum
corpora in æternum, quia non credunt aliam
vitam futuram.

Tabernacula, ædificia, palatia eorum, quæ
construxerunt, manantia in progenie filiorum
& progenie nepotum, in ijs vocauerunt no-
mina sua, memoriam eorum, & famam in
terris suis, quia terrena quæsierunt, nihil di-
celestibus curantes.

Et homo cum à Deo in honore & beati-
tudine æterna persuenda ordinatus esset, ta-
men carnaliter ambulans non intellexit se à
imaginem Dei creatum: & ideo comparatus
est bestiis, seu iumentis insipientibus, propter
vitam voluptariam, & similis in omnibus fa-
ctus est illis, subtracto honore imaginis Dei.

Hæc via, & talis progressus illorum in hac
vita præsentis est scandalum & offendiculum
ipsis, quia facit cadere de peccato in peccatum:
& postea affecti felicitatem huius mundi, in
ore suo sibi cõplacebunt, iactantes de tali vita.

Sicut oues ductæ ad occisionem, sed igno-
rantes, in inferno æternaliter positi sunt in
penâ: unde & mors gehennæ depascet cor-
ros detq; semper eos miseros, quia viuentes semper
morientur, & moriendo semper viuunt in penâ.

Et

Et dominabuntur tandem eorū malorum iusti homines, & hoc in matutino post dormitionem corporum in resurrectione, quando accipient iudiciariam potestatem: & auxilium eorum, quod habebant de potentia, de diuitijs, de amicis, veterascet, deficiet, peribit in inferno gehenne, & à gloria eorum, transibunt in penam & confusionem maximam.

Veruntamen spes mea, Deus iustus redimet sua gratia animam meam, ne damnetur cum impijs, de manu inferi & potestate diaboli, & hoc cum acceperit de hac mortali vita me in beatitudine aeterna.

Ne timueris, scandalizeris, aut turberis, cū diues in prosperitate factus fuerit homo peccator viuens secundum carnem: & cū multiplicata fuerit in honoribus seculi gloria domus eius in cognatis, prolibus & amicis.

Quoniam cum per mortem interierit repente, non sumet secum omnia, imò nihil nisi peccata, neque descendet cum eo ad abyssum inferni gloria & prosperitas eius, quam habuit in presenti vita.

Quia anima sensualis eius impij, in vita ipsius prospera, ab adulatoribus benedicetur, propter potentiam & affluentiam diuitiarum, at hic inius confitebunt tibi, gratis agendo, tam benefeceris ei in honore diuitijs aut gloria.

Introibit descendens ad infernum in progenies patrum suorum, quorum scelus fuit imitator: & vsque in æternum excrucietur errore; & non videbit hinc lumen gratiæ, neque in futuro lumen gloriæ.

Homo itaque impius, cum in honore constitutus esset atque dignitate, non intellexit id sibi gratis à Deo prestari: propter quod comparatus est iumentis irrationabilibus, insipientibus, qui sensualitatem sequuntur, & similis omnino factus est illis, sequendo voluptates carnis.

O R A T I O.

Domine qui es pretium nostræ redemptionis, libera animas nostras de manu insidiantis Satanæ, ne mors gehennæ depascat nos in interitum sempiternum. Sed tribue intellectum, ut mandatis tuis obediendo terrena cuncta contemnamus, & ad cœlestia bona toto mentis affectu anhelemus. Amen.

Sec. He. 50.

P S A L M V S. XLIX.

Psalmus ipseus Asaph, qui fuit unus inter quatuor personantes in psalterio, & interpretatur congregatio, que nunc est in populo Christiano. Agitur de utroque aduentu Christi.

A R G V M.

~~Psalmus ipseus Asaph, qui fuit unus inter quatuor personantes in psalterio, & interpretatur congregatio, que nunc est in populo Christiano. Agitur de utroque aduentu Christi.~~

Deus, Christus, omnium deorum sal-
sorum Dominus, omnipotens, locu-
tus est multifariam in Prophetis, etiam per
se in humanitate assumpta, & vocavit ad fi-
dem suam terram ac universos habitatores
terre.

A solis ortu lex Evangelica usque ad occasum & ultimum terræ promulgata est per Apostolos: ex Sion tamen & de Ierusalem cepit annuntiari species decoris eius, atque pulchritudo diuinitatis & virtutum Christi.

Deus *Christus* manifestè venit ad generale iudicium, Deus inquam noster, *Christi*anorum verus Deus, & homo, & non silebit, imò super peccatores exercebit iram & vindictam suam.

Ignis materialis in conspectu eius prae-
cedens exardescet, quia seculum per ignem iudi-
cabit, & in circuitu eius raptabitur tempe-
stes valida in momento, in ictu oculi, in no-
visima tuba.

Aduocauit Christus cœlum, cœlestesque
ordines desursum veniens à patre : & terram
terrenosque homines etiam aduocauit deorsum

discernere, ut per sententiam discernat & li-
nidat populum suum, à non suo. bonos à ma-
lis, salvandos à damnandis.

Congregate vos Angeli illi Christo salu-
ctos & electos eius qui ordinant, predicant,
& implent testamentum eius Novum & Evan-
gelica precepta super sacrificia testamenti ve-
teris & observantias legales.

Et annuntiabunt predicando cœli viri ce-
lestes, verbi dispensatores iustitiam eius, quia
iusti remunerabuntur, & reprobis damnabun-
tur, quoniam Deus, qui nec fallit nec fallitur,
iudex est vivorum & mortuorum.

Audi credendo populus meus, quem elegi,
cui legem dedi, à quo carnem assumpsi, & lo-
quar tibi, atque predicabo filiis Israel verita-
tem, & testificabor tibi verbis ac factis, quod
Deus per omnipotentiam, Deus tuus per gra-
tiam ego sum, & nemo alius.

Non in sacrificiis tuis Veteris testamenti
arguam aut reprehendam te, quia non quero,
nec ea volo: holocausta autem tua, igne cha-
ritatis incensa, in anima humiliata, in con-
spectu meo sunt semper grata & accepta.

Non accipiam amplius de domo tua in-
solentes vitulos ad sacrificium, neque de gregi-
bus tuis pascualibus exigam hircos ad hostiam
pro peccato, sed cor contritum & humiliatum.

Quoniam meæ sunt possessiones, omnes
feræ

feræ & bestia sylvarum, etiam iumenta
que vagantur in montibus excelsis & boues
in pascuis.

Cognoui ab aeterno omnia volatilia cœli,
& pulchritudo atque amœnitas agri virentis
mecum est, & à me producta.

Si esuriero aut sitiero, non dicā tibi, quia
bonorum tuorum non egeo: meus est enim or-
bis terræ, quem creavi, quem guberno, & ple-
nitude eius, cum nihil sine nutu meo viuat.

Nunquid sum talis natura, quòd mandu-
cabo carnes taurorum, ut in sacrificijs? aut
sanguinem hircorum potabo? certè non,
quia nec cibo, nec potu indigeo.

Immola ergo Deo holocaustum pingue, &
sacrificium acceptabile laudis atque gratia-
rum actionis, quòd te creauit & redemit: &
redde semper Altissimo qui in cœlis est vota
tua, que promissisti in baptismo.

Et nihil de viribus tuis presumens, inuoca
me in auxilium in die tribulationis, aduersi-
tatis, & tentationis, & etiam te, tantùm con-
fidas & inuoces, & tandem liberatus honorifi-
cabis postea me, & sanctificabis nomen meum.

Peccatori autē impio dixit Deus omni-
potens, Quare tu enarras, atque predicas iusti-
tias meas de premijs bonorum & pœnis malo-
rum, & assumis indigna presumptione testa-
mentum meum tam Nouum, quàm Vetus,

per os tuum *impurum & sceleratum?*

Tu verò remunerando odisti disciplinam & increpationem, & proiecisti contemnendos sermones meos, quos tamen in ore habebas retrorsum in tuam damnationem.

Si videbas furem, non increpasti, sed dissimulando currebas cum eo, laudando atque excusando: & cum adulteris & scortatoribus portionem tuam in consensu voluptatis ponebas. sequendo carnis concupiscentiam.

Ostium peruersum abundauit malitia, infideliter legem meam interpretando, & lingua tua ad decipiendum concinnabat fraudes ac dolos malè agendo, blandè loquendo.

Sedens cum autoritate, studio nocendi aduersus fratrem tuum falsa loquebaris ipsum calumniosè obiurgando, & aduersus proximum filium matris tuæ, Ecclesiæ, qui tibi frater est per regenerationem baptismi, ponebas scandalum, præbendo illi occasionem ruinæ, per facta & verba tua nequam: hæc omnia fecisti sine timore diuini iudicii, & ego tacui atque dissimulaui, ut compleretur malitia tua.

Existimasti te inique peccator, quòd eris tui similis, consentiendo malis, quia scelera tua non statim vindico: sed arguam te, in morte atque finali iudicio, & statuam tunc peccata tua contra faciem tuam, quæ te accusabunt, omnesque imposturas declarabunt.

Intelligite atque ruminare hæc dicta in corde vestro omnes qui obliuiscimini Deum, mandata eius contemnendo : nequando vos inopinato rapiat à vita presenti in aternam damnationem : & non sit qui eripiat, cum in inferno nulla sit redemptio.

Sacrificium laudis, quod puritate fidei & operum immolatur, honorificabit, sanctificabit, & dignè me colet, & illic est iter & recta via, qua ducit ad vitam, quo ostendam illi, sacrificanti puro corde, salutare Dei Christi filij patris, in quo subsistit vera salus hominis.

ORATIO.

Deus deorum Domine, cuius est orbis terræ, & plenitudo eius, qui manifestè venturus es in igne exardescenti, & tempestate valida ad iudicandū genus humanum, te supplices exoramus, vt holocausta nostra igne charitatis succensa in compunctione cordis sint tibi grata & accepta, vt sic à peccatis nostris expiati priusquam ab hac vita rapiamur ad iudicium, placidum ac pacatum te inueniamus redemptorem nostrum IESUM, cui cum patre & sancto Spiritu est honor & gloria in secula seculorum. Amen.

Sec. He. p.

PSALMVS L.

In finem qui Christus est, omnium bonorum consummatio, & perfectio, Psalmus iste, est ipsius

2. Reg. 32. d

ipsius David Propheta de pœnitentia & humilitate eius, quam habuit, cùm venit ad eum Nathan Propheta, redarguens ipsum de homicidio & adulterio, quando scilicet intravit & ingressus est David ad Bethsabee, uxorem Uriæ.

ARGVM. Si agnoscamus peccata: & illis mortui, soli Christo deinceps vixerimus, ille nobis secundum magnitudinem misericordie sue condonabit omnia, lauabit immundos, & doctorem novum, ducemque vite largietur Spiritum sanctum, qui nos instruat ad veram pietatem, ut alios quoque nostro exemplo lucremur. Id quod Prophetæ nostro David accidit, qui ex adulterio & homicidio ad bonam frugem hac via perductus, aliis quoque doctorem se futurum resipiscencie pollicetur.

Miserere mei, quoniam peccator sum, Deus meus, cui proprium est misereri & parcere, secundum magnam, infinitam, & abyssalem misericordiam tuam, qua ego, quia magna est miseria mea:

Et secundum innumerabilem multitudinem actualium miserationum tuarum, ab initio seculi exhibitarum, dele, ut nullum remaneat vestigium, iniquitatem & culpam meam.

Amplius magis ac magis lava in fonte misericordie me, per aquam gratie, ab iniquitate mea qua te Deum offendi, & à peccato meo, quo proximum lesi munda me, ut culpa & peccatorum voluntas abstergetur.

Quoniam iniquitatem meam detestatur

dam

dum ego verè pœnitens neque diffiteor, neque abscondo, cognosco ut tu ignoscas, & peccatum meum in conscientia remordente contra me, ceu imago figurata, est semper, per contritionem amaram.

Tibi tanquam iudici soli, potenti & punire & misereri, peccaui, valde, & malum quod coram hominibus erubui, illud coram te feci, qui omnia vides: Itaque miserere & iustificeris, verax ac iustus inueniaris in sermonibus & verbis tuis, quibus promissisti veniam pœnitentibus, & vincas illos de mendacio, cum perperam & presumptuosè iudicaris, tanquam volens iustificare impium.

Ecce enim figmentum tuum in iniquitatibus originalis culpæ conceptus sum, unde miseria & pœna est mihi: & in peccatis atque libidinum concupiscentia concepit me, unde caro nascitur infirma, mater mea.

Asperges per pœnitentiam humilem, me peccatorem, Domine Deus hyssopo, & sanguine Christi, & per hoc mundabor à maculis per contritionem: lauabis me fonte tum baptismi & gratiæ, tum lacrymarum & pœnitentiæ, & incomparabiliter super niuem tunc per satisfactionem dealbabor, candore spiritali anima iustificata.

Auditui meo interiori dabis gaudium de absolutione peccatorum, & lætitiā de promissione

sione eternorum: & tunc exultabunt ossa spiritualia, anime fundamenta, prius humiliat tentationibus, & turbata impugnationibus.

Auerte per plenam remissionem faciem tuam, non à me, sed à peccatis meis, illorum non recordando, & omnes iniquitates meae praeiteritas, presentes & futuras dele de tua iniquitate, ne punias.

Cor à culpa mundum & immaculatum crea, ac restaura in me Deus per gratiam iustificantem: & spiritum rectum ad celestia subleuantem innoua, refice in visceribus & uisceribus meis interioribus, unde peccata exierunt.

Ne proicias in desperationis foueam me, cum reprobaturum à facie & praesentia tua, unde lumen & sanitas mentis: & spiritum sanctum tuum, in quo spem ueniam colloco, ne auferas omnino à me, imò mecum sit & mecum laboret.

Redde mihi quod mea culpa perdidisti, letitiam spiritualem salutaris filij tui Christi: & Spiritu sancto principali dominante super omnia consumma me in gratia, ne recidam in peccatis.

Docebo verbo & exemplo, iniquos homines, vias tuas misericordiam & veritatem: & impij relinquentes vias suas, ad te Deum verum conuertentur, per poenitentiam salutarem.

Libera me poenitentem, de sanguinibus

Et corruptionibus carnalibus, Deus creator, Deus redemptor atque salutis meae conseruator, & tunc exultabit cum gaudio lingua mea extollendo iustitiam tuam, quia iustificas impium, & parcis poenitenti.

Domine, dando scientiam loquendi labia mea prius clausa propter peccatum aperies: & tunc cum fiducia os meum & cordis arcanum annuntiabit, & praconizabit laudem tuam, quia sanctus, quia pius, quia misericors es.

Quoniam, si voluisses pro expiatione peccati sacrificium hircorum & vitulorum, dedissem, ac obtulissem: sed utique holocaustis victimisque veteribus non delectaberis, neque placaberis amplius.

Sacrificium acceptum Deo, quo peccata solvuntur, est spiritus plurimum anxius pro peccatis, contribulatus corpori per poenitentiam, ut spiritus dolore, corpus labore afficiatur: cor prius contritum per compunctionem, & deinde humiliatum per confessionem, Deus qui misericors es, non despicias, neque spernes, imò gratanter aspicias.

Benigne fac, largam impendendo benedictionem Domine Deus in bona & gratuita voluntate ac gratia tua, Ecclesia nostra catholica quae Sion Deum speculatur: ut in spe, fide, & charitate aedificetur super firmam petram, Christum, muri Ierusalem, qui sunt ani-

me sanctorum in visione pacis.

Tunc acceptabis gratum habens sacrificium iustitiæ, quod est confessio, qua iustificatur impius, oblationes, non pecudum, hominum, & holocausta in carnis mortificationem: tunc imponent offerentque super altare fidei, quod tuum est, seipsos ceterosque in victimam & hostiam viventem, placentem Deo.

O R A T I O.

Dele iniquitates nostras Domine, secundum magnam misericordiam tuam munda & laua nos super candorem nitentem à peccatis nostris, quibus malum coram te fecimus. Cor nostrum contritum & humiliatum non despicias Domine, sed in noua in visceribus nostris Spiritum sanctum tuum, quo laudem tuam annuntiare possimus, & recto principalique spiritu confirmati, mereamur in coelestem Ierusalem peruenire. Per Christum Dominum nostrum.

Sec. Heb. 9.

P S A L M U S LI.

In finem Christum intellectus & eruditio ipsius David Prophetæ, cum venit Doeg Idumæus impostor falsarius, & annuntiavit atque indicauit Sauli regi Hebræorum, & dixit ei turbato: Venit David amulus tuus in domum Abimélech sacerdotis.

centuram, quæ est anima vivificans corpus,
sicut radix arborum, exellet de terra iusti
atque beatitudinem sanctorum.

Ridebunt iusti, damnationem impiorum
timebunt cum peritio impiorum, & iustorum
iustorum, & super eum ridebunt, contemnen-
tes prosperitatem eius præteritam: & dicent
iusti, Ecce homo robustus in malitia, qui
posuit Deum, imò contempsit adiutorem suum
non habens fiduciam in Domino.

Sed speravit tanquam in summo bono, in
multitudine diuitiarum suarum, in copia
genti & auri, potentie & gloriæ: & præ-
ludit iustis ad tempus in vanitate & prosperi-
tate sua & affluentia temporalium.

Ego autem pius, sicut oliua fructifera
bonis operibus, in domo Dei, & Ecclesia san-
cta, speravi, non in diuitiis, sed in misericor-
dia Dei duratura in æternum, non solum hoc
sed & in seculum seculi in vita æterna.

Confitebor tibi, & gratias agam in seculum
hoc, quia fecisti mecum misericordiam
in presenti: & expectabo in futura retribu-
tione iustorum, nomen tuum, quod Iesus est,
quoniam bonum, dulce est, & suave in con-
spectu, iudicio, & estimatione sanctorum
tuorum, qui gustaverunt suavitatem boni-
tatis tue.

Omnip

ORATIO.

Omnipotens Deus, totius mundanæ vanitatis destructor, fac nos in ecclesia tua florere, sicut oliuam fructiferam bonorum operum, ut in tua misericordia sperantes & tibi semper gratias agentes ab iniquitatis maledicto saluemur per confessionem nominis tui, quod Iesus est.

Sec. Heb. 53

PSALMVS LII.

In finem, & Christum ducens pro Amalech parturiente dolorem de peccatis, intellectus & eruditio ipsius Dauid.

ARGV M. Nihil aliud hic est quàm quod Psal. 13. præter versum, Quoniam Deus dissipauit, &c. In quo ostendit planè ubi trepident impij, sed timore vano, ne scilicet non solum perdant quæ possident, sed etiam gratiam hominum, &c.

Dixit, & sibi ipsi persuasit insipiens, & impius in corde suo, quod non est Deus curans res mortalium.

Corrupti sunt in peccatis, & abominabiles atque odibiles facti sunt Deo & hominibus in iniquitatibus suis: non est de illis reprobis, qui faciat bonum aliquod meritorium.

Deus de cælo prospexit, per suam misericordiam super filios hominum, ut pœnitentes saluaret, ut videat, si aliquis est intelligens, per veram cognitionem, aut requirens Deum per bonam operationem.

Omnes declinauerunt à rectitudine iustitiae, & simul inutiles atque inepti facti sunt à consequutione vitae aeternae: non est aliquis qui faciat bonum, aut impleat voluntatem patris caelestis, non est vsque ad vnum, quia omnes peccauerunt & egent gratia Dei.

Nonne scient, & experientur in futuro iustitiam Dei, omnes qui nunc operantur pertinaciter iniquitatem contra Dei mandata, qui deuorant & dilaniant plebem meam innocentem, vt perinde ac comederent cibum panis quotidianum, ita delectantur in spolijs innocentum?

Deum per poenitentiam nō inuocauerunt, quia in eum non crediderunt: sed illic trepidauerūt peccatores huius mundi timore, ne fraudarentur felicitate terrena, vbi tamen nō erat timor habendus, formidant tantum temporalia & non mala aeterna.

Quoniam Deus dissipauit atque dispersit ossa, & corpora eorum luxui & delicijs mancipata, qui hominibus placent. & Deum spernunt: confusi sunt intellectu, quoniam Deus spreuit, tradens eos in reprobum sensum.

Quis dabit, certè nullus, nisi tu Domine ex Sion illa caelesti salutare Israel, aut salutem populo fideli, per fidem veram Deum videnti: cum conuerterit & eripuerit Deus ab impio.

*rum violentia captiuitatem & seruitutē plebis
sue electe, tunc exultabit Iacob, pessandator
vitiōrum, & lætabitur atq; gratiasaget Israel
redemptori suo, optimo, maximo.*

ORATIO.

Omnipotens Deus, de cœlo prospice su-
per nos peccatores, filios hominum, vt in-
telligamus & requiramus te solum Deum
verum, spretis mundanis omnibus. Ne de-
clinemus à rectitudine iustitiæ, & via veri-
tatis, ne corrumpamur & abominabiles si-
mus in iniquitatibus nostris, sed nos cōuer-
tere digneris ad te, vt lætemur & exulte-
mus in salutari tuo, Domino nostro Iesu
Christo. Amen.

PSALMVS. LIII.

Sec. Hc. 54

In finem qui Christus est tendentibus pro
carminibus & laudibus eius hic Psalmus est
intellectus & eruditio Dauid, & cuiuslibet fi-
delis, cū venissent Ziphari persecutores bono-
rum, florentes in hoc mundo & annuntiassent
Sauli peruerso, Nonne Dauid latens & miser
absconditus est apud nos florentes?

1. Reg. 33. d

ARGVM. Nemo miretur bonos ab impiis susti-
nere inuidiam, quando à Christo seruatore, & à Pro-
pheta Dauid, qui huius figura fuit, olim, quod ad
hanc rem attinet, non est temperatum: Saul hunc &
Abner, illum Iudeis vsque ad interneccionem peri e-
quentibus. Cæterum spes est, vt olim illæ viæque

inimicitia non fuerunt constantes : ita nostra quoque breui soluendas.

DEus meus in nomine tuo, quod *Id est*, saluum me fac, non ob meritum meum & in virtute atque misericordia tua divina iudica me, separando à malis.

Deus, qui verax es in promissis, exaudi orationem meam, & vota mentis meae, etiam auribus clementiae percipe verba vocalia orationis mei, quae tibi supplex propono.

Quoniam alieni à Deo, fide, & operibus insurrexerunt sua violentia aduersum me armati liuore insane mentis, & fortes in malis quaesierunt animam meam, ut eam à pietate diuertant: & non proposuerunt in conscientia Deum verum ante conspectum suum, sed diuitias, sed honores, sed voluptates.

Ecce enim Deus omnipotens adiuuat me, ut sim patiens in aduersis : & Dominus me coadiuuans in bonum, susceptor est, per suam gratiam, animae meae, eam à peccatis omnibus liberando.

Aduerte mala aduersum me cogitata, ab inimicis meis insidiantibus, & in veritate tua iudiciali disperde illos in aeternum: esto hic firmamentum falsis bonis, pereant veris tormentis.

Voluntarie, atque libera mente, non coactis sacrificabo tibi sacrificio laudis & bonorum operum, & confitebor, celebrabo, & gratias agam

agam nomini tuo Domine Deus meus, quoniam bonum est, imò nil melius illo inuenitur.

Quoniam ex omni tribulatione & aduersitate eripuisti me. sperantem in te: & super inimicos meos insidiantes despexit, pro nihilo reputando oculus meus, quia vidi retributionem in impijs.

ORATIO.

Domine in virtute nominis tui salua nos ne alieni in fide diuertāt à vera pierate animas nostras, sed per tuam gratiā sub diuina protectione eos suscipe, libera & eripe ab omnibus inimicis, tam visibilibus, quàm inuisibilibus, insidiātibus nobis, vt sic semper nomini tuo, quod Iesus est, voluntariè, sacrificio laudis & bonorum confiteamur per secula. Amen.

PSALMVS LIIII.

Sec. He 55.

In finem Christum, ad quem cuncta referenda sunt, Psalmus iste in carminibus & laudibus est intellectus & eruditio Dauid.

ARGVM. Quum inter ea, quæ ab Evangelica veritate auocant animos, potissimum nunciatu araritia, queritur hic per Prophetam Dominus, in ciuitate sua dissensiones, dolos, errores, & vseram inualuisse: quæ omnia ex diametro pugnant cum Evangelica charitate: illos prorsus reiciens, & abnegans, qui hæc sectantur, ac iudicio diuino plectendos relinquens.

EXaudi Deus meus orationem meam pro bonis assequendis, & ne despereris tuam deprecationem meam pro malis evitandis: sed intende mihi oranti, & exaudi me per gratiam dando quod posulo.

Cōtristatus sum anima & corpore, in excitatione mea & tribulationibus, quibus malis me exercent: & conturbatus sum, & inquietus in anima, à voce inimici obloquentis, & insidiantis, & à tribulatione peccatoris affligentis me.

Quoniam impij declinaverunt, retorquendo in me innocentem iniquitates, quae eorum erant, & mala sua mihi imponebant: & in ira eorum, non in merito meo molesti erant mihi, sine ratione mala inferendo.

Cor meum elanguit, & conturbatum est propter molestias in me: & in animo meo formido, metus, & horror mortis aeternae cecidit super me, timendo fraternum odium.

Timor animae & tremor mortis venerunt super me, & opprimunt: & contexerunt & circumdederunt me tenebrae, mali homines, & peccatores caci.

Et dixi, deliberando inter has conturbationes, Quis dabit mihi pennas virtutum, & motum desideriorum bonorum sicut columbae, quae simplex est, & felle caret? & volabo à strepitu mundi, & requiescam in tranquillitate

mentis, gustando quàm suavis est Dominus.

Ecce elongavi me à turba desideriorũ temporalium, & fugiens illa discessi à congregatione hominum, & mansi in solitudine, requiescens in quiete mentis.

Expectabam patienter eum Dominum longanimis, qui saluum me fecit, & liberauit à pusillanimitate, & inordinato timore ipsius spiritus mei: ne caderem in desperationẽ, propter tot tumultus persecutionum, & à tempestate animæ, ne irascerer impetuosẽ.

Præcipita & disperde Domine fraudes eorum, & diuide, ne veniant in concordiam, linguas eorum, qui in me conspirant, quoniam vidi iniquitatem, & dolum, & contradictionem, atque discordiam in ciuitate. & congregatione impiorum, vbi nulla charitas.

Die ac nocte. sine intermissione circundabit eam ciuitatem diaboli, super muros eius excubando iniquitas pessima, & labor atque molestia erit in medio eius, non enim est pax impijs, & iniusticia abundabit.

Et non defecit. sed semper durauit de plateis eius vbi licitantur venalia, usura fraudes, & impius quæstus, & dolum, quia aut creditoribus pluri vendunt, aut in pretio rei cum dolo & fraude.

Quoniam si inimicus meus. publicus peccator maledixisset mihi manifestè, sustinuis-

sem vtrique & patientius tolerassem.

Et si is qui oderat me publ. cō, super me insultasset, & magna atq; superba locutus fuisset, minitendo, abscondissem me forsitan ab eo, fugiendo presentiam, & sodalitiū eiu.

Tu verò homo, à quo dolos patior in abscondito, homo mecum viuens, vnanimis in pace, dext. meus in vitæ instituto, & notus atq; familiaris meus.

Qui simul conuersando mecum dulces & suaves capiebas cibos, tum Eucharistia, tum doctrina in domo Dei, quæ est Ecclesia sancta ambulauimus simul cū magno consensu amorum.

Veniat mors gehennæ super illos hypocritas falsos, & descendant secundum meritū in infernum, vbi nulla est redemptio, & hoc, viuētes, quia sciēter peccant, & sciēter perunt.

Quoniam nequitia, fraudes & doli sunt in habitaculis & cordibus eorum, & in media conuersationis eorum, quia pestilentes sunt impij.

Ego autem tota fiducia ad Deum clamaui in tantis periculis & tribulationibus: & Dominus Deus saluabit me à peccato, & inferno.

Vespere senectutis, & mane pueritiæ, & meridie iuuentutis, quod est omni tempore, narra-
bo, meditabor, & annuntiabo diuina beneficia mihi collata, & Dominus exaudiet vocem, &

orationem meam iustam.

Redimet Dominus in pace & quiete animam meam innocentem, ab his falsis fratribus, qui appropinquant mihi, persequentes sub specie bona, quoniam inter multos amicos, quos habueram, erant & iunxerant se mecum.

Exaudiet & consolabitur me orantem, Deus pacis, & humiliabit abijciendo & confundendo illis impios, hic, inquam, Deus qui est eternus ante secula, quia in principio erat verbum.

Non enim est resipiscentia illis impijs, aut commutatio in melius, sed descendunt semper in peius, & non timuerunt Deum, sed potius contempserunt: & ergo extendit Dominus manum suam, & vindictam in retribuendo pœnam pro malefactis eorum.

Contaminauerunt & despexerunt malè viuendo testamentum eius, mandata Dei non custodiendo, quare dimissi sunt de terra viuētium ab ira & seruitute vultus eius, quia non videbunt faciem Domini, & Dominus appropinquauit ad bonos cor illius & voluntas Dei.

Molliti sunt in blandiloquentia sermones eius suauis super oleum, ad eum applaudunt verbis in hypocrisi, & ipsi sermones sunt iacula, lethaliter vulnerantia corda audientium.

Idcirco super Dominum Deum omnem curam & sollicitudinem tuam, committendo Deo omne nego

Matth. 6. 3
Luc. 12. 2
1. Pet. 5. 6

negotium, & ipse Dominus te enutriet, docendo, confortando, & vias tuas dirigendo: & non dabit in æternum, licet ad horam permittat fluctuationem, inquietudinem & conturbationem viro iusto.

Tu verò Deus, qui sanctos enutris deduces eos impios, qui nec timent te, nec tibi confidunt, in puteum inferni & interitus mortis æternæ.

Viri sanguinum, persecutores & homicidæ, & dolosi per simulationes fraudem molientes, nō dimidiabūt in voluptatibus dies suos imò interitus erit celerrimus & subitaneus ego autem certissimè sperabo, non in homine, non in mundo, sed in te Domine, & ideo librorabor ab omni malo.

ORATIO.

Domine, qui in te iactamus, ceu in tutissimum portum, omnes curas nostras, solique tuę gratiæ innitimur, enutrias nos in fide, moribus, doctrina, & virtutibus. Ne desuperis deprecationes nostras, sed salua nos à pusillanimitate spiritus, nec succubamus in tribulationibus aut pressuris. Et te vespere, mane, & meridie laudantes mereamur ab huius seculi tēpestatibus defensari. Per Christum dominum nostrum. Amen.

Sec. He. 56

PSALMVS LV.

In finem Christum, qui est consummatio nostra

nostra, hic Psalmus tendit, scriptus pro populo Iudaorum & persecutorum, qui à sanctis electis longè factus est, & alienatus in tituli inscriptione, quia sancti confitentur Christum regem Iudaorum, at hîc populus negat. Psalmus agit quod factum est ipsi Dauid Propheta cùm I. Reg. 21 tenuerit eum captivum Allophylli alienigena in Geth. Oratio est iusti tribulati.

ARGV M. Quemadmodum Dauid Propheta coram Achis rege in Geth, hominis parum cordati ac dementis est habitus loco, ut titulus huius Psalmi in Hèbræa lingua testatur, de columba tacente verba faciens: ita & Christo accidit ac discipulis, quando filij huius seculi, ex carne progeniti, evangelicæ doctrinæ repugnauerunt. Quanquam nihil moramur illos, qui sibi immodicè placent humana prudentia in huius vitæ tenebris: nam illis ablatis facillè tum apparebit, nihil etiam à còmunis consensu fuisse remotius istorum sapientia.

Miserere mei, & gratiam tuam mihi impartire Deus meus, quoniam conculcavit & pessundedit me homo nequam: tota die diabolus impugnans tentationibus tribulavit & afflixit me.

Conculcaverunt pedibus suis me innocentem inimici mei, tam homines, quàm demones, tota die, adeò ut nullum tempus pressuris vacuum relinqueretur, quoniam multi belantes steterunt aduersum me, videlicet diabolus, caro, mundus.

Ab altitudine quidem & superbia diei
temp

temporalis ad horam data timebo, sed interim tamen ego verò iustus in te sperabo de tua protectione.

In Deo meo laudabo verbum eius, & celebrabo sermones meos, Dei munere mihi concessos, in Deo & eius protectione speravi confidenter: non ergo timebo, quid mali faciat mihi cato, & carnalis homo.

Tota die mendaces verba mea bona excrebantur tanquam mala: & aduersum me sunt omnes cogitationes eorum impiorum, & hoc in malum, vt absterreant à pietate doctrinam & vitam.

Inhabitabunt mecum in Ecclesia catholica, & abscondent malum, quod cogitant, ipsi impij calcaneum meum more serpentis insidiosa calliditate obseruabunt, vt accusare possint, vel blasphemare.

Sicut sustinuerunt ad perdendum, & expectauerunt animam & vitam meam, tamen pro nihilo & gratis saluos facies illos per solam tuam misericordiam, sed in ira tua diuisis populos, aduersarios veritatis, confringes, ad nihilum redigendo.

Deus meus, vitam meam, quæ mala sunt annuntiaui tibi in confessione: posuisti tristitias & lacrymas meas, quas effudi pro peccatis, in conspectu tuo, eas non obliuiscendo.

Sicut

Sicut erat & in promissione tua, qua veniam spondes penitentibus sic egisti: tunc ergo conuertentur inimici & aduersarij mei à suo errore & vita mala, retrorù, vt nò amplius vadant post concupiscentias carnis.

In quacunque ergo die ~~etatis~~ & vite mee inuocaueo te cordis deuotione, ecce cognoui experiendo misericordiam tuam, quoniã Deus meus es, qui me recipis ad penitentiam.

In Deo Patre laudabo verbum incarnatum, predicando cum consubstantialẽ Patri, & coeternum in Domino Iesu Christo. laudabo sermonem, & eius regulam viuendi, quam mundo præstitit: & in Deo Spiritu sancto speraui, de eius bonitate, & ergo non timebo, quid mali faciat mihi innocenti hominequam.

In me sunt tibi reddenda Deus meus vota tua, à te data, quia pro beneficijs mihi impensis illa debeo tibi, quæ vota reddã quia sunt laudationes & gratiarum actiones, tibi soluenda ad nominis tui gloriam.

Quoniam eripuisti & saluasti animam meam, quæ per te viuit, de morte culpe & gehennæ, & pedes meos, affectus & sensus à lapsu & pronitate cadendi in peccatum, vt placeam in via mandatorum coram Domino Deo meo, in lumine iustorum viuentium ex fide & gratia.

ORATIO

Vnica salus, vita, & spes nostra, Deus, consolator, remunerator, & vbique iustificator miserere nobis, qui vndiq; tribulationibus à mundo, tentationibus à diabolo, miseriis à carne conculcamur, quę semper obseruat calcaneum nostrum. Eripe animas nostras de morte æterna, vt dum hęc carnalia bella comprimimus, placere tibi in lumine glorię & immortalitatis mereamur. Per Christum Dominum nostrum. Amen.

Sec. He. 57.

PSALMVS LVI.

In finem & Christum, ad quem tendimus venire, hortatur iste Psalmus, ne tu perfide Iudee disperdas, interficias, vel corrumpas quoniam modo David, hoc est Christum, in tituli inscriptione, negando ipsum esse regem Iudeorum, quod tamen titulus crucis indicabat, cum fugeret à facie Saul truculenti & feroci in speluncam.

1. Reg. 22. & 23.

ARGV M. Vox est perfectę fidei & gratiarum actionis, in qua Christus gloriatur ab omnibus se erutū malis, vt post resurrectionē eius magnificetur Deus sub omni cęlo in omnibus gentibus, nempe, misericordia & veritate eius vbique prædicata.

Miserere mei, & succurre Deus, Pater clementissime, miserere mei. quia periculum imminet magnum, quoniam in te, & in nullo alio confidit, & stabilita est anima mea.

Eria

Et in vmbra alarum tuarum atq; in protectione tua diuinæ potentie sperabo semper, donec transeat ipsa iniquitas Iudaorum.

Clamabo ab humanitate assumpta ad Deū patrem altissimum in cælis: ad Deum meum, cui consubstantialis sum, qui benefecit & reddidit mihi, quicquid promiserat.

Misit de cælo non angelū, vel creaturam, sed me filium suum, vnde & liberauit me, resuscitando à mortuis: & dedit dispergens per orbem in opprobrium hominum Iudaos conculcantes me & nomen meum.

Misit Deus per me misericordiam suam gentibus, & veritatem suam iuxta promissa Iudæis, & eripuit crucifixo corpore animam meam de medio Iudaorum, & catulorum leonum rugientium in me, vt crucifigerer: dormiui somno mortis secundum carnem, sed conturbatus ex angustia passionis.

Filij hominum, Iudæi, dentes eorum vt deuorent, sunt arma inuidia, & sagittæ vt occidant ac perdant: & lingua eorum quando clamabant, Crucifige, est gladius acutus crudelissimus.

Exaltare ascendēdo super cælos cælorum, Deus, Iesu Christe ad dexteram patris, vt cognoscaris semper in tua maiestate regnare: & sic in omnem terram promulgabitur gloria tua resurrectionis & ascensionis in cælum.

Laqueum per fraudulentas obiectiones parauerunt pedibus & doctrinis meis, ut me in verbo caperent, & incuruauerunt, tentando an flectere possent animam meam, à rectitudine veritatis & iustitia.

Foderunt Iudei ante faciem meam congregando concilium, foueam fraudis, oppressionis & criminationis, ut me morti traderent, & ipsi inciderunt precipitati in eam, passi mala quæ mihi inferre conabantur.

Paratum cor meum ad sustinendam ignominiam crucis, Deus pater, paratum cor meum præ desiderio salutis humanæ: cantabo voce gratias agendo, & psalmum dicam digna actione, te Deum patrem laudando.

Ioan. 2. d

Exurge potenter gloria mea, caro mea glorificata, exurge, inquam, caro, quæ fuisse psalterium diuinæ operans, & cithara humana patiens: exurgam certè diluculo, mane, prima sabbathi.

Confitebor tibi postquam resurrexero, prædicando per meos in populis laudes tuas Domine Deus pater, & psalmum dicam tibi, ut tu pater glorificeris in gentibus.

Quoniam magnificata & predicata est per orbem terrarum vsque ad cælos beneficentia & misericordia tua quam promissisti per Christum, & vsque ad nubes tonat præceptis,

*ptis; coruscat miracula, pluit doctrinæ veritas
tua diuina.*

*Exaltare per gloriosam ascensionem super
cœlos Angelorum Deus noster: & super om-
nem terram semper sit gloria & magnificen-
tia tua, vt sis Deus, omnia in omnibus.*

ORATIO.

Deus cui proprium est præstare miseri-
cordiam, qui in te confidentiam habent,
ab æstu persecutionum & vitiorum prote-
ge nos sub vmbra alarum tuarum, quæ sunt
misericordia & veritas, donec transeat ini-
quitas impiorum, & eruamur à nequissi-
mis insidiatorum foueis & laqueis diaboli,
vt sic mala sustinendo temporalia, æterna
bona speremus, donec ad te, qui CHRIS-
TUS es, peruenire valeamus. Amen.

PSALMVS LVII.

Sec. He 58.

*In finem verum & optatum, ne disperdas
aut contradicas verbo vel facto ipsi David,
qui Christus est, in tituli crucis inscriptione
facta à Pilato.*

ARGVMENTVM. Quamquam Euangelium Christi
seruatoris, post illius in cœlos ascensionem, longè
latèque diffusum, nihil falsitatis aut sinistri ha-
beat admixtum: tamen à doctõribus quibusdam
ad rem magis attentis, quàm ad Dei gloriã, nonni-
hil accepit zizaniz: id quod minimè latuit ipsum
magistrum, qui ex fructibus doctrinam voluit
iudicari. Admonet autem hic sacer Spiritus

huiusmodi pseudoprophetas, ut rectè incedant, si
pœnas nunquam finiendas velint effugere.

SI verè, & non falsè, utique & certè iusti-
tiam in verbis loquimini: in factis tunc
rectè iudicate, discernendo bonum à malo, vos
qui estis filij hominum.

Etenim in corde quas cogitastis iniquita-
tes illas operamini in terra, vos terreni &
animales, iniustitias varias manus vestras
fraudatis proximis, concinnant, congregati, &
misercent, peccata peccatis accumulando.

Alienati sunt peccatores à veritate & ius-
titia, à Deo & bono à vulva, ab ipsa concep-
tione: errauerunt ab utero matris, & loquuti
sunt falsa, spernendo veritatem.

Furor est illis præ invidia, secundum si-
militudinem furoris serpentis, præ desiderio
mordendi & nocendi: sicut est ira aspidis sur-
dæ venenum effundentis, & obturantis aures
suas, ne percipiant veritatem.

Quæ aspis non exaudiet, neque percipiet
vocem incantantium, imò contemnit, & ver-
ba venefici alicuius incantantis mentes ho-
minum obstinatorum, sapienter, ut conuertantur
à suis erroribus,

Deus conteret, comminuendo dentes eorū,
& verba dolosa in ore ipsorum, quo blasphemias
protulerunt: & molas atque maxillas, mis-
nasque leonum, & ferocium Iudeorum con-
fringet

fringet Dominus, in sua resurrectione.

Ad nihilum & cōtemptum deuenient Iudei, tanquàm aqua citò decurrens & non reuertens: Dominus intēdit in ira arcum suum, vt vulneret sagittis timoris & iudicij, donec infirmetur & vltius non valeant nocere.

Sicut cera mollis quæ fluit & liquefcit à facie ignis, sic impij auferentur à facie Dei in extremo iudicio: supercecidit eis ignis infernalis & æternus, & non viderunt solem iustitiæ & verum lumen diuinum.

Priusquam intelligerent & producerent spinæ vestræ & punctiones mala conscientia rhamnum & rubum acutum, quippe spinarum more, peccata primò delectant, postea pungunt: sicut sunt viuentes in prosperitate, sic in ira diuina subitò absorbet & auferet eos de medio.

Lætabitur iustus zelo diuino iustitiæ, cū viderit impiorum vindictam & punitionem: manus suas, opera & actiones, lauabit à peccatis, vt mundior & iustior fiat in sanguine peccatoris, ex consideratione vindictæ & pœne reproborum.

Et dicet homo post iudicatum impium, Si vtique pro meritis est fructus & merces iusto, de bonis suis operibus? vtique est Deus, iustè iudicans, & retribuens eos malos hîc in terra, vbi florere videntur.

ORATIO.

Da quæsumus Domine, vt rectè iudicemus nosmetipsos, ne à via veritatis & iustitiæ aberrantes, manus nostræ iniustitiarum concinnent, peccata peccatis cumulando, sed nostrorum spinis facinorum afflicti, aurem non obturantes præceptis tuis, te Solem iustitiæ & verum lumen sequamur. Per Dominum nostrum Iesum Christum. Amen.

Sec. He. 59.

PSALMVS LVIII.

In finem Christum Psalmus hic est, neto Index corrum pas quouis modo David, hoc est Christum in tituli inscriptione, dicēdo ipsum I. Reg. 19. non esse regem Iudeorum, & hoc quando interficit Saul & concilium Iudeorum, & custodiuit domum eius & sepulchrum Christi, vt interficeret & extingueret eum, nomen videlicet & famam eius.

ARGVM. Christus, & quisquis ob confessam veritatem impetitur, petit contra aduersarios, qui ad vesperam, id est, vbi omnia viderint desperata, reuertuntur, vt audiant veritatem: sed quia non possunt credere, & semper inueniunt in verbo & verbi præconibus vnde offendantur, hos oportet manere donec à Deo eorum blasphemia, contemptus & mendacium prodatur & cōdānnetur. Ego autem, inquit, non expectabo ad vesperā, sed manē cantabo fortitudinem tuam, &c.

ERipe & libera me innocentem de inimicis meis Iudæis Deus, pater meus: & ab insur

insurgentibus & insultantibus per blasphemias in me filium tuum, salua & libera me.

Eripe me de Iudeis operantibus iniquitatem, colaphizantibus & flagellantibus me: & de viris sanguinum, qui clamabant, crucifige salua & libera me.

Quia ecce ceperunt insidiosè animam & vitam meam corporalem: irruerunt cum impetu, sine omni ratione, in me humilem, fortes Iudei, ut me morti traderent.

Neque iniquitas mea fuit in causa, neque peccatum meum, quare me persequerentur, Domine Deus: quoniam sine iniquitate, purè & innocèter cucurri viam huius mundi, & direxi ad rectum finem, verbo predicationis & exemplo vite.

Exurge Deus pater in occursum meum, ut suscipias me resurgentè & ascendentem, & vide quanta contra me malignantur: & tu Domine potes hoc facere, quia tu es Deus virtutum cœlestium & Deus Israel omnipotens.

Intende, & expergiscere ad visitandas in cordibus eorum omnes gentes per gratiam, ne progrediantur in malitia: non miserearis omnibus prauaricatoribus, qui ex certa malitia & obstinata mente, operantur iniquitatem perseveranter.

Conuertentur tandem gentes ad fidem, & hoc ad vesperam mundi in sexta etate: & fa-

men verbi Dei patientur vt canes famelic
& circuibunt ciuitatem sanctam Ecclesiam
atque credentium multitudinem, vt audiant
verum.

Ecce ipsi conuersi ad fidem loquentur. pre-
dicando in ore suo liberè cum authoritate, &
gladius sancti spiritus, quod est verbum Dei
in labiis eorum erit: quoniam quis audiuit
vnuquam talia?

Et tu Domine Deus deridebis aspernans
eos qui veritatem audire noluerunt, & ad ni-
hilum deduces, & conculcabis omnes gen-
tes remanentes in sua perfidia.

Fortitudinem & potentiam meam ad te
Deus pater custodiam secundum dispositionem
tuam, & meritò, quia tu Deus sulceptor
meus es per resurrectionem: & Deus pater
meus es: insuper misericordia eius patris
præueniet me, qui plenus sum gratia & ve-
ritate paterna.

Deus pater ostendit mihi, quid agendum
foret super inimicos meos Iudeos, quia pro
eis orandum, ne occidas os delendo omnino:
nequando obliuiscantur populi Christi ani-
mei, & passionis meae, quia Iudei sunt memo-
riale passionis Christi.

Disperge illos Iudeos per omnia regna
mundi in virtute & potètia tua diuina: & de-
pone atque deprime eos à tumore superbia,
prote

protector meus Domine, Deus pater.

Delictum & peccatum oris eorum deponere, & sermonem falsum labiorum ipsorum, mortem meam coram Pilato postulantium, tolle & ergo comprehendantur ipsi perfidi in superbia sua, quando exultant in rebus pessimis.

Et postquā confusi fuerint de execratione, blasphemia, & mendacio, tunc annuntiabuntur & redarguentur ab Apostolis, in consummatione ad interuersionem: in ira diuina consummationis, & non erunt amplius.

Et ipsi Iudæi tunc scient, quia Deus Christus, quem occiderunt dominabitur Iacob, quia princeps est verorum Israelitarum, & finium terræ, qui est creator omnium.

Conuertentur Iudæi plenariè ad vespërâ, in fine mundi, & esuriendo ac sitiendo iustitiam, famem patientur verbi Dei, vt canes famelici: & circuibunt ciuitatem Dei & Ecclesiam sanctorum, vt audiant Euangelium.

Isi conuersi dispergentur per mundum ad manducandum, quærentes cibum verbi Dei: si verò non fuerint saturati pane cœlesti, & murmurabunt tanquam ieiuni.

Ego autem non murmurabo, sed cantabo & predicabo fortitudinē & potētiam tuam, qui iustificas impium, & exaltabo atque celebrabo non ad vespëram, sed manē, satis matutine, misericordiam tuam, non opera mea.

Quia in presenti vita factus es in ipsa tribulatione susceptor meus, ab instantibus periculis, & refugium meum unicum in tribulationis & angustiae meae.

Adiutor meus cooperatore in bonis, tibi plene acceptum ferendo, quæ te auxiliante gratia tua Deus susceptor meus es, nunc ad gratiam, & tandem ad gloriam: Deus meus, qui me creasti, & misericordia mea qui me salvasti. quicquid enim sum, tua misericordia sum.

O R A T I O.

Deus, misericordia nostra, protector & refugium nostrum, eripe nos de inimicis nostris tam visibilibus quam invisibilibus, exurge in occursum nostrum & adiuua, ut faciamus quæ præcipis, & impleamus quod expedit, quatenus tuo adiutorio muniti, & misericordia adiuti, mereamur post huius vitæ exilium, ad tuæ beatitudinis gloriam peruenire. Per Dominum nostrum Iesum.

Sec. He. 60.

P S A L M U S L I X.

In finem Christum pro iis electis, qui commutabuntur ad Deum veteri errore deposito, in tituli crucis inscriptione, credendo Christum regem Iudeorum, Psalmus David Prophetæ in doctrinam electorum, cum succendit Syriam Mesopotamiæ, & Syriam Soba, & convertit Ioab, & percussit Idumæam in valle Salinarum duodecim millia. Oratio pro misericordia

1. Reg. 3. &
10.

1. Paral. 18.

sericordia Dei imploranda.

ARGV M. Quum Christianæ religionis hostes, potentia, dolis, & numero semper videantur superiores, vt frustra videantur boni pugnam cum illis inire, produxit Deus signa suæ militiæ, nempe promissiones, & copias auxiliares, quibus confisi non modò non succumbamus, sed etiam fundere possimus aduersarios: quemadmodum Dauid de corporalibus illis hostibus contigit diuina virtute triumphare.

Deus propter peccata nostra, repulisti nos à te, & destruxisti nos, atque confregisti: iratus es nos flagellando, & tamen misertus es nobis, vt reuerteremur ad te per pœnitentiam.

Commouisti per timorem futuri iudicij, terram & corpora nostra terrena, & conturbasti eam per pœnitentiam: sana ergo per tuam gratiam contritiones eius, & redde illi te placatum, quia commota est in conscientia per pœnitentiam.

Ostendisti in sacra scriptura populo tuo electo dura pœnalia peccatis debita, potasti nos per multas tribulationes vino compunctionis, mœroris & tribulationis, miscendo dulcia amarum, & dolores consolationibus.

Dedisti metuentibus & timentibus te fiali amore significationem, vt exercitati tribulationibus fugiant & subtrahant se à facie & presentia arcus & iustitiæ tuæ, quæ extenta est ad percutiendum peccatores.

Vt lib

Vt liberentur à seruitute diaboli, di-
tui, ob omni pœna & miseria, & ergo salu-
me fac vt inueniar in dextera tua cum o-
& non in sinistra cum hœdis, & exaudi
deprecantem pro salute mea.

Deus pater locutus est verbum in facie
suo filio, qui est sanctus sanctorum, Læti-
mente, & partibor atque diuidam Sichimam
per tribus, & conuallē tabernaculorum
vbi Abrahæ facta est repromissio, merito
cum alijs credent, alijs non.

Meus est Galaad, terra hac, & meus
Manasses, tribus illa: & Ephraim eligam
sit fortitudo capitis mei.

Iuda exit rex & legifer meus, quia de
da nascetur Christus saluator: Moab Arabi
& Moabita sunt olla spei meæ, quia iuxta
arbitrium meum vt olla illis vtor.

In Idumæam filios Esau extēdam, atque
proijciam calciamentum meum, illos suppo-
ditando per Euangelium: mihi alienigenæ
gentes subditi sunt, & obediunt per fidem.

Quis deducet me, atque nomen meū in ci-
uitatem munitam ad populum vallatum pec-
catis? quis deducet & diriget me vsque in
Idumæam ad gentem fidelē, & peccatricem?

Nōne tu Deus? certē nullus alius, qui re-
pulisti nos periculis, nō sinens tribulari & non
egredieris, neque exhibis Deus nobiscum in
virtuti

virtutibus nostris, sed in tua virtute & maiestate ad protegendum nos?

Da nobis hinc peregrinantibus auxilium, quolibetemur de tribulatione nostra, quia sine te vana est & inanis salus hominis, quia sine gratia tua non saluabimur.

In Deo, non in viribus nostris, faciamus & constituemus virtutem contra hostes, & ipse conculcando ad nihilum deducet inimicos tribulantes nos.

ORATIO.

Omnipotens Deus, ne repellas nos propter peccata nostra, ne irascaris, sed miserebere nobis, salva & libera à potestate diaboli, in te est omnis spes, virtus & gloria nostra: vnde ad nihilum redige tam vitia quæ nos tribulant, quam inimicos qui nos impugnant, ut tandem æterna felicitate te largiente perfrui mereamur: Per Christum.

PSALMVS LX.

Sec. He. 61.

In finem, finis enim legis Christus est in salutem omni credenti, habitus in hymnis & laudibus, Psalmus est David, exhortantis omnes ad Christi laudem.

ARGVM. Clamat Ecclesia Dei ab omnibus finibus terræ, ut saluetur ab angustia, quia spe firma scit se æternam Dei possidere hæreditatem per Christum regem æternum, de quo & in aliis psalmis supra dictum.

Exaudi

EXaudi Domine Deus auribus clementie
deprecationem meam, mala auer-
do, & intende oculis misericordia oration-
meæ bona conferendo.

A finibus extremis terræ, ex quibus collecta
est Ecclesia, ad te clamaui in tempore angus-
tie: dum anxietur in hac peregrinatione
cor meum, inter pressuras & vitia huius seculi,
in petra, in Christo & fidei soliditate exal-
tasti & fundasti me, in qua omnis edificatus
est Christianus.

Deduxisti me ad te, per viam veritatis &
vite: quia factus es sola spes mea & tutis-
simæ fortitudinis, atque munitio inexpugnabilis,
facie presentia & impugnatione inimici, vi-
sibilis & inuisibilis.

Inhabitabo in unitate fidei in tabernacu-
lo tuo, & Ecclesia catholica, in secula, usque
ad finem mundi, & protegar contra æstus vi-
tiorum in velamento & munimine alarum
tuarum misericordia & potentia.

Quoniã tu Deus meus exaudisti instantem
orationem meam, & desideria cordis mei:
unde dedisti hæreditatē futuri seculi, timen-
tibus salutare nomen tuum, quod Iesus est.

Dies æternos, super dies temporales regis
nostri Christi, in quibus Ecclesia iam regnat
adiicies: etiam appones annos eius æternales
usque in diem generationis huius vita tem-
poralis

porat, & generationis ~~future~~ *eterna*, quia
per omnia secula durabunt.

Permanet, ~~habitat~~ *et* ~~in~~ *in* ~~eterna~~ *eterna*
advocatus noster Christus, in conspectu *et* pre-
sentia Dei patris: ergo misericordiā eius, qua
in presenti peccata dimittit, & veritatē eius,
qua in futuro pmissa reddit, quis requireret fru-
stra? certē nullus. Petite enim *et* dabitur vobis.

Sic psalmum dicam de gratia *et* veritate
nomini tuo *divino* in *eternum* *et* in secu-
lum seculi, quoad durabit mundus: & in pre-
senti reddam *et* satisfaciam vota mea, quae
promisi in baptismo, de die in diem indefinen-
ter *et* quotidie.

O R A T I O.

Exaudi deprecationē nostram, spes no-
stra, misericordissime consolator Deus, &
deducas nos per viam veritatis, & vitæ in
velamēto alarum tuarū. Et esto nobis ceu
turris fortitudinis, atque munitio in expu-
gnabilis, à facie & impugnatione inimici
tū visibilis tū invisibilis, vt tandē consequi
mereamur hæreditatē futuri seculi, & ta-
bernacula inhabitare æterna. Per Christū.

PSALMVS. L X I.

Sec. He. 62.

In finem *et* Christum Dominū, qui est fi-
nis ad quē tendimus, pro Idithun *et* pro tran-
siliente voluptates huius mūdi, Psalmus est Da-
vid, calcantis caduca, *et* aspirantis ad æterna.

A R G

ARGVM. ~~Deus meus qui me creauit & salutaris meus, qui me redemit, & susceptor meus, ut transiliat de mundo ad eum, & ideo non mouebo-
r à hoc proposito amplius tali adiutorio muniri.~~

Nonne Deo vero subiecta obediēdo et
perseueranter anima mea, ei fideliter
seruiens? ab ipso enim & per ipsum est salu-
tare meum, *salus & saluatio in corpore &
anima.*

Nam & ipse *Christus, Dominus est, Deus
meus qui me creauit, & salutaris meus, qui
me redemit, & susceptor meus, ut transiliat
de mundo ad eum, & ideo non mouebo-
r à hoc proposito amplius tali adiutorio muniri.*

Quousque vos impij irruitis & impetum
facitis in hominem innocentem, persequendū
eum? interficitis per peccatum vniuersi vos
ipsum in anima, quia irruitis incumbentes ei,
tanquam parieti inclinato ad ruinam, &
maceriæ inueterata atque depulsa à suo
cemento?

Veruntamen impij, licet repugno, pretium
omne meum & bonum opus, quo emo vitam
eternam, cogitauerunt insidiosè repellere &
auferre à me, vnde cucurri ad Deum fontē vi-
uum in siti, quem sitiebat anima mea: sed ipsi
hoc impedire volentes ore suo, vanitatem sug-
gerendo, benedicebant, sed & in corde suo,
veritati contradicentes, maledicebant.

Verum

Veruntamen, quantumcunque impugnent
impj, Deo subiecta & obediens esto anima
mea, & noli vacillare aduersitatibus, aut mo-
ueri blanditijs, quoniam ab ipso Deo stat pa-
tientia mea, cuius amore patior omnia ad-
uersa.

Quia ipse est Dominus Deus meus qui vo-
cavit me ad fidem, & saluator meus qui me re-
demt & iustificat, & adiutor meus ad bene
operandum, & ideo non emigrabo nec sepa-
rabor à Deo meo.

In Deo est ipsum salutare meum, tota fi-
ducia, salus mea, & gloria mea. in nulla enim
re glorior nisi in Deo, etiam ipse est Deus auxiliij
mei, in omni infirmitate: & spes mea de vita
æterna adipiscenda in Deo est, qui mihi est sco-
pus vnicus.

Sperate firmiter in eo, qui solus potest sal-
uare, omnis congregatio populi fidelis, &
effundite aperto pectore coram illo corda
vestra per confessionem: quoniam Deus est ad-
iutor noster non deferens nos in æternum.

Veruntamen hoc non attendunt, sed sunt
vani, & dediti vanitatibus filij hominum,
sperantes in rebus caducis, sunt etiam menda-
ces & fallaces filij hominum Ada & Eua
in stateris & deliberatione boni & mali: vt
decipiant ipsi alios de vanitate in idipsum
vanitatis ducentes, quia inter se inuicem &

vnusquisque alium.

Nolite sperare in malitia, in iniquitate, mendacio aut dolo, & rapinas violentas nolite concupiscere, auferendo aliena: & diuitiz ipsa si affluant abundanter nolite tamen cor apponere in eis confidendo, præsумendo, & superbiendo.

Semel immutabile verbum locutus est Deus, qui non repetit nec renocat quicquam, duo hæc certissima audiui & didici, qui potestas & absoluta iustitia Dei est ad puniendum malos, & tibi Domine Deus est misericordia ad premiandum plusquam merita requirunt, quia tu reddes vnicuique tã bonis quã malis iuxta opera sua quæ egerunt. Potestas ergo timeatur & misericordia ametur.

Matt. 16. b.
Rom. 2. b
1. Cor. 3. b
Gal. 6. b

ORATIO.

Da quesumus Domine, qui es vnica salus spes, & gloria nostra, ne vacillemus in aduersitatibus, ne emigremus à te in tribulationibus, sed subiecta semper sit anima preceptis tuis: & reuertes incerta diuitiarum oblectamenta, te solùm contempta omni mundi vanitate sequamur. Per Dominum nostrum Iesum Christum filium tuum.

PSALMVS LXII.

Sec. He. 63.
2. Reg. 22.

Psalmus iste est ipsius Dauid, & cuiuslibet iusti.

*iusti, cum esset & dum moraretur in deserto
Idumææ & solitudine huius mundi.*

ARGV M. Quæadmodum David hostem Saul fugit, latebras quærens in solitudine: Ita Christus quoque seruator, aliquando cessit persecutoribus: & consentaneum est credentes rectè facturos, si ad tempus terga dederint improbis, quo ipsi liberior vacent pietati, & consolationem à Spiritu sancto vberiore accipiant. Certum enim habent, à Deo sibi gloriam esse destinatam, in quam sancte etiam audent iurare, ceu promissis illius per omnia fidentes.

DEus omnium per creationem, etiam es Deus meus per desiderium sanctum, ad te promerendum de luce tuæ gratiæ vigilo, ut bene operari incipiam.

Sitiuit aqua vite, in te fonte omnis boni, anima mea per se arida, & quàm multipliciter ob varios defectus egestatis, sitis, famis, tribulationis, sitiuit etiam tibi ad laudem tuam caro mea, volens liberari, & deponere mortalitatem.

In terra hac mundi, deserta, sterili, & inuisa, non habente viam veritatis, & inaquosa, sine fructu bonorum operum, sic mecum affectus, in sancto desiderio apparui tibi: ut tuæ luce illustratus viderem, & cognoscere virtutem & misericordiam tuam in hoc seculo, & gloriam tuam in futuro.

Quoniam multò melior & eligibilior est misericordia tua diuina super vitas, quia per

vitas quantumvis bonas non peruenitur ad celum, nisi adsit misericordia: vnde labia mea pro beneficijs ex tua misericordia exhibitis laudabunt te, gratias agendo..

Sic benedicā te perfectè in tota vita mea, nihil mihi arrogando: sed & in nomine tuo atque ad gloriam nominis tui leuabo puras manus meas, ad bene operandum..

Sicut adipe in visceribus, & pinguedine in carne repletur corpus, ita repleatur & vegetetur anima mea gratia & dulcedine spiritus: & labiis exultationis de tantis beneficijs, laudabit nomen sanctum tuum os meum.

Sic memor fui tui, te laudando, super stratum meum & in quiete prosperitatis, sic etiam in matutinis, in luce gratia mihi illucescente, meditabor in te de tantis beneficijs: quia fuisti semper adiutor meus, sine te bona facere non potui..

Et in velamento & protectione alarum tuarum, quæ sunt defensio in malis, & directio in bonis, exultabo & hilarescam, adhæsit feruenti desiderio anima mea sitiens, & cucurrit post te, & tuam gratiam: & ideo me suscepit in sua protectione dextera, & propitiatio tua diuina..

Ipsi verò inimici in vanum & frustra querent animam & vitam meam perdere, & ergo tandem introibunt & descendent in infero.

feriora terræ & carcere infernali, ubi traden-
tur perpetuò in manus gladij & tormētorum,
& partes vulpium seu callidorum demonum
erunt in damnatione, sortem ipsorū accepturi.

Rex verò Christus, qui est rex regum, læ-
tabitur in Deo patre, quando cū ipso eius
erunt membra, laudabūtur omnes Christia-
ni, qui in baptismo iurant in eo, promittentes
seruare mandata, quia obstruētum est &
obstruetur, confundetur & cōvincetur os lo-
quentiū mendacia & iniqua blasphematoria.

ORATIO.

Omnipotens Deus, author lucis æternę,
lumen largire perpetuum ad te de luce vi-
gilantibus in hoc arido deserto mundi, sem-
per situat anima nostra te fontē vitę, vt su-
scipias nos sub protectione alarum tuarum
misericordia tua, vt te laudent labia nostra,
vita benedicat, & opera glorificent. Amen.

PSALMVS LXIII.

Sec. He. 64.

In finem Christum Psalmus est David pro-
pheta, ubi agitur de passione & resurrectione
Christi.

ARGVM. Christus, siue Christianus petit se
erui non solum ab inimicis, sed multò maximiè
(quod in primis necessarium vel hodie videmus)
à timore inimicorū, id est, ne timeat inimicos, qui
consilio necis agunt, vt sagittent in occultis im-

Ez. 53.

maculatum, id est, innocentem Christum, & quemlibet Christi confessorem. In occultis, inquam, vel ut trahant callidè à Deo, vel ut etiam si coram hominibus persequantur & occidant corpus, tamen iustè & secundum Deum agere videantur, quemadmodum de Christo scriptum est, Et cum sceleratis reputatus est. Vnde additur, Subitò, permittente Deo, dum est potestas tenebrarum, sagittabunt eum, firmabunt sibi sermonem malignum, dicentes: Hic est seductor, hic destruit legem, hic prohibet tributa dari Cæsari, hic agit contra traditiones maiorù, hic omnem cultum Dei enacuat, hic est hæreticus. Sed in tempore suo Deus conuertet nequitiam eorum in caput ipsorum, ita ut etiam terreantur qui viderunt eorum vindictam, dicètes quòd nemo nisi Deus, sic percussit eos, & reuelauerit eorum iniquitatem. Id quod contigisse Iudæis, Iosephi testatur historia, ut non dubitemus id ipsum fore reliquis Enangelij persecutoribus. Sunt enim quæ vidimus & in Veteris & Noui testamenti aliisque probatis historiis cõfirmatio nostræ fidei & fiduciæ in Deum. Vnde sequitur, Laetabitur iustus in Domino, &c. sicut & Psal. 57. Laetabitur iustus cum viderit vindictam, &c.

EXaudi Deus pater orationem meam *instam*, cum deprecor affectuose: à timore inimici qui *vita mea insidiatur*, eripe & *salua animam meam*, & *transcat à me calix iste*.

Protexisti me Deus pater à conuentu & consilio Iudæorum malignantium atque machinantium contra me *malum*: à multitudine etiam insidiosa operantiù in me iniquitatem & crucifixionem.

Quia exacerunt ad occidendum, ut gloriandam

dium linguas suas, clamantes, crucifige eum, intenderunt arcum, insidias & dolos rem amaram valde: vt sagittent & interficiant in occultis, cautè, subdolè, immaculatum & innocentem Christum, qui solus fuit agnus sine macula peccati.

Subitò conciliati sagittabunt eum, vt occidant quasi nescientem, & non timebunt agere contra Deum, neque contra conscientiam: firmaverunt obstinatione durissima sibi in eorum perniciem sermonem nequam dum dixerunt, Reus est mortis.

Narrauerunt mutuò consultiâtes, vt & qualiter absconderent laqueos, vt Christum dolo tenerent & occiderent, dixerunt & persuaserunt, sibi Quis hominum videbit eos, aut deprehenderet dolos eorum?

Scrutati sunt Iudei iniquitates, vt per falsos testes iustum accusarent, defecerunt ab intento ipsi scrutantes frequenti inquisitione, scrutinio iniquo, & consilio peruerso.

Accedet sponte homo Christus in passione ad cor altum, & secretū Dei consilium, vt moriatur pro redemptione mundi: & qui fuit humiliatus in passione, exaltabitur in resurrectione versus Deus & homo.

Sagittæ festucae ex cannis, paruulorum ludentium, quæ nihil nocent ita factæ sunt plagæ eorum, quas Christo intulerunt, dum vi-

derunt ipsum resurrexisse, & infirmata sunt in verecundiam cōtra eos Iudeos linguarum maledicæ, quia nec verbo poterant nocere.

Conturbati sunt ad pœnitentiam omnes homines, qui videbant & intelligebant eos Iudeos confusos, & timuit considerata Deipote state omnis homo post resurrectionem.

Et annuntiauerunt alijs prædicando opera & miracula Dei, incarnationis mysteria, & gloriam resurrectionis: & facta eius nō fuisse purè humana intellexerunt, sed diuina.

Lætabitur ergo iustus per Christum redemptus in Domino, pro gloria Dei, & sperabit certa fiducia in eo vitam æternam: & laudabuntur ab ipsa veritate omnes recti corde, qui rectè credunt, & bene viuunt.

ORATIO.

Spes omnium in te credentiū, Deus, eripe nos de manu inimici visibilis & inuisibilis, & protege à conuentu malignantiū, qui occultis iaculis nos impugnare conantur: atque recto corde tibi seruiētes in te lætemur, tibi que per omnia placeamus. Per Christum.

sec. He 65.

PSALMVS LXIIII.

In finem & Christum nos dirigēs Psalmus iste est David Prophetæ, & canticū seu iubilus eius, laus Dei & multiplex beneficium acceptum & accipiendum enarratur.

ARGV M. Quandiu incertis sedibus in hac vita peregrinamur, nihil est iucundius, quam meminisse patriæ Ierusalem in radicibus Sion extructæ, in qua vocati sunt ab ortu & occasu omnes qui per fidem cum fructu bonorū operum in hoc exilio vsque ad finem perdurant.

TE creatorem & redemptorem decet ac conuenit hymnus gratiarum, Deus, qui in Sion & Ecclesia præfenti coleris: & tibi de bonis operibus reddetur perfectè totum votū, & desiderium nostrum in Ierusalem, in visione pacis, & patria cælesti.

Exaudi Domine Deus meus orationem meam, ut quod tibi promisi in baptismo persolvere possim, quia ad te Deum iudicem, & ante tribunal tuum omnis caro & omnis homo, siue bonus, siue malus veniet, & apparebit, ut referat unusquisque quod gessit.

Verba prima iniquorum, videlicet Eua persuadentis, & Adæ excusantis, præualuerunt super nos, cum fuerunt causa exheredationis de paradiso: & impietatibus atque transgressionibus nostris quantumlibet enormibus, tu propitiaberis dando veniam, & locum poenitentiae, ijs quos proprio sanguine mercatus es.

Beatus & felix est ille, quem elegisti per tuam gratiam de mundo, & assumpsisti in sorte sanctorum tuorum, quia inhabitabit æternaliter in atriis tuis cælestibus, ubi erit plenitudo omnium bonorum.

Replebimur usque ad summum in bonis
 aternis domus tuæ cælestis, cum apparuerit glo-
 ria tua: sanctum est templum tuum cælestis
 gloria, cum in illo habitant sancti, mirabile e-
 rit in æquitate & æqualitate participa-
 tionis gaudiij.

Exaudi nos peccatores peregrinantes, Deus
 qui es salutaris & saluator noster, sine cuius
 auxilio nihil possumus: spes unica omnium fi-
 nium terræ, etiam & eorum qui sunt in mari
 atque insulis eius longè distantibus.

Præparans Apostolos, sicut montes habentes
 fortitudinem fidei, & altitudinem sanctita-
 tis, in virtute tua, & magnitudine miraculo-
 rum, accinctus potentia magna divinitatis
 qui conturbas ad pœnitentiam profundum
 maris, & cor impium profundemersum in ma-
 ri huius seculi, atque sonum mendacem flu-
 ctuum & principum eius, qui contradicere vo-
 lunt veritati.

Turbabuntur voce apostolica Gentes ad
 pœnitentiam: & timebunt Deum de communi
 populo multi, qui habitant per terminos or-
 bis, à signis & prodigijs tuis visis: exitus ma-
 tutini, hoc est orientem, & vespere, videlicet
 occidentem, delectabis ad confessionem Dei ve-
 ni perducendo.

Visitasti terram tuo adventu, & inebriasti
 aqua doctrinæ Evangelicæ eam prædicatione
 Apost.

Apostolorum : multiplicasti varijs donis spiritualibus locupletare & ditare eam, quia docuisti homines omnem veritatem.

Flumen Dei, qui est populus fidelis, repletum est à fonte suo aquis donis & gratijs Spiritus sancti : parasti in communionem corporis & sanguinis tui cibum illorū fidelium, quoniam ita per te est præparatio eius cibi in escam salutarem.

Riuos eius in fide fluentes inebrians donis Spiritus sancti multiplica, ut à te fonte deriuetur per orbem genimina & generationes eius ad fidem cōuersis : quia in filicidiis eius, & guttis doctrinae tenuis latabitur spiritualiter germinans incipiensque neophytus in fide, qui guttis doctrinarum pascitur.

Benedices multitudini credentium coronæ inquam acquisita de mundi circulo, anni gratiæ & benignitatis tuæ, qui sunt anni redemptionis nostræ, & campi tui atque iusti, qui suscipiunt semen verbi Dei & pluviam gratiæ spiritualis, replebuntur vbertate & affluentia bonorum operum.

Pinguescunt etiā dulcedine gratiæ speciosa deserti, qui sunt peccatores olim steriles, ex quibus nihil sperabatur boni : & colles atque arantes loca exultatione spirituali accinguntur, quæ pulcherrime fructificabunt.

Inducti sunt floris intimitatis. & audient de fructu

Iubilare Deo ineffabili letitia, omnis homo habitans in terra, & Ecclesia sancta, Psalmum dicite gratias agendo nomini eius quod Iesus est, in quo saluati estis: & date gloriam non vobis, sed laudi eius, cui debetur omnis laus & gloria.

Dicite Deo ad honorem eius, Quàm terribilia & metuenda sunt opera tua diuina Domine Deus, quòd hunc reprobas, illum eligis: in tanta tamen multitudine virtutis tue, quæ cuncta facis, disponis & instauras, mentientur tibi, non credendo potentiam tuam, inimici tui, increduli, & impij.

Omnis terra puro corde adoret te Deus, tanquam suum creatorem, & psallat tibi tanquam suo redemptori: psalmum dicat in bona operatione nomini tuo, ut quicquid boni fecerit, ad gloriam nominis tui referat.

Venite omnes habitatores terræ, & videte diligenter considerata opera Dei valde metuenda, quòd vnus reprobatur, & alter eligitur: terribilis est Deus in consiliis suis, quæ inscrutabilia sunt, super filios hominum, dum vnum ex misericordia saluat, alium ex iustitia damnat.

Qui conuertit mare hoc magnum, & seculum, vbi multi submerguntur, in aridam, ut sicco pede electi transeant pericula mundi, in flumine, & fluxibilitate huius vite, ipsi pertran-

transibunt delectationes rerum sicco pede, sine
offensa & periculo: & tunc ibi lætabimur,
quando peruenerimus ad portum felicitatis
eternæ in ipso Christo, saluatore nostro.

Qui dominatur omnibus, & hoc in virtu-
te sua propria in æternū, non tēporaliter, quia
potestas eius est æterna, oculi eius misericor-
diæ super gentes saluandas respiciunt, ut illæ
minuentur: sed qui exasperant Deum in ira pro-
uocando, non exaltentur, sed potius deprimen-
tur in semeripsis, & semper surdescent magni.

Benedicite Gentes, pro magnis beneficiis
Deum nostrum, illi gratias referendo, & au-
ditā facite atque palam euāgelizate vocem
laudis eius, qua gratiam mundo exhibuit.

Qui posuit & reduxit per suam gratiam
animam meam, quæ peccatis mortua fuerat,
ad vitam, eam iustificando: & nō dedit, neque
permisit in commotionem & vacillationem
pedes & affectus meos, sed perseverantiam
dedit in bonis.

Quoniā probasti & exercitasti nos Deus
per aduersitates plurimas: & igne tribulatio-
num nos examinasti, ut mundares à sordibus
concupiscentiæ, sicut examinatur & purgatur
argentum per ignem à scrobibus, sic mortifica-
sti carnem, & purificasti corda.

Induxisti nos non deceptione, sed probatio-
ne, in laqueum pœnalitatis, quæ sunt infirmi-

tas, paupertas, mortalitas, posuisti tribulationes varias in dorso nostro, ut humiliaremur castigati omnibus: insuper imposuisti homines peccatores super capita nostra, ut de nobis sententias capitales ferre possent.

Transiimus per ignem aduersitatis vrentis, & aquam prosperitatis corrumpentis, per varia scilicet mortis & peccatorum pericula, & tandem neque combusti in igne aduersitatis, neque submersi in aqua prosperitatis, eduxisti nos post angustias in refrigerium eternum & beatitudinem celestem.

Introibo & ingrediar in domum tuam promptitudine spiritus, in holocaustis bonorum operum reddam tibi vota mea, quae sponte distinxerunt & promiserunt labia mea in affectu cordis.

Et etiam votum, quod locutus est os meum tibi promittendo, in tribulatione & aduersitate mea.

Holocausta medullata, me ipsum scilicet totum in anima & corpore offeram tibi atque deuotebo, cum incenso arietum, & destructione motuum superbiae: etiam offeram tibi mactando, boues, quibus terra aratur, & sunt motus auaritia: cum hircis foetidis motibus luxuria sic vitia mactando.

Venite per fidem, audite per obedientiam: & narrabo vobis omnes qui timetis Deum: quibus

bus pradicandum est verbum eius, quanta beneficia fecit atque impenderit animæ meæ, quantis quoque donis me repleuerit.

Ad ipsum Deum ore meo proprio clamaui ex cordis deuotione: & exaltaui mentis iubilo sub lingua mea, in eo quod protuli, quia non remordet conscientia.

Iniquitatem & peccatum si aspexi, per delectionem in corde meo consentiens, non exaudiet certè Dominus, qui peccatores non exaudit.

Propterea quia non dilexi iniquitatē, exaudivit me orantem Deus in bonis obtinendis: & attendit misericors voci deprecationis meæ, in malis amouendis.

Benedictus sit Deus pro beneficijs in æternum, qui nō amouit neque despexit orationē meam. piæ enim aures eius semper iustorum precibus patent, & etiā misericordiam atq; benignitatē suam non abstulit à me deprecante.

ORATIO.

Supplices deprecamur Domine, cui debetur omnis laus, gloria, & iubilatio, ut animas nostras peccatis mortuas per tuā gratiam iustificare & viuificare digneris, ut tibi efficiantur holocaustum purum & suauē, & sic mactatis vitiis post huius seculi angustias deducere digneris in refrigeriū paradisi, agminibusque iungere sanctorum.

In finem mittens nos, & in Christum, in hymnis & laudibus Deo exhibendis, Psalmus est cantici, humana voce modulandi, qui conuenit Dauid, & cuilibet poenitenti.

ARGV M. A Iudæis salus in orbem venit. Per semen nanque Abraham, cunctæ nationes diuiniora illa beneficia iuxta Dei promissionem perceperunt. Nam ab ipsis, vt Seruator dixit, salus venit. Orat ergo hic Propheta, Dei fauorem populo Israelitico, quo inde diuinæ bonitatis cognitio & laus cum omnimoda, quæ ab his scilicet venit felicitate, spargatur per vniuersum orbem.

DEus misereatur nostri, peccata nobis remittendo, & postea benedicat nobis, gratiam conferendo: illuminet atque manifestet vultum suum, vt fulgeat imago sua, & lumen rationis secundum quam creati sumus ad imaginem Dei, super nos peccatores, & misereatur nostri, qui maledicti sumus per peccatum primorum parentum.

Vt cognoscamus hic in terra peregrinationis nostræ viam tuam, per quam eundum est ad te: in omnibus gentibus, vt totus mundus agnoscat salutare tuum, filium Iesum Christum, qui est salus omnium.

Confiteantur tibi confessione peccatorum populi ipsi, Deus noster, se primò accusantes: deinde cōfiteantur tibi confessione laudis po-

populi, & nationes omnes te glorificantes.

Latentur in anima, & exultent in corpore
Gentes iam illuminatae per Christum, quoniam iudicas sine acceptatione personarum populos atque nationes omnes in æquitate, reddendo unicuique secundum opera sua, & Gentes in te credentes in hac terra peregrinationis dirigis, ut rectè vivant.

Confiteatur tibi populi Deus beneficium salutis à te recognoscendo, confiteantur tibi populi omnes laudando tuam diuinitatem, quia terra dedit, & produxit fructum & germen suum, florem de radice Iesse, & primogenitum omnis creaturae.

Benedicat nos gratiam conferendo in presenti, & gloriam in futuro Deus, pater, & Deus noster filius, benedicat nos Deus, Spiritus sanctus: & metuant eum, qui est unus in tribus personis omnes fines terræ, fide sincera.

ORATIO.

Illumina quæsumus Domine vultum tuum super nos, & benedictionem perpetuam nobis largire, ut confitentes te trinum & unum in timore sancto lætemur, & exulemus in saluatore nostro Iesu Christo, & quem in humilitate carnis venisse cognouimus, ita venturum iudicem super nos clementem sentiamus. Amen.

In finem Christū Psalmus iste, qui est cantici & exultationis, quia proponit nobis mysterium nostræ reparationis, est David Propheta.

ARGV M. Christus deuicta morte glorificatus est & in coelo & in terra. Illic, quia sedet à dextris Dei, hic quia sedentis gloria vbique prædicatur. Cuius ineffabili potentia, & glorificantur credentes: & horrendè abiiciuntur veritati rebelles.

EXurgat Christus Deus, à mortuis, & glorificetur, & dissipentur per orbem terrarum inimici eius Iudæi: & fugiant aduersarij veritatis, qui oderunt eum, pertinaces in malicia, à facie eius, cum non possent sustinere impetum Spiritus eius.

Sicut deficit & evanescit fumus, ita à potestate & gloria sua deficient Iudæi: sicut fluit cera à facie ignis, quo dissolvitur & consumitur, sic pereant peccatores impij à facie Dei, in iudicio extremo.

Et contra iusti epulentur in aeterno conuiuio, & exultent delicijs diuinitatis in conspectu Dei, videndo ipsum facie ad faciē, & delectentur in saluatore Christo, in lætitia magna.

Cantate Deo, viuendo secundum eius mandata, & psalmum dicite puro animo nomini eius, opera tua in gloriam eius referēdo: iter facite ei, corda vestra purificando, qui ascendit resurgendo à mortuis super occasum, ut

captiuam duceret captiuitatē: Dominus Deus, qui est idem cum patre, nomen illi Iesus est.

Exultate in interiori homine in conspectu eius, considerando premium futurum, impij turbabuntur in iudicio extremo à facie eius Christi, patris, videlicet orphanorum innocentum, & iudicis desolatarum viduarum.

Deus est in loco & habitaculo sancto suo, quæ est anima fidelis quam preparat sibi per gratiam: Deus est qui inhabitare facit plures homines vnus moris & voluntatis, quorum est cor vnum & anima vna, in domo & vna Ecclesia militante.

Qui educit ad statum gratiæ, victos à diabolo in peccatis, in fortitudine iustificationis suæ, similiter & eos suscipit qui exasperant, prouocando Deum ad iram, resistendo iustitiæ, & etiam eos, qui habitant tanquam obstinati in sepulchris, & in fœda consuetudine peccandi, ceu sepulti in peccatis.

Deus, cùm olim egredereris ex Aegypto, domo seruitutis, in conspectu populi tui, in columna nubis per diem, & in columna ignis per noctem, cùm pertransires ducendo eos in deserto vsque ad montem Sinai:

Terra mota est, Deo descendente in monte Sinai. etenim cœli ipsi distillauerunt guttas tim pluuiam vel manna à facie & presentia Dei, qui in Sinai dedit legem, à facie, inquam, Dei

Dei Israel, cuius erat populus Israel.

Pluuiam doctrina & gratia tua voluntariam, gratis donatam, non meritis, segregabis Deus à Iudæis, & dabis hæreditati, & Ecclesie tuæ catholica, quam proprio sanguine acquisiuisti: & infirmata est Ecclesia tua plerumque, tu verò perfecisti & consolidasti eam verbo tuo & spiritu, infirmata est in se ut perficiatur per te.

Animalia tua & oues pascua tua habitabunt perseueranter in ea sancta Ecclesia: parasti gratiam tuam in dulcedine tua charitatis, pauperi & humili spiritu Deus, de se non presumens, ut est populus catholicus, qui delectatur solum in dulcedine charitatis tuæ.

Dominus Deus noster dabit verbum pacis & salutis euangelizantibus & prædicantibus, in virtute miraculorum multa quibus conuertet Gentes.

Rex ipse virtutum & Angelorum, dilecti filij sui super omnia, semperque dilecti filij: & ipse dilectus Christus, ad decorem speciei domus suæ, Ecclesie militantis, disposuit diuidere spolia, populos scilicet à captiuitate diaboli ereptos, ordinando in opus ministerij, alios Apostolos, alios Prophetas, alios doctores.

Si à strepitu seculi dormiatis atque requiescatis in præceptis Domini, inter medios clericos, inter duo testamenta animam pascens dos

*Etrinis, tunc pennæ & virtuosa operationes
quæ subleuant ad cælos ipsius columbæ atque
Ecclesia innocentis & simplicis sunt de argen-
tata, respondentes diuinis eloquijs, & postero-
ra dorsi eius, ubi opera charitatis exercentur,
sunt in pallore auri relucencia.*

*Dum discernit & ordinat cœlestis agricola
Christus, reges, doctores, rectores, præla-
tos super eam Ecclesiam, tunc niue in candore
mentis dealbabuntur, per remissionem peccas-
torum, & non meritis suis, sed in Selmon mons-
te, quod est in umbra gratiæ refrigerante ab asu
vitiis: quippe mons Dei, quæ est Ecclesia,
est mons pinguis & fertilis, propter abundan-
tiam gratiæ diuinæ.*

*Mons coagulatus & congregatus ex sim-
plicibus & humilibus, qui teneriori lacte doctri-
næ fouetur, est mons pinguis propter gratiam:
ut quid ergo vos suspicamini inuidiosè mon-
tes coagulatos, deridendo simplices?*

*Mons ille est, in quo desiderauit & be-
neplacitum est Deo nostro habitare in eo
secundum gratiam suam: etenim Dominus
Deus habitabit in suis electis usque in finem
seculi.*

*Currus Dei, quem ille velut auriga modera-
tur & regit, est decem millibus ministrorum
multiplex, quia ex infinita numerositate om-
nium credentium, millia sunt letantium in spe
&*

& dulcedine donorum Dei: quia Dominus est in eis per gratiam, quia observant præcepta Ephes. 4. b. in Sinai data in monte sancto.

Ascendisti Christe in altum, super omnes celos, ad dexteram patris, cepisti è manibus diaboli captiuitatem patrum, qui in limbo detinebantur, accepisti à patre dona Spiritus sancti, ad distribuendum illa in hominibus, illi docendo omnem veritatem.

Etenim Gentes non credentes in Christum, docebit Spiritus inhabitare per charitatem Dominum Deum, vt Deus in ipsis, & ipsi in Deo viuant.

Benedictus sit à fidelibus Dominus creator, hodie quotidie, per singulos dies, & assidue prosperum iter atq; salutiferum vita cursum faciet nobis, quia ipse est Deus salutarium nostrorum. ab ipso enim saluamur hic per gratiam, in futuro per gloriam.

Deus, inquam, noster Iesus Christus, est Deus verus, habens potestatem saluos faciendi nos, ex eo enim est salus hominum: & Domini nostri, Domini Iesu Christi, non alius fuit exitus ab hac vita quam mortis, ergo & nos mortem equanimiter toleremus.

Veruntamen Deus, secundum ordinem suæ iustitiæ confringet, & ad nihilum rediget capita inimicorum suorum extollentium se aduersus doctrinam eius: similiter cōfringet atque

euellet verticem capilli hominum perambulantium & obstinatorum in delictis & peccatis suis: negligentium penitentiam.

Dixit, & disposuit Dominus ab aeterno, Ex Bafan de turpitudine huius seculi, conuertam peccatores ad me & etiam obstinatos, conuertam illos, inquam, qui demersi sunt in profundum maris, & fluctibus vitiorum huius seculi.

Vt intingatur, ita conuersi proficient in tua gratia, vt inquam fiant pes tuus, volentes pro nomine tuo in sanguine martyrum pati, & lingua canum atque predicatorum tuorum, qui latratibus contra hostes vigilabunt, prodiet ex inimicis & gentibus conuersis ad fidem, & hoc erit ab ipso Deo, & eius gratia, non à seipsis.

Viderunt & agnouerunt ingressus tuos, quibus venisti in mundum, Deus, qualiter incarnatus, qualiter occisus, & glorificatus, ingressus inquam Dei mei, creatione, & regis mei, gubernatione, qui est & manifestatur in Christo, sancto sanctorum.

Præuenerunt, alios ad fidem conuertendo principes, viri Apostoli, quibus super Ecclesiam datus est principatus, coniuncti ipsis minoribus psallentibus per omnia ad gloriam Dei, in medio virginum iuencularum, primatate florentium, Deo consecrarum, tympanistriarum, Deum laudantium, carne macerata & extensa, instar tympani.

In Ecclesiis & magna frequentia vestra
benedicite Deo creatori & Domino redem-
ptori, omnes qui electi estis, de fontibus Israel,
videntes Deum in charitate perfecta.

Ibi inter principes Ecclesiæ est Benjamin,
Paulus, qui fuit de tribu Benjamin, adolescen-
tulus tanquam primipilaris, raptus in extasi,
& mentis excessu ad tertium cælum.

Principes de tribu Iuda, videlicet Apostoli
regis Christi, qui secundum carnem ex Iuda
proceßit, sunt duces eorū populorum conuer-
sorū ad fidem: principes tribus Zabulon
sunt antesignani in Ecclesia, etiam & princi-
pes Nephthali, cū ea tribus in Galilea sor-
tes suas acceperunt, unde oriundi sunt Apostoli,
& Galilei vocati.

Māda & præcipe Deus noster virtuti tuæ,
Spiritu sancto, ut nos per prædicationes doceat:
confirma hoc opus fidei, Deus noster quod
operatus es per tuam gratiam in nobis, ut
stabile fixūque maneat in Ecclesia.

A templo sancto tuo, quod est Ierusalem,
ubi fides originem habuit tibi Deo nostro offe-
rent reges conuersi ad fidē munera, in eleemo-
synas pauperum, & adificationem Ecclesiarum.

Increpa & compesce feras arundinis, qui
sunt heretici, ut fera dilaniantes animas sim-
plicium instabiles ac mobiles, instar arundinis,
omni vento doctrine, quia congregatio tau-

rorum & hereticorum indomita cervicis est in
vaccis & lascivis animis populorum simpli-
cium, qui facile seducuntur: ut excludant, &
avertant à veritate fidei eos bonos, qui pro-
bati & purificati sunt in divinis eloquijs, plus
ipso argento, quod in fornace purgatur.

Diffipa Gentes infideles atque alios hereti-
cos, quæ bella volunt, & seditiones commoveat
adversus Ecclesiam, quod fiet, quia venient
legati Christum predicantes ex Aegypto,
gentilitate magna: & ex Aethiopia denigra-
ta peccatis, præveniet manus & vindicta
eius Dei, reconciliata Deo per fidem.

Regna terræ de omni natione sub sole, can-
tate Deo voce & corde, ipsum devotè laudan-
do: psallite Domino, bene operando ad hono-
rem eius.

Psallite, inquam, Deo Christo, qui ascen-
dit in excelsis super cælum cæli, & super
omnes choros Angelorum, sedens ad orientem,
ad dexteram Dei patris.

Ecce qui ascendit, dabit in extremo iudicio
voci suæ humanæ vocem virtutis cælestis, &
efficaciam resuscitandi omnes mortuos, & ideo
date gloriā Deo, serviēdo illi ad honorē ipsius
super Israel & populū Christianū, qui Deum
videt per fidem, magnificentia & maiestas
eius Christi & virtus eius diuina erit in nu-
bibus, in quibus descendet ad iudicium, quan-
do vir

do virtutes cœlorum movebuntur.

Mirabilis est Deus noster in sanctis suis, per quos fecit mirabilia, cœcos illuminando, leprosos mundando, mortuos suscitando, Deus, inquam, Israel, & populi Christiani videntis eum per fidem ipse & non alius, dabit virtutem bonorum operum: & fortitudinem patientie in tentationibus, plebi suæ electæ, Christianæ: benedictus ergo sit Deus pro tantis donis.

ORATIO.

Domine Iesu CHRISTE, Deus salutarium nostrorum, cuius nomen sit benedictum hodie & quotidie, qui ascendisti super cœlum cœli, ad dexteram Dei patris, denuò venturus ad iudicandum in nubi-
bus, cum potestate magna, & maiestate mirabili, educ nos vinctos in peccatis, in fortitudine iustificationis tuæ, vt dealbe-
mur per remissionem peccatorum super niuem, adeò vt beneplacitum sit tibi habi-
tare in nobis & nos in te. Amen.

PSALMVS LXVIII.

Sec. He. 69.

In finem, & in Christum hic Psalmus agit de passione, quam Christus sustinuit, pro iis electis, qui commutabuntur de peccato originali ad gratiam, de morte ad vitam, de mundo ad cœlum.

ARGVMENTVM. Continetur hoc Psalmo primum ve-
bementissima quædam Davidis, vt typi Christi, vt
sanct

sanctorum capitis, Christianorum, ut quos deceat capiti conformari, de maximis malis querulatio. Deinde ardens pro liberatione precatio, tum dira hostium deuotio: postremo læta delato auxilio gratulatio, adiecto de Ecclesiæ profectu vaticinio.

SAluum me fac à poenis imminētibus Deus Pater, quoniam intrauerunt aquæ vehementissimarum persecutionum vsque ad animam meā tollendam, & à corpore separandam.

Infixus & immersus sum corpore in limbo profundi, atque in hoc seculo turpi ac tenaci: & non est substantia neque carnis virtus, ut euadam, nisi tu salues.

Veni spontè in altitudinē maris, & inundationem persecutionum, & tempestas atque seditiosa commotio Iudeorum, demersit me in mortem, & extinxit.

Laboraavi in cruce, clamans ad te Deum patrem: : raucae præ desiccatione factæ sunt fauces meæ, propter acerbiter poenarum, defecerunt & extincti sunt oculi mei corporales in morte, dum spero inter angustias in Deum patrem meum, qui dabit gloriam resurrectionis.

Multiplicati sunt inimici mei Iudei super capillos capitis mei innumerabiliter, qui oderunt me gratis & sine causa, cum profuerim ipsis.

Confortati sunt & animati ad nocendum, qui persecuti sunt me, ut perderent inimici mei

mei Iudei iniuste: at ego innocens, quæ non rapui neque contraxi, neque perpetravi, tunc in cruce exolvebam pro peccatis primorum parentum.

Deus pater, tu scis & nosti insipientiam meam, quod Gentibus & incredulis stultitia factus sum: & delicta mea, quæ ferendo mihi imposuisti pro humano genere, à te patre meo non sunt abscondita, quia delictorum fui susceptor, non commissor.

Non erubescant, neque confundantur in me moriente, qui expectant te Domine, atque tota mente confidunt: certè Domine omnipotens virtutum & potestatum omnium, qui imperas omnibus:

Non confundantur neque scandalizentur super me moriēte in cruce, neque cedat eis passio mea in ruinam, qui quærunt ex toto corde te fide, spe, & charitate, ô Deus Israel, neque evacuetur spes credentium de mea passione.

Quoniam ego propter te & tuam obedientiam, non pro mea culpa, sustinui patienter opprobrium & convitia Iudeorum: unde operuit confusio & ignominia faciem meam, præ indignatione verborum eorum.

Extraneus & abiectus factus sum Iudeis fratribus meis, ex quibus secundū carnem prodij, & etiam ut peregrinus & ignotus reputatus à cognatis, & filiis matris meæ, qui fuerunt

runt in Nazareth.

Ioan. 2. d

Quoniam zelus, & feruens amor domus, atque Ecclesie tuæ catholice construenda comedit me, & absorbuit, adeo vt fuerit causa passionis meæ: & opprobria omnium exprobrantium tibi, me negando filium tuum, ceciderunt super me, & ego sentiebam amarissimo corde.

Rom. 15. a

Et operui atque celavi in ieiunio salutem animam meam, quia esuriebam salutem humani generis: & hoc ipsum factum est, & reputatum in opprobrium & derisionem mihi, atque detractionem.

Et posui præ zelo vestimentum meum in cilicium vel saccum, vt pro eis lugerem: & ex hoc etiam factus sum illis Iudeis in parabolam, quia omnium ore deridebar.

Aduersum me innocentem loquebantur falsa publice, coram omnibus diffamando, qui sedebant in porta vel templi, vel ciuitatis, & in publicis conuentibus: & in me etiam psallebant derisorias cantilenas, illi qui bibebant vinum: quia eram illis fabula & ridiculum.

Ego verò, omnibus neglectis, orationem meam humilem & plenam fiducia direxi ad te Domine Deus pater, vt ignoscas illis, qui nesciunt quid faciunt, & tempus nunc est beneplaciti, gratia & reconciliationis, Deus meus, vt per me redimatur genus humanum.

In multitudine ergo & abundantia misericor

ricordiæ, atq; benignitatis tuæ diuine exaudi me deprecantem, in veritate firma salutis tuæ, à te promissæ, vt verax appareas implendo salutem, quam promissiisti.

Eripe me Domine pater de luto & puluere mortalitatis, vt non infigar, neque inhaream in eo per incinerationem, & vt non putrescam in sepulchro: libera me per resurrectionem ab his Iudeis, qui oderunt me, ne tantum noceant quantū cupiunt, & de profundis aquarum & persecutionum, ne supergrediantur caput, & obruant me.

Non me demergat irrecuperabiliter in mortem tempestas aquæ & seditio Iudeorum, neque absorbeat & deuoret me profundum abyssus infernalis: neque vrgeat claudendo super me puteus, limbus, & aditus inferni, os suum ad retinendum me, cū descendero ad spoliandum eum.

Exaudi me Domine deuotè supplicantem, quoniam benigna & suavis est semper misericordia tua, & parata, cū piè petitur: & ergo secundum multitudinem numerosissimam miserationū tuarum infinitarum, respice in me, & consolare in tot aduersis.

Et ne auertas omnino faciem tuam diuinam à puero, filio tuo, & à me Christo: quoniam tribulor & angustia vndique imminet, velociter exaudi me, vt citò resumam

Spiritus

Spiritum in resurrectionem, quem in tuis manibus commendavi.

Intende animæ & vitæ meæ, qui videris eam deseruisse, & libera eam, resuscitando à mortuis: propter inimicos meos Iudei eripe me, ut per resurrectionem confundantur.

Tu scis & nosti improperium meum, mihi illatum in verbis iniuriosis, & confusione meam, quia captus sum in modum latronis, & reuerentiam, verecundiam atque ignominiam meam, qua Iudei subsannant, vident, illudunt.

In conspectu tuo diuino sunt omnes Iudei, qui tribulant me, & tantum scelus committunt te presente & vidente, improperium eorum in dictis expectauit voluntariè cor meum, quia post colaphos & sputa, etiam & crucis miseriam passus sum.

Et sustinui solus mortem crucis, expectando qui simul contisteretur & compateretur mecum, & non fuit aliquis: & etiam expectaui qui consolaretur me in pœnis, & non inueni aliquem, solus angustias vndique tuli.

Ioan. 18. c

Et dederunt milites crucifigētes, in escam meam, ipsum fel amarū & omnem malitiam exercendo, in siti mea valida potauerunt me crudelissimi Iudei a ceto, potu austero.

Fiat mensa eorum & conuiuium Paschale coram ipsis, quod celebrabant in Ierusalem,
in

in laqueum, quod factum est dum à Romanis conclusi vallo, sicut aues illaqueati sunt, & hoc in retributiones poenarū, propter mortē Christi, & in scandalum ruinæ eorum.

Obscurentur invidia cæcati oculi cordis eorum Iudeorum, ne videant & intelligant diuinitatē sub humanitate latētem: & dorsum eorum præ mole peccatorum semper incurua, vt gentibus seruiant, & onera legis atque peccatorum portent.

Effunde copiosè super eos Iudeos iram & indignationem tuam, atque vindictam in præsentī, & furor iræ atque iustitiæ tuæ diuina comprehendat eos in futuro iudicio.

Fiat habitatio eorum in Ierusalem deserta, vt perdant locum & gentem: & in tabernaculis eorum, vt in templo, synagoga, & palatio, non sit aliquis qui inhabitet, neque habeant successores, sed vagabundi agantur per diuersa. A& 6. d

Quoniam illum quē tu percussisti, & percuti voluisti propter eos, & pro mundi salute, persecuti sunt crudeliter, eum occidendo: & super dolorem vulnerum meorum, quæ sustinui in cruce, addiderunt blasphemias.

Appone & permitte iniquitatem obstinātam, super iniquitatem eorum, vt excæcati ruant de scelere in scelus: & non intrent reuertendo de culpa ad gratiā, in iustitiā tuam,

ut tandem saluentur, & peccata dimittantur.

Deleantur de libro viuentium, & non computentur inter electos: & cum iustis saluandis non scribantur, neque fidelibus annumerentur.

Ego sum pauper, humilis, & dolens in passione pro omnibus: salus & benignitas tua Deus pater, suscepit me de omni angustia in resurrectione.

Laudabo in me & in membris nomen Dei patris, cum canticis & hymnidica exultatione: & magnificabo atque magnū eum predicabo in laude, nō cessando Deum meum laudare & magnificare.

Et placebit sacrificium laudis Deo, atque acceptius erit super vitulum nouellum vnius anni, cornua producentem & ungulas. Laus enim puri cordis plus placet, quā mactatio pecudis.

Videant pauperes spiritu, & lætetur humiles corde: quærite Deū fide, deuotione & bona operatione, & viuet in æternum anima vestra, quia Deus est vita anima & cibus mentis.

Quoniam exaudiuit in oratione pauperes spiritu, & de se nihil presumens, Dominus Deus: & vinctos suos, qui præceptis Domini viuuntur, non despexit, imò gratificauit.

Laudent illū congratulātes, cœli & terra, ciues cœlestes & homines terreni: mare etiam, & omnia

& omnia reptilia in eis, atq; omnis creatura.

Quoniam Deus noster saluā faciet Sion, Ecclesiam militantem, quæ iam in fide speculatur Deum: & ædificabuntur ciuitates atque Ecclesie particulares ipsius Iudæ, qui Christus est de tribu Iuda.

Et inhabitabunt fideles ibi in Sion, & hereditate æterna, tandem in regno cælorum acquirant eam, quando filij Dei vocabuntur, & cohæredes Christi.

Et semen seu imitatores seruorum seu discipulorum eius Christi possidebit eam æternaliter, & omnes qui diligunt in perfecta charitate nomen eius, & non ex timore, habitabunt in ea, hic & in futuro tanquam in hereditate sua.

ORATIO.

Omnipotens misericors Deus, qui dānam naturam humanā per mortē tuā beatificasti, per dānam liberasti, mortuā uiuificasti te deprecamur, vt nos seruos tuos, quos redemisti per fellis amaritudinem, per acetū asperitatē, per crucis supplicia, per clauorū vulnera, p̄ resurrectionis gloriā custodire digneris in hoc seculo nequam, vt tandem cum electis tuis hæreditemus vitā æternā: Per Christum Dominum nostrum.

PSALMVS LXIX.

Sec. He. 70.

In finem & in Christum nos dirigens hic

Psalmus attribuitur David, & cuilibet iusto, in rememoratione beneficiorum, quod saluum eum fecit Dominus.

A R G V M. Christus & membra eius petunt liberari ab aduersariis per Deum, quandoquidem solus seruator est pauperum.

DEus creator meus, in adiutoriū meum misericorditer intende, & respice, prestando mihi auxilium gratia tua: Domine qui omnia potes, ad adiuuandum me, citò festina, quia si tardet misericordia, grauiora crescent pericula.

Confundantur in seipsis, & opprobrium ferant, & reuereātur, formidentq; te iudicē, qui quærunt animam & vitam meam perdere.

Auertātur retrorsum à proposito suo malo, & erubescant de peccatis cōmissis, qui volunt & cogitant mihi mala in sua iniquitate.

Auertātur à praua eorū cogitatione statim ac velociter erubescētes, & confusi, qui dicūt mihi, adulando & mendaciter decipiēdo, Euge gaude, euge gaude, rideas atque lateris.

Exultent corpore, & lætentur animo in te, non in se, neque in alio gloriantes, omnes pī, qui amore sincero quærunt te, atque beneficentiam tuam, & dicant semper non cessando, Magnificetur prae omnibus Dominus Deus, & ad gloriā eius cuncta referantur, qui diligunt & desiderant salutare tuum, Dominum Iesum

Christ

Christum, qui est omnium vita & salus.

Ego verò egenus circumdatus multis malis,
& pauper sum in virtutibus, nihil boni ex me
habens: & ergo Domine Deus in peregrina-
tione hac mundana adiuua me, tuæ miserationis
auxilio.

Adiutor meus in bonis, & liberator meus
à malis, es tu, & non alius: & ergo Domine
Deus, ne moreris neq; differas mihi succurrere.

ORATIO.

Adiutor noster, Deus, libera nos egenos
& pauperes ab omnibus coinquinamentis
animæ nostræ, neque differas auxiliari in
tēpore tribulationis, miseratione tua solita
qui exultamus in te, & diligimus salutare
tuū, Dominū nostrū Iesum Christum, qui
est vnica salus, & vita nostra. Amen.

PSALMVS LXX.

Sec. He. 71

Psalmus hic decantatus à Dauid Propheta
est filiorum Ionadab & obedientia, qui Deo
voluntariè seruiunt, & etiam est priorum illo-
rum captiuorum in peccato originali ob ino-
bedientiam protoplasti.

Nullus est
titulus apud He-
bræos.

ARGVM. Sicut omnium rerum sua quædam
est ætas: ita & ecclesia Christi ætatis quodam la-
borat vitio, charitate multorum, vt testatur idem,
refrigescente. vnde orandum simul cum Propheta
nobis est, ne vires deferant operi pietatis intentos,
qui totam spem in Dei gratiam reponunt.

Matth. 24.

IN te solo Domine Deus meus, non in me, vel in alio quocunque speravi, & ideo non confundar in æternum in illo finali iudicio: in iustitia tua, non in mea qua nulla est, libera me à delictis meis, & eripe me à potestate diaboli.

Inclina clementer ad me agrotum & iacentem, aurem: uam gratia: & salua me ab agitudine peccatorum qua premor.

Esto mihi in Deum defensorem & protectorem meum, contra iacula inimicorū, & in locum munitū quo cōfugiam tutò: ut saluum me facias ab omnibus imminetibus malis.

Quoniam firmamentum meum, & fortitudo mea in tentatione, dum pugno, & refugium meum in omni tribulatione es tu solus & non alius.

Deus meus libera & eripe me, te invocantem, de manu & potestate peccatoris diaboli, qui omnis peccati persuasor est, & de manu ac potestate contra legē tuam agentis, & transgredientis mandata tua, & iniqui, videlicet violenti persequentis me.

Quoniam tu Deus es patientia mea Domine. propter te enim omnia sustineo: Domine, spes mea qua non fraudabor, & fiducia iuventute mea, ex quo contra diabolum pugnare cœpi.

In te confirmatus sum & sustentatus ex
vtrera

utero, cum tibi soli inmitor: de ventre matris
meae Ecclesia, in qua fui renatus ex baptismo,
tu etiam es protector meus à malis imminen-
tibus.

In te, & non in mundanis est cātatio mea,
laus & gaudium semper & in omni tempore:
idcirco tāquam prodigium & portentum fa-
ctus sum multis mirantibus de me, qui in soli-
ta doceo & ago, quae illi damnant, & tu, Domi-
ne cōtra omnia opprobria es adiutor meus for-
tis, praestans spiritualem fortitudinem.

Repleatur os meum tua laude diuina, ut
cantem gloriam tuam pro omnibus beneficijs
mihi concessis, tota die tam in prosperis, quia
consolaris, quā in aduersis, quia corrigis, etiā
magnitudinem & maiestatem tuam in omni-
bus operibus & beneficijs tuis.

Ne proicias me à gratia tua in tempore
senectutis, cum vires charitatis & fidei decre-
scunt: & cum defecerit, atque mollescit vir-
tus & patientia mea, praemole tribulationum,
ne derelinquas, ne despicias me miserum.

Quia dixerunt, contemptores veritatis, ini-
mici mei, impij, exprobrantes mihi bona: &
qui custodiebant atque obseruabant insidiosè
animam & vitam meam, consiliū fecerunt
suis technis in vnum, ut me perderent.

Dicentes apud se, Deus dereliquit eum,
subtrahendo auxilium, persequimini, quia su-

gere non potest: & comprehendite eum dolis
& iniurijs, quia non est qui eripiat & liberet
eum, in ijs tribulationibus.

Deus, ne elongeris, subtrahendo auxilium
defensionis tue à me: Deus meus, quia tribula-
tionum fasce prægrauor, in auxilium atque
adiutorium meum respice, cohibendo hostes à
crudelitate.

Confundantur mali, cognoscentes sua pec-
cata, & deficiant, qui de se præsumunt, detra-
hentes per infamiam animæ meæ fatigando
eam denigrare iniuste: operiantur confusio-
ne, opprobrio, & pudore, atque ignominia, qui
quærunt insidiando mala mihi in perditione.

Ego autem semper ac iugiter sperabo in
auxilium gratiæ tuæ: & adiiciam hoc super
omnē laudem tuam, quòd incarnatus es pro
salute omnium.

Os meum annuntiabit, prædicando alijs
iustitiam tuam, & filium tuum, per quem im-
pleta est iustitia: tota die, atque assidue saluta-
re tuum, videlicet filium, per quem salutem de-
disti mundo.

Quoniam ego non cognoui literaturam,
& scientiam infantem, quæ superbire facit,
introibo in potentias, cognoscendo Euange-
lium Domini sanctum, & virtutes spiritus
eius: Domine Deus, tunc memorabor iusti-
tiæ tuæ solius, nullam humanam prædicando
in me

inventionem, aut prudentiam.

Deus meus, tu docuisti me, nō caro, aut sanguis, aut litera à iuventute mea, ex quo cœpi ad tuam gratiam peruenire: & vsque nunc nō abscondam talentum, sed pronuntiabo alijs mirabilia tua, quæ operatus es pro salute generis humani.

Et vsque in senectam, inquit Ecclesia, & senium atque finem mundi: Deus meus, ne derelinquas me sine tua gratia & misericordia, sed cooperare mecum, ne deficiat verbum veritatis.

Donec annuntiem & prædicem brachiū tuum & Euāgelium veritatis tuæ generationi omni humanæ, quæ ventura est, vsque in finem seculi.

Potentiam tuam, qua saluas homines, & iustitiam tuam, qua iudicas secundum meritū vniuscuiusque, Deus vsque in altissima mysteria, quæ fecisti, & magnalia opera providentiæ & gratiæ. Deus, quis est similis tibi omnipotens, optimus, maximus?

Quantas ostendisti mihi aduersitates, tribulationes, & tentationes, vt erudires me in via virtutum? multas certè, & malas: vnde & conuersus ad me oculis gratiæ viuificasti me per internam consolationem: & de abyssi terre, de negotijs seculi, & profunditate peccati, iterum, quia multoties corruui in peccatum, re-

duxisti me, ab illis liberando.

Multiplicasti per diuersas afflictiones magnificen-
tiam tuam, faciens me proficere de bo-
no ad melius: & conuersus ad me paenitentem
consolatus es me, alloquio diuinarum scriptu-
rarum, per internam dulcedinem.

Nam & ego modis omnibus confitebor ti-
bi, & celebrabo bonitatem tuam, in vasis psal-
mi, & instrumentis musicis, veritatem tuam
Deus, cuius promissa vera sunt & complenda:
psallam tibi in cithara, quia corde, voce, &
opere, laudabo te, qui es Deus sanctus ipse
Israel, populi videlicet Christiani videntis te
per fidem.

Exultabunt opere, & sermone, corde, & ore,
labia mea, in oratione, cum cantauero tibi in
psalmodia: & anima mea etiam psallet spiri-
tu, quem redemisti pretio sanguinis tui.

Sed & lingua mea assidue, tota die indefi-
nēter meditabitur diuinam iustitiam tuam,
qui sola tua gratuita misericordia redemptus
sum: & hoc cum confusi crubescendo & reue-
riti fuerint impij, qui querunt inuidiosè mala
plurima mihi, tum corporaliter, tum spiritua-
liter persequendo.

ORATIO.

Deus qui sperātes in te damnari aeternis
confusionibus non pateris, sis protector no-
ster contra omnia diaboli machinamenta,
firm

firmamentum & refugium nostrum, & gratia tua sic nos praeueniat, & sequatur, ut illa semper meditemur in corde, atque compleamur opere, quae beneplacita sunt tuae diuinæ voluntati, cui est iustitia, potestas, virtus, & imperium in secula. Amen.

PSALMVS. LXXI.

Sec. He. 79

Psalmus iste dirigitur in Salomonem, & in Christum, qui est verus & pacificus Salomō, & mediator Dei & hominum.

ARGVMENTVM. Salomon rex Israel orat aduenire regnum Dei per Christum, & vaticinatur de regni huius amplitudine, æquitate, felicitate, & diuturnitate.

Deus pater, iudiciū tuum & potestatem iudiciariam regi da Christo filio tuo, qui est rex regum: & iustitiam tuam in potestatis executione, filio regis Christo, qui filius est regis aeterni Patris secundum deitatem, & filius regis David, secundum humanitatem.

Iudicare da illi populum tuum Christianū, qui & eius est, in iustitia, reddendo unicuique secundum opera: & pauperes tuos spiritu, qui verè pauperes Dei sunt, in iudicio, ut post mundi ærumnas regnum habeant coelorum:

Suscipiant ipsi montes Dei, qui sunt Apostolici viri, pacem & Christum, qui est vera pax, populo predicandum: & colles atque viri minores annuntiabunt iustitiam Christi, &

Euan

Euangelium eius.

Iudicabit rex pauperes populi mortificatos verbo crucis, & saluos faciet etiam filios & imitatores pauperum Apostolorum, quos verbo euangelico genuerunt: & humiliabit, conteret, atque damnabit calumniatorem, diabolum, qui est iniustus accusator fratrum.

Et illis sic damnatis atque deuictis, permanebit Christus cum sole patre suo, cuius ipse splendor est, & hoc ante Lunam & Ecclesiam eius, qua hic ceu Luna crescit & deficit in generatione mortalium, & generationem perpetuam.

Descendet Christus in uterum virginis imperceptibiliter, sicut pluuia cadens in vellus, sine strepitu, & sicut stillicidia aquae stillantia in modum roris summa leuitate super terram, ut eam fecundet.

Orietur & florebit in diebus eius, cum nascetur, & faciet opera patris, iustitia & fides catholica, quae perfectam continet iustitiam, & abundantia pacis, quia pax inter Deum & hominem facta est: donec auferatur Luna, usque ad consummationem seculi.

Et dominabitur Christus à mari orientali usque ad mare occidentale: & à flumine Iordanis, in quo baptisma cepit, usque ad terminos orbis terrarum propagabitur Christi fides, & Euangelium.

Coram

Coram illo Christo procident atq; humiliabuntur Aethiopes peccatis denigrati, qui dealbabuntur candore virtutum: & inimici eius veritati resistentes, terram lingent, quia subiugabuntur.

Reges Tharsis etiam, & insulae maris munera sua offerent Christo nato: reges Arabum aurum pretiosissimum, & Saba thus & myrrham, quae dona sunt diuina adducent secum.

Et etiam adorabunt eum Christum omnes reges terrae conuersi ad Deum verum: omnes Gentes olim colentes idola, seruiant fide & opere ei caelesti regi.

Quia liberabit & saluum faciet pauperem spiritu, nihil de se praesumentem, à potente diabolo, & pauperem populum Christianum, tam desolatum ac miserum, cui non erat adiutor, nisi tantum leo de tribu Iuda, rex noster, Christus.

Parcet peccata dimittendo, pauperi spiritu, & inopi, non de se, sed gratia confidenti: & animas pauperum implorantium peccati remissionem saluas faciet in vitam aeternam.

Ex usuris succrescentibus in malis, & iniquitate, fraude ac violentia, redimet pretio sanguinis sui animas eorum fidelium & honorabile erit nomen eorum, qui à Christo Christiani nuncupantur, coram illo, in laude & merito.

Et

Et viuet rex immortalis, & dabitur ei Christo de auro Arabiæ, quia optima quæquæ accepta referent, & adorabunt summa veneratione, de ipso munere virtutum semper: & tota die vite presentis benedicent ei, referent gratias de suis beneficijs.

Et erit ipse Christus; firmamentum in terra quo sustinebuntur animæ fideles, in summis & vertice montium. in Apostolis, & alijs sanctis superextolleretur & augmentabitur super Libanum montem fructus eius & semen verbi divini: & florebut abundanter de ciuitate & Ecclesia sancta, sicut fœnum terræ, virtutibus, exemplis, & bonis operibus.

Sit nomen eius, quod Iesus est, benedictum & glorificatum in secula, semper magis ac magis magnificetur: quoniam ante solem & omnia tempora permanet ab æterno nomen eius, quia in principio erat verbum.

Et benedicentur in ipso Christo omnes tribus terræ, cum erit expectatio, salus & legifer gentium, unde & omnes gentes conuersæ ad fidem, magnificabuntur & laudabunt eum, tanquam Saluatorem & Dominum.

Benedictus sit Dominus, qui est Deus Israel, videntium se per fidem, qui facit suam auctoritate & potestate mirabilia magna, solus & non alius.

Et benedictum sit nomen gloria maiestatis

ris eius Christi in æternum, quia sanctificati
in cælo & in terra, & replebitur maiestate
eius omnis terra, quia ubique in tota Ecclesia
magnificabitur, & hoc quod iussisti, fiat, fiat.

ORATIO.

Domine Iesu Christe, qui inuisibilis dei-
tate factus es in humanitate visibilis, qui sic
ut pluuia in vellus, ita in uterum virginal-
em descendisti, te humiliter deprecamur,
ut saluum facias populum tuum Christia-
num in abundantia pacis, nihil de se præ-
sumentem, sed tuam gratiam implorantem
per nomē tuum benedictum, quod replesti
maiestate in æternum.

PSALMVS LXXII.

Sec. He. 75.

Defecerunt à Iudeis laudes ipsius David
propheta filij Iesse, quas faciebat vetus popu-
lus Iudeorum pro bonis temporalibus, quia a-
miserunt locum & gentem. Psalmus est Asaph
cantoris David, ut amplectamur æterna, & pro
illis Deum laudemus.

ARGVM. Hic Psalmus omni timenti Deū di-
ligenter obseruandus est. Nullus enim ab hac tenta-
tione est alienus, quā hīc descriptam vides. Est au-
tem zelus contra prosperitatem impiorum, sed hic
zelus error est & stultitia sanctorum, dum dese-
runtur à Deo in hac tentatione. Dei enim hoc est
iudicium, siue prosperè videantur agere impij, siue
infelicitè pij. Sed hī tentationibus probati, dulce-
dinem Domini agnoscunt, dicentes, Quā bonus
Israel Deus iis, qui recto sunt corde, qui versus to-
tius Psalmi summa est.

Quā

QVam valde & certe bonus, placidusque est Israel fidelibus Deus. suavis & incedens, his, inquam, qui recto sunt corde, non conuato ad terrena.

Mei autem penè, sed non omnino moti sunt: & ad errandum inclinati pedes, & animae afflictiones, penè effusi sunt, & ad lapsum precipitati gressus mei, opera & actus.

Quia zelauit indignatione motus super iniquos in prosperitate eorum, pacem temporalemque prosperitatem peccatorum iniquorum videns, & causam non intelligens.

Quia non est respectus morti eorum, cum non recogitant de morte sua: & firmamentum etiam est in plaga & aduersitate eorum, quia semper feliciter subsistunt, nec quicquam eis nocere potest.

In labore & afflictione hominum iustorum non sunt, nec tribulantur, sed in deliciis viuunt: & cum hominibus pijs non flagellabuntur, in hoc seculo ad correctionem.

Ideo propter temporalem prosperitatem tenuit & alligauit eos superbia, alios cõtemnentes: operti sunt undique iniquitate contra proximum, & impietate sua contra Deum.

Prodiit quasi ex adipe & abundantia diuitiarum iniquitas, & malitia eorum, cum diuitie præstant fomentum vitij: transierunt de vitio in vitium ruètes, in affectum cordis implendum

plendum & desideria mala.

Cogitauerunt prius intra se, & deinde loquuti sunt alijs persuadendo nequitia suam, quia ex abundantia cordis os loquitur iniquitatem in excelsis, & contra excelsum Deum loquuti sunt, blasphemantes.

Posuerunt per superbiam in cœlum, & cœlestia os suum, blasphemantes, & lingua eorum nequam transiit in terra felicitatem in eis asserendo.

Ideo hoc considerato conuertetur ad me populus meus fidelis hic in hoc seculo, dum tempus est acceptabile: & dies salutis pleni misericordia & gratia inuenientur in eis sic conuersis de iniquitate.

Et dixerunt impij, Quomodo scit Deus scelera nostra, etsi est scientia atque providentia in excelsis Deo, ut curet terrena?

Ecce enim ipsi peccatores impij & abundantes, tranquilli ac fortunati in hoc seculo & mundo obtinuerunt diuitias, quia filiarum eorum compositæ, oves sætosæ, boues crassi.

Et dixi animo vacillans, Ergo inaniter, sine causa, imò frustra iustificauit cor meum coram Deo: & laui in vanum inter innocentem nihil sibi conscios manus meas, abstinendo à prauis operibus.

Et fui sine causa flagellatus, portando crucem, & afflictus tota die, Deo seruando, &

castigatio mea de perpetratis malis semper fuit in matutinis, quia si quando cecidit, castigabar citò & indilatè.

Sic dicebam *mecum*: Narrabo sic, & *tenebo* opinionem, appetendo cum peccatoribus prosperitatem: ecce tunc nationem & conditionem filiorum tuorum iustorum, qui filij Dei sunt per gratiam, reprobavi, & contempsi grandi temeritate.

Existimabam *mecum* atque cogitabam, ut cognoscerem, inuestigando causam providentie, & iudiciorum tuorum, sed hoc scire est labor ante me, & impossibile viribus intellectus mei.

Donec intrem in penetralia diuinarum scripturarum, quod est sanctuarium Dei, ubi diuinitus responsa dantur: & tunc intelligam illuminatione diuina in nouissimis eorum, quid bonis vel malis seruetur in fine.

Veruntamen licet ad tēpus floreāt propter dolos, quibus defraudauerunt innocētes, & affixerunt iustos, posuisti eis finē prosperitatis temporalis: deiecisti eos in ruinas mortis, dum alleuarētur & augmētārētur in prosperitate.

Quomodo facti sunt in subitanēam desolationem, cū se florere putarēt, subitò & repente defecerūt de præsenti vita: perierunt aternaliter propter iniquitatem suam, quia mortui sunt in finali impenitentia.

Velut somnium surgentium, & experientium

ſcientium, eſt felicitas eorum, qua citò euaneſcit, Domine Deus, in ciuitate tua cœleſti, imaginem & animam ipſorum ſecūdam quam ad ſimilitudinem tuam creati ſunt, ad nihilum rediges, excludendo eos à beatitudine æterna.

*Quia inflammatum & accenſum eſt cor meum amore Dei & æternorum, & renes mei atque carnales affectus commutati ſunt in ſpirituales, & ego compunctus ad nihilum re-
daſtus ſum in mea reputatione, & nesciui, imò ſtultum & inutilem me reputaui.*

Vt iumentum manſuetum factus ſum ad obediendum apud te, nihil ſapiens præter te, & ego ſemper tecū ero, ac firmiter perſeuerabo.

Tenuiſti per gratiam tuam cooperantē manum dexteram meā ad opera bona, ne vacillarem, & in voluntate tua diuina deduxiſti me, de virtute in virtutem, & cum gloria gratiſ ſuſcepisti me, per gratiam conſummantem.

Quid enim, & quantum premium mihi eſt paratum in cœlo & promiſſum? & à te qui d velui aut deſideraui ſuper terram? cū nihil præter te, Deum meum habere quero.

Defecit & conſump'a eſt caro mea humana, & cor meum ſpirituale, in conſideratione bonitatis tue: Deus cordis mei beatificator, & pars mea Deus, quia præter te nihil cupio, ſed in æternum adhærebo tibi.

Quia ecce impij, qui elongant ſe per pecc

catum mortale à te fonte viuo, peribunt in gehennam, perdidisti aternaliter omnes homines, qui fornicantur abs te, separando se à te diligendo creaturam pro creatore.

Mihi autem adhærere & coniungi Deo, fide, spe & charitate bonum est, imò optimum: & ponere in Domino Deo, tantum spem & fiduciam meam, non in iusticijs meis, viribus, opinionibus, aut verbis:

Vt interim annuntiem fidelibus omnes prædicationes tuas, & verbum tuorum diuinorum, & hoc in portis & Ecclesijs, quæ sunt filiæ Sion speculantis Deum per fidem.

O R A T I O.

Dirige Domine gressus, opera, & actus nostros, ne fornicemur à te, ne præcipitemur à voluntate tua diuina ad lapsum, ne transeamus in affectû cordis illicitum, & obruamur iniquitate & impietate nostra, & pereamus in ea: sed cõcede nos tibi iugiter adhærere, in te totâ virtutē spei nostræ defigere, vt mereamur tandē laudes tuas in portis æternalibus decantare. Amen.

Sec. He. 74

P S A L M V S L X X I I I.

Intellectus & eruditio ipsius Asaph cantoris David Prophetæ, deplorantis clades captiuitatis Ierusalem future.

A R G V M. David queritur de templi, populi-
que sancti, vastatione, de impiarum gentium in
Deum

Deum & sancta eius contumelia, & memorata ad
suffulciendum spem, Dei in præcipuis mundi re-
bus potentia, orat vindicari sanctos, Gentibus di-
gna ultione repressis.

VT quid Deus noster repulisti populum
tibi familiarem & electum, usque in fi-
nem, interitum, & captiuitatem? iratus est
furor tuus rigore ultionis tue super populum
Israel, qui sunt oues pascuæ tuæ, cum pauidisti
illos manna in deserto?

Memor esto & recordare cōgregationis
tuæ electæ, quam præ alijs possedisti ab ini-
tio legis datæ per Moysen, vnde beneficia po-
tius quàm errata considera.

Redemisti atque liberaisti à manu Phara-
onis virgam, sceptrum & dominationem hære-
ditatis tuæ, populi Israel, quem ceu hereditas-
tem tibi vendicas: mons Sion, ciuitas Ierusa-
lem in quo habitasti corporaliter, in eo popu-
lo Iudaorum.

Leua & exerce manus, virtutes tuas, & po-
tēstates in superbias eorum gentilium, à qui-
bus euersa est Ierusalem, tandem in finem vt
opprimantur: quāta malignatus est, cum om-
nia prophanauerit inimicus exercitus in san-
cto monte & templo ciuitatis Ierusalem.

Et gloriati sunt in malitia de tanta victo-
ria, qui te oderunt idolatriæ serui demonum
in medio solennitatis tuæ, omnia in suam
libidinem & auaritiam prophanando.

Posuerunt & erexerunt Romani imperatores signa sua, vexilla, & aquillas suas in templo Deo consecrato, signa in quibus sua: & non cognouerunt neque intellexerunt, diuina id dispensatione permissum, cum attribuebant sua potentia, sicut in exitu belli in signum victoriae super summum fastigium expanditur signa militaria.

Quasi in sylua lignorum, ita irreuerenter securibus exciderunt & destruxerunt ianuas eius ciuitatis Ierusalem, in id ipsum consensientes in securi, quae trabes exciduntur, & ascia ac bipenni deiecerunt funditus, & destruxerunt eam ciuitatem.

4. Regum
25. c

Incenderunt igni, quod non poterat excidi ferro, sanctuarium & templum tuum nomen tuo dicatum in terra usque ad terram deicientes, polluerunt sacrilegio tabernaculum nominis tui, in quo invocatur nomen tuum diuinum.

Dixerunt consilium in corde suo maligno, tota cognatio eorum Romanorum simul in unum, Quiescere faciamus, & dispergamus omnes dies festos atque solennitates Dei, illas auferendo à terra Iudeorum.

Signa nostra in liberatione non vidimus, qualia data sunt patribus nostris in exitu de Aegypto, iam non est propheta aliquis, qui bona nobis praeannuntiet: & Deus noster nos non cognoscet, ut liberet, & à malis reducat amplius, sed in misericordis dimittet.

Vsque

Usquequo Domine Deus noster imprope-
rabit populo Iudeorum inimicus Gentilis, glo-
riando de subuersione ciuitatis? irritat & ex-
asperat aduersarius noster nomen tuum,
blasphemando usque in finem & perpetuò?

Vt quid auertis à nobis Iudeis manum
tuam, potentiam & dexteram tuam? quare
non iuuas nos? tandem extrahe de medio sinu
tuo manum adiutricem, & prohibe ne ledant
in finem semper.

Deus autem Iesus Christus, rex noster,
homo factus, qui est ante omnia secula, cum
in principio erat verbum: At hic rex operatus
est salutem humani generis, in medio climate
terræ habitabilis, videlicet in Ierusalem.

Tu confirmasti quasi intra mures in vir-
tute & potentia tua diuina mare Rubrum: tu
conturbasti & contriuiisti capita draco-
num, atque demersisti principes Pharaonis in
aquis maris Rubri.

Tu confregisti penitus in nihilum capita,
potestates, & suggestiones draconis, principis
demoniorum: dedisti eum diabolum in eisā,
predam & derisionem populis Aethiopum,
primò nigris per peccatum, postea dealbatis per
baptismum.

Tu dirupisti & aperuisti fontes & torren-
tes veritatis, scripturas videlicet Novi & Vete-
ris testamenti, vt emanarent liquorem sapien-

tia tu siccasti fluuios Erihan, doctrinas, heresitates, vanitates Philosophorum, Iudeorum & Hæreticorum.

Tuus est dies, qui omnia creasti, & tua est nox, cum tibi obediant omnia: tu fabricatus es atque disposuisti in suo ordine auroram & solem, lunam & stellas.

Tu fecisti atque distinxisti omnes terminos terræ, climata mundi, & diuisiones provinciarum: æstatē & ver atq; hiemem, tu plasmasi ea, & in manibus tuis sunt tempora nostra.

Memor esto huius congregationis, inimicus improperauit per contumeliam Domino Deo: & populus insipiens ac stultus incitauit ad iracundiam nomen tuum, multis blasphemijs atque iniurijs.

Ne tradas bestiis & malignis spiritibus animas filiorum Ecclesiæ confitentium tibi confessione fidei ac laudis: & animas pauperum atque humilium tuorum de se nihil presumantium ne obliuiscaris in finem, esto ad horam tribulationibus probentur.

Respice oculis gratiæ in testamētum tuū & promissiones, quas in utroq; testamento fecisti, quod sperantibus in te esses auxilio: quia mali repleti sunt domibus iniquitatum, in quibus perseverant, tanquam habitantes in domo, qui obscurati sunt, imò occaecati terræ: & desiderijs terrenis, & lumen sapiētiae perdidērūt.

Ne

Ne auertatur à tua misericordia humilis factus confusus, qui in tribulationibus multis, ac impropèrjjs atteritur & cōfunditur pauper spiritu, & inops, nihil de meritis suis præsumens, laudabunt nomen tuum in bonis, & sese accusabunt in malis.

Exurge Deus in vindictā & iudica causam tuam, iustis dando coronam, hostibus pœnam: memor esto impropèriorum tuorum, quæ nunc Ecclesia sustinet, præsertim eorum, quæ ab insipiente populo sunt facta, & sunt tota die, qui te tuâque omnia nihili facit, imò contemnit & improbat.

Ne obliuiscaris omnino voces blasphemias inimicorum tuorum, imò vindica gloriam nominis tui: superbia eorum impiorum, qui te oderunt & nomen tuum benedictum, ascendit & multiplicatur semper, quia peccatis peccata accumulanti.

ORATIO.

Domine Iesu Christe, rex noster ante omnia secula genitus, & in tempore hominis factus, qui operatus es salutem humani generis in medio terræ, te supplices deprecamur, ne repellas nos in finem, qui sumus oues pascuæ tuæ, quas effusione sanguinis tui redemisti, sed humiles te quærentium voces propitiatus exaudi. Amen.

In finem & Christi conformitatem ne cor-
rumpas te per superbiam monet hic Psalmus
qui est nobis causa cantici & incunditatis, &
ipsius Asaph admonentis, ne quis superbus de
se presumat, ne item humilis de Deo desperet.

ARGVM. In Christo seruatore nomen Dei
confiteamur necesse est, admoniti pœnis acerbis-
simis, quæ manet illius hostes & contēptores, diui-
no iudicio subiiciendos: in quo potentia illorum
attenuabitur, & piorum fides in pretio erit, ac in
sublime euehetur.

Confitebimur de peccatis præteritis tibi
O pio indultori Deus, quia tibi soli peccaui-
mus, cōfitebimur etiam confessione laudis pro
beneficio nostræ iustificationis, & inuocabi-
mus nomen tuū pro alijs beneficijs obtinēdis.

Narrabimus toto orbe terrarum mirabilia
tua, quæ pro redemptione humani generis feci-
sti: cū accipero (inquit Christus) tempus
præfinitum iudicandi, tunc ego Christus iusti-
tias iudicabo, reddendo unicuique secundum
merita sua.

Liquefacta est terra & defluxit in varias
vitiorum cōcupiscentias, & omnes mundi ama-
tores, qui habitāt in ea, non suspirant ad cele-
stia, sed in terrenis volutātur: unde ego (inquit
Dominus) in remediū cōfirmaui per meam in-
carnationem colūnas eius, & emisi Apostolos,
qui predicatione sustentent simplices in fide.

Dixi

Dixi iniquis & insanis peccatoribus, Noli-
te iniquè agere & in peccatis perseverare : &
delinquentibus atque peccata defendentibus
dixi, Nolite presumere de viribus vestris, &
exaltate cornu vestrum superbia contra Deum.

Nolite extollere per superbiam in altum
celum cornu vestrum & proprium sensum,
repugnando verbo Dei: nolite loqui, nec cor-
de, nec lingua aduersus Deum murmurantes,
vestram excusando iniquitatem, & Deum vel
fatum accusando.

Quia neque ab oriente erit refugium pec-
catoribus, neque ab occidente, & angulis
mundi, neque à desertis & extremis monti-
bus quispiam euadet manus Domini: quo-
niam Deus ubique præsens iudex est, omnia
cernens, omnia diiudicans.

Hunc superbum humiliat deijciendo, &
hunc humilem exaltat sublimèdo: quia calix
contuens mensuram iuste retributionis, est in
manu & potestate Domini, secundum eius dis-
cretam voluntatem, calix inquam vini meri &
puri absque faculentia alicuius tristitiæ, etiam
est calix pleus mixto vino. Alijs dabitur vita
per misericordiam, alijs mors per iustitiam.

Et inclinavit calicem effundendo ex hoc
per mixturam in hoc, temperando misericor-
diam & iudicium: verumtamen fœx eius cas-
ticus, & pœna & vindicta non est exinanita

& eius

Et euacuata: cum eam bibent in inferno omnes peccatores terræ. Quippe merum datur sanctis in patria, mixtum iustis in via. mlier restat malis, nisi fax æternæ damnationis.

Ego autem annuntiabo Dei virtutem: seculum vitæ presentis: & cantabo in letitia cordis Deo Iacob populi Christiani, quæ vitia supplantat.

Et omnia (inquit Christus) cornua peccatorum, quæ sunt dignitates, potestates, honores, diuitias, superbiam confringam in finali iudicio, ad nihilum redigendo: & exaltabitur tunc cornua iusti, scilicet fides, charitas, et ceteræque virtutes, quæ sunt munera Christi.

O R A T I O.

Deus, qui iustitias iudicabis, redditor unicuique secundum opera sua, miserere nobis peccatoribus tibi cōfitentibus, & diuinum nomen tuum inuocantibus. Conserva nos ne delinquamus, ne iniquè agamus, ne exaltemus in superbia cornu nostrum, de nobis ipsis præsumendo, ut sic tantum de calice vini meri, & gaudij pleni bibere valeamus in beatitudine æterna. Amen.

Sec. He. 76.

P S A L M V S. LXXV.

In finem, & Christum in carminibus & laudibus est Psalmus ipsius Asaph, & cantatum in organis ad Assyrios & ad omnes gentes Etè vivere volentes.

~~ANNO DOMINI MDCCLXXV. INDIVISIONE~~

~~REPUBLICÆ SÆCULI SÆCULI SÆCULI SÆCULI SÆCULI~~

~~REPUBLICÆ SÆCULI SÆCULI SÆCULI SÆCULI SÆCULI~~

~~REPUBLICÆ SÆCULI SÆCULI SÆCULI SÆCULI SÆCULI~~

~~REPUBLICÆ SÆCULI SÆCULI SÆCULI SÆCULI SÆCULI~~

~~REPUBLICÆ SÆCULI SÆCULI SÆCULI SÆCULI SÆCULI~~

Notus est in Iudæa vera, spiritali, & Ecclesia catholica Deus, que confitetur Christum venisse de tribu Iuda etiam in vnoquoque Israel fidei magnum nomen eius, quia Christum confitetur regem regum & Dominum dominantium.

Et sic factus est in pace & corde tranquillo cum Deo locus eius, qui est amator pacis: & habitatio eius est in Sion, in eis qui iam diuina speculantur.

Ibi in illa parte cōfregit, & ad nihilum redegit potentias demonū, videlicet arcum, delectationem in peccatis, scutum, malā voluntatem, gladium, actum peccandi, & bellum, consuetudinem peccandi, quibus Deus continuè impugnatur. Hæc enim sunt armatura diaboli.

Illuminans es tu Christe corda gentium & peccatorum mirabiliter per predicationem prolatam à montibus æternis ab Apostolis & predicatoribus sanctis: turbati inde sunt omnes recedentes à vero, & insipientes corde, sequentes desideria mundi.

Dormierunt amatores seculi huius somnū suum deliciosum & fallax, & nihil inueniunt

~~runt postquam exprobrati sunt, omnes
& ferri disciati, & potentes humilia
in manibus suis, quia euenerunt
tanquam umbra & fiamina.~~

Ab increpatione & obiurgatione tua
ste, qui es Deus Iacob populi Christiani
plantantis vitia, dormitauerunt, excaui
sunt & obdurati, qui ascenderunt equos
perbie, iactantes se in dignitatibus, diuitijs
potestatibus.

Tu Domine, qui modo increpas in misericor
dia, terribilis in iudicio futurus es, & tu
quis resistet tibi, cum infinita sit tua virtus
ex tunc cum veneris iudicare apparebit
tua magna nimis.

De cœlo tonante tuba angelica, audient
fecisti aduentum tuum ad iudicium, Surgite
vos mortui: terra tremuit à voce iudicis:
quieuit, quia amplius non erit locus meriti.

Cum exurgeret in extremo iudicio Chri
stus Deus, venturus non solum ad vindican
dam impios, sed etiam ut saluos faceret om
nes humiles & mansuetos terræ, simplices &
mites, pacem mentis habentes.

Quoniam cogitatio prima hominis ma
sueti confitebitur tibi, ut dimittas illi pecca
ta: & reliquæ cogitationis huius quod Deus
ipso sanauerit, & peccata dimiserit diem fe
stum

stum solennem agent tibi, & gratias referent
pro. *beneficijs.*

Vouete liberè, vota tamen quæ fecistis, &
reddite atq; persoluite Domino Deo vestro,
qui non irridetur. omnes qui sunt in circuitu
eius, cum ipse sit in medio, afferte munera,
videlicet vos ipsos, aut alia bona.

Terribili, inquam Deo reddite vota, & ei
qui aufert, quando vult, spiritum ipsorum
principum atque audaciam superbiorum: ter-
ribili inquam apud omnes reges terræ, qui
velint nolint, iudicium eius sustinebunt.

O R A T I O.

Terribilis Deus, cui resistere nemo po-
test, cum sis rex regum & dominus domi-
nantium, fac tranquillum cor nostrum &
pacatum coram te, vt sit habitatio tua in
nobis, atque illuminare digneris nos insi-
piētes, vt votis ac muneribus te terribilem
Deū placare studeamus & præsentia con-
temnentes, futuram gloriam inquiramus.

PSALMVS. LXXVI.

Sec. He. 77.

In finem Christum, qui est præmium nostri
laboris, pro Idithun transiliente atque contem-
nente omnia terrena atq; carnalia, est hic Psal-
mus ipsius Asaph cantoris David.

ARGVM. Ardentissimo affectu canit ob ca-
lamitatem populi sancti se supra modū afflictum
fuisse, & molestis cogitationibus tantū non exani-
matum

matum: rursus autem memoria facinorum Dei olim pro populo suo editorum, animum recepisse, fuisseque consolatum.

VOce mea ab effectu cordis ad Dominum Deum clamavi, ut exaudiat: voce mea supplici ad Deum perueni, & intendit mihi, quia benignè me respexit.

In die tribulationis meæ atq; in hac presenti vita, quæ est tētatio super terram, Deum exquisivi, auxilium & consolationem postulans, etiam manibus atque operibus meis bonis, quæ diuinis conueniunt mandatis: exquisivi inquam in nocte huius seculi, contra eum & coram ipso, & non coram hominibus in vana gloria: & non sum deceptus, quia assequutus sum Dominum, quem querebam.

Renuit in delicijs huius seculi cōsolari anima mea, quæ semper ad Dominum suspirabat. unde memor fui Dei, considerando eius mansuetudinem & pietatem, & delectatus sum in ipsius misericordia, & inde exercitatus sum in diuinis laudibus: & defecit ex deuotione spiritus meus in Deum.

Anticipauerunt præformidine peccatorum vigilias nocturnas oculi mei, ante tempus surgendo ad orandum, turbatus sum de humana miseria, & non sum locutus contra Deum murmurando.

Cogitaui ac sollicitè rulinaui dies antiquos

quos, præteritos in perditione tēporis : & annos æternos futuros, quibus vel gaudia vel supplicia æterna erunt, in mente semper habui.

Et meditatus sum nocte in oratione secreta, cum corde meo & cum ratione de benignitate Dei : & exercitabar iam peccata arguens, iam Dei misericordiam requirens, & sic scopebam atque purgabam spiritum meum, ab omnibus culpis, & Dei offensis.

Nunquid in æternū sine remedio proiciet & damnabit Deus hominem quem creavit & redemit ? aut non apponet adiciet quæ, ut complacitior sit miserando, qui iratus fuit puniendo adhuc, imò apponet misericordiam iræ ?

Aut in finem totaliter misericordiā suam abscinderet à nobis, ut nolit posthac misereri, à generatione hac in generationem subsequētem ?

Aut obliuiscetur misereri nobis Deus, qui totus benignus est & præstabilis super malitia ? aut continebit, certè non, in ira sua misericordias suas, ut iudicium severitatis supergrediatur misericordias suas infinitas ?

Et post hæc, redeundo ad rationem, dixi in corde meo, Nunc primū cœpi intelligere, quod hæc est mutatio in nobis mutatio dextere excelsi atque effectus divinæ misericordiæ & pietatis, qui post iram dat gratiam.

Memor fui operum Domini, quia huius

mutationis obliuiscor: quia memor ero ab initio mundi mirabilia tuorum, quod hominem creasti, & per misericordiam reparasti.

Et meditabor tecum in omnibus operibus tuis, quæ sunt misericordia & iustitia, pietas & seueritas: & in adinventionibus tuis ad nostram salutem pertinentibus exercebor, agnoscendo opera gratiæ & potentiæ tuæ.

Deus pater in sancto filio tuo est via tua, quia itur ad te, quia nemo venit ad patrem nisi per filium. quis Deus magnus virtute, sicut Dominus Deus noster Iesus Christus? tu es Deus bonus & omnipotens, qui facis mirabilia, sanans corpora à languoribus, & animas à peccatis.

Notam fecisti Domine in populis totius orbis virtutem tuam, quando in mundum misisti filium tuum Christum, redemisti in brachio & filio tuo, populum tuum, ipsos filios Iacob electos de Iudeis, & filios Ioseph electos de Gentibus.

Viderunt & cognouerunt te aquæ & generationes populorum Deus, quia sicut aqua labitur, ita generatio præterit, generatio aduenit, viderunt te aquæ, populi de Iudeis & de Gentibus: & timuerunt omnipotentiam tuam, & turbatæ sunt abyssi atque conscientie morte ad pœnitentiam.

Multitudo eorum est velut sonitus aquarum

rum multarum in confessionibus peccatorum, in Gentibus, in hymnis & canticis: vocem dederunt suis predicationibus nubes, ipsi Apostoli, predicando Christum per orbem terrarum.

Etenim sagittæ tuæ & verba sacre scripture transeunt & discurrunt ab ore predicatorum ad corda audientium, unde punguntur ad penitentiam: vox tonitruï tui terribilis peccatoribus circulariter in terra facta est: quia in omnem terram exiit sonus eorum.

Illuxerunt & notæ sunt coruscationes tuæ, virtutes & miracula, orbi terræ: ex quibus commota est ad penitentiam & fidem, & conremuit terra in timore Dei.

In mari apud Gentiles predicata est via tua & observatio mandatorum tuorum, & lemire tuæ quibus secure pertransitur mare humiscenti, sunt in aquis multis & populis diversarum gentium: & vestigia tua non cognoscuntur, quia ratio humana non assequitur iudicia tua ad bonos & impios.

~~Deus meus~~ fidelissimus pastor, sicut oves in caulis, populum tuum electum, in manu Moysi & Aaron, dando eis doctores & duces iuxta verbum tuum.

Exod. 14. c

ORATIO.

Domine Iesu CHRISTE, qui es via in

Aperiam in parabolis & similitudinibus os meum, ut impij credant & pijs exerceantur: loquar propositiones, anigmata, & obscuritates ab initio legis datae. Matt. 13. e.

Quanta Dei beneficia audiuius in Veteri testamento, & cognouimus tandem ea in Novo testamento: & patres nostri, qui sunt Apostoli & Euangelistae, narrauerunt nobis praecipua, beneficia, & mirabilia tua.

Non sunt occultata neque abscondita à filiis spiritualibus, & imitatoribus eorum Apostolorum, in generatione nostra hac, quae est altera à Iudaeis, cum apud nos sit regeneratio.

Narrantes scilicet laudes Domini, & facta Iesu Christi, & virtutes eius, videlicet humilitatem, paupertatem, charitatem, & mirabilia opera eius, quae fecit in Ierusalē & Iudaea.

Et suscitauit atque in lucem produxit testimonium resurrectionis eius in Iacob, & populum Christianum, qui luctatur contra vitia: & legem euangelicam constitutam in charitate, posuit in Israel, quae est sancta Ecclesia catholica, videns Deum per fidem.

Quanta & quàm magna mandauit Deus patribus nostris, Apostolis, alijsq; discipulis. nota facere ea atque docere filiis suis, quos in Christo generarent per Euangelium, ut cognoscat atque intelligat generatio altera futura, ne vnquam ignorent posteri legem Dei.

Filij qui nascentur in baptismo ex aqua & Spiritu sancto & exurgent à carnalium intellectu sursum cor habentes, & narrabunt legem Dei filiis, successoribus suis Christianis.

Vt ipsi filij ponant solum in Deo spem & fiduciam suam, nihil de seipsis presumentes, & non obliuiscantur operum Dei, videlicet creationis, recreationis, & extremi iudicii, & mandata eius exquirant, impleantque, ut fides per dilectionem operetur.

Ne fiant aut sint, sicut patres eorum carnales, generatio dura, praua, rebellis, & Deum exasperans, irritansque in iracundiam.

Generatio peruersa, quæ non direxit cor suum ad sequendum Christum, & non est creditus cum Deo, quia non adheret illi Spiritus eius, syncerè, fideliter, ac piè.

Filij Ephrem, increduli Israelita intendentes, & armati & mittentes arcum contra verbum Dei conuersi sunt, & in Aegyptum redire deliberauerunt, in die belli & tempore aduersitatis.

Non custodierunt fœdus & testamentum Dei viui, quod pepigerunt in deserto: & in lege eius noluerunt ambulare persciendo & perseuerando.

Et oblitus sunt omnino benefactorum eius, & beneficiorum Dei, & mirabilium operum eius, quæ multis vicibus ostendit eis, quia in-

grati

grati fuerunt de omnibus.

Coram patribus eorum, Moyse & Aaron,
fecit mirabilia, immittendo decem plagas in
terra Aegypti, & praeipue in campo & pla-
nitie Taneos ciuitatis regiae.

Interrupit atque diuisit mare Rubrum, & Exod. 14. c
perduxit eos, vt transirent sicco pede: & sta-
tuit vtrinque aquas eleuatas instar parietum
& quasi in vtre de corio clausae contineban-
tur aquae.

Et deduxit eos, Israelitas in nube diei pro Exo. 13. 14.
refrigerio ab ardore solis: & tota nocte in illu- c. f
minatione & columna ignis, vt viam in tene-
bris viderent.

Interrupit sciditque petram durissimam in Psalm. 104. d
cremo, & inde fluxit aqua: & adaquauit eos Exod. 17. b
largissime, velut in abyssio multa, quandiu
erant in itinere.

Et eduxit aquam dulcem de petra illa du-
ra: & eduxit, tamquam flumina magna, aquas
multas.

Et tamen ingrati apposuerunt adhuc mur-
murando peccare ei per incredulitatem: vnde
in ira excitauerunt excelsum Deum, in ina-
quoso & sicco deserto.

Et tentauerunt ex certa malitia Deum cae-
li in cordibus suis, Dei prouidentiae non cre-
dentes, vt peterent escas, & carnem anima-
bus suis ad sustentationem vitae.

Et tunc malè locuti sunt de Deo, diffiden-
 tes de eius omnipotentia : dixerunt iam saturi
 Num. 11. a manna, Nunquid poterit Deus noster parare
 mensam & refectiorem splendidam carnum
 in hoc deserto, sicut habuimus in Aegypto?

Quoniam ecce percussit per Moysen pe-
 Num. 20. b tram in deserto Sin, & fluxerunt aquæ abun-
 danter, & torrentes aquarum inundauerunt
 in magna copia.

Nunquid & panem de frugibus poterit da-
 re, quia iam fastidimus manna, aut parare
 mensam & refectiorem populo suo? est dubi-
 tatiua locutio.

Ideo audiuit Dominus eorum petitionem,
 Num. 11. a & distulit penam & vindictam infligere ei:
 sed postquam dedit, ignis & furor Dei accen-
 sus est in Iacob ad punitionem, & ira Dei a-
 scendit in Israel populum illum.

Quia non crediderunt in Deo, quòd du-
 ceret eos in terram promissionis, nec speraue-
 runt in salutare eius, qui eos de Aegypto redem-
 ptos saluare promiserat.

Et mādauit nubibus dēsuper, quia manna
 datum ei pro pane, & ianuas atque vias cœli
 ætherei apēruit, ut plueret manna.

Et pluit illis in modum roris manna, cibo
 Exodi. 16. Num. 11. b admirabilis, ad manducandum in escam : &
 panem suauissimum cœli æerei dedit eis as-
 fluenter.

Panem

Panem ministerio Angelorum formatum
māducauit homo in alimoniā, cibaria etiam
alia misit eis, non tantum manna, in abūdan-
tia, adeo quod fastidirent.

Ioan. 6. d
1. Cor. 10. a

Transtulit Austrum, ne flaret de cælo ae-
reo: & induxit in virtute & fortitudine sua
ventum Africum, qui arreptas coturnices de-
ferret trans mare.

Num. 11. 5

Et pluit super eos in deserto, sicut pulue-
rem, valde abundanter carnes viuas: & sicut
arenam maris, quæ numerari non potest, vo-
latilia pennata, & suauissimas coturnices.

Et ceciderunt in medio castrorū eorum,
quia duobus cubitis super terram volitabant,
circa tabernacula eorum, ut ab omnibus pos-
sent capi.

Et manducauerunt sine gratitudine, & sa-
turati sunt nimis, usque ad nauseā, & deside-
rium eorum attulit eis abundantiam, non
sunt fraudati à desiderio suo: satisfactum est
gula eorum, ne murmurarent increduli.

Adhuc escæ eorum, scilicet coturnices, erāt
in ore ipsorum, nondum traiecerant in stoma-
chum, & ecce ira & furor Dei ascendit super
eos ob murmur & ingratitude.

Et occidit pingues eorū repletos diuitijs,
& electos in Israel, principales & magnos
impediuit, ne ingrederentur terram promis-
sionis.

In omnibus his non correcti, sed obstinati peccauerunt adhuc ex nimia ingratitude: & non crediderunt promissionibus eius, in omnibus mirabilibus factis eius.

Et ideo defecerunt & consumebantur in vanitate spei dies vite eorum murmurantium: & anni eorum perierunt cum festinatione, quia omnes mortui sunt in deserto, excepti duobus.

Cum Deus occideret eos murmurantes, tunc alij querebant eum, implorando auxilium: & reuertebantur ad penitentiam, & diluculo atque festinanter veniebant ad Deum, misericordiam petendo.

Et rememorati sunt, atque recordati, quia Deus est adiutor & cooperatore eorum in bonis: & Deus excelsus redemptor, & liberator eorum est à malis.

Et dilexerunt eum tantum in ore suo, verbo, & non corde, & lingua sua, qua dixerunt precepta eius velle servare, mentiti sunt ei, quia statim relapsi sunt.

Cor autem eorum intrinsecus non erat rectum cum eo, quia idola colere desiderabant, nec fideles habiti sunt, & constantes in testamento eius, & preceptis faciendis.

Ipse autem Deus est misericors, quia eius proprium est misereri & parcere, & propicius fiet peccatis eorum, expectando penitentiam, & non

& non disperdet neque delebit eos omnino.

Et abundauit patientia eius, in tantum, vt auerteret iram & vindictam suam ab eis: & nō accendit omnem iram suam, quia citra condignum puniuit eos.

Et recordatus est Deus, quia cato sunt, fragiles, & proni ad lapsum: spiritus hominis est vadens per se in peccatum, & non rediens, neque resurgens à peccato, nisi gratia adiutus diuina.

Quoties sine numero exacerbauerunt, & prouocauerunt eum in deserto, ad vindictam? & in iram concitauerunt eum, vt mala eis faceret, & in inaquo'o, vbi aqua non erat?

Et post fictam eorum penitentiam conuersi sunt ad idololatriam, & tentauerunt Deū de beneficijs eius ingrati: & sanctum Deum Israel sanctificantē exacerbauerūt, verbis & factis.

Non sunt recordati, immemores beneficiorum, manus & potestatis eius Dei, in die qua redemit atque liberauit eos de manu & tyrannide tribulantis Pharaonis.

Sicut & qualiter posuit in Aegypto signa sua, & decem plagas, quibus percussit Aegyptū: & etiam prodigia sua stupenda in campo Taneos coram rege, & primoribus regni.

Et conuertit in sanguinem flumina eorum Aegyptiorum & imbres atque aquas pluviales eorum, ne biberent.

Exod. 7. d

Miserere

Exod. 8. a Misit in eos Aegyptios cynomyiam, muscam
 Exod. 8. f caninam, & comedit eos mordendo atq; pun-
 gendo: & etiam ranam immisit, & disperdidit
 eos, quia ranæ erant in penetralibus ipsorum.

Exod. 10. c Et dedit ærugini, vento vrenti, qui corrup-
 pit segetes, fructus eorum, qui spontè nascen-
 tur: & labores agricultura eorum comede-
 runt locustæ.

Exod. 9. a Et occidit mortificādo in grandine vineas
 eorum vites destruendo: & moros eorum in
 pruina, & nocturno frigore congelante.

Exod. 9. c Et tradidit grandini, interficiendo iumen-
 ta eorum, quæ erant in campis: & possessio-
 nem eorum igni & fulgoribus, vnde depaue-
 ravit eos.

Misit in eos Aegyptios iram indignatio-
 nis suæ per plagas dictas: indignationem, &
 punitionem, & iram, & tribulationem, & an-
 gustiam, immisiones per Angelos malos oc-
 culte, & in tenebris eos vexantes & terrentes.

Viam fecit, puniendo Aegyptios, semitæ
 iræ suæ, declinando ab Hebræis, & non peper-
 cit à morte animabus eorum, imò interfecit
 primogenitos & iumenta eorum Aegyptiorum
 in morte conclusit occidendo.

Exod. 12. d Et percussit una nocte omne primogeni-
 tum, tam de hominibus, quàm de animalibus
 in terra Aegypti, & hæc fuit decima plaga:
 primitias etiam vastavit omnis laboris eo-
 rum

rum quæ vel ad victum, vel ad solatium habebant, & hoc in tabernaculis & domibus Aegyptiorum de Cham descendendum.

Et abstulit, liberando de domo seruitutis, sicut oves tranquillæ, sine tumultu pugna populum suum Israel: & perduxit eos sicut pastor tanquam gregem suum custodiendo in deserto.

Et eduxit eos per desertum in spe peruenienti in terram promissionis, & non timuerunt exercitum Pharaonis: & inimicos eorum insequentes eos operuit mare, submergendo in medijs fluctibus. Exod. 14. c

Et induxit eos Hebræos in montem sanctificationis suæ in Ierusalem, ubi templum suo nomini sanctificari voluit: Mortem Moria, quem acquisiuit non gladius eorum, sed dextera eius, & diuina virtus.

Et eiecit de terra promissionis à facie, & præsentia eorum Iudeorum Gentes Chanaanæ: & sorte diuisit eis terram illam in funiculo distributionis secundum mensuram diuisionis, quam ipse ordinauerat. Iosue 13. b

Et habitare fecit confidenter in domibus, tabernaculis & villis eorum septem populorum tribus Israel & filios Abrahe.

Et tamen post tanta beneficia tentauerunt adhuc diffidentes de diuina virtute, & exacerbauerunt Deum excelsum, cuius potentiam senserant: & testimonia atque mandata eius non.

non custodierunt, sicut promiserant.

Et auerterunt se à Deo, & nō seruauerunt pactum & legem quam pepigerant obseruare: sed quemadmodum patres eorum adorauerunt vitulum, itidem & ipsi conuersi sunt ad idolatriam in arcum prauum, ob promptitudinem ad malè agendum.

In iram & vindictam concitauerunt atque prouocauerunt eum Deum suum, cum in collibus & locis suis excelsis ritu Gentilium immolarunt: & in sculptilibus suis idola colentes ad æmulationem, xelum & indignationem eum prouocauerunt.

Audiuit & aduertit Deus populi nequiciam, & spreuit atque contempsit: & ad nihilum redegit valde Israhel, tradens eum in captiuitatem Gentium.

1. Reg. 4. 2

Et repulit pro idololatria eorum tabernaculum quod habebant in Silo, vbi arca Domini capta fuerat, tabernaculum suum electum, vbi habitauit in hominibus, quia ibi responsa dabat.

Et tradidit permittendo in captiuitatem Philistinorum virtutem eorum, videlicet arcam testamenti: & pulchritudinem eorum, quia per arcam videbantur fortes, & reddebantur honorati ab omnibus in manus inimici Philisthai.

Et conclusit permittendo in gloriā Philistinorum.

stheorum populum suum Iudaicum, & hæreditatem suam quam elegerat, spreuit, quia spreuerunt eum.

Iuvenes eorum bellatores comedit, vastauit ignis & ferrum: & virgines eorum non sunt lamentatae, quia quibus querebat locum fugiendi.

Sacerdotes eorum Ophni & Phinees in gladio ceciderunt propter abusum diuini cultus: & viduae eorum non plorabatur propter perturbationem.

Et post has afflictiones excitatus est tanquam dormiens Dominus, quia cepit misceri tribulatis & auxiliū prestare: & tanquam potens & fortis, crapulatus à vino, dum poena erudiente, suam culpam agnoscebant.

Et percussit postea inimicos suos Philistheos in posteriora natium ubi computrescebant: opprobrium sempiternum dedit illis, quia est in sempiterna memoria eorum poena probrosa.

Et repulit atque abominatus est tabernaculum & familiam Ioseph, ne inde esset rex: & tribum Ephraim similiter non elegit, ut inde nasceretur rex.

Sed elegit propter Dauid, tribum Iuda pro regia dignitate, & montem Sion pro sede regni, quem dilexit ad cultum suum.

Et edificauit ipse Deus, sicut vnicornium, scilicet

tibi gratias agendo in seculum sempiternam.

In generatione presenti & generationem succedentem, quandiu seculum durabit, annuntiabimus aliis laudem tuam, predicando beneficia clementia & gratia tua.

ORATIO.

Ne reminiscaris Domine nostrarum iniquitatum priorum, quia peccauimus tibi. Præueniant celeriter nos miserationes tuæ, cum impotentes sumus ad satisfaciendum pro peccatis nostris. Quocirca adiuna nos Deus, saluator noster, & propitius esto non propter nos & merita nostra, sed propter nomen tuum, quod est *IESVS*, inuocatum super populum tuum Christianum, qui sumus oues pascuæ tuæ. Amen.

Sec. He. 80.

PSALMVS LXXIX.

In finem & in Christum Psalmus iste nos dirigens est, pro iis ad utilitatem eorum, qui commutabuntur de infidelitate ad fidem, de peccato ad poenitentiam, & est testimonium Asaph qui credit & confitetur Christum in carne venturum, & cantatur pro Assyriis dirigentibus se ad Christum.

ARGVM. Argumenti eiusdem est hic Psalmus, cuius præcedens. Populus Dei, impiis permixtus, orat se vindicari, & priora Dei beneficia, sub vineæ allegoria, præsentī calamitati collata, ad erigendam spem memorat.

Qui

Qui maximè regis, curas & defendis Israel, populum Christianum te videntem per fidem, intende, & lumen pietatis super nos infunde: qui deducis per doctrinam Apostolorum velut ouem in simplicitate cordis, ipsum Ioseph fidelem populum de Gentibus ad auctum.

Qui sedes in secreto maiestatis tue super Cherubim & virtutes coelestes, manifestare in carne, & huic mundo te videndum præbe, coram Ephraim, Benjamin, & Manasse, & omnibus fidelibus in te credituris.

Excita & ostende potentiam & fortitudinem tuam, & tandem veni in carne, ut saluos facias nos de potestate diaboli.

Deus à culpa ad gratiam conuerte nos, & ad amorem iustitiæ tuæ: & ostende faciē tuam & filium tuum, per quem cognosceris, & ita salui erimus, credentes in ipsum fide formata.

Domine Deus virtutum humanarum & angelicarum quousque irasceris, & iratum te ostendes super orationem serui tui, dīfendendo mittere filium, pro quo toties rogavi?

Cibabis nos in hac vita pane lacrymarum, flagellis, & arumnis affligendo, ut erudiamur, & potum dabis nobis in tribulationibus, in lacrymis, & tentationibus, sed hoc in mensura pro viribus, ut ferre possimus, ut erudiamur, non ut opprimamur.

Posuisti nos electos tuos in contradictionem Gentibus, vicinis nostris, quia te Deum verum colentibus contradicebant: & inimici nostri atque hostes fidei, Iubstannauerunt atque irriserunt nos, quasi colentes mortuum, adorantes crucifixum.

Deus virtutum praeueniente gratia conuertere nos ad tuam legem explendam: & ostende faciem tuam, & mitte Christum promissum saluatorem, & salui erimus per eundem.

Vineam, populum videlicet Iudaicum, quem plantasti, tibi electam vineam de Aegypto transtulisti in terram promissionis, eiecisti Gentes Chananaeorum, & plantasti, ut agri cola eam vineam in quiete.

Dux itineris fuisti in columna nubis per diem, in conspectu eius, & in columna ignis per noctem: & plantasti radices eius. patres videlicet & prophetas, qui in cultu Dei & fide erant radicati, & populus ille impleuit terram promissionis, multiplicatione prolis.

Operuit montes in magna gloria umbra eius vineae, quia exaltati sunt in fama nominis: & arbuta eius, excrementa, cedros Dei, quia inde propagata sunt cognationes eximiae sicut elegantissima cedri.

Extēdit vinea & habitatio Iudeorum palmites suos & comas, usque ad mare mediterraneum, ab occidente: & usque ad flumē Euphraten
ab or

ab oriente, propagines & generationes eius.

Vt quid ergo destruxisti maceriam & sepem eius, subtrahendo protectionem eius? & vindemiant eam, conculcant, atque deuastant omnes populi, qui prætergrediuntur viam legis & mandatorum Dei?

Exterminauit & deuastauit eam vineam aper immundus, egressus de sylua infidelitatis: & singularis ferus, atque crudelis idololatra depastus est eam, totaliter deuastando.

Deus virtutum cælestium & terrestrium, conuertere ab ira ad misericordiam: & respice oculis clementiæ de cælo cælorum, & vide misericorditer ad nos, & visita vineam istam, scilicet Ecclesiam catholicam, gratiam præstando & auxilium.

Et perfice eam in fide, quam plantauit, inchoauit, & ornavit dextera atque potentia tua, & propitiatio: & hoc super filium hominis Christum incarnatum, quem confirmasti tibi in obedientia tua pro salute nostra.

Incensa igni peccata, prouenientia ex concupiscentia inordinata, & etiam suffossa peccata ex timore seruili ab increpatione vultus & filij tui, qui imago tua dicitur, peribunt & delebuntur.

Fiat manus & operatio tua, vt ostendatur potentia super virum Christum dexterae tuae, qui coequalis tibi est per diuinitatem:

& super filium hominis, virginis per assumptionem carnis, quæ confirmasti tibi, ab æterno prædestinando pro salute nostra venturum.

Et si filium miseris, non diicedimus, ultra à te, sed per fidem semper adheremus, viuificabis nos vita gratiæ, qui mortui eramus peccatis, & nomen tuum diuinum inuocabimus, in quo solo speramus salutem.

Domine Deus virtutum, qui solus potes à morte liberare, conuerte nos ad te perfectè diligendum: & ostende nobis faciem tuam, & verbum tuum mitte, Christum promissum redde, & salui erimus per ipsum à malis omnibus.

O R A T I O.

Deus, pater omnipotens, te supplices deprecamur, vt Dominum nostrum Iesum Christum, qui est imago tua, facies tua, & illuminatio vultus tui, in quo manes, & qui manet in te, ostendere nobis digneris, vt purificatis mentibus nostris dignetur illi saluator mundi: Cui gloria & imperium tecum cum Spiritu sancto in secula seculorum. Amen.

Sec. Hc. 81.

PSALMVS LXXX.

In finem, & Christum Dominum pro torcularibus spiritualibus & pressuris tribulationum habitus quinta die Sabbathi, Psalmus iste cantetur pro gratiarum actione ipsi à fidei-
fidelibus Christianis, & dominica c. reg. anu.

ARGV M. Oda hæc composita videtur, ut sabbatum agamus Domino, qui manu valida Dei per Christum de mortis tenebris educi sumus, ne postquam tantam gratiam Saluatoris accepimus, continentibus vocem Dei, & ad nostra consilia desectentes pereamus.

EXultate corde & ore, Deo adiutori nostro, in bonis agendis, & malis tolerandis: inebriate cum gratiarum actione Deo Iacob, & attribuite omne bonum vestrum illi, non vobis.

Sumite sequentia instrumenta musicalia, psalmum, & deuotam orationem, & date, atque offerite vltro tympanum Deo, & carnis mortificationem atque castitatem: psalterium iucundum in verbo Dei, cum cithara bonarum operationum.

Buccinate, & clangite in Neomenia, & in nouilunio, tuba, (Iudæis dictum ad litteram, nobis ad spiritum) in insigni & præclaro die solennitatis vestræ, in festo tabernaculorum, hortamini mutuò ad cultum Dei verum.

Quia hoc præceptum à Deo in Israel est, ut gratias exhibeamus, & iudicium contra negligentes est Deo Iacob: quia si non feceris, morieris iam iudicatus.

Testimonium rei futura in Ioseph populi Gen. 41. f
Israel posuit illud sub attestazione, cum exiret idem populus de terra Aegypti per mare Rubrum in deserto: linguam, quam non no-

uerat, videlicet legem per Moysen datam, ac
diuit & praecepta accepit.

Diuertit ac liberavit dorsum eius, populus
Iudaici ab oneribus, quibus exercebat eum
Pharao in luto & latere: manus eius, in co-
phino, ubi portabant simum & faeces, seruierunt.

In tribulatione, dum premebaris labore &
seruitute, inuocasti ad me confugiendo, & li-
beraui te in signis & prodigijs, exaudiui &
eripui te de fornace & olla Aegypti in abcon-
dito tempestatis, cum versabar in malorum
tumultibus: probaui & examinaui te, utrum
esses gratus & fidelis apud aquam contradi-
ctionis, ubi de mea potentia desperabas.

Audi atq; intellige populus meus, cui spet.
Exod. 20. a uialem legem dedi, & contestabor te in con-
scientia tua: Israel, si audieris me, obtempe-
rando praeceptis meis, non erit in te Deus re-
cens, neminem alium credes, amabis, aut time-
bis, neque adorabis Deum alienum, alteri
honorem mihi debitum impendens.

Ego enim, & non alius, sum Dominus &
rector Deus & creator tuus, quem solum de-
bes diligere, colere & adorare, qui eduxit te
de terra Aegypti & de domo grauissima ser-
uitutis: dilata os tuum, & desiderium ad bo-
num, & implebo illud gratia mea, ut habeam
bonum desideratum.

Et non audiuit, imò neglexit populus
meus

meus, cui legem dedi, & magna feci, vocem
& monitionem meam & verba legis meae: &
Israel non intendit, neque obedivit mihi, imò
ingratus fuit de tantis beneficijs.

Et idcirco dimisi eos errare, subtrahendo ad 14.c
gratiam meam secundum desideria vana
cordis eorum, ut agerent non quae mihi, sed
sibiipsis placerent, ibunt & progredientur in
adiversionibus suis, & affectionibus quibus
libet, in proprijs institijs & dogmatibus suis.

Si populus meus, cui tanta feci, audisset
me, obtemperando praeceptis: Israel si in viis
meis ambulasset quibus itur ad beatitudinis
nem, ambulasset perseveranter.

Pro nihilo & gratis forsitan hostes & Baruc. 3.b
inimicos eorum humiliassem, ad nihilum
redigendo: & super tribulantes eos oneribus
importabilibus misissem manum ulttricem,
& vindictam meam.

Inimici Domini, Iudaei qui debuissent esse
amici, mentiti sunt ei, non reddentes promissa,
quibus se obligarunt in praeceptis implendis: &
ideo erit tempus poenae & punitionis eorum,
durans in secula in eternam.

Et tamen cibavit eos Israelitas ex adipe
& intima medulla frumenti ad refectiorem:
& de petra melle, videlicet de melle fluente ex
petra (in rupibus enim terra illius erat mel in co-
pia) saturavit eos, in abundantia rerum omnium.

ORATIO.

Domine Deus noster, qui per baptismi gratiam liberauisti nos à sarcina peccatorum, & deduxisti à tenebris ignorantiae mellifluam charitatem petrae, qui et **H A R S T V S** est, dilata supplicum ora ad annuntiandum gloriam tuam, neque dimittas nos secundum desideria cordis nostri, sed Aegyptiis operibus relictis, nominis tui confessione lætemur.

Sec. He. 82.

PSALMVS LXXXI.

Psalmus ipsius Asaph contra iniquos *judices, postulans super hoc diuinam iustitiam.*

A R G V M. Increpat principes & doctores populi, quòd non iudicent, pauperibus quòd non doceant recta. Deum etiam inuocat: ut ipse per Christum orbem iudicet, cui omnes Gentes in hereditatem cessuras simul vaticinatur.

Deus stetit, qui ubique est, in synagoga & congregatione deorum, principum terra, qui ratione officij locum Dei tenent: in medio autem, equaliter se habens ad omnes, deos diiudicat, discernens bonos à malis, & iustos ab iniusti.

Utique quo vos iudices peruersi iudicatis iniquitatem, falsam ferendo sententiam, propter munera vel fauorem? & facies atque personas peccatorum propter eorum potentias sumitis, personas hominum attendendo?

Iudicate, iustitiam deferendo, ego & pupil

pupillo destitutus omni auxilio, humilem & pauperem, non spe munerum, sed pietatis gratia iustificare, sine personarum acceptione.

Eripite pauperem à calumniatore & oppressore, & egenū de manu & potestate peccatoris impij liberate, qui iniurias infert. Prou. 24.2

Nescierunt, non cognouerunt, neque intellexerunt, quia excecauit eos malitia ipsorum, & in tenebris ignorantia & peccati ambulat: vnde mouebuntur in extremo iudicio omnia fundamenta terræ, cum vos simile iudicium in Domino sustuleritis.

~~Pro Deus agerem, ut sciret vos iudices.~~ **Dij** Ioan. 10. 25
estis participatione, quia dicitur: ~~ut sciret vos iudices.~~
tores, & filij excelsi omnes, ut sitis iusti, a quo perfectè, sicut pater vester, qui in cœlis est.

Vos autem, qui aliter agitis, sicut homines peccatores moriemini, & non computabimini inter filios Dei: & sicut vnus de principibus & angelis superbientibus, cadetis in profundum inferni.

Surge tu Deus noster, qui vides iniquos iudices, iudica terram, intrare, consolare, & redime nos verbo tuo: quoniam tu hæreditabis & dominaberis in omnibus Gentibus, cum tu solus sis rex & redemptor noster.

ORATIO.

Praesta quaesumus Domine, secundum præceptum tuum ab iniquitatis iudicio declina

declinare, pauperumque necessitati
subuenire, egenum & pupillum à calum
nia & violentia impiorum liberare, &
tandem mereamur filiorum tuorum nu
mero in cœlis copulari, quoniam tibi po
testas & imperium in secula. Amen.

Sec.Hc.83.

PSALMVS LXXXII.

Canticum Psalmi in iuventute mentis
ipsius Asaph, populi Dei, qui hic loquitur. Ag-
itur de secundo Christi adventu ad iudicium.

~~ARGVME~~

Deus Christe, quis similis in virtute
potentia erit tibi, cum iudex appareas
in maiestate magna? ne taceas dare in impiis
sententiam, neque aliqua miseratione compe-
scaris Deus à vindicta eorum.

Quoniam ecce inimici tui tumultuosi
seditionibus sonuerunt, contradicendo doctrinae
tuae: & qui oderunt te, ut sunt membra Anti
christi, extulerunt caput, superbiendo contra
te & tuos.

Super populum tuum electum maligna
uerunt consilium, ad decipiendum & oppri
mendū: & cogitauerunt astute aduersus ius
tos sanctos tuos & bonos.

Dixerunt inuicem se exhortātes, Venite, & disper

disperdamus atque interficiamus eos de gente, & tollamus eos de mundo : & non memoretur nomē viri Israel fidelis vltra, sed sic deleamus vt non remaneat huius gentis memoria.

Quoniā cogitauerunt concordantes vnanimiter, atque deliberauerunt, simul omnes aduersum te & tuos, testamentum & pactum firmum disposuerunt ad destruendum cultum Dei, tabernacula scilicet, & congregationes Idumæorum perfidorum, & Ismaelitarū aduersarij populi tui.

Moab abutens lege, & Agareni aduena superbi, Geba! hypocrite, & Ammon iracundi, & Amalech auari, amantes terrena : alienigenæ ebrj delicijs mundanis, cum omnibus impijs habitantibus Tyrum, & impugnantibus sanctos.

Etenim Assur rex Assyriorum venit cum illis persequentibus & infestantibus : at hi facti sunt in adiutorium vnus alteri auxilio, filiis Loth, Moabitæ & Ammonitis.

Fac illis puniendo eos, sicut fecisti olim Madian, & Sisare quos miraculose debellasti, sicut Iabin qui fuit rex Chanæam in toriēte Cisson, vbi deuictus est.

Disperierunt & occisi sunt in fonte Endor : & facti sunt vt stercus terræ, quia cadauera eorum insepulta computruerunt.

Pone & prosterne principes eorum persequentes

Iudic. 7. f.
Iudic. 4. d.

Iudic. 7. *cutorum, sicut Oreb & sicut Zeb, & sicut Zebec, & sicut Salmana: hos quatuor reges Madianitarum Dominus vicit miraculose per Gedeonem & trecentos viros.*

Omnes principes eorum populorum qui dixerunt, sed non perfecerunt, Hæreditate nostra possideamus invadendo sanctuarium Dei, terram sanctam, & promissionis loca.

Deus meus, cui ego credo, pone illos inimicos ut totam, agantur spiritu vertiginis precipites & instabiles, & sicut stipulam fragilem ante faciem venti, ut non subsistant in malitia sua, ne prævaleant pijs.

Sicut ignis qui ex magna potentia comburit syluam, consumendo eam, & sicut flamma ex ardoris vehementia comburens montes, destruendo eos.

Ita persequeris illos, qui sylva sunt propter sterilitatem boni, & montes, quia superbia pleni, in tempestate tua. in iudicij tempore, quod venturum est ut tempestas repentina, & in iratuz quæ est iustitia vindictæ, turbabis eos in gehennam.

Imple, ut confundantur facies eorum aliquorum qui prædestinati sunt, ignominia, ut erubescant de peccatis: & sic poenitendo quærent nomen tuum Domine in subsidium.

Erubescant obstinati, & conturbentur in conscientia in seculum seculi, quia æterna
tionis

tionem damnandi sunt: & confundantur intus in anima & foris in corpore, & pereant cum reprobis in gehennam.

Et tunc vel serò cognoscant per poenam inflictam quia nomen tibi soli est Dominus essentialiter, & quia tu solus altissimus & potentissimus es in omni terra, tam morientium quam uiuentium.

ORATIO.

Deus, qui omnia creasti, nosti, ac moderaris, qui solus altissimus es in omni terra, & tãdem terribilis iudex apparebis in maiestate horrenda, fac nos h. c. quærere nomen tuum diuinum, & erubescere de peccatis cõmissis, & sic poenitere, ut in timore Dei aduentum iudicis expectemus Domini nostri Iesu Christi, qui est benedictus in secula. Amen.

PSALMVS LXXXIII.

Sec. He. 84.

In finem Christum Psalmus iste nos dirigens proponitur filiis Core imitatoribus Christi, pro torcularibus & pressuris huius seculi, ne deficiant, sed per eas confidant se venturos in æterna tabernacula.

ARGV M. Iudæi ex præscripto diuinæ legis men- Deut. 6.
se septimo, post fruges & uina recondita, sub tentoriis dies aliquot egerunt in deliciis. At nobis Christianis, quorum animus in cœlestibus tabernaculis debet versari, nunquam cessandum est ab hac solennitate, dū iuuat meminisse altaris illius, veræ ac cer-

tissimæ sanctitatis, quod consistit in templo cœlesti: quæ omnia inflammare debent nostra desideria, quo pari affectu hunc psalmum cum Propheta liceat concinnere.

Quam valde dilecta & expetenda sunt tabernacula tua cœlestia & æterna, Domine virtutum cœlestium & angelorum? concupiscit, & conficitur desiderio, & desinit, ac languet anima mea, tendens in atria Domini æterna.

Cor meum homo interior, & caro mea homo exterior, exultauerunt non in diuitijs, delicijs, aut vanitatibus, sed in Deū viuū, quia cupio dissolui & esse cum Christo.

Etenim si passer inuenit sibi domum, in qua sine angustia requiescat, & turtur nidum sibi edificat, ubi reponat pullos suos, quanto magis homo debet querere locum, ubi perpetuo requiescat?

Altaria cœlestia tua, ubi tibi offertur sacrificium laudis, Domine virtutum, sunt illa in quibus quiescit appetitus hominis, rex meus, & Deus meus, qui me ad hoc creasti.

Beati sunt illi qui habitant in domo tua cœlesti, nō manufacta Domine: quia in secula seculorum, æternaliter laudabunt te, & gratias agent bonitati tue qua saluati sunt.

Beatus est vir ille, cuius est auxilium gratiæ ab te, qui nulli fidit nisi Deo: ascensiones & gradus virtutum, quibus in cælum conscendunt,

ditur, in corde suo disposuit Deus, in hac val-
le lacrymarum, & statu presentis miseria, in
loco quem posuit & ordinavit Deus homini-
bus, ad descendendum peccata, & pugnandum con-
tra vitia.

Etenim benedictionem suam, atque gra-
tie infusionem dabit Christus, legis Euange-
lice lator, & isti ibunt de virtute in virtutē,
semper proficiendo in augmento gratia, donec
videbitur Deus Deorū, & Christus rex san-
ctorum omnium in Sion cœlesti.

Domine à quo regimur, Deus à quo creati
sumus, virtutum dator omnium, exaudi ora-
tionem meam, perducendo nos ad aeternam
beatitudinem: auribus percipe desiderium
Deus Iacob, supplantantium vitia.

Protektor noster, à quo solo pēdemus, aspi-
ce Deus, acceptando preces nostras, & respice
nos, haud nostris meritis, sed in faciem Christi,
filij tui, cuius meritis saluari confidimus.

Quia melior & plenior vero gaudio est
dies illa, quæ vna est continua & aeterna, in a-
triis & cœlestibus tuis mansionibus super mil-
lia annorum transeuntium.

Elegi in humilitate abiectus esse, vilis ac
contemptibilis haberi, in domo Dei mei, &
Ecclesia militante atque in consortio bonorum,
magis quàm habitare divitibus & honoribus
assidere, in tabernaculis peccatorum inter

potentes & superbos.

Quia misericordiam, peccata condonando, & veritatem, promissa adimplendo diligit Deus omnipotens: gratiam in presenti & gloriam in futuro dabit Dñs verè humilibus.

Non priuabit bonis gratia & gloria, eos qui ambulant in innocentia, viuentes immaculatè, innocenter, & piè: Domine virtutum & Deus misericordiarum, beatus est homo ille qui sperat in te, & non in externis bonis.

ORATIO.

Protektor noster Deus, tabernaculorum celestium fundator, da nobis procedere de virtute in virtutem, in hac valle lacrymarum, quia auxilium nostrum omne ex te est. Dispone etiam ascensiones in cordibus nostris, quibus ad tabernacula illa perueniamus. Per faciem Christi filij tui, cuius meritis saluari confidimus. Amen.

Sec. Mc. 85.

PSALMVS LXXXIII.

In finem Christum, per quem fit benedictio, Psalmus iste nos dirigens cantatur filiis Coe. filijs passionis Christi. Admonet, vt per fidem ad Christum accedamus, vt eius benedictionem habere mereamur.

ARGVM. Vaticinium est de regno Christi, & pro aduentu eius precatio: cum descriptione felicitatis, qua omnia plena sunt, vbi illud obtinuerit.

Bened

Benedixisti Domine per Christum terram tuam, qui natus est saluator in mundum & aueristi peccatum originale, captiuitatem Iacob, quia per hoc tenebamur captiui à diabolo.

Remisisti omnem iniquitatem, quæ soluendo non erat, plebis tuæ Christianæ, & operuisti per baptismum omnia peccata eorum, nihil reseruando ad penam.

Mitigasti per mansuetudinem omnem iram & vindictam tuam, aueristi te in aduentu filij ab ira indignationis tuæ, conciliatus nobis, intercessore Christo.

Conuerte per tuam gratiam nos à malis culpe ad te bonum incommutabile, Deus per creationem, salutaris & saluator noster per redemptionem & iustificationem, & auerte atque dissolue iram tuam ex prauaricatione Adam contractam à nobis, quod factum est per Christi satisfactionem.

Nunquid in æternum & semper irasceris nobis? & non simul gratiam effundes, nostri miserendo? aut extends in longum iram tuam, seruando à generatione in generationem? certe non, quia placabilis eris in aduentu filij tui.

Deus tu conuersus ab ira tua in aduentu filij tui uiuificabis nos per tuam gratiam: & tunc plebs tua nihil de se presumens lætabitur in te, gratulando de tuis beneficijs.

Ostende nobis Domine, Deus pater, misericordiam tuam, mittendo filium tuum ad liberationem nostram & salutare tuum, salvatorem nostrum da nobis possidendum.

Audiam attentè in corde, quid loquatur in me per internam reuelationem Dominus Deus, Spiritus sanctus: quoniam loquetur pacem & Euangelium gratiae in plebem suam electam Christianam.

Veruntamen specialiter prope timentes eum timore filiali est salutare ipsius Dei, scilicet Christus, ut inhabitet Christus, qui est gloria patris in terra & conscientia nostra in pace.

Misericordia exhibita in Nouo testamento, & veritas, impletio promissionum Veteris testamenti obuiauerunt sibi in persona Christi, quia ex misericordia carnem assumpsit, & ex veritate promissum adimpleuit: quia iustitia qua satisfecit pro culpa Ada, & pax qua reconciliauit patri genus humanum, osculatae sunt & conuenerunt in vnum.

Veritas Christus de terra orta est, & ex Maria virgine verbum caro factum: & iustitia diuina de coelo caelorum prospexit, quia adhuc veritas orta est ut iustificarentur homines.

Etenim Dominus Deus pater dabit benignitatem gratiae suae per Christum: & si terra nostra facta facunda dabit fructum suum,

suum, quia bonis operibus abundabit.

Iustitia tamen divina ante eū ambulabit,
parans ei viam: & visitans ponet in via sic pa-
rata gressus suos, ut informet præceptis suis.

ORATIO.

Deus salutaris noster, & redemptor & iu-
stificator, remitte iniquitatem plebi tuę, ne
in æternum irascaris, sed placabilis esto, o-
stendēdo nobis misericordiam tuam, viui-
ficando per gratiam: atque conuerte nos à
malis culpæ ad te bonum incommutabile,
ut tandem in viam pacis, iustitia præceden-
te perducamur. Amen.

PSALMVS LXXXV.

Sec. Mc. 86.

Oratio quæ attribuitur ipsi Dauid Prophe-
ta & cuilibet fidei existenti in tribulatione.
Monemur in omni aduersitate ad Deū per ora-
tionem recurrere.

ARGV M. Christus hic orat in forma serui, ut
ex horrore mortis & inferorum liberetur. Deinde
gloriatur sese liberatum. Interim verò in hoc psal-
mo quoque prophetatur quòd Gentes ex omnibus
nationibus relicturne sint deos vanos, & Deum ve-
rum adoraturæ, quod in Christi regno cõstat im-
pleri. Nō est similis, inquit, tui in diis Domine &c.

Inclina, qui excelsus es, Domine ad me au-
tem & clementiam tuam, & exaudi me,
ne frustra orem: quoniam inops, à nullo ha-
bens opem, & pauper, nil de me præsumens,

sum ego.

Custodi animam & vitam meam, ne deficiat, quoniam sanctus sum, non per me, sed per te sanctificatus in baptismo: accepi, non habui: dedisti, non merui: saluum fac seruum tuum, tibi obediētem, Deus meus, qui me creasti, sperantem in te, quia ab homine non est salus.

Miserere mei Domine, & gratiosè mecum agas, quoniam ad te clamaui perseveranter, tota die vita mea: laxifica animam meam ferui tui ex presenti afflictione, quoniam ad te Domine, apud quem sola est incūditas, animam meam de terrenis leuaui ad celestia.

Ioel. 2. c

Quoniam tu Domine, ad gustandum suauis es, affectis tedio mundanae amaritudinis, & mitis, quia diu sustines peccatores, & multae misericordiae contra abundantem iniquitatem, omnibus, nullo excepto, inuocantibus puro corde te, & non alium.

Auribus percipe, & auscult. Domine Deus orationem meam, & vota cordis mei, & intende voci deprecationis meae, qua ex seruiore spiritus sincerè precor gratiam.

In die tribulationis, & angustiae meae, atque in tempore vitae huius, quae plena est miserijs, clamaui enixius ad te refugium habens, quia alias exaudisti me, & ideo spero denuò exaudiri.

Non est similis tui in potentia, clementia,

& sapientia, in diis & simulachris Gentium, Domine Deus: & non est aliquis secundum admirabilia opera tua, qui posset dare vitam, iustitiam, & beatitudinem.

*Omnes gentes iam ignorantes Deū, quas-
cunque fecisti in tua electione, venient in tuo
Euangelio per Christum conuertenda, & ado-
rabunt coram te Domine, agnoscendo te suū
redemptorem: & glorificabūt, predicando no-
men tuum, quod Iesus est.*

*Quoniam magnus es tu, creator cœli &
terre, & faciens mirabilia, cui nihil impossi-
bile: tu es Deus solus, quem Gentes adorabunt
relictis idolis.*

*Deduc me Domine tua inspiratione, in via
tua fidei & mandatorum tuorum, & ingre-
diar proficiēdo ulterius in veritate tua, de vir-
tute in virtutem: & inde latetur cor meum
de spe remunerationis, sic tamen, vt timeat sem-
per ac veneretur nomen tuum timore casto.*

*Confitebor tibi deuotissima fide & men-
te, Domine, qui me regis, Deus meus qui me
creasti, in toto corde & affectu meo, omnem
videlicet spem in te reponendo, & glorificabo
cum sanctis nomen tuum diuinum in æter-
num hic & in patria.*

*Quia misericordia & benignitas tua ma-
gna est, qua maior dici non potest, super me
peccatore: & eruisti atque liberaſti animam*

meam, & desperatissimam conscientiam ei inferno inferiori, à peccatis quidem qua possent deduci ad tormenta inferni.

Deus iniqui & maligni insurrexerunt super me. aduersum me persequendo, & synagoga atque cōgregatio potentium, superborum, filij huius seculi quæsierunt animam meam, ut perderent, & non proposuerunt te Deum præ oculis, & in conspectu suo, sed tantum sequebantur impetum voluntatis.

Et tu Domine Deus creator noster miserator in actu & misericors in natura, quia naturaliter possides, patiens & sustinens peccatores, & multæ misericordiæ erga conuersos, & verax in promissis.

Respice in me, & visita præueniente tua gratia, & miserere mei liberando à malis, da imperium tuum & fortitudinem superandi inimicos puero & seruo tuo tibi obedienti: & saluum fac æternaliter filium ancillæ tuæ, Ecclesiæ matris meæ, sponsæ tuæ, & familie Christianæ.

Fac Domine mecum signum liberationis à malo in bonum, ostendendo quod me diligas, ut videant maligni, qui oderunt me propter te hoc signum, & confundantur: atque immutetur eis, quoniam tu Domine Deus adiunxisti me contra eorum violentiam, & consolatus es me in miseria huius seculi.

ORATIO.

Domine Deus, miserator, misericors, suavis & mitis omnibus inuocantibus te puro corde, & timentibus nomen tuum timore casto, respice in nos, & miserere nobis, atque; salua animas nostras ex inferno inferiori: quoniam magnus es tu, creator cœli & terræ, nullus similis tui, tu es Deus solus, in quem speramus, exaudi deprecationes nostras, adiua, & consolare, qui es benedictus in secula. Amen.

PSALMVS LXXXVI.

Sec. He. 87

Filiis Core ac imitatoribus Christi proponitur hic Psalmus cantici, qui luditur instrumento, & canitur humana voce. Commendatio est Ecclesie militantis & triumphantis sub typo ciuitatis.

ARGVM. Gratia nouæ Hierusalem, & nouæ Sion, quæ mater est, non solum iam Iudæorum, sed & Gentium, hic breuibus quidem verbis, sed copiosa Spiritus sancti sententia describitur.

Fundamenta eius Ecclesie collocata sunt in montibus sanctis, in Prophetis & Apostolis, qui montes dicuntur propter sublimitatem fidei: diligit Dominus portas Sion, & Ecclesie militantis sacramenta, per quæ fit ingressus in eam super omnia tabernacula ceremonialia ipsius Iacob, veteris populi & Testamenti.

Gloriosa per Prophetas dicta & pradicta sunt

sunt de te ciuitas Dei, ubi vniuntur omnes per fidem & charitatem Christi.

Memor ero ad miserandum, inquit Deus, Raab, populi Gentilis, & Babylonis, peccatorum confusè vinentium & inordinate, scientium me per fidem, quia Aegyptios & Babylonios computabo inter electos.

Ecce alienigenæ à cultu Dei, & Tyrus, qui sunt in angustia poenitentia, & populus Aethiopum peccatis denigrati, hi omnes fuerunt illic in Ecclesia Dei.

Nunquid ipsi Sion & Ecclesiae dicet, Homo aliquis, quod & homo Christus natus est in ea Ecclesia, & ipse Christus fundauit eam Ecclesiam Apostolis, qui est altissimus Deus?

Dominus narrabit, docebit, & predicabit in scripturis populorum, & Euangelis ad omnes populos pradicatis, & principum Apostolorum & Euangelistarum horum populorum credentium, qui fuerunt in ea Ecclesia, quia scripserunt Christi & Ecclesiae mysterium.

Sicut lætantium omnium, & exultantium perfecta felicitate, habitatio est in te caelesti Dei ciuitate.

ORATIO.

Fundamentum fidei nostræ, Deus, qui nasci dignatus es homo in mundum de virgine Maria, & docuisti salutem nostram in script

Aestimatus sum ab impijs Iudeijs cum peccatoribus descendentibus in lacum & profundum inferni: factus sum & reputatus ab eis, sicut homo simplex, sine adiutorio domino, qui tamen fui inter mortuos solus liber à peccatis.

Sicut vulnerati flagitiosi, qui suis criminibus occiduntur, dormientes in sepulchris, qui à nemine curantur, quorum non es memor amplius, quia tempus resurgendi nondum venit, & propter hoc ipsi Iudaei de manu ac protectione tua repulsi sunt, & à coetu electorum abscissi.

~~Posuerunt me reputatione sua in lacum inferi, quasi à te omnino relictum. in reprobis & obliuiscatis peccatis. & in virtute mortis, quae est mors carnis, quam tamen me affixerunt.~~

Super me & contra me confirmatus & implacabilis est visus furor tuus iustitia, quem in Gentibus effusus eras, in me venire fecisti: & omnes fluctus tuos tribulationum atque impetus tempestatum induxisti super me, cum me pertuleris crucifigi.

Longe fecisti notos & discipulos meos à me, quia relicto me fugerunt: posuerunt me Iudaei abominationem sibi, ita ut detestarentur nomen meum.

Traditus sum à Iuda in mortem, & non egred

egrediebar ab eis fugiendo: & oculi mei, Apostoli, qui sunt lumen Ecclesie, languerunt & infirmati sunt, præ inopia constantie & fidei.

Clamaui feruenter ad te Domine pater, cūmpenderem in cruce, tota die atque assidue: expandi ad te patrem manus meas, & opera mea, quia obediens fui usque ad mortem crucis.

Nunquid mortuis corde, & obstinatis in malo facies mirabilia? certè non, quia credere nolunt: aut medici animarum suscitabūt tales mortuos in peccatis, & confitebuntur tibi? certè non, quia deficiet gratia, qua trahantur.

Nūquid narrabit aliquis positus in sepulchro peccati, & mortuus in anima, oppressus quæ pondere malorum, misericordiam tuam, qua relaxantur peccata? certè non: & veritatem tuam iustitia dicet aliquis obstinatus & in perditione anime positus?

Nunquid cognoscētur in tenebris ignorantie & errorum mirabilia tua, in me & per me facta? & iustitia etiam tua in terra oblivionis atque in corde peccatoris, qui obliuiscitur tui?

Et ego ad te Domine pater clamaui, ut saluus essem: & mane oratio mea præueniet te, quia matutina resurrectione me clarificabis.

Vt quid repellis Domine pater orationē meam, non exaudiendo? & quare auertis faciem tuam diuinam, ut transeat à me calix iste?

lix iste?

Pauper sum ego, esuriens, & sitiens in hac peregrinatione, & in laboribus salutis humane à iuventute mea: exaltatus autem in cruce, humiliatus sum in sepulchro, & conturbatus in morte.

In me transferunt sed non perstiterunt ira & afflictiones tuæ, quas tua voluntate, non mea culpa, patior: & terrores tui contra genus humanum conturbauerunt & oppresserunt me, quia languores eorum ego tuli.

Circundederunt me Iudei, sicut aqua cingit circumquaque: tota die, sine cessatione circundederunt me simul Pharisei cum principibus, ut me morte traderent.

Elongasti a me amicum cætum Apostolorum, & proximum, ut non esset consolatio in aduersis: & notos meos, qui me amabant, à miseria mea, ne compaterentur.

ORATIO.

Redemptor noster Deus, qui pro nobis homo factus, languores nostros portasti, exaltatus eadem in cruce, humiliatus in sepulchro, cōturbatus in morte, atque inferna penetrans, factus inter mortuos liber exaudi, ne maneamus in tenebris ignorantie & obliuionis, sed erue nos ab inimici insidiantis pessima seruitute. Qui vivis.

Psalm

Intellectus & eruditio Ethan robusti Ez-
rahitæ, qui verè Deum videt.

ARGVM. Fœdus, quod testamentum vulgo vo-
camus, Nouum & æternum, quod per Christum
Dauidis filium, inter Deum & electos ic̃um est
nunquam violadum, id sub typo Dauidis & poste-
ritatis eius, multis & eleganter celebrat. Ab initio
Psalmi, vsque ad versum vigesimum, prædicat Dei
bonitatem, qua cum sanctis suis percutere fœdus
dignatus est, & potentiam qua illos primum vin-
dicauit, & hinc illorum felicitatem. Inde vsque
trigesimumnonum, memorat promissionem re-
gni, Dauidi & posteris eius factam. Post hæc ad fi-
nem vsque queritur hos, quasi rupto fœdere, à
Deo reiectos, malisque omnibus obiectos.

Misericordias Domini Dei patris, quas
per filium Ecclesiæ suæ contulit, in æter-
num, hîc cum iustis, & in futuro cum angelis,
cantabo, magna mentis iucunditate.

In generatione Iudeorum & generatio-
nem Gentium annuntiabo omnibus verita-
tem tuam, & Christum filium tuum in ore
meo, in quo fit confessio ad salutem.

Quoniam tu dixisti mihi per Spiritum
sanctum, in æternum mansuræ misericordia
humano generi impendenda, ædificabitur &
firmabitur in cœlis, atque Apostolis, qui cœli
appellantur: & sic præparabitur, & nota erit
hominibus veritas tua euangelica in eis &
per eos cœlos.

a.Reg.7.c

Disposui atque ordinavi testamentum
 & pactum meum electis meis fidelibus Chri-
 stianis, iuraui stabiliter, promisi David Chri-
 sto seruo meo, qui ex genere David carnem
 assumpsit, Usque in æternum præparabo &
 firmabo semen tuum patribus promissum:
 regnabit enim æternaliter Christus.

Et ædificabo atque continuabo in genera-
 tione mortali & generationē immortalem,
 quod æternum est, sedem suam, & thronum
 regni tui in Christo semine tuo.

Confitebuntur & prædicabunt cœli ipsi
 Apostoli mirabilia tua Domine quæ præpa-
 rasti in redemptione generis humani: etenim
 dicent veritatem tuam & præcepta tua in
 Ecclesia atque congregatione sanctorum fi-
 delium.

Quoniam quis in nubibus & Prophetis,
 qui nubes dicuntur propter pluuiam doctrina
 æquabitur in potentia Domino Christo? aut
 quis similis in essentia exit Deo Christo in
 filiis Dei, & sanctis viris qui sunt filij Dei
 per adoptionem?

Deus qui glorificatur & colitur in con-
 cilio sanctorum electorum: magnus est po-
 tentia & terribilis in reuerētia, super omnes
 qui in circuitu eius sunt, quem tremunt An-
 geli & potestates & omnis creatura.

Domine Deus virtutū tam Angelicarum
 quam

quàm humanarum, quis similis tibi? certè nullus: potens es Domine potentia infinita, & veritas tua diuina est in circuitu tuo, quia nunquam obliuisceris gratiam promissionum.

Tu dominaris potestati maris, & superbia huius seculi: motum autem fluctuū eius & procellas seditionum atq; persecutionum tu mitigas: ne tantum grassentur quātum velint.

Tu humiliasti & deiecisti sicut vulneratum, superbum diabolum: & in brachio & fortitudine virtutis tuæ diuinæ dispersisti & exterminasti omnes inimicos tuos, qui de cælo corruerunt.

Tui sunt cœli, qui pluunt iustitiam, & tua Gen. I. 2 est terra, Ecclesia videlicet catholica, quæ per orbem terræ diffusa est, & plenitudine eius inside tu fundasti firmiter: aquilonem, diabolum aquiloni presidentem, & mare, elatos & malos huius seculi tu creasti, in flagellum electorum.

Thabor & Hermon, Iudæi & Gentiles coniuncti in Christo in nomine tuo, quod Christiani vocabuntur, exultabunt, per quod & saluabuntur: quia tuum brachium, quo redemisti mundum, semper est & erit cum potentia, cum egregiè liberare potes & saluare.

Firmeretur manus & potentia tua contra superbos, ut humilientur, & exalteretur dextera tua contra aduersarios veritatis: iustitia &

iudicium sunt præparatio sedis tuæ, quia ad iustè iudicandum sedes ac potestas tua iudicialia parata erit.

Misericordia, qua deles peccata, & veritas, qua imples promissa, præcedent faciem tuam, iratam in iudicio, & ergo beatus est populus fidelis, qui scit & experitur iubilationem, ac sentit gaudium conscientie in Deo.

Domine Deus in lumine vultus tui, in agnitione fidei, & illuminatione Spiritus sancti, ambulabunt bene viuendo proficientes, & in nomine tuo Christiano exultabunt tota die vite eorum, & in iustitia tua, quam tu eis dedisti, exaltabuntur, quando obtinebunt regnum coeleste.

Quoniam gloria virtutis eorum tu es, non in seipsis, sed in te gloriantur, nil sibi inibuentes, sed totum ad tuam gloriam referentes, & in gratuita misericordia tua, atque beneplacito tuo, non quia digni sumus, sed quia tibi sic placuit exaltabitur & excrescet cornu nostrum, dignitas ac potestas nostra, quam habebimus in futuro.

Quia Domini est assumptio nostra, qui nos suscepit, illuminauit, & iustificauit, & sancti Dei Israel, à quo sanctificamur, regis nostri qui regnat in Ecclesia, ac regit nos & omnia.

Tunc locutus es in occulta visione atque reuelatione sanctis, & electis tuis Prophetis, & dixisti

dixisti ei per Spiritum sanctum, Posui adiutorium liberationis humani generis in potente Christo, proprio filio: & exaltaui super omne nomen electum Christum de plebe mea Iudaica, ex qua carnem sumpsit.

Reg. 16. c
Act. 13. d

Inueni & elegi Christum de semine Dauid natum seruum meum, quia formā serui accepit: oleo sancto meo & plenitudine gratiarum vixi eum, ceu pugilem, contra Satanam.

Manus enim mea, qui est filius meus in diuinis, auxiliabitur ei Christo homini: & brachium meum, idem filius in diuinitate confortabit eū Christum in humanitate, quia erit Deus & homo, diuinitas humanitati coniuncta.

Nihil proficiet, aut praeualebit inimicus diabolus in eo tentando vel sauiendo: & filius iniquitatis, populus Iudaicus non apponet nocere ei, sed omnia illi cooperabuntur & cedent in bonum.

Et concidam conuertendo à facie & praesentia ipsius inimicos eius Iudeos, qui saepe confusi discedebant à conspectu illius: & odientes eum demones, in fugam conuertam, quia & ipsi coram eo saepe fugerunt.

Et veritas mea, quia obtinebit quae promissi bona, & misericordia mea, quia inuitis omnibus gratia mea fructur, semper erit cum ipso Christo: & in nomine meo, quod est Deus, exaltabitur cornu eius, potestas &

imperium, & gloria.

Et ponam in mari manum & potentiam eius, quia dominabitur Gentibus per mare de signatis: & in fluminibus atque insulis ponam dexteram atque operationem eius.

Ipse Christus inuocauit me, dicens, Pater meus es tu secundum quod Deus sum, & Deus meus secundum quod homo sum, & susceptor austeritatis salutis meae, adeo quod perire non possum.

Et ego Deus primogenitum omnis creaturae ponam illum, qui est imago Dei inuisibilis, & excelsum super omnes tenens primatum, praeter regibus terrae, quia ipse rex regum & Dominus dominantium.

In aeternum & semper seruaabo illi Christo misericordiam meam, quantum ad ipsum & membra eius: & testamentum atque fides meum seruaabo fidele ipsi inuiolabiliter.

Et ponam atque firmabo in seculum seculi spirituale semen eius, qui doctrinam eius imitantur, & thronum eius, videlicet Ecclesiam, cui praesidet, ponam sicut dies caeli, & aeternitatis, quia semper durabit regnum eius.

Si autem dereliquerint male agendo, filij eius Christiani, legem meam decalogi & Euangelij: & in iudiciis meis non ambulauerint proficiendo de virtute in virtutem:

Si iustitias ac ceremonias meas polluerint & prophanauerint, male viuendo & operando
& man

& mandata mea non custodierint, decalogi legem transgrediendo:

Visitabo vt medicus & pater in virga & leui correctione iniquitates eorum minores, & in verberibus ac grauiori correctione peccata eorum maiora.

Misericordiam autem meam quæ infinita est non dispergam, neq; totaliter auferam ab eo populo Christiano, neque nocebo illi in veritate mea: poeniteant ergo peccatores, & nullus desperet.

Neq; prophanabo sed violabo testamentum & pactum meum, quæ promisi faciam: & quæ procedunt de labiis & Prophetis meis, per quos loquor, non faciam irrita, cassa, & vana.

Semel iuraui immutabiliter in sancto meo per meipsum, si Dauid Christo mentiar quod promisi: quia semen eius spirituale, populus Christianus in æternum manebit in regno Dei. 2. Reg. 7. d
Ioan. 12.

Et thronus eius, anima scilicet iusti, in qua Christus residet, erit sicut sol in conspectu meo, qui amore ardebit, & corpus sicut luna perfecta, nullâ obscuritatē habēs in æternum in patria: & huius rei testis est ipse Christus in cælo fidelis, cuius caro resurrexit gloriosa.

Tu verò, ne putentur hæc in Dauid rege temporali adimpleri, repulisti & proiecisti

ipsum à regno per Absalonem, & desperisti per Semei, qui proijciebat lutum contra eum: & distulisti Christum filium tuum mittere, in quo promissa erant adimplenda.

Auertisti & transtulisti in alteram partem testamētum Vetus serui tui, datum per Moysen famulum tuum: prophanasti, & polluisti in terra, ubiq; terrarum sanctuarium eius, quia iam ubique synagoga abominabilis est.

Destruxisti & dissipasti omnes sepes & munitiones eius: & posuisti firmamentum eius, quod Deus erat, in formidinem, ut Iudei pro sua culpa Dominum formident.

Diripuerunt eum populum Iudaicum omnes Gentes transeuntes atque transgredientes viam legis, factus est opprobrium Gentibus vicinis tuis in circuitu commorantibus.

Exaltasti in victoria dexteram & potentiam deprimentium eum populum: laxistis in dominatione omnes inimicos eius, cum subdiderint tam nobile regnum.

Auertisti & retradisti adiutoriū & aciem gladij eius in pugna contra hostes: & non es auxiliatus ei populo in bello, imò occisi sunt.

Destruxisti, & retrocedere fecisti eum populum ab emundatione, non credēdo in Christum, qui solus mandat corda: & sedem eius, regnum ac dominationem in terra collidisti, deducendo ad nihilum.

Minora

Minorasti abbreviando dies felices temporis eius, quibus se regnatos putabant: perfudisti undique eum populum confusione temporali & aeterna, quia gestant opprobrium infidelitatis suae.

Vsquequo Domine Deus auertis Israel à fide & salute? erit hoc usque in finem mundi, donec plenitudo Gentium intret? nunquid exardescet interea sicut ignis deuastans, ira & vindicta tua? absit Domine, cum parcere & misereri sit tibi proprium.

Memorare quæ est mea substantia, & quam fragilis sit humana natura ad casum: nunquid enim vanè & frustra, certè non, constituisti & creasti omnes filios hominum, quasi nullus saluaretur?

Quis est ex nobis homo qui viuet semper, & non videbit mortem? certè nullus: status tum est omnibus semel mori, & quis eruet & saluabit animam suam propriam de manu & potestate inferi? certè nullus, nisi tu Domine liberaueris.

Vbi sunt ergo misericordiae tuæ antiquæ priores Domine patribus olim factæ: sicut iu- 2.Reg.7.c
raisti Dauid ab aeterno in veritate tua, quæ nec falli, nec fallere potest?

Memor esto & recordare Domine opprobrii seruorum tuorum blasphemantium sanctos tuos, quod continui & portavi in sinu

meo, in secreto mentis patienter sustinendo, quod quidem opprobrium fuit multarū Gentium, & iniquorum blasphemantiū Christum.

Quod exprobrauerunt Christiani inimici tui Domine Iudaei & Pagani, quod exprobrauerunt blasphemando commutationem & mortem Christi filij tui crucifixi.

Benedictus sit Iesus Christus Dominus noster in aeternum de sua morte, quod nos redemit à peccatis, & gratis saluos fecit: & hoc fiat hic in tempore gratia, & etiam fiat in tempore gloria.

ORATIO.

Domine Deus virtutum, tui sunt cœli, & tua est terra, Deus magnus potentia & terribilis reuerentia, quem tremunt Angeli, & omnis creatura adorat, Eue animas nostras de manu inferi, vt tuas misericordias decantantes, & à confusione criminum, & à morte perpetua liberemur. Per nomen tuum benedictum in aeternum. Amen.

Sec. He. 90.

PSALMVS LXXXIX.

Oratio ipsius Moyſi pro bonis obtinendis & malis remouendis hominis Dei.

ARGVM. Quum Christus ſeruator cautè docuerit ſuos diem extremā vigilando anteuertere, ne improuidos illos offenderet: hic accuratiſſimè humanæ vitæ breuitas deſcribitur, ne quis à voluptatibus ſe patiatuſ opprimi. Orāduſ igituſ Domi-

nuſ,

aus, qui est refugium nostrum, vt concedat nobis agnoscere nostram & fragilitatem & vitæ breuitatem: ne mors veniat non vigilantibus, & pereamus in stultitia infidelitatis, quæ breuitatem huius vitæ non considerat.

Domine Deus immensa clementia, refugium & solatium vnicum factus es per fidem tuam incarnationis nobis inter misérias & angustias huius seculi, à generatione ista in generationem futuram semper.

Priusquam montes & cælorum potestates fierent de nihilo, aut priusquam formaretur & crearetur terra ipsa, & orbis, ipsum firmamentum cum omnibus quæ continet: à seculo & vsque in seculum, æternaliter, sine principio & sine fine tu es Deus optimus, maximus.

Ne auertas & proyicias hominem à bonis æternis in humilitatem & concupiscentiam & ambitionem terrenorum: quia & tu dixisti per ora Prophetarum, Conuertimini ab amore mundi ad me filij hominum, & ego sanabo contritiones vestras.

Quoniam mille anni, quantumlibet sit longa vita ista, ante oculos tuos æternitatis sunt tanquam dies heistera breuissima, quæ præterit, & non est.

Et tanquam custodia & vigilia in nocte, quæ est quatuor horarum: quæ pro nihilo atque pro nullo pretio habentur seu aestimantur, sic eorū anni erunt, quia cum somno euanescent.

Manè

Manè, in pueritia, sicut herba viridis trahat homo, manè floreat pulchritudo eius, & citò transeat peragátque florem suum: & vespere in senio decidat in mortem, inducet in cadauer, & arescat in puluere.

Quia ab immortali statu defecimus in statum mortale, in ira & vindicta tua, quam humano generi intulisti propter peccata primarum parentum: & in furore tuo atque execratione illius sententie turbati sumus, extra in corpore, intus in conscientia.

Posuisti iniquitates nostras & peccata in conspectu tuo ad puniendum, sicut in dexa ponit coram se reum: seculum nostrum & decursum temporum nostrorum, in illuminatione vultus tui, palam coram te, sicut illud quod est in lumine.

Quoniam omnes dies nostri abbreviati sunt, & defecerunt, quia ad paucitatem redacti sunt, & in ira tua passibiles & mortales defecimus in miserijs & laboribus.

Eccle. 18.2

Anni nostri in vita hac momentanea, sicut aranea, inanes & inutiles meditabuntur seu reputabuntur, quia sicut aranea, sic homo hoc illuc discurrit in occupationibus vanis: dies annorum nostrorum ita breues sunt, quod in ipsis diebus sunt septuaginta anni decursi communi.

Si autè in potentatibus, qui vires & complexiones

plexiones habuerint fortes, sunt octoginta anni cōpleti: & si amplius & prolixius vixerint: tunc eorum anni sunt labor & dolor, cū se-
nectus ipsa non sit nisi morbus & languor.

Quoniam superuenit in senectute man-
suetudo Dei, vt nos mansuetos faciat: & sic
corripiemur atque emundabimur ab insolentis
iuuentutis & excessibus nostris, quia quem
diligat Deus, corripit & castigat.

Quis nouit aut intelligere potuit potesta-
tem iræ tuæ, quam exerces in his quibus hic
parcis? & quis præ timore tuo nouit iram &
vindictam tuam dinumerare, cogitare, aut
discernere?

Dexteram tuam Christum tuum sic no-
tam fac, vt discamus bona æterna, non terrena:
& eruditos redde nos corde humano in sa-
pientia cœlesti.

Conuertere Domine, respiciendo nos oculo
tue misericordie, vsquequo auersus eris à
nobis? & deprecabilis esto atque finito te exo-
rari super seruos tuos, quos elegisti ad ser-
uiendum tibi.

Repleti sumus & satiati manè in ætera-
nitate misericordia tua, qua à malis omnibus
nos liberaſti: & exultauimus laudes tuas ca-
nendo, & delectati sumus in anima, omni-
bus diebus nostris, cū in te summa sit dulces-
simo in æternum.

Lætati

Lætati sumus pro diebus malignis, quibus nos humiliasti per tribulationem: & hoc in annis quibus vidimus & experti sumus mala, tribulationes seculi, & angustias corporis.

Respice Domine in seruos tuos, ut per tuam misericordiam protegantur à malis, & in opera tua quæ te adiuvante operantur: & dirige per rectam intentionem filios & imitatores eorum, ut proficiant in virtutibus.

Et sit splendor gratiæ illuminantis Domini Iesu Christi, Dei nostri super nos, mentes nostras vivificans, & opera manuum nostrarum dirige super nos: & opus bonum manuum & voluntatum nostrarum ad unum finem, qui Deus est, dirige in intentione recta.

ORATIO.

Omnipotens Deus, vnicum refugium nostrum, ne auertas corda nostra à bonis æternis ad concupiscentias terrenorum, sed conuertere & deprecabilis esto super nos mortales, ut repleamur semper misericordia tua, & delectemur in ea adeò ut splendor diuinæ gratiæ tuæ illuminet mentes nostras, eiiciendo omnes cogitationes noxias. Per CHRISTVM Dominum nostrum.

Sec. He. 91.

PSALMVS. XC.

Laus est Psalmus iste cantici & incandis.

is ipſus Dauid.

~~ARGV M. Hic Chriſtus de ſcribitur ſub ſecum
nomen Dei paſſiſſimū in omniſibꝫ tunc dicitur quod
hic ſalvatus pꝛonit Chriſtus in omniſibꝫ iſta ſc
munda iſta ſc. dicitur quod dicitur, communis
eſt iſta quo gratus Dei in ſanctis paſſiſſimū Dei
contra quoniam cuiſcunqꝫ temptationis in ſanctis
placitum eſt in pꝛonit. Unde dicitur in
illud ſc. dicitur Dei in quo ſancti ſunt
eſt iſta ſalvatus. De quo ſalvatus eſt
quo ſc. dicitur. In ſanctis dicitur ſc. dicitur
homo iſta ſalvatus. De quo ſalvatus eſt
in ſanctis dicitur ſc. dicitur. De quo ſalvatus eſt
in ſanctis dicitur ſc. dicitur.~~

Qui habitat per fiduciam in adiutorio
non ſuo, ſed altiſſimi Dei totam ſpem in
eum reponendo, in proteſtione Dei cœli &
terra commorabitur, & nec capietur ille-
cebra voluptatis, nec frangetur timore aduer-
ſitatis.

Dicet domino recognoſcens proteſtione
beneficium, Suſceptor meus es tu, qui mei
curam geris, & refugium meum in miſeris
& temptationibus huius ſeculi Deus meus in
creatione & redemptione, ſperabo in eum
nihil de me preſumendo.

Quoniam ipſe Dominus, non ego, libera-
bit me omnino de laqueo, fraude & captione
doloſa demonum & iniquorum venantium,
ut illaqueent homines ad mala: & etiam à ver-
bo aſpero, à conuitijs & detractiōibus, quæ
diuertunt à via Domini.

Scapul

Scapulis suis & paterna virtute sua obumbrabit tibi, ne tentationis aestus te aduratur & sub pennis ac alis misericordiae eius sperabis & tutus eris.

Sento misericordiae circumdabit te, & proteget veritas eius, quia impleuit promissum de redemptione humana non timebis in tenebris ignorantiae à timore nocturno, si lucem habueris veritatem.

A sagitta volante in die, à fulmine & malitia, à negotio perambulante in tenebris, ab occulto malo, quod conscientia non sentit, ab incurso & daemonio meridiano, qui transfiguratur se in Angelum lucis, ut decipiat.

Cadent à latere tuo sinistro mille de demonibus tentantibus, diuina virtute victi, & decem millia à dextris tuis etiam cadent: ad te autem in diuino adiutorio sperantem non appropinquabit daemonium vel tentatio per consensum.

Veruntamen oculis tuis interioribus considerabis talem protectionem diuinam super te: & retributionem peccatorum atque penam debitam pro peccatis videbis in fine, quam retribuet iustus iudex.

Quoniam tu es Domine Deus spes mea, cum in te solo confido: altissimum Deum posuisti & elegisti refugium tuum, & ideo esto securus.

Non

Non accedet neque eueniet ad te sic speran-
tem malū, & aduersitas nociua, sed cooperabi-
tur potius in bonum, & flagellum temporalis
pœne non appropinquabit tabernaculo &
corpori tuo, si fiduciam totam in Deum posueris.

Matth. 4. a
Luc. 4. b

Quoniam Angelis suis ministris manda-
uit Deus de te in salutem: vt custodiant te ab
omni nocumento, in omnibus viis tuis tam in
prosperis quàm aduersis.

In manibus & virtutibus suis portabunt
te, ne facile cadas, sed tutò incedas: ne fortè
offendas & impingas ad lapidem & ad pec-
catum mortale, ad modum lapidis graue, pedē
& affectum tuum per consensum.

Super aspidem, diabolum qui occultè no-
cet, & basilicum qui palam flatu venenat, am-
bulabis, superando omnes potentias demonio-
rum, & conculcabis vincesq; leonem, manife-
stos insul'us demonū, & draconem, spiritua-
les tentationes eorundem.

Quoniam in me toto corde sperauit, dili-
gendo præ omnibus, liberabo eum ab omni-
bus angustijs: protegam eum ab omnibus in-
sidijs diaboli, quoniam verè cognouit no-
men meum, credendo, laudando, & alijs an-
nuntiando.

Clamauit orando ad me in necessitatibus,
& ego Dominus exaud ā eum, quæ iustè san-
cta & vtilia petierit: cum ipso sum in tribu-

latione consolando, ne deficiat: & tandem eripiam eum à malis seculi, glorificabo eum aternis premijs in cœlis.

Longitudine dierum aeternorum replebo eum in gloria cœlesti: & ostendā illi per apertam visionē salutare meum, Iesum Christum, in quem credidit.

ORATIO.

Precamur Domine, vt in diuina protectione tua cōmoremur semper, & sub aliis misericordiæ tuæ, cū sis altissimum refugium nostrū, & vnica ac secunda spes nostra, præsta per inuocationē nominis tui, Aspidis & Basilici venena superare, insidias spiritualis leonis atque draconis cōculcare, vt tandem erepti periculis seculi in cœlis glorificemur. Amen.

Sec. He. 92.

PSALMVS XCI.

Psalmus iste per quem notatur spiritualis operatio, est cantici & mentis exultatio. qui enim cantat in Psalmo, omnē vitam suā in gratiarum actione constituit, & hoc in die Sabbathi, in die festo, & in quiete mentis pro aeterna requie obtinenda.

ARGVM. Ad diem Sabbathi, inscriptus Psalmus est, quod fuerit Sabbathis præcipue, vt creditur, cantatus. Hic enim salutare esse pronuntiatur laudare nomen Domini & opera eius, non magnificare iustitias nostras & opera humana, vt Phariseus Euangelicus, quem iactantia inanis operum vexabat. Sed hoc non potest intelligere vir stultus

Luc. 18.

tus & hypocrita : intelliget autem quandoque, sed nimis serò, cum lampadas viderit extingui, oleo deficiente.

Bonum est, iucundum, vtile, & delectabile, confiteri Domino, vt mala nobis, & bona Deo tribuamus : etiam & psallere bonum est nomini tuo diuino, ô altissime Deus, vt quisque quærat gloriam tuam, non suam, nomen tuum, non suum.

Ad annuntiandum maiorem tempore prosperitatis misericordiam tuam, quia quicquid boni habemus prouenit ex Dei gratia, & veritatem tuam atq; iustitiam per noctem tempore tribulationis, quia quicquid mali contingit, ex veritate iustitiæ diuinæ procedit.

Indecachordo, & decem chordarum psalterio laudetur Deus, cum cantico mentis, in cithara iucunditatis, omnibus modis, mente, ore, opere, iubilo cordis & vocis.

Quia delectasti & latificasti me Domine Deus in factura tua, in eo quod in me facis, quia quicquid bene ago, tu facis, & in operibus manuum tuarum, quæ creasti, pulchritudine scilicet & utilitate earum, exultabo semper.

Quàm magnificata sunt & insignia atq; laudabilia opera tua Domine virtutum? nimis profundæ & inscrutabiles s. Etæ sunt in prouidentia æterna cogitationes tuæ, quæ exuperant omnem sensum humanum.

Vir insipiens ac incredulus qui Deum ignorat non cognoscet beneficia divina, & stultus amator mundi & neglector verborum Dei non intelliget hæc opera Dei, sed casu omnia æstimabit, non attendens finem bonorum & malorum.

Cum exorti fuerint & cœperint flores peccatores in prosperitate mundi, sicut fœnus quod post ortum suum citò arescit, & apparuerint modico tempore florentes, omnes qui operantur pertinaciter iniquitatem, præponendo terrena cœlestibus.

Vt intereant propter suas iniquitates in seculum seculi, æternaliter, sine fine: tu autem altissimus & potentissimus permanes in æternum Domine Deus.

Quoniam ecce inimici tui Domine Iudei, Pagani, Hæretici, Pseudochristiani, quoniam ecce inimici tui, qui sine te vivere & agere præsumunt, peribunt, condemnati in æternum ignem: & dispergentur ac separabuntur à consortio sanctorum omnes impietentes, qui operantur incessanter iniquitatem mortalem.

Et exaltabitur atque sublimior apparebit, sicut vauicornis animalis, cornu meum fides & fortitudo mea in vnitatem Ecclesie: & senectus mea nouissima erit in misericordia vberi fertili & abundanti.

Et idcò iam nunc despexit oculus meus
interior inimicos meos impios, cognoscens
vitam illorum inutilem & potentiam breuem:
& insurgentibus in me peccatoribus mali-
gnantibus & contra me grassantibus audiet
auris mea sententiam Dei, contra blasphema-
tores in iudicio.

Iustus non vt scænam, sed vt palma flore-
bit virore perpetuo virtutum & sicut cedrus
Libani procera & imputribilis multiplica-
bitur in operibus bonis.

Plantati fide, spe & charitate in domo
Domini in Ecclesia Dei, vt crescant & fructi-
ficent, in atriis primis domus Dei nostri flo-
rebunt, producendo fructum in populo Dei.

Adhuc multiplicabuntur de bono in me-
lius proficiendo, in senecta Ecclesiæ vberi ac
fertili: tunc enim citò implebitur electorum nu-
merus, & bene patientes ac tranquilli erunt
mala huius peregrinationis sustinentes: vt an-
nuntient alijs quod sequitur,

Quoniam rectus & iustus est Dominus
Deus noster, flagellans hic filios vt coronet: &
non est iniquitas in eo, dum in præsentì par-
cit malis, vt in futuro condemnet.

ORATIO.

Peccata nostra damnantes, misericordiã
tuam Domine iugiter postulamus, & cõfi-

temur beneficia, quæ à te suscepimus non meritorum nostrorum esse, sed misericordine tua præstari. Vnde plantati in fide, spe, & charitate fac nos fructificare in operibus bonis, vt sic in atriis cœlestibus exultemus in æternum. Amen.

Sec. He. 93.

PSALMVS. XCII.

Laus cantici pertinentis ad diuinitatem, quæ debetur ipsi Dauid, Christo, qui est verus Dauid manu fortis & desiderabilis, & hæc laus facta est in die ante Sabbathum, quæ est feria sexta parasceues, in qua moriēdo redemit genus humanum: quando fundata est terra, & Ecclesiæ de latere Christi corrente sanguine.

ARGV M. Regnum Dei in Christo describitur, exaltato in dextera patris, & in mūdo efficaciter, licet resistentibus inferorum portis, prædicato.

Dominus Iesus Christus, verus Deus & homo regnavit, & se regnantem ostendit in sua resurrectione, decorem indutus est cum corpus gloriosum in resurrectione assumpsit: indutus est Dominus Iesus Christus fortitudinem, quādo captiuos ex inferni claustris eduxit, & præcinxit se virtute angelica, quando remeavit ad patrem.

Etenim per hoc firmavit in fide militantes Ecclesiam per orbem terræ diffusam, qui non commouebitur à soliditate fidei ad errores, licet interdum concutiatur.

Parata

Parata est sedes tua ad dexteram patris ex
tunc à resurrectione : tamen à seculo eterno
sine principio temporis tu es Deus, semper idem
manens.

Eleuauerunt flumina, & potentes huius se-
culi, Domine Deus: eleuauerunt inquam flu-
mina mundana, quæ volutabuntur in deside-
rijs suis vocē suam contra Christianos, quan-
do precipiebant illos ubique exterminari.

Eleuauerunt aduersus vocem prædicatium
flumina, persecutores fidei, fluctus suos commi-
nationum à vocibus blasphemis aquarū mul-
tarum, & populorum commouentium persecu-
tiones contra Christum.

Mirabiles factæ sunt elationes & persecu-
tiones maris, videlicet secularis potestatis con-
tra fidem catholicam, mirabiles fuerunt pressu-
ra, mirabiles minæ: sed etiam mirabilis fuit
in altis & profundis suis consilijs Dominus
Deus, qui Ecclesiam suam crescere fecit in tri-
bulationibus.

Testimonia tua euangelica prædicata per
Apostolos, credibilia facta sunt nimis valde,
firmata per signa & prodigia multa: & ergo
domum tuam, quæ est Ecclesia catholica, de-
cet sanctitudo Domine, quod sit sancta &
munda, quia tu es sanctus sanctorum, qui eam
inhabitas in longitudine dierum vsque ad fi-
nem mundi.

ORATIO.

Beneficia tua Domine, deuota cōsideratione meditantes, humiliter tuam clementiam deprecamur, vt mundo nos corde ac corpore in sancta tua Ecclesia custodire digneris, vt piè ac iustè viuamus, donec perueniamus ad gloriam cœlestem in longitudine dierum. Amen.

Sec. He. 94.

PSALMVS XCIII.

Psalmus iste est Dauid Propheta, habitus pro his quæ signantur per ea quæ facta sunt quarta Sabbathi, hoc est quarta die creationis mundi.

ARGVM. Orant pij, quorum caput ab eterno Christus est, cōtra impios, vt impietas destruat, & conteratur, & pereat in æternum regnum Sathanæ, quod se regnum lucis, quia in externis fulget, mentitur. Et beatus hic predicatur, quem Dominus docuerit verbo suo, vt ab omnibus insidiis & insultu impiè cōtra verbum Dei sentientium possit esse securus.

Deus Iesus Christus, est vltionum & vindictarum Dominus, qui iudicaturus est mundum, & affligere veniet obstinatos: Deus vltionū in aduersarios veritatis liberè egit quicquid voluerit, quia nullo impediēte indicabit.

Exaltare, ostendendo tuam potentiā & virtutem, qui iudicas terram & omnes habitantes in ea, & redde retributionem atq; vicissitudinem vindictæ superbis, bonos opprimentibus

bui, & peccata sua defendentibus.

Vsquequo peccatores iniqui, Domine, habebunt letitiam malignandi? vsquequo quando peccatores grassabuntur in pios, & gloriabuntur in falsa felicitate de peccatis suis?

Effabuntur arroganter & loquentur iniquitatem, quia manifestè iniqua opera pradicabunt, loquentur & comminiscuntur se verbis tueri omnes, qui operantur assidue iniustitiam mortalem?

Populum tuū iustum Domine Deus humiliauerūt opprimendo, & hereditatē tuam, quæ est gens fidelis electa, vexauerunt affligendo.

Viduam auxilio mariti destitutam, & aduenam auxilio notorum carentem interfecerunt, quandoquidem te non curant, qui istos tueri soles: & pupillos sine misericordia occiderunt, ut fuit in persecutionibus martyrum, ubi nulli sexui, nulli ætati pepercerunt.

Et dixerunt quasi blasphemantes, Non videbit neque attendet Dominus facta nostra: nec intelliget aut curabit Deus Iacob, quia eius providentia nō se extendit ad ista inferiora.

Intelligite quæ dicam, vos insipientes in populo, & respiscite ab errore vestro: & vos stulti corde aliquando sapite veritatem, quod scilicet est Dei providentia.

Qui plantavit & formavit aurē in te non

audiet? audiet utiq; : aut qui finxit & creauit
oculum in videntibus, non considerat? vide-
bit utique, nulli aliquid dedit quantum in se habet.

Qui corripit quotidie Gentes incredulas,
non arguet & iudicabit vos de impietatibus
vestris: qui docet hominem scientiam, num-
quid erit inscius? absit. hoc esse non potest.

Dominus Deus scit cogitationes interio-
res hominum, ergo multo fortius opera eorum,
quoniam vanæ, inutiles, temeraria sunt, &
inualida, ad malum prona.

Beatus & plane felix est homo, non qui se-
ipsum docet, sed quem tu erudieris Domine.
in mente illustrando, & de lege tua Evangelica
docueris eum, ut mandata tua intelligat &
opere perficiat.

Vt mitiges ei tribulationem à diebus ma-
lis, patienter sustinendo mala presentis vite
donec fodiatur peccatori obstinato foueam
sepulchro & in gehenna, tunc interibit omnis
felicitas malorum.

Quia non repellet neque abiciet Domi-
nus Deus plebem suam Christianam, quam-
uis interdum corrigit & flagellat, & heredita-
tem suam ipsam plebem sanguine eius redemptam
non derelinquet, quia quos elegit non negliget.

Quoadusque iustitia diuina cōuerratur in
iudicium extremum, ubi reddetur unicuique se-
cundum opera sua, & qui sunt iuxta illam ius-
titiam

stetiam, ut eam securè expectare possunt? omnes certè qui recto sunt corde, conformantes se voluntati diuina.

Quis ergo consurget mihi in auxilium aduersus malignantes, & mala mihi suadentes? quis stabit perseveranter mecum, ut pugil fortis aduersus operantes iniquitatem, ut non vincar ab eis? certè nullus.

Nisi quia dominus solus adiuuit me, & nisi mihi affuisset Dei auxilium speciale paulominus & ferè habitasset in inferno anima mea decepta, nisi Dominus liberasset.

Si dicebam veraciter, Motus est pes & affectus meus ad peccatum: misericordia tamen tua Domine mox adiuuabat me in tribulationibus anima & corporis.

Secundum multitudinem & magnitudinem dolorum meorum, quos patior in corde meo & conscientia tam pro peccatis, quàm de tentationibus, cōsolationes tuæ suaves ex scripturis lætificauerunt animam meam, quia quot patimur vulnera, tot meremur & coronas.

Nunquid adhæret & consociabitur tibi Domine sedes iniquitatis? certè non, quia nemo iniquus sedebit tecum, qui fingit, formas & facis laborem & dolorem in præcepto, quia labor & dolor est pretium regni Dei in operibus bonis per laborem.

Captabunt iniqui cum sauitia nocendi in

& contra animam iusti, vt decipiant & peccatum inducant: & si non possunt decipere sanguinem licet innocentem, tamē condemnabunt ad mortem.

Et sic factus est mihi afflicto Dominus Deus in refugium, ne cedam in tribulationibus, & Deus meus factus est in adiutorium spei meae mihi speranti in ipso: speravi enim & adiutus sum.

Et reddet illis impijs iniquitatem ipsorum, vt in caput recidant eorum mala & in malitia eorum quam intenderunt disperdet eos à suo regno coelesti: disperdet inquam illos, quem non putabāt curare res humanas, Dominus Deus noster, qui iustitiam exercebit tempore opportuno.

ORATIO.

Adiutor noster in tribulationibus, benigne nos consolari digneris, qui in praesentis vitae malis multipliciter fatigamur, vt in hac vita salubriter purgati, & in futuro ab iniquorū poenis misericorditer erepti, in regno coelesti per tuam gratiam aeternae beatitudinis efficiamur consortes. Amen.

Sec. He. 95.

PSALMVS XCIIII.

Laus ista cantici deuotionis & humilitatis fit ipsi Dauid Domino saluatori, qui venit redimere genus humanum per mortem suam.

ARGV M. Dulcissimo Spiritus affectu inuitan-
tur ad colendum serio Deum, noménque eius cele-
brandum, quando ipse vnus omnia regit, ac peculia-
riter Deus nobis esse dignetur. Adducitur & anti-
quorum exemplum, qui seipfos, sua inobedientia,
terra promissæ quietis priuarunt.

V Enite per fidem & deuotionem, exulte-
mus in Domino & consiteamur Deo be-
nesicia nostra, & iubilemus in letitia cordis,
in Deo salutari nostro Iesu Christo, qui pro
nobis moriendo salutem acquisiuit.

Præoccupemus & præueniamus faciem
eius, ne irascatur nobis in iudicio, in confes-
sione peccatorum nostrorum: & in psalmis
& laudibus deuotionis iubilemus ei, gratias
agendo.

Quoniam ipse est Deus omnipotens, qui
cuncta creauit, & magnus Dominus, qui om-
nia gubernat, & rex magnus, cui nemo simi-
lis, super omnes deos adorandus.

Quia in manu & potestate eius ordinatio-
ne & regimine sunt omnes fines terræ, qui pu-
gillo continet omnia: & altitudines montium
etiam ipsius sunt, qui omnia creauit, nouit &
regit infima & suprema.

Quoniam in potestate ipsius etiam est ma-
re latissimum, & ipse fecit illud, congregans
aquis in vnum locum: & siccam seu aridam
partem terra manus & potestatis eius operati-
ua formauerunt, ut sua sint omnia.

Venite

Venite omnes fideles, adoremus, cū mentis deuotione, & procidamus corporis flexione, & ploremus pro peccatis nostris ante Dominum Deum, qui fecit nos ad imaginem & similitudinem suam: quia ipse est Dominus Deus noster, dans se nobis per suam incarnationem.

Et nos sumus populus pascuæ eius, quem reficit spiritualiter & corporaliter, & oues manus eius, per quem defensamur & manu ducimur ne erremus.

Heb. 3. b

Hodie in tempore gratia si vocem eius Euangelicam audieritis & obediueritis, qui olim locutus est patribus in Prophetis, nolite obdurare in malum corda vestra, sic ut non credatis, neque obediatis mandatis eius.

Sicut factum est in irritatione & provocatione ad iram Dei, secundum diem & temptationis factæ in deserto Sin.

Vbi multoties tentauerunt me, dubitantes patres vestri de promissis & verbis meis: probauerunt me quid facere possem, & viderunt mirabilia opera mea, nec tamen crediderunt.

Quadraginta annis, quibus duxi eos per desertum, offensos fui, implacabiliter generationi illi propter incredulitatem & murmuraciones eorū: & dixi, Semper hi increduli ex corde ex certa malitia & perversa voluntate.

Et isti non cognouerūt, nec cognoscere voluerunt vias meas & praecepta, in quibus debebant

bebant ambulare vt iuravi & firmiter defini- Heb.4.●
ui in ira & iustitia mea diuina, Si introibūt
quia non introibunt in requiem meam eter-
nam, quia non crediderunt nec obedierunt.

ORATIO.

Domine Iesu Christe, saluator noster,
Deus omnipotens, qui cuncta creasti, rex
magnus super omnes Deos, in cuius pote-
state, ordine & gubernatione sunt omnia:
tibi Deo nostro confitemur, & gratias agi-
mus, qui fecisti nos ad imaginem & simili-
tudinē tuam. Respice propitius super oues
pascē tuas, & introducere easdem digneris
in requiem sempiternam. Amen.

PSALMVS XCVI.

Canticum istud est Dauid Propheta, agens
de eo quod factum est, quando domus Dei
quæ est Ecclesia catholica ædificabatur toto or-
be terrarum à Christo, post captiuitatem quæ
sub diabolo fuit per peccatum.

Sec. He. 96.
Titulus nul-
lus apud
Hebr.
1. Para. 16. c

ARGV M. Gentes hinc vocantur relictis idolis
ad glorificandum Deum per Christum inuitis por-
tis inferorum. Vaticinium autem est de regno
Christi & eiusdem incremento.

Cantate Domino Iesu Christo canticum
nouum, quia nouus homo & noua gratia
venit in mundum: cantate domino non solum
Iudei, sed omnis terra, & habitantes in ea,
quia aduentus Christi omnibus fuit in salutem.

Cantate

Cantate Domino in gloriam eius: & benedicite gratias agendo nomini eius quod legum est & saluator: annunciate & euangelizate de die in diem assidue & semper salutare eius, quod per Christum saluatus est mundus.

Annuntiate & predicare inter Gentes in narrabilem gloriam nativitatis eius, resurrectionis, & ascensionis: in omnibus populis opera mirabilia eius, videlicet gloriam, beneficia & gratiam Dei.

Eccle. 43. d

Quoniam ipse Christus magnus in potentia est Dominus omnium, & laudabilis in bonitate, & hoc nimis, quia magis quam possit dici vel cogitari, terribilis est suis aduersariis super omnes Deos plusquam omnes qui coluntur à Gentibus tanquam dii, & non sunt.

Quoniam omnes dii Gentium sunt demonia: noster Dominus autem, cui cantandum cœlos fecit & verbo suo creauit.

Confessio laudis diuina & pulchritudo, celebritas, decor, & maiestas in conspectu eius semper sanctimonia animæ & magnificentia in exercitio virtutum sunt in sanctificatione eius, quia ipso sanctificante & donante sunt.

Afferre Domino pro tanto beneficio, vos patriæ & familie Gentium ad fidem Christi conuersarum: afferre inquam Domino Deo gloriam in bonis operibus glorificando & honorem, omnia illi attribuendo: afferre Domino

Dea

Deo gloriam nomini eius, à quo habetis vi-
res bene agendi.

Tollite hostias, scilicet vosmetipsos corde
contritos & humiles, & introite in atria eius
Ecclesie militantis: adorate Dominum Deum in
atrio sancto eius, & in Ecclesia Catholica.

Commoueatur metu timoris & reueren-
tia ad poenitentiam à facie, cognitione & præ-
sentia gratia eius in vniuersa terra, & omnes
habitantes in ea: dicite & prædicate in Gen-
tibus nouum Euangelium, quia Dominus
Iesus Christus victo diabolo regnauit per li-
gnum crucis.

Etenim correxit ab errore idololatriæ, &
iustificauit orbem terræ per suum Euangelium,
qui non commouebitur à veritate fidei, quæ
stabit vsque ad finem mundi: & post iudicabit
populos omnes in æquitate, reddens unicui-
que secundum opera sua.

Latetur cæli & angelicæ virtutes, & exul-
tet terra, populus terrenus, qui se intelligit à pec-
catis absolutum, commoueatur mare, secu-
lum hoc, & plenitudo eius, omnes à maximo
vsque ad minimum gaudebunt campi, man-
sueti & humilitate pleni, & omnia quæ in eis
sunt glorificent creatorem suum.

Tunc post conuersionem exultabunt om-
nia ligna sylvarum, pagani scilicet, inculti
more syluestri à facie Domini, à cognitione

*& presentia eius, quia venit primò in carnem,
& postea quoniam venit iudicare terram,
vivos & mortuos.*

Iudicabit orbem terræ & omnes habitantes in ea in æquitate, singulis reddens promeritis, & populos tam bonos, quàm malos in veritate sua sine personarum acceptione.

O R A T I O.

Domine Iesu Christe, creator cœli & terræ, magnus Dominus & laudabilis nimis, beneficia & gratiam tuam agnoscen-
tes, gloriam offerentes nomini tuo, precamur vt sicut te à ligno regnantem supplices confitemur, ita in sanctimonia vitæ,
& exercitio virtutum te donante proficiamus.

Sec. He. 97.
Titulus nulus
apud
Hebræos.

P S A L M V S X C V I.

Psalmus iste fit ipsi Dauid Christo, cuius laudes & victoriam continet, agens de eo quod factum est, quando terra restituta est ei, & quando corpus in sua resurrectione reasumpsit.

Iudicium
extremū.

ARGVM. Et hîc de regno Christi vaticinium canit. Latitia enim prædicatur Sion & filiis Iudæ: hoc est diligentibus Dominum, seruis Dei, iustis & rectis corde. Inimicis autem Dei, id est, veritatis Dei contemptoribus & persecutoribus, prædicatur horrendum Dei iudicium, quando rex noster secundò apparebit in gloria patris sui cum angelis suis, quando lux erit sanctis, nubes verò & caligo, id est, horror iudicij & dānationis & ignis

amū

emulatio erit impiis. In nube enim Christus venturus scribitur & igne.

Dominus Iesus Christus regnavit, quia dominium in sua resurrectione accepit, unde exultet terra, quod Dominum regnare sciunt fideles, & lætentur etiam insulæ multæ, in quibus propagata est fides Christiana.

Nubes propter incomprehensibilitatem & caligo seu obscuritas sunt in circuitu eius, quia non comprehenditur tam benignitas quam terror iudicii diuini: iustitia diuina, & iudicium rectum, & correctio malorum, sedis & potestatis eius sunt.

Ignis conflagrationis ante ipsum iudicem præcedet, unde terrebuntur peccatores: & inflammabit inuoluendo in circuitu horrendo iudicio reprobos inimicos eius.

Alluxerunt fulgura eius, maiestas & terror potentia eius orbi terræ omnibus hominibus: vidit hac miranda & commota est terra, gloriam Dei non ferens.

Montes superbi & altitudo mundana sicut cera que fluit ab igne, fluxerunt & liquefacti sunt à facie & presentia Domini Dei: à facie Domini, cui nihil resistere potest, omnis terra humiliabitur.

Annunciauerunt cœli, Apostoli, & Propheta iustitiam eius, ubique fidem Christi euangelizando: & sic viderunt ac cognouerunt

runt omnes populi gloriam & diuinitatem
eius Christi.

Exod. 20.2

Leuit. 26.2

Deut. 5.2

Confundantur omnes idololatra, qui re-
lictō vero Deo adorant sculptilia manu ar-
tificum facta, & qui gloriantur & confidunt
in simulachris suis falsis, quæ spiritu carent,
& vana sunt.

Heb. 1. c

Adorate eum Christum verum Deum om-
nes Angeli eius, & annunciatores regni illius:
audiuit confusionem idololatrarum, & lætata
est Sion Ecclesia fidelium.

Et exultauerunt Deum magnificando fi-
liæ Iudæ, animæ fideles, electæ propter iudi-
cia iusta tua & recta, Domine, qui non es
personarum acceptor.

Quoniam tu es Dominus altissimus, &
potentissimus super omnem terram, ubi glori-
ficatur nomen tuum, nimis exaltatus es & super
ad patris æqualitatē super omnes deos, & an-
gelos & sanctos qui à te gratia tua deserviunt.

Amos 5. d

Rom. 12. b

Qui diligitis Dominum, qui solus bonus
est, odite malum, & quodcunque Deo aduer-
sum: custodit Dominus à peccatis mortalium
animas sanctorum suorum, qui in tribula-
tionibus & tentationibus recurrunt ad eius au-
xilium, & de manu peccatoris ac potestate
diaboli liberabit eos Dominus.

Lux diuinæ gratiæ orta est iusto, & resula-
get in corde eius: & rectis corde, quibus placet

cet per omnia Deus, orta est per spem lætitia
vera & gaudium in Domino.

Lætamini iusti serena conscientia in Do-
mino, congratulando beneficijs eius, & confi-
temini confessione laudis memoriæ sanctifi-
cationis eius, quia memor fuit sanctificare
vos donis & gratijs suis.

ORATIO.

Custos animarum sanctarum Deus re-
fulgeat lux diuinæ gratiæ tuæ in cordibus
nostris, vt lætemur serena conscientia in
te gratulando beneficiis tuis, quia memor
fuiſti nos sanctificare donis & gratiis tuis,
& præſta nobis te diligere, malum odire, &
exultare in te summo bono Iesu CHRIS-
TE. Amen.

PSALMVS XCVII.

Sec. He. 98

Psalmus iste est ipsi David Christo, qui
forti manu Goliath diabolum superauit.

ARGVM. Operæpretium est, vt Christo ser-
uatori à morte virtute diuina resurgenti, & vitam
æternam suis comparanti, canticum nouum de-
cantemus, in quo potentia huiusmodi eximijs
laudibus celebretur.

Cantate Domino Iesu Christo canticum
nouum tanquam authori Novi testa-
menti: quia mirabilia à seculo non visa vel
audita fecit, salutis videlicet nostræ dispensa-
tionem, moriens & resurgens.

Saluauit genus humanū quod perierat sibi

Et ad gloriā Dei patris dextera eius & potentia diuinitatis: & brachiū sanctum eius, quia propria virtute vicit Satanam & mundum.

Esa. 52. c

63. b

Notum fecit Dominus Deus pater salutare suum Iesum Christum pro salute mundi incarnatū: in conspectu omnium Gentium per vniuersum orbē: euclauit & publicauit iustitiam suam & fidem catholicam iustificantem.

Recordatus est misericordiæ suæ quæ promisit mittendum filium, & veritatis suæ quæ impleuit promissum domui Israel patribus nostris.

Viderunt & cognouerunt per fidem omnes termini & fines terræ, salutare Dei nostri Iesu Christi, per quem est salus, quia predicatum est Euangelium toto orbe terrarum.

Iubilate & gratulamini Deo omnis terra: qui peccatis erepti estis per verbū Dei, cantate voce & exultate corde, & psallite, gratias agitis.

Psallite Domino Deo in cithara gestientes, in cithara inquam, & voce Psalmi exultantes de salute donata vobis à Deo: in tubis ductilibus omnibus modis gaudete & voce tubæ cornæ, quia totius orbis redemptio & salus facta est.

Iubilate intus in conspectu regis Domini Iesu Christi: moueatur ad Dei reuerentiam & fidem mare hoc seculum & plenitudo eius habitantes in insulis maris: orbis terrarum
etiam

etiam conuertatur ad pœnitentiam, & qui habitant in eo, scilicet mundi amatores.

Flumina sancti viri pleni aquis gratiarum plaudent & gaudebunt manu in exercitio bonorum operum simul in vnitae fidei & charitatis, & viri sancti maiores, qui montes dicuntur exultabunt à cōspectu Domini ipso veniente ad iudicium: quoniam venit iudicare terram & peccatores terrenos, vt discernat paleas à frumento.

Iudicabit enim orbem terrarum & habitatores eius in iustitia vera, & populos omnes in æquitate, quia capiēt aqua pro meritis suis.

ORATIO.

Domine Iesu Christe, qui pro salute mundi incarnari voluisti, & reuelasti iustitiam tuam Gentibus vniuersis, atq; mirabilia fecisti cōuersatus cum hominibus in carne, præsta nobis pro tātis beneficiis tibi semper gratias agere iubilādo, cantando, exultando, & psallendo totis animæ & corporis viribus, vt tandem in finali examine te iudicem propitium habeamus. Amen.

Sec. He. 99.

PSALMVS XCIII.

Psalmus iste est Dauid Propheta inuitans ad laudem & honorem Christi, vt eum tanquam Deum & regem adoremus.

ARGVM. Populo legis, id est, Iudæis quoque, sicut ante Gentibus, prædicatur Deum regnare vt

celebretur nomen eius & timeatur, quoniam terribile & sanctum est. Et planè iudicium timoris sui vult esse in hominibus, quod iudicium dando legem in Iacob instituit & in credètibz perfecit. Exaltrate, inquit, & inuocate eum qui sanctos suos semper exaudiuit inuocantes, neque deseruit eisdem etiam peccantes.

Dominus Iesus Christus qui prius humilis inter homines apparuit regnavit resurgens à mortuis, unde irascantur populi increduli quantumcunque velint: qui sedet super Cherubim ad dexterà patris, & inde moveatur terra incredula ac vitiosa.

Dominus iste est magnus & gloriosus in Sion & Ecclesia catholica Deum speculante per fidem, & excelsus est Deus super omnes populos, quia Ecclesia eius est magnificata per orbem, ubi omnes populi conuersantur.

Confiteantur confessione laudis nomini tuo magno, divulgato in omni terra, quoniam terribile in potentia qua punit, & sanctum in bonitate qua parcit est nomen eius: & honor regis Christi iudicium diligit, ut reddat unicuique secundum opera sua.

Tu parasti & composuisti directiones & praecepta iuxta quae vivere debemus: iudicium discernendi inter bonum & malum, & iustitiam operandi bona in Iacob populo fidei, & non à nobis, sed tu fecisti qui operari in nobis & velle & perficere.

Exalta

Exalate & laudibus extollite Dominum Deum nostrum Iesum Christum, & adorare reuerentia singulari scabellum pedum eius & venerabile corpus eius, quoniam sanctum est ipsum corpus nulla peccati macula inquinatum.

Moses legislator & Aaron summus sacerdos, fuerunt in sacerdotibus eius Christi, & Samuel inter eos fuit qui inuocant nomen eius Christi: istos ergo audiat & imitemini.

Inuocabant Dominum humiliter & deuote, & ipse Deus exaudiebat eos, quia in columna nubis loquebatur ad eos, verba obscura & occulta.

Castodiebant firmiter testimonia eius iudicialia & caeremonialia, & præceptum decalogi quod dedit illis ut eum dignè colerent.

Domine Deus noster tu exaudiebas eos qui audierunt te precipientem: Deus tu propitius fuisti eis condonando peccata, & vlciscens interdum in omnes adinventiones quæ ex eorum arbitrio procedunt.

Exaltate & glorificate Dominum Deum nostrum Iesum Christum, & adorare singulariter in monte sancto eius quæ est Ecclesia catholica, quæ est mons in soliditate fidei quoniam sanctus qui nos sanctificat, Dominus qui nos regit, Deus qui nos creauit, noster qui seipsum nobis tradidit.

O R A T I O.

Deus, qui regnas in Ecclesia militante
& sedes super Cherubim ad dexteram pa-
tris, confitemur & gratias agimus nomi-
ni tuo magno, terribili & excelsso, quod Iesus
est: Tu sis nostrum gaudiū & desiderium,
quoniam te solum cognoscimus æternis
nobis beneficia posse præstare, qui es be-
nedictus in secula. Amen.

Sec. He. 100

P S A L M V S XCIX.

Psalmus iste est in confessione, quæ du-
plex est: una est peccatorum, altera laudis.
& gratiarum actionis, & de utraque agitur.

ARGV M. ~~Introiti digne solis incedite in-
gressi sunt sancti Quoniam Dei. Dominus laus in
conspiciunt, ut omnino permissum, per solum con-
dono ad sancto illo sancto, quoniam, quoniam, quoniam,
sancti, sancti, sancti, sancti, sancti, sancti, sancti, sancti,
sancti, sancti, sancti, sancti, sancti, sancti, sancti, sancti,~~

Iubilate Domino Deo ineffabili quodam
gaudio omnis terra & habitantes in ea:
seruite Domino in hilaritate animi, & læti-
tia cordis, quia non placent Deo servitia coacta.

Introite ad conscientias vestras in conspe-
ctu eius Dei qui videt omnia, & hoc in exul-
tatione, quia gloria nostra hac est testimonium
conscientiæ nostræ.

Scitote atque intelligite quoniam Domi-
nus Iesus Christus ipse est Deus creator om-
nium: ipse fecit nos, ad imaginem & simili-
tudinem

itudinem suam, & non ipsi fecimus nos, quia
omne bonum nostrum ex eo est, & non ex nobis.

Populus eius sumus & oves pascuæ eius,
quia spiritualibus bonis & diuino pasto scri-
ptura nos reficit. introite ergo confidenter por-
tas misericordiae eius, sed in confessione pec-
catorum, deinde introite in atria coelestia eius,
deinde in hymnis & laudibus confitemini
illi gratias agendo de omnibus beneficijs.

Laudate nomen eius, & illi soli confitemi-
ni, quoniã suauis est Dominus, & citò plas-
cibilis, in æternũ duratura est misericordia
eius peccata dimittendo, & vltq; in generatio-
ne & generationem semper etiam permanet
veritas eius promissa tam bonis quàm malis.

ORATIO.

Domine Deus noster Iesu CHRIS TE, à
quo creati sumus & redempti, qui fecisti
nos ad imaginem & similitudinem tuam,
qui sumus populus tuus & oves pascuæ
tuæ, precamur vt in lætitiâ sempiterna iu-
bilum exultationis cum gratiarum actio-
ne mereamur in æternum concinere cum
omnibus sanctis & electis tuis. Amen.

Sec. He. 107

PSALMVS C.

Psalmus iste attribuitur ipsi Dauid Chris-
to, cui omne bonum attribuendum est.

ARGVM. Christus Dominus cantat patri mi-
sericordiam in sanctis, & iudicium in reprobis: &
fructus

fructus indicat verè Christianos. Quis enim in matutino interficiet omnes impios terræ nisi ipse?

Misericordiam qua modo est, & iudicium quod erit in futuro seculo cantabo & annuntiabo tibi ad honorem tuum Domine Deus.

Psallam benefactis meis, & intelligā diligenter in via immaculata ambulādo & iustitiam agendo, quādo venies ad me per tuā gratiā.

Perambulabam delectando in innocentia & puritate cordis mei vitando peccata, in medio domus & conscientia mea, ubi quiescere habito, quia nihil mihi conscius sum.

Non proponebam ante oculos meos aliam quam rem iniustam ut desiderarem eam, imò faciētes tuæ legis præuaricationes seu transgressiones odiui & dignos odio iudicavi.

Non adhæsit mihi per obstinationem cor prauum disforme diuinæ voluntati: declinantem autem à me qui sequebar bonitatem malignum seu maleuolum non cognoscebam per approbationem.

Detrahentem & diminuentē famam secretò & in absentia proximo suo, ego hūc persequabar, arguendo & increpādo ne hoc ageret.

Superbo oculo & presumptuoso & insatiabili corde in auaritiā, cum hoc homine non edebam nec conuersabar.

Oculi mei cordū erant ad fideles terræ
qui

qui fidem & veritatem tenent in terra, vt fcedant & habitent mecum in iustitia: ambulans in via immaculata & perfecta Zelator legis Dei hic mihi ministrabit in obsequijs bonis.

Non habitabit in medio domus meæ, & inter ministros meos qui facit superbiã alios despiciendo vel conculcando: & qui loquitur iniqua dolosa & perniciofa, talis enim non direxit seu directam gratiam habuit in conspectu oculorum meorum, imò abominabar.

In matutino & ortu futuri seculi interficiebam sceleratos, & omnes peccatores terræ & impios: vt disperderem de ciuitate Domini & societate sanctorum omnes impoenitentes operantes iniquitatem & permanentes in voluntate peccandi.

ORATIO.

Diuina misericordia nobis præstet gratiam, vt ambulemus in via immaculata, & innocentia cordis, atque puritate conscientie, vitando omnia facinora: vt sic non cum peccatoribus à ciuitate Domini in illo extremo iudicio disperdamur, sed cum electis in tabernacula æternæ felicitatis recipi mereamur. Per CHRISTVM Dominum nostrum.

PSALMVS CXI.

Sec. He. 102

Oratio pauperis afflicti & pœnitentis cum anxius fuerit in miserijs vite præsentis & petens

*petēs liberari effuderit deuotē corā Domine
Deo precem suam misericordiam implorando.*

ARGV M. Vehemens querulatio est de miseria populi sancti, qua reuersus à Babylone, dum templum & urbem conaretur reparare, innumeris iniuriis & contumeliis ferè conficiebatur à Gentibus vicinis. Consolatio admiscetur ex consideratione æternitatis & beneuolentiæ Dei, iam illucescentis, ex fauore Cyri ac Darii. Interpretes Iudæorum ad præsens exilium referunt, sed obstat Paulus Rom. 11. qui illos modò pro destratis ramis habet.

Domine Deus omnipotens exaudi ad effectum salubrem orationem meam ex corde procedentem, & clamor meus de virtutum zelo ad te veniat & acceptus sit coram te.

Non auertas quasi offensus faciem tuam gratia à me penitente vt indigno: in quacunque die tribulor & premor vel peccatorum mole, vel tentationum fasce, inclina deorsum ad me supplicantem aurem tuam clementia.

Quia defecerunt & euanuerunt sicut fumus celeriter disparens dies mei infructuosæ & ossa mea quæ sunt animæ vires, sicut cremium in sartagine tostum aruerunt à recollectione peccati & tremore iudicij.

Percussus sum mortalitate vt fœnū, quod aret falce resectum, & aruit sterilitate peccati cor meum in deuotione, quia oblitus sum comedere panem meum spiritualem, doctrinam scilicet & eucharistia.

A voce

A voce dolorosa gemitus mei emissa pro peccatis adhæsit & contabuit os meum præ afflictione penitentiali carni & pelli meæ, adeo maceraui meipsum.

Similis propter erubescenciam peccatorum factus sum aui pellicano amatori solitudinis & deserti, factus sum non audens comparere sicut nycticorax & teter coruus in domicilio ruinoso.

Vigilaui per cogitationem peccati & miseria propria, & factus sum soliuagus sicut passer auolans à consortio hominum solitarius habitans in tecto domorum.

Tota die irridendo exprobrabant mihi verbis iniurijs inimici mei homines mundani, & qui laudabant me ore & non corde aduersum me in occulto detrahentes iurabant struentes insidias.

Quia cinerem & viles cibos tanquam panem pro pastu manducabam in esurie, & potum meum delectationis temporalis cum fletu spiritualis poenitentia miscebam gemens pro peccatis.

A facie & presentia iræ & vindictæ tuæ quam merui peccando, & ab instantia indignationis tuæ valde horruï: quia eleuans secundum animam me creando ad imaginem tuam allifisti me secundum corpus in hac pœna & miseria.

Dics

Dies mei *vani & infructuosi* velocissimi
sicut umbra *evanescedo* declinauerunt om-
nino, & ego qui *florere videbar* sicut fœnum
sterilitate culpa arui propter defectum ro-
gratia.

Tu autem Domine *incommutabilis* in
æternum permanes dum cetera omnia transi-
toria sunt, & memoriale tuum promissum
quod est misericordia tua in generatione præ-
senti & generationem futuram semper duras-
usque ad finem seculi.

Tu exurgens ad liberandum misereberis
Sion Ecclesie militanti, quia tempus accepta-
bile miserendi & plenitudo eius est, & quia
iam venit tēpus redemptionis et salutis nostræ.

Quoniam placuerunt in sua emēdatione
seruis tuis Angelis lapides fideles penitentes
eius Ecclesie: & terræ eius qui sunt terreni
præuaticatores miserebuntur Angeli proci-
ratores.

Et inde timebunt etiam Gentes de idolola-
tria conuersa nomen tuum Domine quod
Iesus est, & omnes reges terræ venerabuntur
gloriam & omnipotentiam tuam in deitate.

Quia ædificauit super fundamēta Aposto-
lorum & Prophetarum Dominus Deus Sion
Ecclesiam suam: & postea videbitur Dominus
in gloria & maiestate sua iustis præbens bea-
titudinem æternam.

Respex

Respexit misericorditer in orationem humilium & pauperū spiritu, & nō spreuit emanantem precem eorum ex cordis deuotione.

Scribātur hæc Dei beneficia in generatione noua Christiana quæ altera est & electa à Deo, & tunc populus Christianus qui creabitur per regenerationem in baptismo laudabit Dominum de gratia redempta & misericordia consecuta.

Quia prospexit oculis misericordie de excelso sinu patris sancto suo habitaculo, Dominus Iesus de cœlo ad veros humiles in terram, quando verbum caro factum est aspexit vt misereretur omnibus.

Vt audiret per ipsum mediatorem filium gemitus sanctorum patrum compeditorum in limbo, vt solueret à peccatis filios diabolica fraude interemptorum atque mortuorum in peccatis, ne sic damnarentur vt patres eorum.

Vt annuntient liberè confitendo in Ecclesia tua Sion nomen Domini Iesu Christi, & laudem eius predicando in Ierusalem, deinde per orbem terrarum.

In conueniendo & congregando populos dispersos in orbem in vnum intellectum fidei, & reges terrarum ac principes vt seruiant redemptori nostro Domino Iesu Christo.

Respondit populus Christianus ei Christo vocanti ad opera sancta in hac ambulandi

via pœnitentiæ virtutis & gratiæ suæ, Paucitatem atque breuitatem dierum meorū quibus viuam nuntia mihi, vt expendam illos ad salutem animæ meæ.

Ne reuoces me ab hac vita in dimidio tempore dierum meorum quibus viuā in generatione & generationem, quod est æternaliter, anni tui sunt duraturi.

Initio temporis tu Domine qui es sine tempore & sine initio terram fundasti atque mundum hunc visibilem, & opera manuum ac virtutum tuarum sunt cœli & firmamentum eius.

Ipsi videlicet cœlū & terra peribunt de hac forma quam modo habent, tu autem in te ipso permanes immutabilis in gloria maiestatis: & omnes homines sicut vestimentum quod consumitur veterascent in mortem.

Et sicut opertorium quod velat terras mutabis eos cœlos & elementa, & mutabuntur in qualitatibus suis: tu autē semper idem ipse es penitus immutabilis, & anni tui quia æterni sunt non deficient vnquam.

Filij seruorum tuorum habitabunt, & semen eorum in seculum dirigetur.

ORATIO.

Benigne saluator sinum tuæ pietatis nobis aperi, vt hæreditatem cœlestem quam amisimus per culpam, rapiamus per pœnitentiam. Subinde præsta, vt dignis pœnitentiæ

tia fructibus peccata quæ fecimus salubriter abstergamus, quatenus tempora nobis indulta, sic expēdamus, ut ad vitam æternā peruenire mereamur, gratia & misericordia Domini nostri Iesu Christi, cui est honor & gloria in secula seculorum. Amen.

PSALMVS CII.

Sec. He. 103

Psalmus iste fit ipsi Dauid, scilicet vero Christo: laus enim quæ hic cantatur fit Christo.

ARGVM. Hæc est laeta gratiarum actio de omnibus beneficiis nobis à Deo per Christum collatis, qui sedens in cœlis, regnat ubique, cui angeli & omnes creaturæ seruiunt, obediunt, & gratias agunt.

Benedic & gratias age pro beneficijs anima mea Domino in omnibus operibus eius: & omnia quæ intra me sunt intellectus, voluntas, cateraq; potentia benedicite nomini sancto eius, quia omnibus anima viribus laudandus est Deus.

Benedic, inquam, anima mea Domino: & ut semper benedicas noli obliuisci tanquam ingrata omnes retributiones & beneficia eius quibus liberaliter supra meritum ex gratia tibi affuit.

Qui propitiatur semper omnibus iniquitatibus tuis eis remittendo: qui sanat omnes infirmitates tuas, quas sine gratia sua euadere & emendare non potes.

Qui redimit pretio sui sanguinis de interitu eterno vitam tuam quã perdidisti Deum offendendo: qui coronat te non tamẽ tuis meritis, sed in misericordia sua & miserationibus multis.

Qui etiam replet ac satiabit in bonis cœlestibus desiderium tuum ad quæ hic suspirabas: renouabitur quidem vt aquilæ senescentis iuuentus tua, quia noua Spiritus consolatione recreaberis.

Faciens misericordias infinitas Dominus est, & etiam ipse est faciens iudicium & vindictam, omnibus iniuriam & calumniam patientibus, vnde ait, Mihi vindictam, & ego retribuam.

Notas fecit vias suas, & præcepta legis Moyfi legislatori: & filiis Israel manifestauit voluntates suas, quid velit aut nolit.

Num. 14. c. Miserator in exhibitione beneficiorum suorum, & misericors in natura est Dominus Deus culpas remittendo, longanimis, diu sustinendo peccantes, & multum misericors, ac copiose clementiam impartiens.

Non in perpetuum & semper irascetur patientibus, neque in æternum vindictis comminabitur, imò propitius erit post offensas.

Non secundum peccata nostra, & merita eorum fecit nobis. quibus quotidie offendimus: neque secundum iniquitates nostras pluri-

mas retribuit nobis, maiora enim flagella me-
rebamur.

Quoniam secundum altitudinem, men-
suram & distantiam cœli à terra, corrobo-
rauit & confirmauit Dominus misericor-
diam suam indeficientem, super timentes se
& pœnitentes & humiliantes.

Quantum distat ortus solis ab occiden-
te, & quantum lux à tenebris, tam longè fe-
cit & elongauit à nobis peccatoribus iniqui-
tates & transgressiones nostras, illas remitten-
do & delendo.

Quomodo & sicut miseretur pater car-
nalis filiorum suorum delinquentium, ita mi-
serus est Dominus indulgentissimus parens,
timētibz se, & pœnitentibus de peccatis, quo-
niam ipse Dominus cognouit figmentum
nostrum, & fragilem plasmationem & promi-
tatem ad peccandum.

Recordatus est Dominus, quoniam pulvis
sumus & origine & resolutione, homo est sic
ut fœnum modicum virens, citò arescens, &
dies, felicitas, & vita eius iuxta corporis fra-
gilitatem tanquam flos agri, qui citò transit,
sic effloreat modico tempore.

Quoniam spiritus seu anima in illo cor-
pore hominis pertransibit in morte, & egredie-
tur ab eo, tunc homo, quia cadauer erit, non sub-
sistet: & non cognoscet spiritus amplius lo-

cum suum, in quo habitavit.

Misericordia autem Domini ab æterno promissa, & usque in æternum permanens est, indeficiens super timentes eum timore casto & filiali.

Et iustitia illius retribuens mercedem pro operibus bonis erit in filios filiorum seu imitatores & hæredes honorum paternorum, his certe, qui servant testamentum eius, & præcepta, intus per fidem, & exterius per operationem.

Et qui memores sunt semper mandatorum ipsius non ad audiendum tantum, sed ad faciendum ea: iustificabuntur enim non auditores legis, sed factores.

Dominus Iesus Christus, qui ascendit in cælo empyreo, paravit sedem suam ad dexteram patris & regnum atque potestas ipsius omnibus dominabitur. nullus enim resistere poterit imperio eius.

Benedicite Domino, & laudate eum omnes Angeli, & nuntij veritatis eius potentes virtute & executores voluntatis divine, facientes verbum illius, paratissimi & voluntarii ad audiendam vocem sermonum eius, atque ad obediendum ut imperata perficiant.

Benedicite Domino Deo omnes virtutes eius: & ordines Angelorum, qui estis ministri eius, qui facitis voluntatem eius.

Bened

Benedicite Domino omnia opera eius,
caelestia, terrestria: in omni loco dominationis
& potestatis eius, vt qui vbiq; est vbiq; be-
nedicatur, benedic iterum anima mea Do-
mino, nec vnquam cesses à laude ipsius.

ORATIO.

Miserator & misericors Domine, longa-
nimis, & multum misericors, non secū dum
peccata nostra facias nobis, sed in misericor-
dia tua, & in miserationibus multis propi-
tiare delictis nostris, & reple in bonis cœle-
stibus desiderium nostrum, & sana omnes
infirmittates nostras, qui benedicimus no-
mini tuo in secula. Amen.

PSALMVS CIII.

Hec. Hebr.
104.

Psalmus est ipsius Dauid Prophetæ.

ARGVM. Hymnus est, quo benedicit & canit
Domino de admirabili rerū omnium & conditio-
ne & prouidentia in cœlo, terra & mari. Indignos
etiā vita iudicat qui hanc fidem prouidentia Dei
non habent, dicens, Deficiant peccatores à terra,
& impij ita vt non sint.

Benedic non tantū vox & opera, sed po-
tius anima mea Domino pro tantis mu-
neribus & beneficijs: Domine Deus meus om-
nipotens, magnificatus es potestate, sapien-
tia, misericordia, & hoc vehementer, quia ma-
ior es omni laude.

Confessionem & laudem Angelorum, &

decorem omnium creaturarum induisti, quia
 undique laudabilis & decorus appares in eis,
 amictus & coopertus lumine ineffabili, sicut
 vestimento, quia lux undique tibi est, qui ha-
 bitas lucem inaccessibilem.

Extendens cœlum sydereum sicut pellem
 & tentorium super hemisphærium nostrum, tu
 es qui regis aquis & cœlo crystallino, quod
 aqueum dicitur, superiora eius, quia supra fir-
 mamentum.

Qui ponis nubē, currum, & ascensum tuū
 in cœlos: qui ambulas super pennas ventorū
 quia ubique præsens es in velocitate.

Qui facis Angelos & nūcios tuos esse spi-
 ritus, ut inspirent hominibus tuam facere vo-
 luntatem: & ministros tuos ignem vrentem,
 ut in alijs lumen veritatis infundant.

Qui fundasti terram ipsam in basi super
 stabilitatem suam, quia super centrum mun-
 di non inclinabitur neque dimovebitur loco
 suo in seculum seculi in æternum.

Abyssus, oceanus, sicut vestimentum ami-
 ctus eius, quia mare & flumina operiūt terrā:
 sicut vestis, super montes altissimos stabunt
 aquæ pluviales, quæ generantur ex nubibus.

Ab increpatione, iussu & voluntate tua di-
 uina fagiēt aquæ de loco ad locum, & à voce
 tonitruī tui, fulgurum, & tempestatum formi-
 dabunt, atque timebunt homines.

Ascen

Ascendunt montes, & eleuantur super reliquam terram, & descendunt campi, & valles deteriores fiunt, in locum quem à principio fundasti & disposuisti eis.

Terminum posuisti aquis oceani, claudendo eas litoribus, quem non transgredientur, imò conclusæ manebunt intra terminos sibi destinatos, neque conuertentur operire terrā, quantumlibet augeantur & eleuentur.

Qui emittis & manare facis fontes ipsos in conuallibus, & locis decliuibus, inter medium montium collectæ pertransibūt aquæ, quæ exonerantur in fluuios.

Porabunt & adaquabuntur omnes bestię agri, & animalia tam domestica quàm syluestria: expectabunt onagri, & asini syluestres in siti sua, vt reficiantur per fontes & flumina.

Super ea flumina & montes volucres cœli aerei habitabunt idoneo loco: de medio petrarum & nemorum dabunt voces, suauiter canendo creatori.

Rigans montes Dominus de superioribus suis nubibus pluuiosis: de fructu operum tuorum, & de effectibus pluuiæ, quod est opus tuum, sat abitur terra, & fecundabitur ad ferendum fructum.

Producens fœnum iumentis, vt inde nutriantur, & herbam seruituti & vsui hominum, vt inde pascantur.

Vt educas panem de terra, ad sustentationem vitam humanam, & vinum lætificent cor hominis ad recreationem, non ad ebrietatem.

Vt homo exhilaretur & lætificent faciem suam in oleo eius sapore & condimento, & ut pascatur cor hominis confirmetur, corpus reficiendo.

Saturabuntur ligna campi, quia arborum replebuntur fructibus & ramis, & cedri Libani etiam humectabuntur, quas plantauit Dominus: illic in cedris passeret, & minuta volatilia cæli nidificabunt & quiescent.

Herodij nidus seu domus est in cedris, quod est dux eorum passerum, & montes excelsum sunt refugium ceruis, atque petra in via subterranea est refugium herinaciis, ubi tuto quiescere possunt.

Fecit lunam Deus in tempora, ut per eam menses & anni numerentur, & sol cognoscit ordinatè occasum suum, perinde ac habet intellectum.

Posuit tenebras per occasum solis, & facta est nox in hemisphærio nostro: in ipsa nocte pertransibunt de loco ad locum omnes bestię sylvarum ad querendum alimentum.

Catuli leonum pertransibunt rugientes præ fame, ut rapiant prædam aliquam, & querant à Deo, cuius est omnibus providere, escam sibi necessariam.

Ortus est sol super terram, & congregati sunt

sunt animalia illa, & in cubilibus suis ac speculaculis per diem collocabuntur, & accubabunt à calore solis & timore hominum ordinatione Dei.

Exibit homo orto sole ad opus suū faciendum, & ad operationem suam, qua iubēte Domino, in sudore vultus sui se nutriat, vsque ad vespertum & tenebras, & sic tutò poterit laborare ceteris bestijs latitantibus.

Quam magnificata & multiplicata sunt opera tua Domine, quia excedunt sensum humanum: omnia in sapientia fecisti decentissimo ordine & natura: impleta est terra possessione tua & creaturis tuis, tu es Dominus vniuersorum.

Hoc mare magnum est profunditate, & spatiosum latitudine, manibus, quia habet latissima brachia & sinus: illic reptilia sunt & pisces diuersorum generum, quorum nō est numerus certus apud homines.

Animalia pusilla cum magnis, maximi pisces & minimi: illic etiam in mari naues pertransibūt ad deducendū homines & bona eorū.

Draco iste, cete grande, quem formasti ad illudendum ei, quia dum capere vult pisces, illi ad ripam fugiunt, at ille insequens impingit se in terram & capitur: omnia à te expectant naturaliter, vt des illis escam pro natura sustentatione in tempore opportuno.

Dante

Dante te illis escam, colligent eam: aperiet
te te manum tuam, ex tua largitate, omnia
implebuntur bonitate, & saturabuntur ali-
mentis, quæ ex tua bonitate dantur.

Auertente autē te faciem, denegando ali-
menta turbabuntur fame ex defectu naturæ:
auferes spiritum eorum quo viuificantur, &
deficient in mortem, & in puluerem suum
primæ originis reuertentur.

Emittes Domine Spiritum sanctum tuum,
& anima peccatrices creabuntur, & reforma-
buntur per gratiam tuam, & sic renouabis in
spiritu mentis faciem terræ, cum gratia tua
reformabuntur ad iustitiam Dei.

Sit gloria Domini, laus & honor in secu-
lum absq; termino, vt qui gloriatur, in Domi-
no gloriatur: lætabitur Dñs, non in nostris, sed
in operibus suis, quæ operatur in nobis.

Qui respicit sua misericordia terram, &
visitat homines habitantes in terra, & facit eā
tremere de peccati conscientia, qui tangit com-
punctione vel aduersitate montes superbos &
se iactantes, & tacti fumigant plorantque pro
peccatis.

Cantabo Domino, gratias agendo pro be-
nificiis, in vita mea quoad vixero: psallam
Deo meo creatori, quandiu sum & agno-
scam bonitatem eius.

Iucundum sit ei & suauē eloquiū meum,

& canticum laudis: ego verò delectabor tantum in Domino, *cen in summo bono*, & nullo alio.

Deficient à suo spiritu peccatores homines: à terra & terrenis concupiscentijs, & iniqui cessent, ta vt non sint quales fuerunt, sed per Dei gratiam efficiantur iusti: benedic anima mea, memor beneficiorum Domino Deo.

ORATIO.

Deus, qui omnia in sapiëntia creasti, & cuius opera magnificata sunt super terrâ, tibi canimus, psallimus, & benedicimus in æternum, quia cognoscimus machinâ mundi à te mirabiliter fabricatâ, quæ nos hortatur, vt te summū bonum super omnia amemus, quoniâ vniuersa pulchra & bona creasti, qui es benedictus in secula. Amen.

PSALMVS CIIII.

Sec. He. 103.

Halleluia.

ARGV M. Inuitat ad laudandum Deum in sacro cœtu, apud arcam fœderis, & memorat Dei in populum sanctum beneficia, ab eo, quod fœdus i-cit cum Abraham, vsque ad id temporis, cum ei educto magnis portētis ex Aegypto, & per deserta adducto, terram Chanaan tradidit possidendam iure hæreditario.

Consitemini Domino, gratias agēdo pro 1. Paral. 16.
beneficijs ab eo acceptis, & invocate no- Esaiæ 12.
men eius in omni necessitate: & annuntiate
sen

seu predicate inter Gentes incredulas opera eius, sue potestatis & bonitatis declaratiua.

Cantate ei ore, & psallite ei corde & opere, & narrate omnia mirabilia eius, & meditamini in eis.

Laudamini, bene operantes in nomine sancto eius, ex intentione gloriae diuinae non propriae, ut omnia fiant in nomine Domini: lætetur cor cum hilaritate quærentium Dominum, ut amore magis quam timore Dei seruiatur.

Quærite Dominum bona operando, & confirmamini in charitate Christi ut perseueretis: quærite faciem & præsentiam eius semper, sine intermissione studendo placere illi, & attendere ad eius beneplacitum.

Mementote semper mirabiliū eius, quæ filiis Israel fecit, educendo eos de Aegypto, prodigia eius, quæ patrata sunt in Aegypto, & iudicia atque præcepta oris eius in monte Sinai data.

Semen & imitatores fidei Abraham Patriarchæ sunt serui eius Domini: & filij Iacob imitatores, luctando contra vitia, & supplantando ea, estis electi eius per gratiam.

Ipse Dominus Christus qui nos redemit, est Deus noster per verum cultum Christianæ religionis: in vniuersa terra sunt iudicia eius, quia ubiq; regnat, iudicat, & iubet quæ vult.

Memor fuit testamenti sui Novi in seculum

lum in æternum duraturi, & recordatus est
verbi quod mandauit prædicandum in mil-
le, imò in omnes generationes.

Quod testamentum disposuit, & pepigit Gen. 12. c. 3
ad Abraham, & ad illos qui per dilectionem
obediunt Deo, sicut Abraham, etiam & memor
fuit iuramenti sui, & primæ promissionis fa-
ctæ ad Isaac, populo gaudenti & glorianti in
Deo.

Et statuit illud testamentum, & verbum fi-
dei ipsi Iacob adhuc luctanti contra vitia, in
præceptum, vt firmiter crederet illud imple-
ndum, & Israeli Deū per fidem videnti in testa-
mentum & fœdus æternum.

Dicens, Tibi Abraham & posteris, dabo
terram Chanaan scilicet promissionis, & hoc
in funiculum et mensuram diuisionis hæredi-
tatis vestræ, quia iure hereditario possidebitis.

Cū illi, quibus promisit, essent numero
breui, & ita breui quòd paucissimi etiam &
erant incolæ, aduenæ, peregrini eius terræ, &
non ciues.

Et pertransierunt inde dispositione diuina
de Gente Chanaan in Gentem Aegyptiam,
& de regno vno ad populum alterum, sicut
patet de Abraham & Iacob.

Non tamen reliquit Dominus aut permisit
hominem aliquē nocere eis patriarchis, imò
& corripuit, atq; afflixit pro eis reges Aegy-
pti, &

pti, & Palestina, volentes calumniari eos.
 1. Paral. 16. c. d. Nolite tangere, neque affligere christos
 1. Reg. 1. c. & vinctos meos, quos in meam gratiā suscep-
 & in prophetis meis prædicantibus verbis
 meum nolite malignari, neque iniuriari.

Et vocauit atque immisit famē super ter-
 ram promissionis: & omne firmamentum pa-
 nis ad sustentationē vitæ contriuit, adeo quod
 coacti sunt ire in Aegyptum.

Misit ante eos in Aegyptum virum Ioseph:
 Gen. 37. f in seruum Ismaelitis venundatus est à fra-
 tribus suis Ioseph.

Gen. 39. d. Hamiliauerunt Aegypti in compedibus
 & vinculis pedes eius, ad falsam accusationē
 dominæ suæ, ferrum, quia dolor de infamia, &
 timor de morte, pertransiit animā eius in tri-
 bulatione, donec veniret interpretatio somnii
 per verbum eius.

Eloquium Domini & spiritus reuelā my-
 steria inflammavit eum, illuminando de oculis
 Gen. 41. b tis: misit rex Pharaon, & soluit de vinculis eum
 compeditū: princeps populorum, qui fuit Pu-
 thifar, & dimisit eum liberum.

Gen. 41. c. Constituit rex eum Ioseph dominum do-
 mus suæ, & omnium rerū familiarū, & prin-
 cipem etiā omnis possessionis suæ, quia præ-
 fecit eum toti terræ Aegypti.

Vt crudiret & informaret principes eius
 Pharaonis, sicut semetipsum in terra guber-
 natione:

natione: & senes eius prudentiam de diuinis doceret.

Et intrauit fame cogente Israel Iacob cum filiis in Aegyptum ad mandatum Ioseph: & Iacob, qui est & Israel, accola fuit & advena in terra Cham, quæ est Aegyptus, cuius dominus fuit Cham, reprobus filius Noe. Gen. 46. a

Et ibi auxit Dominus populum suum, & numerum filiorum Israel vehementer in paruo tempore: & firmavit eum, atque fortiolem fecit super inimicos eius Aegyptios.

Conuertit Deus cor eorum Aegyptiorum, ut odirent per inuidiam populum eius filios Israel, cum augerentur, & ut dolum facerent in seruos eius, luti ac lateris operibus opprimendo.

Misit Dominus Moysen seruum suum ad liberandum Israel de Aegypto, & Aaron ipsum, quem elegit ut esset coadiutor. Exod. 1. b
c. 3. c. 4. d. e

Posuit in eis Moysen & Aaron legatis suis verba signorum suorum, ut facerent miracula, & prodigiorum multorum in terra Cham, quæ est Aegyptus. Exod. 7. a

Misit tenebras densissimas tribus diebus super Aegyptios, & obsecravit totam terram Aegypti, & non exacerbat, imò dulcoravit Deus sermones suos, quia cum Pharaon promittebat poenitentiam, remittebat plagam. Exod. 10. f

Conuertit aquas eorum Aegyptiorum in Exod. 7. d

sanguinem, ut bibere non possent ipsi, vel animalia: & occidit pisces eorum, quia ibi naturaliter nutriuntur.

Exod. 8.b Edidit & produxit terra eorum ranas, non solum in locis communibus, sed & in penetralibus & cubiculis regum ipsorum & principum Aegypti.

Exod. 8.c.f Dixit, praecepit Deus, & venit cynomyia, musca canina, & cyniphes, musca minuta, aculeis molesta in omnibus finibus eorum Aegyptiorum.

Posuit & dedit pluuias eorum Aegyptiorum in grandinem, quia pro pluvia saluifera grado vastauit omnia: ignem flammarum comburentem in terra ipsorum, quia uerdine & coruscatione omnia deperibant.

Et percussit gradine & fulminibus vineas eorum Aegyptiorum, & ficulneas eorum, confregit etiam & contriuit omne lignum, & fructiferas arbores finium eorum, tempestate fluminum.

Exod. 10.
c. d

Dixit & praecepit Dominus, & venit statim locusta & bruchus, hortos, agros, & vineas deuastans, cuius non est numerus pro multitudine.

Et comedit locusta & bruchus omne foenum & germen in terra eorum, pascua animalium vitiando, & comedit omnem fructum segetum terrae eorum, ut etiam homines cibum

cibum non haberent.

Et percussit occidendo omne primogenitum, ab homine usque ad pecora, in terra eorum etiam, & primitias omnis laboris eorum Aegyptiorum. Exod. 12. d

Et eduxit de Aegypto eos Israelitas cum argento & auro, quæ ab Aegyptiis mutuauerant, & non erat in tribubus eorum infirmus, qui ab itinere impediretur. Exod. 13. d

Lætata est Aegyptus valde in profectio-
ne & recessu eorum, propter plagas quas pa-
tiebantur, quia incubuit timor eorum He-
braeorum, ne redirent super eos Aegyptios.

Expandit Deus nubem in protectionem
& tegumentum eorum contra ardorem solis
per diem: & ignem seu columnam ignis ut lu-
ceret eis contra tenebras per noctem. Exod. 13. d
Psalm. 77. b

Petierunt à Deo carnes, & venit coturnix
avis gustu delicata: & pane cœli, mâna descen-
dente de cœlo aereo, saturavit eos abundanter. Exod. 16. c

Dirupit percutiendo petram & fluxerunt
tunc aquæ in tanta abundantia, quod abierunt
& cucurrerunt in sicco deserto flumina, ita
ut biberent homines & iumentum. Num. 20. c

Quoniam memor fuit & recordatus est
verba sancti sui promissi, quod habuit, & fe-
cit ad Abraham puerum & seruum suum. Gen. 22. c d

Et Dominus eduxit de seruitute Aegypti
populum suum iuxta Abraham, in exulta-
tione. Iosue 3. d

~~Confitemini de peccatis Domini Deo, Iudith 13. c.~~
~~Confitemini de peccatis Domini Deo, Iudith 13. c.~~
~~Confitemini de peccatis Domini Deo, Iudith 13. c.~~

Confitemini de peccatis Domino Deo, Iudith 13. c.
 Vos qui graviter deliquistis, quoniam
 bonus, benignus & beneficus est, quoniam in
 seculum hoc presens misericordia eius, qua
 veniam dat penitentibus.

Quis loquetur, digne laudando, potentias Eccle. 43. d
 Domini & omnipotentiam creatoris? & quis
 auditas faciet alijs annuntiando, omnes lau-
 des eius, & opera, ex quibus est laudandus?

Beati sunt, qui primo custodiunt iudiciũ,
 recte iudicando & bonum à malo discernendo,
 & deinde faciunt iustitiam exequendo in ope-
 re & recte agendo, etiam in omni tempore
 perseveranter.

Memento nostri Domine, gratiam tuam
 nobis conferendo ut simus in beneplacito po-
 puli tui, in meritis sanctorum qui tibi placent,
 visita nos, ut saluemur in salutari tuo Iesu
 Christo, in quo peccata dimittuntur.

Ad videndum te facie ad faciem in boni-
 tate & gratia electorum tuorum, ut partis-
 cipes simus beatorum in cælo, ad lætandum in
 lætitia gentis tuæ, ut connumeremur de cætu
 piorum, ut lauderis à nobis cum hæreditate
 tua, qui sunt Angeli & electi.

Peccauimus cum patribus nostris, & in Iudith 7 d

~~multis offendimus te. iniquitatem fecimus contra te.~~
 multum, & iniquitatem fecimus contra Deum.

Patres nostri in Aegypto, ubi multa facta sunt, non intellexerunt, neque aduerterunt mirabilia tua, imò sine fide intuebatur ea, non fuerunt memores beneficiorum & multitudinis misericordiae tuae per eorum ingratitude.

Et irritauerunt Deum ascendentes de Aegypto in mare, diffisi de potestate diuina, mari Rubro, cum iam euassent inimicos submersos.

Et Dominus saluauit eos, non propter merita eorum, sed tantum propter nomen suum manifestandum & glorificandū, ut notam faceret, atque ostenderet potentiam tuam, Aegyptios submergendo & Israel saluando.

Exod. 4. c Et increpauit mare Rubrum suo precepto, & exsiccatum est ipsum mare, & deduxit eos in abyssis sicco vestigio, sicut in deserto, ubi non sunt aquae.

Et saluauit eos Israelitas de manu & potestate odientium & insequentium Aegyptiorum: & redemit eos de manu seruitutis, & potestate inimici Pharaonis.

Ex. 14. g Et operuit aquis maris tribulantes eos, scilicet Pharaonem & exercitum eius, unus ex eis qui persequabantur non remansit, quin submergerentur.

Et ipsi visis crediderunt verbis eius Deo scilicet & Moysi & laudauerunt cum tympanis & cho

& choris laudem eius, dicentes: Cantemus Domino gloriose.

Citò mutati fecerunt hæc quæ sequuntur, & obliui sunt operum & beneficiorum eius, ut murmurarent: & nõ sustinuerũt neq; expectauerunt consiliũ eius, & Dei ordinationem.

Et concupierunt carnes iuxta concupiscentiam & desiderium suum in deserto, ut gula satisfacerent: & tentauerunt Deum ad probandum potentiam eius, in inaquoso deserto, & loco sine aqua.

Et dedit eis petitionem ipsorum, scilicet carnes & aquas, & misit saturitatem vsq; ad nauseam in animas eorum, quia per mensem vescabantur coturnicibus.

Et irritauerunt ad iram Moysen in castris seditiosi, & Aaron sanctum Domini, consecratum pro sacerdotio coram Domino.

Aperta est terra facto hiatu, & deglutiuit Dathan cum tabernaculis suis & etiam operuit super congregationẽ Abiron, qui perijt cum suis, quum superbissimi erant & sacrilegi.

Et exarsit atque succensus est ignis è cælo in synagoga, & congregatione eorum, qui thuribula tenentes offerebant incensum, unde flamma ex illis resiliens combussit peccatores, qui illicitè sacerdotium vsurpauerant.

Et præterea fecerunt filij Israel virulum conflatilem in Horeb, & prope mõrem Horeb,

cuius vertex est Sinai. & adorauerunt
sculptile idolum pro deo.

Et mutauerunt gloriam suam atque ma-
iestatem Dei sui, qui debebat eis esse gloria, in
similitudinem vituli comedentis fœnum,
quia honorem Deo debitum attribuerunt simi-
lacro vituli.

Obliti sunt Deum verum, qui saluauit
eos de multis periculis, qui fecit magnalia &
prodigia in Aegypto per decem plagas, mira-
bilia etiã signa in terra Cham, quæ est Aegy-
ptus, terribilia in mari Rubro, Pharaonem &
exercitum eius submergendo.

Exod. 32. c

Et propter eorum ingratitude dicit Do-
minus Moysi, comminando, vt disperderet eos
occidendo: & fecisset, si Moyses electus eius
non stetisset contra, in confractioe & pla-
ga quæ erant ferendi in conspectu eius, vt se
obijceret pro illis, tanquam mediator.

Vt auerteret & placaret iram eius ne dis-
perderet eos vindicando se de tanta ingra-
titudine & impietate, & etiam filij Israel pro ni-
hilo habuerunt, atq; contempserunt terrã pro-
missionis desiderabilẽ, fluentem lacte & melle.

Non crediderunt verbo eius quo promise-
rat eos introducere in terram illam, & murmu-
rauerunt, dicentes, reuertamur in Aegyptum in
tabernaculis suis, cùm essent in otio, & non
exaudierunt vocẽ Domini, vt illi obedirent.

Et

Et eleuauit Deus manum & potentiam Num.14.c
suam diuinam super eos vt prosterneret eos
& morerentur omnes in deserto, præter Iosue
& Caleph.

Et etiam vt deiiceret in captiuitatibus semen eorum. filios ac sequaces in nationibus
& Gentibus diuersis per circuitum, & dispergeret diuidendo eos in regionibus, ob incredulitatem & murmurationes eorum.

Et initiati sunt atque consecrati Beelphegor, idolo Moabitarum: & comederunt sacrificia mortuorum, scilicet de carnibus animalium idolis immolatorum.

Et irritauerunt eum Deum in adinuentio-
nibus suis, & peccatis ab eis studiosè factis, &
multiplicata est in eis plaga mortis, & ruina,
quia occisi sunt vigintiquatuor millia hominũ.

Et stetit pro Deo Phinees contra idolola-
tras, & placauit Deum per suũ bonum Zelum: Num.25.b
& cessauit quassatio & plaga à populo.

Et reputatum est ei Phinees hoc factum in
iustitiam à Deo, quia ex Zelo fidei processit, in
generatione præsentis, & generationem sub-
sequentem vsq; in sempiternum æternaliter.

Et irritauerunt etiã eum Deum ad aquas Num.20.a
contradictionis, cõtumeliosè loquendo contra
Moysem: & vexatus est Moyse, & mente tur-
batus, vt hæsitaret propter eos sic irritantes,
quia durius loquendo exacerbauerunt, & ad

*diffidentiam prouocauerunt spiritum eius,
ut dubitaret an posset elicere aquam è petra.*

*Et distinxit inconsiderate in labiis suis
verbis impegit coram populo Deum non glorifi-
cando, & filij Israel non disperdiderunt Gen-
tes impias de terra promissionis, quas dixit
Dominus illis, ut eas exterminarent, ne pra-
uocarentur ad idololatriam cum illis.*

*Et committi sunt inter Gentes per col-
litationem & mutua connubia, & didicerunt
in ritu & moribus opera eorum mala, & ser-
uierunt sculptilibus eorum idololatrarum,
& factum est illis in scandalum, quo Deum
offenderunt.*

*Et immolauerunt secundum ritum Gen-
tium filios suos & filias suas, eos occidendo
dæmoniis & idolis in honorem demonum
dedicatis.*

*Et effuderunt sanguinem innocentem
contra legem naturæ, sanguinem inquam fi-
liorum suorum & filiarum suarum, in gra-
tiam demonum, quos sacrificauerunt & im-
molauerunt sculptilibus Chanaan, trahendo
paruulos per ignem.*

*Et infecta atque polluta est terra in san-
guinibus & paricidijs filiorum, & conta-
minata est in operibus eorum per prædi-
ctas immolationes, & fornicati sunt idolis ser-
uendo in adinventionibus, & adulteriniis
suis*

suis superstitionibus.

Et propter ista iratus est, & exarsit furore
gravi Dominus Deus in populum suum Is-
rael: & abominatus est detestando heredita-
tem suam, quos primò elegerat.

Et tradidit eos impios in manus & pote-
statem Gentium, ut eis seruirent, & illi domi-
nati sunt eorum, multis miserijs affligendo,
quietiam & oderunt eos Israelitas.

Et tribulauerunt eos grauiter inimici eo-
rum, dura seruitute opprimendo, & humiliati
sunt atque viles effecti sub manibus & pote-
state eorum, & tamen Dominus sæpe libera-
uit eos ab inimicis.

Ipsi autem similiter exacerbauerunt, &
prouocauerunt eum ad iram, peccata reites-
tando, & hoc in consilio suo malo, ut Deo rez-
licto idola sequerentur: & ideo humiliati &
conculcati sunt ab inimicis in iniquitatibus
suis & peccatis.

Et tandem vidit Deus oculo misericordie
sue, cum tribularentur Israelita ab inimicis:
& audiuit orationem eorum, & misertus est
impietatis.

Et memor fuit pacti seu testamenti sui Deut. 30. 2
promissi ad Abraham & poenituit eum, quia
ad modum poenitentis se habuit secundum
multitudinem misericordiae suae, magis
quam secundum merita illorum.

Et

Et dedit eos *Israelitas* in misericordiarum
benivolentiam, & reuerentiam, in conspectu
omnium populorum, qui ceperant eos, ut qui
prius despectus habebant, post honorabant.

Saluos fac nos Domine Deus noster de
seruitute & angustijs quibus affligimur, &
congrega nos de Gentibus & nationibus,
quibus dispersi sumus.

Vt confiteamur confessione laudis nomini
sancto tuo, celebremus & laudemus pietatem
tuam, & gloriemur in laude tua, non in
Etantia & viribus nostris.

Benedictus est Dominus Deus Israel in
omnibus quæ fecit, & faciet nobis in aduersis
& prosperis, à seculo presenti & vsque in se-
culum æternum: & dicet atque confirmabit
omnis populus tam de *Iudeis* quàm *Gentibus*,
fiat fiat, amen, amen.

ORATIO.

Confitemur delicta nostra, & misericordiam tuam imploramus Domine, quia
peccauimus cum patribus nostris, iniuste
egimus, iniquitatem fecimus. Salua nos
Domine Deus noster, qui confitemur no-
mini sancto tuo, & gloriamur in laude tua.
Memento nostri gratiam conferendo, at-
que visita, vt saluemur in salutari tuo *Iesu*
CHRISTO. Amen.

Halleluia, laudate Dominum.

ARGVM. Canit cuncta mala diuinitus immit-
ti & tolli, eoque pericula & angustiam oberran-
tium in desertis, victorum, ægrotantium, & eo-
rum qui in mari iactantur, tum opis diuinæ im-
plicationem, & pro ea impetrata gratiarū actio-
nem: denique, vt Deus omnia in manu habeat, &
immutare soleat, memorat.

Confitemini Domino confessione tam Iudith 13.6
peccatorum quàm laudis, quoniam bo-
nus, suavis, & mitis, quoniam in seculum
& in æternum est misericordia eius, quæ
nunquam negatur penitentibus.

Dicant nunc laudes Deo Christiani, qui
redempti sunt sanguine Christi, à Domino
de Gentibus ad fidem conuersis, quos redemit
de manu & potestate inimici diaboli, & de
regionibus diuersis congregauit eos in vni-
tatem fidei.

A solis ortu quod est ab oriente, & occasu,
scilicet occidente, ab aquilone seu septentrio-
ne, & mari austro, ex omnibus mundi partibus
redempti fideles, gratias agant Deo.

Errauerunt olim isti, quos redemit, in so-
litudine sine Deo, non habentes viam veritatis,
& in inaquoso in mentis ariditate, sine rore
gratiæ & doctrinæ viâ ciuitatis habitaculi
& patriæ cœlestis non inuenerunt, quia viam
Christi quæ ducit ad regna cœlorum, igno-
rauer

rauerunt.

*Ei uidentes, quia erant sine cibo uerbi Dei
& sitientes potum spirituales gratia: animae
eorum in ipsis studiis suis & laboribus defice-
rit ab inuentione uerae beatitudinis.*

*Et clamauerunt pro consolatione spirituali
ad Dominum Deum cum tribularentur er-
rore, fame, siti, & de necessitatibus angustiis
eorum ac coartationibus conscientiae ei impu-
cos, uiam ueritatis ostendendo.*

*Et deduxit eos ab errore in uiam rectam
fidei, & de ignorantia ad uiam ueritatis, ut per
illam irent bene operando in ciuitatem habi-
tationis, quae est caelestis Ierusalem.*

*Confiteantur Domino, haec accepta ferendo
misericordiae eius, non meritis aut uiribus
suis: & mirabilia eius exhibita filiis homi-
num, quia gratis ex pura sua misericordia nos
liberauit.*

*Quia satiauit sua gratia animam inanem,
& sterilem bonorum, & animam esurientem
iustitiam satiauit bonis spiritualibus.*

*Sedentes ex praua consuetudine in tenebris
ignorantiae, & in umbra mortis, in uitiosa huius
seculi uita, quae est imago futurae mortis
uinctos, atque ligatos, in mendicitate bono-
rum, & ferro, atque obstinatione malorum.*

*Quia exacerbauerunt atque contempserunt
eloquia Dei loquentis per legem & prophetas,
& consil*

& consilium altissimi, quod erat ut iuste viverent, irritauerunt, scientes voluntatem Domini, & negligentes.

Et ideo humiliatum est tandem in laboribus vitiorum cor eorum, quia lassati sunt in via iniquitatis & perditionis: infirmati sunt omni virtute destituti, nec fuit ex hominibus qui adiuuaret, nisi solus Deus.

Et clamauerunt penitentes ad Dominum pro auxilio, cum tribularentur his malis: & de necessitatibus eorum, atque angustiis animæ & corporis, mentis & spiritus liberauit eos.

Et eduxit eos de tenebris ignorantie ad lumen fidei, & de umbra mortis atque peccato idololatriæ, ad veritatem vite, quæ est vita gratiæ, & vincula eorum quibus detinebantur in seruitute diaboli dirupit penitus.

Confiteantur Domino, & gratias agant misericordię eius, quibus à malis liberat & bona prestat, & mirabilia eius exhibita gratis filiis hominum, nullis precedentibus meritis.

Quia contriuit sua virtute diuina portas æreas, & obstinatas vitiorum concupiscentias, & vectes ferreos atque diabolicas suggestiones confregit, quando ipsos aduentus sui lumine misericorditer respexit.

Suscepit liberando eos per suam misericordiam

diam de via iniquitatis eorum, & posuit in via aequitatis: propter iniustitias enim suas permisit Deus ut affligerentur, & ergo humiliati sunt, atque deiectione in varijs erroribus.

Omniem escam spiritualem abominata est & fastidivit anima eorum infirma, & ergo appropinquauerunt & periclitati sunt usque ad portas mortis aeternae, & damnationem perpetuam.

Et ita periclitati clamauerunt ad Dominum pro auxilio, cum tribularentur fastidio & tadio, & de necessitatibus eorum anima & corporis liberauit eos.

Misit Deus pater verbum suum, Dominum Christum, qui in principio erat verbum, & saluauit eos à languore mortis animae, & eripuit eos de omnibus peccatis, & interitionibus eorum, per quae interit & occiditur anima.

Confiteantur Domino non merita eorum, non vires, non sapientia, sed misericordiae & miserationes eius: & laudetur Deus per mirabilia eius, quae fecit filiis hominum.

Et sacrificent pro gratiarum actione sacrificium non pecudum, sed laudis, ex cordis deuotione, & annuntient alijs opera eius ad laudem Dei, & utilitatem proximi, & hoc non cum tadio vel mœrore, sed in exultatione & hilaritate mentis.

Qui descendunt mare hoc spatiosum in nauibus

nauibus, ut regant eas, faciētes operationem periculosam & laboriosam in aquis multis per varios fluctus.

Ipsi nauigantes viderunt & experiuntur opera Domini, multa & insolita, & mirabilia eius in varijs monstris, in profundo maris.

Dixit Dominus solo nutu, & stetit atque sedatus est spiritus procellæ & ventus tempestatis, & etiam interdum exaltati sunt atq; intumuerunt fluctus eius maris suo imperio.

Ascendunt fluctus & naues vsque ad cœlos in altitudinem, & etiam descendunt in profundū vsque ad abyssos horribiliter: vnde anima eorum nauigantiū in malis & afflictionibus tabescebat præ magnitudine periculorum.

Turbati sunt nauigantes, & moti sunt tremēdo corpore, sicut ebrius qui stare non potest, & omnis sapientia atque industria eorum absorpta & deuorata est, quia nesciunt sibi nec alijs consulere.

Et clamauerunt auxilium ad Dominum qui imperat ventis & mari, cū tribularentur atque periclitarentur tempestate, & de necessitatibus eorum atque perturbationibus eduxit eos, deducendo ad portum salutis.

Et statuit procellam atque tempestatem eius maris in auram serenam & tranquillam, & siluerunt ab æstu fluctus eius iam trāquilliores.

Et lætati sunt nauigantes, quia siluerunt
 & pacati sunt fluctus: & deduxit eos Domi-
 nus in portum securum voluntatis eorum, ab
 eis desideratum.

Confiteatur Domino Deo misericordie
 eius, celebrando beneficia præstita, & mirabi-
 lia eius innumera filiis hominum, ut non obli-
 uiscantur misericordiam, miserias amouentem,
 & mirabilia beneficia conferentem.

Et exaltent eum laudibus in ecclesia & con-
 gregatione plebis communis: & in cathedra
 seniorum atque ordine sapientum laudent
 eum, in donis & beneficiis suis.

Posuit & arefcere fecit flumina propter pec-
 cata hominum in desertum, ne possent terram
 irrigare, & exitus aquarum, terram copiosam
 fontibus, in sitim & siccitatem.

Terram fructiferam & bonam in salugi-
 nem & sterilitatem, & hoc à malitia, & pro-
 pter malitiam hominum atque perfidiam inha-
 bitantium in ea.

Posuit desertum & terram siccam in stagna
 aquarum, ita ut abundet aquis, & terram ari-
 dam, sine aqua fecit in exitus aquarum, ut
 illuc erumpant flumini & fontes.

Et collocauit illic esurientes, qui propter
 sterilitatem loci recesserant, & constituerunt
 atque parauerunt ciuitatem habitationis in
 eodem loco.

Et seminauerunt agros in cibum, & plan-
tauerunt vineas in potum & fecerunt fru-
ctū natiuitatis naturalem & bonum.

Et benedixit eis hominibus Deus, & multi-
plicati sunt nimis in prole & possessione, &
iumenta eorum atque pecora non minora-
uit, sed potius multiplicauit.

Et postquam peccauerunt pauci facti sunt
& imminuti, & vexati sunt à tribulatione
& angustia malo um & dolore.

Effusa & orta est contentio super princi-
pes eorū: & errare fecit atq; permisit eos in in-
uio infidelitatis, & nō sunt reuerſi in via fidei.

Et adiuuit subleuando pauperem & mi-
serum de inopia & afflictione, & posuit in
loco fecundo, sicut oues vel gregem familias,
ut multiplicarentur in prole.

Videbunt providentiam Dei ad bonos & Iob 22. c
malos recti corde & iactabuntur atque gra-
tulabuntur de tot beneficijs & sanctis Dei ope-
ribus: & omnis iniquitas, atque iniustitia op-
pilabit, & obstruet os suum, non audens resi-
stere Deo.

Quis sapiens & spiritu Dei edoctus, & cu-
stodiet hæc Dei beneficia iugiter ruminando? &
intelliget non merita sua, non vires in his glo-
rando, sed misericordias & miserationes
Domini, quod superbis resistit, & humilibus
dat gratiam.

ORATIO.

Cōfitemur Dñe misericordias tuas, quas iugiter exerces circa nos pœnitentes: Clamauimus ad te, quia tribulamur, libera nos & auxiliare, quia prater te non est adiutor: disrumpe vincula delictorum, quibus detinemur in seruitute diaboli, & educ nos de tenebris ignorantiae ad lumen fidei, & de vmbra mortis ad veritatem vitę, vt tibi soli sacrificemus sacrificium laudis. Amen.

Sec. He. 108

PSALMVS CVII.

Canticum istud agens de mentis iucunditate est Psalmus, quia mouet ad bona opera, & attribuitur ipsi Dauid Propheta.

ARGVM. Quisquis ab omni terrenarum rerum affectu subduxerit animum, iam paratus est cum Christo seruatore (de quo hic Psalmus conscriptus esse videtur) Deo veras laudes canere. Nā ad Dominum hunc Psalmum prorsus pertinere, indicant Psalmi 56. & 59. ex quibus geminis hunc constat esse compositum.

Paratum est cor meum Deus ad confitendum tibi, paratum cor meum ad faciendum quę pręcipis: cantabo deuotē, & psallam in iubilo tum mentis tum vocis, & hoc in gloria mea, quia nulla mihi est gloria nisi in laudibus tuis.

Exurge gloria mea, exurge psalterium decachordum, & cithara iubilationis: exurgam

gam à vitijs ad bona opera, diluculo, in ortu gratia.

Confitebor tibi confessione laudis in populis Domine, bonitatē tuā laudādo, & psallam bona opera faciendo, tibi ad honorem tuum, in nationibus, bonum exemplum alijs præbendo.

Quia magna est super cœlos, unde gratiarum beneficia nobis trāsmittis misericordia tua diuina, & vsq; ad nubes toto orbe terrarū diffusa est veritas tua, & promissionū tuarū.

Exaltare ascendendo super cœlos, & choros cœlestes Deus filius, & super omnem terram ubique diuulgetur gloria tua, vt agnoscant potentiam tuam & bonitatem tuam, vt liberentur dilecti, & prædestinati tui à seruitute peccati & diaboli.

Reliqui versus suprā expositi sunt, Psa. 56.

O R A T I O.

Paratum est cor nostrum Domine tibi psallere & cantare iubilo mentis & vocis, quia tu es gloria conscientiaē nostræ, confitemur nomini tuo diuino, cum magna sit super cœlos misericordia tua. Fac itaque vt illuc tendamus, quo tibi canitur laus & gloria in seculorum secula. Amen.

PSALMVS. CVIII.

Sec. He. 109

In finem & Christum Psalmus est ipsius Dauid Propheta. Loquitur Christus in forma humanitatis assumpta.

ARGV M. Pars prima huius Psalmi diræ sunt in Doeg, aliósq; adulatores Saulis, qui Saullem mendaciis suis contra Dauidem incubant: & sub typo horum in Iudam proditorem Christi, ac omnes qui ad eundem modum filiis Dei infesti sunt. In altera, de miseria sua queritur, & opem Dei implorat.

DEus pater laudem meam contra improperia inimicorum ne tacueris, sed fac me cognosci & laudari per totum mundum: quia os peccatoris & cæcus Pharisæorum & os dolosi Iude proditoris super me apertum est dicendo blasphemias & multa falsa testimonia.

Locuti sunt Iudas & Pharisei aduersum me innocentem lingua dolosa, simul confutando de traditione mea, & sermonibus odij circumdederunt me, dicentes, demonium habes: & expugnauerunt me multis improperijs, gratis sine mea culpa.

Pro eo beneficio, vt me diligenter detrahebant mihi, negantes me filium Dei: ego autem pro ipsis persecutoribus orabam.

Et ipsi posuerunt aduersum me in verbum & factus mea pro bonis, & quia impij erant, odium reddebant pro dilectione mea, quam exhibui populo Iudaico.

Constituere super eum populum Iudaicum, peccatorem daemonum, & diabolus vel Satan stet atque maneat à dextris eius, vt sit eorum Dominus

dominus, quia me recusant.

Cum iudicatur ante tribunal aeterni iudicis, exeat de congregatione iustorum condemnatus in ignem aeternum, & oratio eius fiat illi in peccatum.

Fiant dies eius Iudae traditoris pauci, sic Ioan. 17. c
fuit, quia post proditionem cito se suspendit, & Act. 1. d
episcopatum eius seu dignitatem Apostolatus accipiat alter, scilicet Matihias.

Fiant filij eius Iudae orphani patre carnali, & vxor eius per mortem ipsius fiat vidua, pro quibus sustentandis fur erat & latro.

Nutantes, vagi, instabiles, incerti quo eant transferantur filij eius Iudae de loco ad locum, & medicent omnibus bonis spoliati, & ei j ciantur omni praesidio destituti de habitationibus suis.

Scrutetur & inquiret foenerator seu exactor omnem substantiam eius, ut eam tollat, & diripiant alieni labores eius, videlicet diuitias laboribus eius acquisitas.

Non sit illi populo Iudaico adiutor, qui insurgat ad defensionem eius, nec sit illi qui misceatur pupillis eius, tuendo & fouendo posteritatem eius.

Fiant nati & filij eius in interitum, ut moriantur propter peccatum patrum: in generatione vna cito & in breui deleatur nomen eius, & dispergatur Israel per mundum.

In memoriam redeat iniquitas & impietas patrum eius, ut sint odio in conspectu Domini Dei: & peccatum matris eius Syngogæ infidelis non deleatur, sed semper puniatur.

Fiant & maneat Iudæi obstinati contra Dominum Iesum Christum semper & hic & in futuro, & dispereat de terra viventium memoria eorum, & hoc pro eo quod non est recordatus populus Iudaicus facere misericordiam, sed potius maximam crudelitatem, persequendo saluatorem.

Et persecutus est, populus ille Iudaicus hominem Christum de virgine natum inopem & mendicum, qui pro nobis pauper factus est, ut nos diuites faceret, & compunctum corde atque afflictum alienis miseris mortificare, ut eum occiderent.

Et dilexit populus Iudaicus maledictionem dum clamabant: Sanguis eius super nos & super filios nostros, & veniet ei sicut Iudæis contigisse vidimus mille quingentis annis: & noluit benedictionem in lege promissam, & elongabitur ab eo, quia transiit ad Gentes.

Et induit populus Iudaicus maledictionem ipsam sicut vestimentum quod corpus circumdat, & intrauit ipsa maledictio sicut aqua in interiora eius in anima deprauata, & sicut oleum in ossibus eius intus & extra.

Fiat

Fiat ei populo maledictio & peccatum sicut vestimentum quo operitur & circumdatur ex omni parte, & sicut zona qua semper præcingitur, ut sit semper maledictione ligatus.

Hoc est opus, pœna, & retributio eorum qui detrahunt mihi, dicentes me non esse Christum, apud Dominum Deum patrem, & qui loquuntur mala, atque blasphemias aduersus animam & humanitatem meam.

Et tu pater Domine, Domine Deus Angelorum & hominum, fac mecum suscitando à morte corporis propter nomen tuum glorificandum, quia suavis pia & benigna est misericordia tua per quam generi humano voluisti subuenire.

Libera me de huiusmodi corporis infirmitate per resurrectionem, quia egenus & pauper sum ego, quandiu inuoluor huius carnis corruptione, & cor meum conturbatum & sauciaturum est intra me, naturali instantis passionis timore.

Sicut umbra, cum declinat ad occasum, ablatus sum de vita presenti per mortem, & excussus sum à Iudeorum manibus, sicut locusta, quia saltu subita resurrectionis euolauit.

Genua mea, & fortiora membra, qui fuerunt Apostoli, infirmata sunt & debilitata à ieiunio, qui diuini verbi resurrectionem non habebant: & caro mea à mortis ignominia immu-

tata est in gloriā immortalitatis, & hoc propter oleum, & propter gratiam spiritualē Christo homini datam in incarnatione, à cuius olei victione dicitur esse Christus.

Et ego sanctus sum per ignominiam crucis opprobrium illis Iudais: viderunt me pendentem in cruce, & moxerūt capita sua, blasphemando.

Adiuua me Domine pater, Deus meus, in passione humanitatem meam confortando: saluum me fac à morte resuscitando secundum misericordiam tuam, qui semper benefacis & defendis.

Et per hoc sciant boni ad gloriam, mali ad pœnam, quia manus & potestas tua hæc operata est, & tu Domine pater fecisti eam misericordiam, ut per meam passionem redimeretur genus humanum.

Maledicent illi obstinati Iudai, & tu Deus pater benedices & benefacies: qui insurgunt in me filium tuum, confundantur aduersarij veritatis, seruus autem tuus tibi obediendo usque ad mortem lætabitur, ad dexteram tuam collocatus.

Induantur aduersarij, qui detrahūt mihi ignominia, pudore & opprobrio: & operiantur sicut diploide, tanquam duplici pallio confusione sua, intus & extrā, coram Deo & hominibus, in corpore & in anima.

Confitebor Domino patri, ipsum laudando nimis ex vehementi affectu in ore meo & meorum, & in medio multorum, quia in universo mundo, laudabo eum in membris meis.

Qui afficit iuuando à dextris pauperis, vires mihi ministrans in passione, ut saluam faceret à persequentibus Iudeis animam & humanitatem meam, me resuscitando à morte gloriosè.

ORATIO.

Omnipotès sempiternè Deus, qui filium Dominum nostrum Iesum Christum pro reatibus nostris, mortem crucis ignominiosam subire voluisti, ut nos à morte æternæ redimeres: Ecce quæsumus nobiscum misericordiam propter nomè sanctum tuum, & libera nos à persequentibus vitiis, & à diabolo calumniatore, ne stet à dextris. Per eundem Christum.

Gen. 1.2

PSALMVS CIX.

Sec. He. 11.0

Psalmus iste est Dauid Propheta, qui loquitur hic mysteria incarnationis Christi.

ARGVMENTVM. Canit Psalmus de regno Christi, quod in Sion cœpit, indeque ad fines orbis vsque peruenit, obtinebitque donec Christum superi & inferi vniuersi adorent, hostesque eius scabellum positi fuerint pedibus eius.

Dixit, & æterna dispositione ordinauit Dominus Deus Pater, Domino meo Christo filio suo, quem Dauid Dominum vocat ratione

Matt. 22. d
1. Cor. 15. d

He. 1. 2. 10. c
Act. 2. f.

ratione diuinitatis suae, Sede & quiesce à dextris meis, ac mihi conregna:

Donec ponam omnes inimicos tuos Iudeos, qui persecuti sunt te Christum, scabellum pedum tuorum, subiectos tuae voluntati & imperio.

Virgam virtutis tuae, sceptrum potentiae, virtutem fidei, & charitatis emittet Dominus, qui omnia in Christo facit ex Sion, ubi cepta est praedicari lex gratiae, & verbum Dei dominare iam in medio inimicorum tuorum Iudeorum, Paganorum, Hereticorum, tu qui es Dominus omnium.

Tecum sum principium vnum & idem, quia eadem est dominandi potestas, & principandi auctoritas, & hoc apparebit in die virtutis & claritatis diuinitatis tuae, quando videbimus te sicut es in splendoribus sanctorum, quando iusti fulgebunt sicut sol in regno patris: Ego pater ex vtero ex arcano substantiae meae, atque ex ipsa diuinitate ante luciferum ante stellam, atque tempora, ante omnem creaturam genuite ineffabili & aeterna generatione.

Heb. 7. c
Ioã. 12. c
Heb. 5. b

Iurauit Dominus pater Christo, & inconstantia veritate firmavit, & non poenitebit eum, neque mutabit sententiam: Tu es sacerdos in aeternum ad interpellandum pro nobis, quia semetipsum obtulit Deo patri in ara crucis secundum ordinem Melchisedech, qui panem & vinum obtulit in sacrificio, & tu ita facies

in consecratione corporis & sanguinis tui.

Dom'nus Iesus sacerdos iste à dextris tuis residens, interpellans pro nobis confregit & conquassavit in die iræ & vindictæ suæ reges: qui gratia sua beneficia contempserunt & persecuti sunt.

Iudicabit iudicio finali in nationibus & Gentibus diversis, implebit ruinas Angelorum, quia homines illuc ascendere faciet, conquassabit graviter puniendo capita multorum principum & Hæreticorum, qui fuerunt in terra huius seculi.

De torrente & fluxu mortalitatis nostræ in via præsentis bibet, nascendo & moriendo: propterea quia sic humiliabitur etiam vsque ad mortem, exaltabit Deus pater caput eius, quia dabit ei regnum æternum, quod est super omne regnum. Vnde & dominus erit omnium cælestium, terrestrium, & infernorum.

ORATIO.

Omnipotens Deus, qui filium tuum, qui tecum principium est vnū & idem, genitura ineffabili & æterna genuisti, & sacerdos factus secundum ordinē Melchisedech, corpus & sanguinē proprium obtulit in ara crucis ad reconciliationem nostram, tibi obediens vsque ad mortem, quesumus vt mors eius spontanea sit nobis vita æterna. Amen.

PSALMVS CX.

Halleluia, Laudate Deum.

ARGV. Hymnus est, quo opera Dei & creationis & redemptionis hic magnificantur, vt sit summa: Quicquid facit Deus, verè facit & iustè: quicquid promittit, verè promittit & iustè, non sicut homines, qui & facto & verbo fallunt & falluntur.

Confitebor tibi Domine, & gratias agam in toto corde meo, in intellectu & affectu, in consilio iustorum, nō in conuenticulo Hereticorum, & congregatione seu Ecclesia fidelium, vbi congregantur iusti.

Magna sunt opera Domini, & inscrutabilia, exquisita sunt & inuestiganda in omnes voluntates eius, quia omnia quaecunque voluit, fecit in caelo & in terra.

Confessio peccatorum & magnificentia de diuinis est opus eius, non ergo gloriatur in se homo, quia omnia sunt à Deo: & iustitia eius, merces quae iustè datur, & retributio iustitiae manet incommutabilis, in seculum seculi, aeternaliter.

Memoriam fecit in recordatione mirabilium beneficiorum suorum, in opere incarnationis & redemptionis in sericors natura, & miserator Dominus in effectu, escam spirituales, videlicet corpus & sanguinem suum, dedit in sacramento alimentibus se.

Memor

Memorerit Dominus in seculū & in æternum testamenti & pacti sui promissi: præcepit nobis facere iustitiam, & promittit vltimam, virtutem operum suorum & rationes diuinae bonitatis in operibus Dei intelligendis annuntiabit, declarabit, & manifestabit populo suo adoptiuo, fidei & Christiano.

Vt det illis hæreditatem Gentium, benedictionem Gentibus in Christo promissam, salutem, pacem & gratiam opera manuum & potestati eius sunt veritas, quia quicquid promissit adimplebit, & iudicium, quia reddet vnicuique prout gessit. Omnia enim opera Domini vera, recta, iusta sancta sunt.

Fidelia etiam sunt omnia mandata eius, & fide recta à nobis adimplenda, confirmata & firmiter seruanda in seculum seculi, semper & ab omnibus, quia facta sunt in veritate à Christo, qui est ipsa veritas, & æquitate. equissima enim sunt & recta, & non est iniquitas in eis.

Redemptionem & salutem misit Dominus pater populo suo Christiano, quando Christus ex obedientia Dei patris venit ad passionem, per quam redemptum est genus humanum: mandauit & voluit, vt in æternum duraret testamentum suum Nouum, quia illi aliud nō succedet.

Sanctum bonis vt ametur, & terribile malis, vt

Prouer. i.

a. & 9. c.

Eccle. i. b

lis, vt timeatur nomen eius saluatoris, qui
Iesus est, in quo sanctificamur & iustificamur
initium veræ sapientiæ est timor Domini
vt ad eius verba & opera trepidemus, ac ad huius
militatem moueamur.

Intellectus huius timoris est bonus & vili-
lis omnibus facientibus eum, & opere adim-
plentibus, qui sic intelligant vt faciant quæ li-
mor suadet: laudatio eius redemptoris nostris
manet in seculum seculi. semper enim lauda-
dus est Christus Dominus, & Deus noster.

O R A T I O.

Misericors & miserator Dominus. cuius
opera omnia sunt veritas & iudiciū, tribue
nobis timorem nominis tui sancti & terri-
bilis. quem esse initium sapientiæ prædix-
isti vt iustorum cōgregatione admixti, mi-
sericordiæ tuæ escis spiritualibus sagiae-
mur. Amen.

Sec. He. 112

P S A L M V S C X I.

Halleluia reuerſionis Aggæi & Zache-
riæ, Laudate Dominum.

ARGVMENTVM. Timor Domini commendatur hoc
Psalmo Viri item timentis Deum beatitudo & in
rebus externis & in spiritu describitur.

BEatus est vir ille, qui filiali affectu time-
re Dominum, & offensam eius incurrere
in mandatis eius adimplendis volet & cupiet
nimis, alacri animo & desiderio intenso.

Potens

Potens in terra viuentium ad emendum regnum cælorum erit semen, messus eius futura, quæ sunt opera misericordiæ: generatio rectorum & opus eorum, qui sunt recti corde, benedicetur æterna retributione.

Gloria de puritate conscientia & diuitiæ sanctarum virtutum sunt in domo eius, & cordis secreto, vbi conscientia habitat, & iustitia seu merces iustitiæ eius manet in seculum seculi, quia æternaliter premiabitur.

Exortum est ac illuxit in tenebris huius mundi lumen gratiæ & sol iustitiæ rectis corde ac iustis: misericors est Dominus natura, & miserator exhibitione: & iustus, reddendo secundum opera, dum remunerat.

Iucundus, letus in conscientia, & gratus Deo est homo ille, qui misereatur egenis de suo largiendo, & commodat opere & facto, erogando pecunias, labores, cateraque beneficia, disponit iam in præsentî, & congregat sermones suos, qualiter Domino respondebit in iudicio futuro de operibus misericordiæ exhibitis, quia in æternum talis non commouebitur, & nunquam à gloria Domini separabitur, sed fixus in Deo persistet.

In memoria æterna coram Deo erit iustus, pius & misericors, quia scriptus in libro vite: ab auditione mala & maledictione qua

dicetur impius, Ite in ignem aeternum, non timebit, quia bonam audiet, quam audituri sunt misericordes.

Paratum semper & promptum est cor eius iusti, sperate in Domino, ut promissa ipsius percipiat, confirmatū & in amore Christi est fixum cor eius per gratia & virtutis habitū: non commouebitur à iustitia & spe sua, donec existēs in terra uiuēt: unde despiciat per contemptū inimicos suos, visibiles & inuisibiles.

Disperfit amore Dei, non thesaurizauit sibi, & dedit atque dispensauit possessiones suas pauperibus non histrionibus aut adulatoribus iustitia eius & merces misericordiae eius manet in seculum seculi, quia praeium erit aeternum: & cornu virtutis eius exaltabitur ac clarificabitur in gloria aeterna.

Peccator & impius videbit hoc ad suam poenam, & irascetur contra seipsum, quod non fecerit bona, dentibus suis fremet in inferno, ubi erit fletus & stridor dentium, & rabelcet inuidia de felicitate aliena, desiderium autem peccatorum, quod in praesenti vita habuerūt, peribit, velut umbra.

ORATIO.

Quaesumus misericors & miserator Domine, ut in consortio iustorum & congregatione sanctorum timeamus te filiali affectu, adeo ut paratum sit semper cor nostrum, sperare

rare in te, & confirmatum in amore tuo,
qui es vnica salus nostra : vt opera miseri
cordiæ hîc exercêtes ad proximum à glo-
ria tua æterna non separemur. Amen.

PSALMVS CXII.

Sec. Heb.
113.

Halleluia laudate Dominum.

ARGVM. Laus Deo vbique canitur, quòd cun-
cta intuetur, regit, & pro arbitrio suo mutat, hu-
miles semper euehens, & miseros restituens.

Laudate vos pueri simplices & humiles
corde Dominum in essentia extollendo
maiestatem eius, laudate nomen Domini,
predicando virtutes & opera eius.

Sit nomen Domini Dei nostri benedi-
ctione laudis & gratiarum actionis, ex
hoc quo cœperunt homines credere in Deum,
nunc in presenti & vsque in seculum sine fi-
ne, semper & in omni tempore.

A solis ortu in omnibus Gentibus vsque ad Malac. 1. c
occasum toto orbe terrarû laudabile nomẽ
Domini, vt vbique est, vbique laudetur.

Excelsus est super omnes Gentes, & ho-
mines cuiuscunque potestatis & dignitatis Do-
minus dominantium creator & moderator
omnium, & super cœlos atque angelicas virtus
tes gloria & sublimitas eius.

Quis est tam potens, excelsus & beneficus,
sicut Dominus Deus noster? certè nullus, qui
in altis cœlorum habitat, & intuitu misce-

ricordia humilia respicit per suam providentiam in cœlo, Angelos confirmando, & in terra pœnitentes iustificando.

Suscitans per suam gratiam à terra & desiderijs terrenis inopem virtutibus, & de stercore atque vitiorum pùtre dine erigens, & emundans pauperem, miserjs & peccatis fœtidum.

Vt collocet eum in sede honoris & gratia cum principibus, quia victores peccati & mundi, cum principibus, inquam, Prophetis & Apostolis populi sui Christiani, qui spiritaliter præsuerunt populo Dei.

Qui habitare facit Gentilitatem prius idolatriæ deditam, sterilem operum bonorum in domo, & Ecclesia catholica de Iudæis, & Gentibus collecta, quam fecit matrem filiorum multorum lactantem partu, & numerositate fidelium.

ORATIO.

Laudantes nomen tuum omnipotens Deus, quod est benedictum in secula, rogamus vt nos in sinu matris Ecclesiæ collocatos suscitare digneris, per tuam gratiam nos peccatores miseris & delictis obnoxios, & erigere de terrenis desiderijs, & vitiorum putredine, vt non nisi cœlestia meditemur. Amen.

Halleluia laudate Dominum. Narrantur beneficia & miracula Hebraeis in figura, & Christianis in spiritu à Deo exhibita.

ARGVM. ~~Hymnus est commendationis de bene-~~
~~ficio liberationis à Aegyptio, & transitu Iudaeorum~~
~~in terram promissionis. Quia etiam commendatio est~~
~~punitionis damnae defunctis apostolorum eorumque~~
~~credentibus, & populo Iudaeorum in terram Sion per~~
~~Abraham, Isaac, Iacob, & Moysen, & per David, & per~~
~~non defunctos, sed per defunctos, & per defunctos, & per~~
~~non defunctos, sed per defunctos, & per defunctos, & per~~
~~& non defunctos, sed per defunctos, & per defunctos, & per~~
~~quodammodo.~~

I. Cor. 10.

IN exilu populi Israel de Aegypto atque de iugo seruitutis, domus Iacob cum egredere-
tur de populo Barbaro Gentili & aspero, qui
nec Deum nec legem Dei agnoscebat.

Exod. 3.2

Facta est Iudaea terra promissionis, sancti-
ficatio eius, quia ibi cultus fuit Dei, & doctri-
na legis ac prophetarum, & Israel factus est
potestas eius terra: qui enim in Aegypto fue-
rant serui, ibi facti sunt Domini.

Mare Rubrum vidit, quasi intelligeret vos-
luntatem Dei, & fugit diuidendo se per me-
dium, vt Israel pede sicco transiret, Iordanis
etiam conuersus est retrorsum, eleuando se
ad modum collis.

Montes applaudendo exultauerunt, incli-
nantes se in aduentu Israel, vt arietes lasciu-

uientes, & colles subsilierunt, sicut agni ouium, quia defluentibus aquis maris scopuli apparuerunt.

Quid est & contigit tibi mare Rubrum, quod fugisti, dando transitum Israelitis? & tu Iordanis flumen, quia conuersus es retrorsum, quæ causa tuæ obedientiæ?

Montes, cur exultastis sicut arietes? & vos colles quid fuit vobis, quod exultastis sicut agni ouium? unde ista miracula in mari Rubro, in Iordane, in montibus & collibus?

A facie & præsentia Domini, mox est terra, cui etiã obediunt insensibilia, à facie Dei Iacob omnipotentis, qui hæc promiserat futura.

Qui conuertit atque aperuit petra ipsam in stagna aquarum, dando abundantiam aquæ de petra, & rupem seu silicem in fontes aquarum, ut celebrius esset miraculum in deserto.

ARGVM. Orat Deum, ut propter nominis sui gloriam populo suo benefaciat, quo manifestum fiat ipsum vnum Deum esse, & idola Gentium nihili figmenta.

Sec. Heb.
Psal. II5.

Non nobis Domine tribuatur gloria, non nobis, neque meritis, aut viribus nostris adscribatur, sed nomini tuo diuino da gloriam, de misericordia & beneficijs gratis nobis præstitis.

Super misericordia tua diuina & veritate tua, per quam promissa implesti, prædicetur tibi

tibi gloria, non super opere aut merito nostro, nequando dicāt Geates idololatræ blasphemando, Vbi est Deus eorū, perinde ac nō esset?

Deus autem noster est in cœlo, potens super omnem creaturam. omnia quæcunq; voluit, in corporalibus & spiritualibus fecit per suam omnipotentiam.

Simulachra Gentium & idola quæ tanquam deos colunt, argentum sunt & aurum, quo ad materiam, opera manuū hominum, quo ad formam, ex stultitia hominū dedicata.

Os habent secundum hominis similitudinē, & non loquētur, imagines tantū sunt, nihil possunt: oculos habent, & non videbunt, ignobiliores cæcis & brutis.

Sap. 15. d

Aures habent, secundum apparentiam, & non audient, quantuncunq; clament idololatræ: nares habēt ad ludibrium, & non odorabunt, & sic falsitas seipsam confundit.

Manus habent, & non palpabunt, quia mouere ad opus nullum possunt: pedes habent similitudinariē, & non ambulabunt ingressu: non clamabunt in gutture suo, nec habent eius usum.

Similes illis simulachris fiant in vita & sensu, qui faciūt ea, pereant factores & cultores idolorum, & omnes qui confidunt in eis, cū in solum Deum creatorem sperandum sit.

Domus Israel Ecclesia fidelium sperauit

in Domino, omnem fiduciam in eum collocando: adiutor eorum in bonis agendis, & protector eorum est contra mala imminencia.

Domus etiam Aaron, & ordo sacerdotum speravit in Domino, & non sine fructu: adiutor eorum, ut perseverent, & protector eorum est contra hostiles incursus.

Qui timent Dominum timore filiali, speraverunt in Domino spe formata charitate: adiutor eorum & protector eorum est. qui ergo Deum creditis, sperate in eum.

Dominus Deus memor fuit nostri ex sua misericordia, & benedixit nobis, augendo dona sua.

Benedixit domui Israel, omni populo Christiano, benedixit domui Aaron, ordini sacerdotum.

Benedixit omnibus sine personarum acceptione qui timent Dominum timore casto, pusillis cum maioribus, quia equalis est ei cura de omnibus.

Adiciat Dominus & apponat benedictionem suam super vos, suam gratiam augmentando: super vos, inquam, fideles, & super filios & posteros vestros.

Benedicti estis vos omnes favore suo à Domino per consequutionem gratiae, qui fecit & creavit cælum & terram, qui ita gubernat & continet omnia.

Cælum

Cœlum cœli empyreum, quod est supra firmamentum Domino est in gloria sua: terram autem dedit ad habitandum filiis hominum, ut ea viantur in gloriam Dei.

Non mortui in peccatis ac tibi, laudabunt te Domine, quia non est speciosa laus in ore peccatoris, neque omnes laudabunt, qui descendunt in infernum, cum tibi sit blasphemia, non laus. Baruch 2.2

Sed nos qui viuimus vita gratiæ benedicimus Domino, digne collaudantes, ex hoc nunc & presenti tempore vsque in seculum semper, sine fine. Deut. 2.2

ORATIO.

Deus qui timentibus & sperantibus in te adiutor es & protector, qui omnia quæcunque voluisti fecisti in cœlo & in terra, sis memor nostri atque benedicas nobis super misericordia tua atque veritate tua, non nobis dando gloriam, sed nomini tuo diuino, quod vbique celebretur, & prædicetur, ex hoc præsentis tempore vsque in seculum æternum. Amen.

PSALMVS CXIII.

Halleluia laudate Dominum, cum laus Dei sit pretium laborum, meritum & præmiū nostrum. Sec. He. 119

ARGVM. Quisquis præsentis rerum terrenarum metu, aut futuro illo mortis & inferni concutitur, ex ardente dilectionis desiderio clamet ad Deum, qui haud dubiè orantem exaudiet, ad eum

sane modum, quo Dauidi, cum iam cinctus esset à Saulis exercitu, præsentì ope consuluit.

Dilexi nunc ardentius super omnia Deum meum, quoniam exaudiet Dominus ipse vocem orationis meæ in angustiis.


Quia iam Dominus inclinauit aurè suam mihi condescendendo petitioni meæ, & in hoc expertus misericordiam suam in diebus meis præsentibus, qui sunt pleni laboris & doloris, inuocabo eius auxilium.

Circudederunt me tentationes graues, & dolores mortis atq; peccata, vnde procedit dolor & mors animæ: & pericula inferni nisi à te Domino vero adiutus inuenerunt me aberrantem abs te & expositum malis.

Tribulationem corporis per multas huius vitæ pœnalitates, & dolorem cordis inueni, ceu remedia contra inferni pericula, & ego non desperando nomen Domini inuocaui, ut liberarer ab ijs periculis & tribulationibus.

O Domine, qui potes omnia, libera animam meam de corpore mortis huius: & hoc spero, quoniam misericors est Dominus parcens delictis, & tamen iustus, quia castigat pro peccatis, & Deus noster iterum miseretur, castigando omnem filium quem recipit.

Custodiens est à peccatis & laqueis diaboli simplices, paruulos & humiles Dominus, non inuentes suæ prudentiæ, sed Dei misericordia



recordia: ego autem humilitus sum in penitentia & flagellis eius, & liberauit me a laqueo diaboli.

Conuertere & redi o anima mea ad pacem cordis in requiem tuam ad Deum in quo est vera mentis requies, quia Dominus Deus tuus beneficit tibi, dona conferendo, & à multis periculis liberando.

Quia eripuit atque liberauit animam meam de morte peccati, & æternæ damnationis oculos meos à lacrymis afflictionis præ timore pœnæ, & pedes atq; affectus meos eripuit etiam à lapsu, vt non caderẽ in foueam peccati de via iustitiæ.

Placebo tandem Domino perfectè, non hîc, vbi semper labimur, sed in regione viuorum, in celesti regno & gloria beatorum.

ORATIO.

Exaudi Domine vocem deprecationis meæ, & libera animam meam de morte peccati atque æternæ damnationis, quia circumdederunt me tentationes graues, & delicta. Custodi me per tuam gratiam, vt non incidam de via iustitiæ in foueam peccati: imò ab inferni periculis erutum, in regione viuorum, & gloria beatorum me constituas in æternum. Amen.

PSALMVS. CXV.

Halleluia, Laudate Dominum pro dono fidei.

Iste psalmus iungitur præcedenti apud Hebræos 2. Cor. 4. c

ARGV

ARGV M. Fides nostra quæ est in Christum, quid possit, aut quantum habeat virium, Apostolorum & Martyrum Christi docemur exemplis: qui veritatis amore nedum fortunas omnes, sed & vitam quoque ipsam vilem habuerunt. Ceterum cum Dei beneficio reservati videantur, conpertum est humanum conatum hic parum feliciter posse promouere.

CRedidi verè ac perfectè, propter quod locutus sum constans in fide: ego autem miser humiliatus sum nimis, destitutus omni solatio, gratia, virtutibus, & omni bono.

Ego autem non attribuens mihi aliquod bonum, dixi in excessu meo mente raptus ad veritatis cognitionem, Omnis homo de se presumens, mendax est de fragilitate sua natura: vanus & impotens ad omne bonum.

Quid ergo retribuam Domino, cum nihil habeam boni, & plura debeam pro omnibus suis beneficijs, quæ retribuit mihi? quia nec rependere non possum.

Calicem & passionem salutaris aduersus me accipiam patièter ferendo, & nomen Domini, ut me non derelinquat, inuocabo, gratiam & misericordiam implorando.

Vota & desideria mea testabor Domino Deo, & reddam coram omni populo eius, ut glorificetur Deus confessione mea: quia preciosa, chara, grata & accepta in conspectu & oculis Domini Dei, mors atque

vite crux sanctorum & electorum eius.

O Domine profiteor, quia ego seruus tuus sum, emptus & redemptus sanguine tuo, ego inquam seruus tuus, totus tibi obligatus, & filius ancillæ tuæ, atque Ecclesia tibi militantis.

Dirupisti atque soluisti vincula atque peccata mea, quibus eram constrictus: & ergo tibi sacrificabo meipsum in hostiam laudis cum gratiarum actione, & nomen Domini inuocabo, gratitudinem de præteritis & fiduciam de futuris præstando.

Vota mea & sacrificium laudis Domino reddam, atque offeram in conspectu & cœtus omnis populi eius, ut exemplo meo erudiantur ad similia: & hoc in atriis domus Domini, in sancta Ecclesia militante, & in medio tui Ierusalem, ubi est æterna pacis visio, fatebor magnalia tua.

ORATIO.

Inuocamus nomen tuum Domine, gratiam & misericordiam implorando, qui de fragilitate nostræ naturæ impotentes sumus ad omne bonum, destituti omni solatio ac virtutibus. Quocirca dirumpere digneris vincula peccatorum nostrorum, ut sic à delictis liberi mereamur cœlestis Ierusalem gaudiis perfrui. Amen.

Sec. Heb.
117.

PSALMVS CXVI.

*Halleluia, Laudate Dominum de aduentu
Christi in carnem.*

ARGVM. Psalmum hunc interpretatur Paulus, Rom. 15. docens, quod Gentes ex sola misericordia honorant Deum, Iudæi autem etiam ex promissionibus.

Rom. 15. C

Laudate Dominum Deum omnes gentes totius mundi: laudate eum, atque magnificate beneficia gratis præstita, omnes populi Iudeorum ad fidem conuertendi.

Ioan. 12. C

Quoniam confirmata est per effectum incarnationis Christi super nos fideles misericordia eius, & reparatio nostra misericorditer promissa, quia quod per Prophetas promissum, per aduentum Christi compleuit: & veritas Domini, quæ Christus est, manet nobiscum in æternum usque ad consummationem seculi.

ORATIO.

Omnipotens Deus qui omnium Gentium ore laudaris, quia Dominus pro seruis, iustus pro peccatoribus incarnari, nasci & mori dignatus es, supplices deprecamur, ne deseras nos orphanos, sed confirma super nos misericordiam & veritatem tuam in æternum. Amen.

Sec. Heb.
118.

PSALMVS CXVII.

Halleluia, Laudate Dominum. Inuitant omnes ad laudandum Dominum Deum.

ARGV

ARGV M. Hymnus est, quo Dauid defunctus iam malis suis, & in regem totius Israelis euectus, publicè in tabernaculo Dei gratias Deo egit, eiúsque in se bonitatem magno studio celebravit, ac simul Christi in se imaginem, exposuit.

Confitemini Domino *laudando eum in beneficijs eius*, quoniam bonus est essentialiter, atque bonos nos facit per suam gratiam, quoniam in seculum seculi est misericordia eius.

Dicat nūc in presenti vita confitēdo Israel, *populus electus videns Deum per fidem*, quoniam bonus est Dominus, & quoniam in seculum est misericordia, & benignitas eius.

Dicat nunc & confiteatur laudando Deum domus Aaron, sacerdotalis cœtus, quoniam in seculum durat misericordia & benignitas eius.

Dicant nunc omnes qui timent Dominum: *pusilli cum maioribus*, quoniam in seculum atq; in aternū est misericordia eius, qui gratis sua benignitatis dona concedit.

De tribulatione tum animæ tum corporis inuocaui Dominum petendo auxilium, & exaudiuit me de angustijs liberando, & in latitudine gaudiorum inducendo Dominus meus.

Dominus Deus est mihi adiutor cōtra ad- Hebr. 13.2
uersarios meos: & ergo non timebo, imò despiciam quid faciat mihi, aut agat contra me
quilib

quilibet homo carnalis.

*Dominus est mihi adiutor protegens me
& ego suffultus diuino adiutorio despiciam
omnino inimicos meos, qui mihi nocere non
potuerunt.*

*Bonum est & utile confidere in Domi-
no, & spem totam in eum reponere, quàm con-
fidere in homine, qui ex se nihil potest.*

*Bonum est & melius sperare in Domino,
qui largitur vitam eternam, quàm sperare
in principibus, quorum potestas cum hoc mun-
do euanescit.*

*Omnes gentes ignorantes Deum circun-
dederunt me persequentes, & in nomine Do-
mini factum est hoc, quia ultus sum in eos
iniurias propulsando.*

*Circundantes undique circuierunt me,
tanquam obsessum impugnando, & in nomine
Domini vindicabo me, quia ultus sum in
eos circunquaque puniendo.*

*Circundederunt me sicut apes gerentes
mel in ore & aculeum in cauda, & exarserunt
inuidia sicut ignis accenditur in spinis suis,
& in nomine Domini contigit contrarium,
quia ultus sum in eos inimicos.*

*Impulsus persecutionibus & tentationibus
ferè euersus sum à stabilitate virtutis, ut ca-
derem in peccatum, & Dñs, quia deessent vires
proprie, suscepit me, quia in ipso confidebam.*

Fortia

Fortitudo mea & virtus in certamine, & laus mea atque gloria Dominus est, non ego mihi: & ideo factus est mihi redemptor & saluator meus in salutem, cum ipse est fortitudo, laudatio, & salus aeterna beatorum.

Exod. 15. a
Exod. 12. a

Vox exultationis spiritualis & salutis aeternae resonat in tabernaculis & conscientijs iustorum hominum, ubi semper lati sunt, quāvis exterius affligantur.

Dextera Domini Dei fecit virtutem, à peccatis & periculis me liberando, dextera & potentia Domini exaltauit me in virtuosissimis operibus promouendo: dextera inquam Domini fecit in me virtutem constantiae ne reciduerem.

Non ergo moriar morte aeterna, tanta virtute stipatus, sed viuam vitam gratiae & gloriae: & narrabo atque celebrabo opera Domini, non hominū, qui mihi semper & ubiq; auxiliatur.

Castigans & corripuens pro delictis castigauit me Dominus, ad emendationem paterno flagello, & morti aeternae non tradidit me, imò à morte peccati eripuit per castigationem.

Aperite mihi atque docete portas iustitiae & sacramenta nouae legis quibus iustificamur, & ingressus in eas per fidem veram, confitebor Domino gratias agendo: haec porta est Domini, per quam fit ingressus ad Dominum, & iusti homines intrabunt in eam per fidem

ad gloriam eternam.

Confitebor tibi gratias agens, quoniam exaudisti me in tribulatione, & factus est mihi peccatori in salutem, quia per tuam gratiam saluatus sum.

Matt. 21. d Lapidem Christum fundamentum Ecclesie
 Marc. 12. d catholica, quem reprobauerunt & abomina-
 Luc. 20. c ti sunt edificantes, doctores legis & Pharisei,
 Act. 4. b hic factus est lapis angularis in caput angu-
 Rom. 9. g li, constituens vnā Ecclesiam de Iudeis &
 1. Pet. 2. 2 Gentibus, cuius ipse est caput & pastor.
 Isa. 28. d

A Domino Deo patre factum est istud, & declarata est potentia Dei in Christo resurgente & glorificato post reprobationem, & est mirabile hoc mysteriū in oculis nostris, cum caro & sensus humanus non capiunt.

Hæc est dies Noui testamenti, & veritatis reuelata, dies inquam salutis & gratie, quam fecit dominus, quia specialem in ea gratiam humano generi exhibuit: exultemus corpore, & letemur mente in ea, quia in hac die liberati sumus.

O Domine Deus saluum me fac in hac die salutis, O Domine Deus bene prosperare iter nostrum prospere dirigendo: benedictus Christus, qui venit in mundum in nomine Domini patris sui, ut nos saluaret in vitam eternam.

Benediximus & salutem istam annuntia-

uimus

vimus vobis omnibus de domo Domini, qui in Ecclesia creditis: Deus Christus Dominus noster ille benedixit, & illuxit nobis gratia suae radijs.

Constituite in honorem Domini diem solemnem, ut sunt Natiuitatis & Resurrectionis, in condensis vestris cōgregationibus pro tanto Dei munere, & resplendeat claritas solēnitatis, usq; ad cornu altaris per totum Dei templum.

Deus meus es tu, qui solus saluas, & confitebor tibi gratias agendo: Deus meus es tu & non alius, & exaltabo te, tua magnalia celebrando.

Confitebor tibi confessione laudis, quoniam exaudisti me liberando ab omnibus malis & periculis, & factus es mihi Dominus in salutem animae meae.

Confitemini Domino gratias agendo, quoniam bonus, quia gratis bonitatem suam communicauit, quoniam in seculum benignitas & misericordia eius, non cessans unquam benefacere nobis.

ORATIO.

Consolatio tribulationū nostrarū piissime Deus, qui iustorum tabernacula letitia perfundis, exalta Ecclesiam tuā virtute potentis dexteræ: qua fiat porta iustitiæ, ut per eam ingrediamur viam salutis. & ita se angulari stabilitate connectat, ut tua resurre-

etione clarificata refulgeat. Amen.

Sec. He. 119

PSALMVS CXVIII.

Halleluia laus Dei k Aleph doctrina.

ARGV M. Psalmus hic Alphabetum est diuini amoris, paradisus omnium doctrinarum, & apotheca Spiritus sancti, schola veritatis, profundum scripturarum mysterium, vbi omnium virtutum moralis disciplina tota refulget. Psalmus inquam est alphabeticus per elementa Hebraica, quæ sunt vigintiduo, digestus, ita vt omnes versus primæ ogdoadis ab Aleph incipiant, Secundæ à Beth, &c. deinceps. Ogdoadibus enim duabus & viginti, id est octonariis versuum hymnizatur, vt huius perfectæ doctrinæ elementis veram tandem beatitudinem nanciscamur. Quippe in eis xxi. ogdoadibus nullus est versiculus, in quo non reponatur aliquod horum duodecim, Via, Lex, Testimonium, Mandatum, Iustificatio, Iudicium, Iustitia, Sermo, Eloquentium, Verbum, Veritas, Bonum, quæ sunt scalæ spirituales beatitudinis æternæ, & significant Dei beneplacita, & quid fieri desideret à nobis.

Beati & sancti sunt immaculati, carentes mortali culpa in via presentis vite, qui neque otiosi stertunt, sed perseueranter ambulant & proficiunt in lege Domini, eius mandata opere adimplendo.

Beati sunt, qui diligenter scrutantur diuinæ scripturas, vt per testimonia eius in cognitionem Dei veniant, & non segniter, sed in toto corde, intellectu, & affectu exquirunt eum studio cognoscendi, & voluntate operandi,

randi.

Non enim qui perficiunt desideria carnis,
& operantur perseveranter iniquitatem mor-
talem in viis & praeceptis eius quae ducunt
ad vitam, ambulauerunt, sed magis in de-
uijs. Lex enim Domini immaculata, via eius
pulchra.

Tu Domine, cui semper obediendum est, man-
dasti per legem & Euangelium, mandata, &
praecepta tua valde custodiri, nec tepido ani-
mo, sed nimis magna cum sollicitudine, ut ne
iota quidem prateretur.

Vtinam per tuam gratiam dirigantur te
rectore, te duce viae meae, atque processus co-
gnitionum & operum, ad custodiendas sedu-
lò iustificationes tuas, & praecepta, quae iusti-
fificant nos.

Tunc profectò non confundar à facie tua,
cùm perspexero diligenter in cognoscendis
omnibus & custodiendis mandatis tuis, ne
preuicator vnus sim omnium reus, quo ad
penam damni.

Confitebor tibi gratias agēdo, quia in di-
rectione cordis sine errore intellectus direxisti
cor meum, ad intelligendum te: in eo quòd non
sum inscius, sed quod didici te reuelante iudi-
cia vera iustitię tuę, quae facies, quando iustus
index apparebis.

Iustificationes tuas & praecepta tua insti-

ficantia custodiam opere adimplendo: non tamen me derelinquas, subtrahendo gratiam vsquequaque omnino & ex toto, quia sine te nihil possum.

☐ Beth. Secunda est litera Alphabeti Hebraici, & in suo mysterio interpretatur confusio. Et congruenter, quia ab Aleph & doctrina intelligit homo & Deum cognoscit: exinde à Beth de lapsu peccati confunditur.

IN quo passionēs & concupiscentias suas corrigit, & emendat adolescentior aetās viam lubricam, & prauam suam peccandi consuetudinem? certè in custodiendo diuinos sermones tuos, qui mentis rectitudinem operantur.

In toto corde & affectu meo exquisiuit, vt inuenirem, & ideo ne repellas & contemnas me, cœu indignum à mandatis tuis intelligendis & implendis.

In corde meo memoria commendando abscondi tanquam thesaurum pretiosum eloquia tua sacra, vt sic assidua eorum recordatione non peccem tibi, quando illa extingunt vitiā, & odium peccati ingenerant.

Benedictus & laudatus es Domine de beneficijs tuis mihi impensis, doce me perscrutari iustificationes tuas, & opera quae iustum probent.

In labijs meis iam doctis à te, pronūtiā,

alios

• alios instruendo, omnia iudicia oris tui per prophetas & apostolos nobis reuelata.

In via vera testimoniorum tuorum, quæ est sacra scriptura de te testificans, delectatus sum propter mirificam intelligentiam, sicut multi homines in omnibus suis terrenis diuitiis gratulantur.

In mādatis tuis diuinis exercebor iugi meditatione, ac sedula operatione, & tunc considerabo perfectius cognoscens vias tuas, quæ sunt misericordia & veritas.

In iustificationibus & præceptis tuis, quæ iustificanc, meditabor profunda cogitatione, vt sic non obliuiscar opere adimplendo sermones tuos, qui reddent me beatum.

¶ Gimel. Tertia est litera, & interpretatur retributio. Optatur dari plenitudo gratiæ diuinæ contra defectum humanæ fragilitatis, & ignorantiam mentis.

Retribue gratiam seruo tuo, non meritis meis, sed per misericordiam tuam viuifica intus me prius mortuum peccatis: & resurgens de morte anima custodiam in opere & intelligentia sermones tuos, quibus iustificas impium.

Reuela & illumina oculos meos intellectus, per ignorantiam & peccatum velatos, & considerabo atq; contemplabor mysteria mirabilia, spirituali sensu contenta, de lege tua

noua & antiqua.

*Incola & peregrinus tantum ego sum, non
cuius, in terra hac nil appetens mundanorum,
sed celestia affecto, & ergo non abscondas
dum sum in hoc exilio & ad patriam tendo, à
me, imò reueles mandata tua, ut in eis delecter
& reficiar.*

*Concupiuit magno affectu anima mea me-
ditari, desiderare & apprehendere non mundi
vanitates, sed iustificationes tuas, & opera in-
stitutiæ, nō ad horam, sed in omni tempore per-
seueranter.*

*Increpasti per scripturas & stimulos con-
scientiæ superbos homines, qui iustitia tua re-
sistunt: maledicti in poena & culpa, qui nō in-
firmitate declinant, sed mera peruersitate à
mandatis & præceptis tuis non obediendo.*

*Aufer Domine à me seruo tuo opprobrium
huius maledictionis, & contemptum huius
transgressionis, quia testimonia & præcepta
tua per tuam testificationem in præmijs & pa-
nis data exquisui vigilanter ad intelligendum
& faciendum.*

*Etenim in insidijs sederunt spiritus mali-
gni, qui sunt principes tenebrarum. & aduer-
sum me suggerentes peccata loquebantur per
diuersas tentationes: seruus autem tuus tanto
magis exercebatur, proficiens in iustificatio-
nibus tuis, quanto fortius impugnabant.*

Nam

Nam & testimonia atque premia tua: quæ
perseuerantibus promisisti, meditatio mea est,
quia vitam pollicentur æternam: & consilium
meum in ratione fixum, sunt iustificationes
tuæ & impletiones mandatorum tuorum, quæ
hominem iustificat.

7 Daleth. Quarta est litera & interpretatur,
timor. Constrictus carnali fomite, timet relabi
in peccata, sed lex timentem confortat. Initium
enim sapientia timor Domini. A timore conci-
pimus & parturimus spiritum salutis.

ADhæsit per carnales affectus pauimen-
to & corpori terreno corruptibili anima
mea: ne ergo saucia intereat eius desiderijs
consentiens, viuifica me Domine vita gratia
secundum verbum tuum, quo veniam pœni-
tentibus promisisti.

Vias meas malas & iniquas enuntiaui per
confessionem, & exaudisti me per contritionem,
remittendo peccata: doce me pœnitentem iu-
stificationes & vias tuas bonas.

Viam, modum, & ordinem iustificationum
tuarum, quæ dirigunt ad iustè agendum, instrue
me per plenum intellectum, & tunc exercebor
multiplici operatione & lectione in mirabili-
bus, apostolicis, ceterisque Ecclesiasticis tuis di-
sciplinis.

Dormitauit & refrixit ad bonum anima
mea. fessa præ accidia & tædio corporea infr-

mitatis: confirma me, vt non obdormiam in peccatis, sed in verbis & praeceptis tuis instanter vigilem.

Viam, concupiscentiam malam, & desiderium iniquitatis, quibus ad peccatum itur, amoue tua gratia praeueniente à me, ne in illa ambule, & de lege tua gratia miserere mei, pro ra remittendo peccata.

Viam Euāgelicā veritatis, quae ducit ad vitam aeternam, elegi, vt in ea ambulem, iudicia tua quibus premia iustis, & poenas impijs reddes, non sum oblitus, sed in memoria recondo.

Adhæsi per charitatem testimoniis tuis, quiprius adharebam pavimento, ô Domine, vt ea firmiter custodiam: & ideo nolineque patiaris me de iteratione peccati confundere coram inimicis meis.

Viam vitæ & mandatorum tuorum perseueranter cucurri, non per propriū arbitrium, sed cū dilatasti, ampliasti, & aperuisti per multifarias agnitiones veritatis cor meum in fide, spe, & charitate, ceterisque virtutibus.

¶ He. Quinta est litera, & interpretatur esse, vel viuit. Postulat Prophetā esse & viuere in Christo, qui est verum esse. Viuere autem & esse secundum Deum inchoat, quicumque in lege Domini bene viuendo ambulat.

Legem tuam Euāgelicam pone, & ostende mihi proficere volenti Domine, viam
fidei

fidei atque iustificationū tuarum, fides enim operans per charitatem iustificat, & ego exquiram diligenter, vt sciam, & vt faciam eam, & hoc semper quoad vixero.

Da mihi intellectum discretionis inter bonum & malum, inter Spiritum & Literam, & scrutabor perfectius cognoscēdo legem tuam diuinam, & custodiam illam predicando & operando in toto corde & affectu meo, per cognitionem, recordationem & amorem.

Deduc me per tuam gratiā in semita, quæ compendiosior est via, mandatorum tuorum euangelicorum, quia ipsam rectiorem viā volui, tanquam tutiorē, pulchriorem, & breuiorē.

Inclina per humilitatem cor & affectum meum, vt feruentius ac deuotius feratur, in testimonia & precepta tua, vt ea opere impleā, & non in avaritiam ac desiderium rerum temporalium, quæ animam retrahit à diuinis.

Auerte procul oculos meos corporis, ne videant acceptando in affectu vanitatem huius seculi ad mala ducentem, sed in via tua & in teipso, qui vera via es viuifica me in charitate, sine qua mortua sunt opera.

Statue, consolida, atq; cōfirma seruo tuo, vt agam secundum eloquiū tuū diuinū in filiali timore tuo sancto, quasi in basi & fundamento.

Amputa fulce tue gratiæ opprobrium meum & peccatum, quod suspicatus & re-

ueritus

ueritus sum me habere per humanam fragilitatem, quia amoris veritatis iudicia tua sunt laeta, suauia & iucunda.

Ecce concupiui adimplere mandata tua, quae veram conferunt salutem, in æquitate tua & miserationis dono viuifica me vita gratia, vt viuam in te, quia morior in me.

Vau, Sexta est litera, & interpretatur ille, vel ipse Saluator noster Christus, qui quasi adhuc loquētibz nobis dicit, Ecce adsum: qui idem ipse est semper, aternus patri conregnans, misericordia peccatorum & vita fidelium.

ET rogo veniat super me de cœlestibus misericordia tua & auxilium gratiae, ô Domine Deus pater, veniat inquam salutare tuū, Christus redemptor & saluator noster secundum eloquium & promissum tuum.

Et tunc respondebo constanter exprobatibus, & opprobriose mihi loquentibus, quibus scādalum est vel stultitia verbum tuum, quod caro factum est, quia speraui in sermonibus, & promissis tuis, quibus vitam aternam confidentibus te promisti.

Et ne auferas rogo de ore meo, quominus prædicem verbū veritatis & fidei vsquequaque, & per omnia, quia in iudiciis tuis quibus flagellas & corripis semper speraui, & premium super merita expectaui.

Et custodiam per charitatē legem tuam,

eam opere adimplendo semper quoad vixero,
in seculum & in seculum seculi, perenniter
in futura beatitudine.

Et ambulabam proficiendo in latitudine
charitatis, in qua tota lex pendet & Propheta,
quia mandata tua perscrutans exquisivi dili-
genter, vt facerem & intelligerem.

Et loquebar constanter & intrepide in te-
stimoniis tuis in veritate fidei in conspectu
regum & principum, & non confundebar
pudore, neque vincebar ratione.

Et meditabar per intellectum in mandatis
tuis, quomodo perficerem illa, quæ propter se
dilexi, & per spiritum qui datus est mihi.

Et leuavi cum pura intentione manus &
operationes meas ad mandata & precepta
tua adimplenda, quæ dilexi, cum finis precepti
sit charitas, & sic exercebor loquendo, medi-
tando, operando, in iustificationibus & pre-
ceptis tuis, quæ iustitia sunt iustificantes.

¶ Zain. Septima est litera, & interpretatur
huc vel hic, duc te, a' ijs videlicet visibilibus tem-
poralibus ad invisibilia aeterna bona, quæ nunc
habentur in spe. Non enim hîc quiescendû, sed ad
aeterna aspirandum, quò nos vocat verbû Dei.

Memor esto Domine verbi tui, promissi
de vita aeterna seruo tuo obedienti, in
quo promissionis verbo mihi spem & expecta-
tionē dedisti futura beatitudinis consequendæ.

Hæc

Hæc spes tuæ promissionis me cōsolata est, ut non timerem, sed potius gauderem in humilitate & afflictione mea & arumna presentis vite, quia eloquium tuum, quod pabulum vite æternæ mihi subministrat, viuificauit me, cum verba tua spiritus & vita sint.

Superbi persequentes me iniquè agebant cogendo me ad impietatem vsque quaque & valde, tamē frustra instabāt, quia à lege autē tuā diuinā non declinaui, imò stabilis permanſi.

Memor fui iudiciorum tuorum, quibus superbos perdidisti, & confidentes in te liberaſti à seculo & ab initio mundi ô Domine Deus meus, & consolatus sum meipsum in tribulationibus, remunerationem expectans.

Defectio animi & afflictio cordis tenuit et occupauit me, quia condolui pro peccatoribus & prauaricatoribus dereliquentibus diuinam legem tuam, qui sunt multi valde.

Cantabiles præ dilectione mihi erant semper iustificationes tuæ, & iudicia tua iustā in loco & via presentis vite atq; peregrinationis meæ ubi differimur à patria cœlesti.

Memor fui laudibus semper diuinis & orationibus vacans, non solum in die prosperitatis, sed etiam nocte aduersitatis nominis tui Domine, quod Iesus est & Saluator, & in virtute illius nominis custodiui adimplere legē tuā diuinā.

Hæc nox aduersitatis facta & data est mihi ad utilitatem, quia sic iustificationes tuas, & præcepta iustificantiæ exquisiui perficere ex toto corde. *Quia in nocte cogitavi de te Domine.*
 n Heth. Octaua est litera, & interpretatur pauor. Non quidem recidendi, sed sollicitudo & desiderium acquirendi summū bonum, quod sperat, quod amat. Id cum in octaua ætate & in resurrectionis gloria perficietur, ideo octonarius iste octauus ponitur sub timore cautela, quod pauor est sollicitus, ne desideratum bonum amittat.

Portio & pars mea es tu Domine, cum sis vera via ad beatitudinem, quia dixi & decresce per liberū arbitriū tua gratia informatū custodire ex toto corde legem tuam diuinā.

Deprecatus sum deuotè faciem tuā gratiæ, non vindictæ in toto corde tam intellectu meo, quàm affectu miserere mei, continuando in me bonū vsum liberi arbitrii, secundum eloquium et promissum tuum, quo dixisti, Petite et accipietis.

Cogitavi diligenter vias meas priores, et cognoui quod nō erant recta, & ideo conuersti sensus, pedes, gressus meos, et affectus in testimonia et mandata tua, quæ nō sinunt errare.

Paratus sum ad tribulationes sustinendas, & nō sum turbatus quacunque ingruente aduersitate, vt custodiā perseueranter mandata tua,

ta tua, ut etiam pro eis pati non recusem.

Funes, decipula, laquei, atque tentationes peccatorum, demonum & malorum hominum circumplexi sunt ad astringendum & impedendum me à bono opere, sed frustra, quia & legem tuam divinam non sum oblitus. sciens nos per multas tribulationes introire regnum Dei.

Media nocte, quando tentator solet illudere mentes, surgebam alacriter ad confitendum tibi confessione laudis & gratiarum actionis super iudicia occulta iustificationis tue, ut me iustificares.

Particeps ego sum ex tua bonitate omnium timentium te timore filiali et sancto, & custodientium in bona operatione mandata tua. scilicet omnes unum sumus in Christo.

Misericordia tua, qua iustificas impii, Domine Deus plena est terra, quia fides ubique dilatata est: ideo confidenter rogo iustificationes tuas, illuminando intellectum, doce me ut cognoscam, predicem, & opere impleam.

☐ Teth. Nota est litera, & interpretatur bonum, ut sit boni dilectio in mente secundum charitatem, ut non ex timore serviliter, sed ex amore hilariter bona procedat operatio.

Bonitatem gratiae & misericordiae fecisti cum servo tuo, peccantem ad poenitentiam expectando Domine, qui es ipsum bonum, & hoc non merito meo, sed secundum verbum & promissum tuum.

Bonit

Bonitatem, desiderium charitatis inspirando, & disciplinam, in afflictione patientiam tribuendo, & scientiam atque discretionem inter malum & bonum doce me, illuminando intellectum, quia mandatis & praeceptis tuis credidi per fidem firmam.

Priusquam humiliarer per tuam correctionem & disciplinam, ego deliqui & peccavi per actualem culpam: propterea rursus ne corrigar, eloquium tuum secundum illud operando custodiui perseveranter.

Bonus es tu Domine in essentia, & in bonitate atq; mansuetudine tua peculiari doce me communicando, ut intelligam iustificationes tuas, quibus iustificari possum.

Multiplicata est vi & numero super me seruo tuo iniquitas superborum, demonum & malorum hominum conantium impellere ad peccata: ego autem tua gratia confortatus in toto corde & affectu meo, ut illorum eandem tentamenta, scrutabor vehementius mandata tua consolationem requirens in eis.

Coagulatum & induratum est, sicut lac per invidiam & superbiam cor eorum in malitia: ego vero non obstinatus legem tuam, qua superbis resistis, humilibus das gratiam, meditatus sum, ut liquefceret cor meum in amore tuo.

Bonum est mihi & profuit, quia humiliasti & castigasti me temptationibus & afflictio-

nibus exercendo, vt sic discam facere iustificationes tuas, quas decuisti homines iustificando.

Bonū & acceptabile mihi est lex Euāgelica oris tui sono pronuntiata, super millia cuncta auri & argēti & quantascunq; diuitias seculi.

⁊ Iod. Decima est littera, & interpretatur principium. Hic enim memoratur principium creationis humane, vt ab illo queramus capienti intellectu, à quo sumpsimus viuendi exordium.

MANUS tuæ quæ sunt potentia, sapientia, & voluntas, fecerūt & creauerunt me secundum animam ad imaginem tuam, & plasmauerunt me secundum corpus in statur ætæ ad videndum te Deum: da mihi & illamina intellectum meum, vt discam non inanes scientias, sed mandata & præcepta tua, vt in illis capiam profectum.

Qui timent te timore filiali, videbunt me sic illuminatum, & inde lætabuntur de profectu meo spiritali, quia in verba tua, quibus bona bonis promittis, supersperaui, quod tribues supra, & maiora quàm petimus.

Cognoui Domine & expertus sum, quia æquitas iusta & æqua, licet aliquando nobis occulta sunt iudicia tua, quibus corripis & flagellas, & in veritate tua iusta humiliasti me ad salutem per tua flagella.

Fiat nunc misericordia tua in peccatorum remissionem, vt in tribulatione consoletur me

de spe vite eterne, secundum eloquium
tuum promissum seruo tuo.

Veniant mihi Domine miserationes tuæ
quibus iustificas, & per illas viam vitæ gra-
tia in presenti, & vitæ gloria in futuro: quia
lex tua nō vanitas seculi, meditatio mea est,
vt secundum eam faciam voluntatem tuam.

Confundantur per conscientiam superbi
in peccatis suis, quia iniuste persequendo ini-
quitatem malitiose fecerunt in me, & contra
me innocentem: ego autem in patientia exer-
cebor occupatus in adimplendis mādatis tuis.

Conuertantur mihi in auxilium omnes ti-
mentes te timore filiali, & etiā qui nouerunt
intelligendo ac operando testimonia tuā, quod
de te testantur scripturarum eloquia.

Fiat cor meū mundum & immaculatum
coram te, non in viribus meis, sed in iustifica-
tionibus tuis, adimplendo iustitiæ opera, vt
tandem sic non confundar in presenti per cul-
pam, neque in futuro per gehennam.

o Caph. Vndecima littera, & interpretas-
tur incuruatus: quia fessus longa malitia &
lassatus peregrinatione huius mundi cupit dis-
solvī, & redire ad suum principium.

Defecit & lassata est diuina expectatio
ne in salutare tuum Iesum Christum,
filium saluatorem nostrum anima mea pro
desiderio, & in verbum tuum, quod erat in

principio apud Deum, supersperaui aliquando venturum in carne.

Defecerunt etiam nimio desiderio oculi mei interiores, scilicet mens & ratio, in eloquium & promissum tuum: dicentes gemitu & oratione, Quando cōsolaberis me in perfecta beatitudine educendo de ijs miserijs?

Quia factus sum ieiunando, vigilando, & orando sicut vter de corio congelatus, in pruína ab omni ardore voluptatum mortificatus: & ideo iustificationes tuas, quas precipis ad iusticiam non sum oblitus, cum iam friget voluptas & feruet charitas.

Quot sunt in hoc seculo dies serui tui? & quandiu patiar istas misérias persecutionum & tentationum? quando facies de diabolo & ministris eius persequentibus me iustam vltionem & iudicium finale?

Narrauerunt mihi Heretici, iniqui, Poete & Philosophi vanas fabulationes & inanes, sed tamen non sunt illa mihi vt lex tua, quæ est plena gratia & veritate.

Omnia mādāta & præcepta tua sunt ipsa infallibilis veritas à prius orta veritate: & iniqui propter hanc veritatem persecuti sunt me iubendo peruersa & falsa suadendo, sed tu Domine adiuua me contra eorum deceptiones.

Paulominus & ferè in nihilum redegerunt & consummauerunt me iniqui in terra pos-
fundan

fundando : ego autem constans non dereliqui, quantumcunque persequerentur mandata & precepta tua.

Secundum misericordiam tuam non meritis meum viuifica me vita gratia, & confirma me in persecutione, & ita custodiā testimonia Evangelica, quæ oris tui sono sanxisti.

I Lamed. Duodecima est littera, & interpretatur cor seruitutis. Sursum enim cor dirigendum, & illi seruiendum, cui omnia cælestia & terrestria obediunt.

I*n æternum & semper Domine Deus verbum tuum, & obseruantia mandatorum tuorum permanet fixum in cælo & spiritibus cælestibus.*

In generatione legis & generationē Evangelij permanet veritas tua, qui est ipse Christus, fundasti in fide terram, & Ecclesiā terrenam militantem, & permanet constabilita in fundamento fidei, quod est Iesus Christus.

Ordinatione & dispositione tua diuina perseverat dies, & lumen fidei, & lex veritas, quoniam omnia cælestia & terrena seruiunt tibi. Verbum enim permanet in Angelis, veritas in hominibus, terra in fundatione, dies in ordinatione.

Nisi hoc esset, quòd lex tua diuina meditatio mea est, & sciendi & faciendi, tunc quando non meditarer, fortè periissem per lapsum

in grauem culpam in humilitate & tribulatione & afflictione mea.

In æternum quandiu vixero non obliuiscar omnino iustificationes tuas, & precepta legis, quibus nos iustificas, quia in ipsis meditantis & implendis viuificasti me à morte peccati reuocando.

Tuus seruus sum ego, & tu Deus meus, saluum me fac perducendo ad aternitatem, quoniam non mundi vanitatem, sed iustificationes tuas in decalogo scriptas exquisiui intellectu & affectu.

Me expectauerunt in insidijs peccatores & spiritus maligni, vt consentirem culpis, & sic perderent atque precipitarent me in gehennam: sed non profecerunt, quia testimonia & precepta tua diuina intellexi, qua fuit armatura mea.

Omnis virtuosa consummationis & perfectionis humane vidi finem esse charitatem, quòd latum & spatiosum est mandatū tuum charitatis nimis valde, quia ex charitate pendet tota lex & Propheta.

Mem. Decimatertia est littera: & interpretatur viscera, vel ex ipsis. Per que ipsa charitas significatur, qua tanquam ex intimis medullis cordis emanat, qua etiam legem diuinam ex toto corde diligit & ex ipsis visceribus amplectitur.

Quom

Quomodo & quàm vehementer totis visceribus dilexi, & amplexatus sum legem tuam in sacra scriptura contentam Domine, hinc aestimari potest, quia tota die via mea, lex tua meditatio & exercitatio mea spiritualis est.

Super inimicos meos, Iudeos & Gentiles prudentem & intelligentem me fecisti, ac obedientem mādato tuo sacra scriptura: quia in ipsum æternum gaudium consequendum mihi est, & valet mandatum tuum.

Super omnes inimicos docentes me melius intellexi sacra scriptura veritatem, quia circa testimonia tua continua meditatio mea in spiritu est & versatur.

Super senes & plusquam seniores intellexi mysteria scripturarum, quia mandata tua sincera quæsiui in spiritu & non littera.

Ab omni criminali via mala, qua ducit ad perditionem prohibui, ne subuerteret, pedes, affectus, & gressus meos pronos in peccata, ut sic solidus in charitate custodiam perseveranter verba, & præcepta tua.

A iudiciis tuis in lege diuina contentis non declinaui, neque deflexi iter meum, quia tu Domine, cui obediendū est, legē & regulā viuēdi posuisti mihi, ut eam diligerem & facerem.

Quàm dulcia prægustamenta in viribus anima & faucibus meis spiritualibus sunt

eloquia tua, de misericordia & iustitia? sunt certe super mel & fauum ori meo in gustu spirituali.

A mandatis tuis veniens ad altitudinē sapientie intellexi dulcedinem tuę retributionis: propterea odiui execrādo omnē viā iniquitatis, quę impedit consecutionē suauitatis aternę.

Δ Nū. Decima quarta est litera, & interpretatur vnicus vel pascua. Ille vnicus est filius patris, a quo omne bonū habet initium, qui pascit & reficit animas nostras in fidei sacramentis.

Lucerna lucens in nocte huius seculi, ubi sunt foveę & precipitia, pedibus atque affectibus meis, ne aberrem, est verbum tuum in Prophetis & Euangelis enuntiātum, & idem verbum est lumen verum in semitis & operibus meis dirigendis ad te.

Iuravi & in corde statui firmiter tanquam verus amator custodire inter qualibet aduersa iudicia & pręcepta iustitię tuę, quę tuę instituta iudicat esse seruanda.

Humiliatus & afflictus sum persecutione vehementi vsquequęque & valde: ideo Domine ne deficiam in impatientia, viuifica & conforta me tuę gratię secundum verbum & promissum tuum diuinum.

Voluntaria sacrificia oris mei in oratione & laude tibi oblata beneplacita & accepta tibi, fac Domine: & hac oblatione placatus iudicia

iudicia & precepta tua divina doce me, non solum intelligere, sed etiam opere adimplere.

Anima mea parata est in manibus & operibus meis bonis semper, & quaecunque facio, ago pro salute animæ meæ: & per hoc legem tuam divinam non sum oblitus, imò iugi meditatione eam rumino in mente.

Posuerunt suggerendo peccatores & spiritus maligni laqueum tentationis mihi, ut seducerent me per minas & blandimenta, & tamen de mandatis ac preceptis tuis divinis non erravi, vel malè intelligendo, vel contrà operando.

Hæreditate & firma possessione acquisivi alijs derelictis testimonia & precepta tua per testificationem tuam in lege confirmata in æternum, & hic in futurum: quia exultatio & iubilum spirituale cordis mei sunt vitam promittentia æternam.

Inclinaui humiliter cor & affectum meum ad faciendas & implendas iustificationes tuas & precepta iustificantiæ in æternum propter retributionem vitæ æternæ, ut illam merear accipere.

o Samech. Decimaquinta est litera, & interpretatur audi, vel firmamentum. Et congruè quadrat, quia ille solus firmatur in bonum, qui intus spiritualibus auribus cordis diligenter examinatur, quid sequendum, & quid vitandum.

Iniquos homines odio habui propter peccata eorum, & hoc quia legem tuam, cui illi aduersantur, dilexi, ut viverem in ea.

Adiutor ad bona facienda & susceptor meus ad mala euadenda es tu Domine Deus pater: & in verbum tuum, quod caro factum est, super speraui, quia in eo vitam eternam promissisti.

Declinate & recedite à me vos demones maligni, & homines perversi cum suggestionibus pessimis: & tunc scrutabor liberius mandata & precepta Dei mei, mihi praestantia solamen.

Suscipe ad te reuertentem me filium prodigum, secundum eloquiū & promissum tuum, quo dixisti, conuertimini ad me, & conuertar ad vos, & viuā in anima, vita gratiae, & non confundas, neq; in desolationem me permittas ab expectatione mea, quae est de vita aeterna.

Adiuua me, quia per me nihil possum, & saluus ero ab omni periculo, & meditabor in iustificationibus tuis, credens te solum iustificatorem, & neminem iustum, nisi per te, & hoc semper sine fine.

Spreuisti despiciendo omnes perseverantes in malo, & discedentes ultro à iudiciis & preceptis tuis diuinis, quia iniusta & Deo contraria est cogitatio prava eorum iniquorum, scilicet velle peccare, & nolle puniri.

Præua

Præuaricantes & transgredientes legem
altissimi reputavi mecum omnes peccatores
terræ, qui hîc delicijs fruuntur terrenis: ideo
synceriori affectu dilexi magis testimonia
tua, ne illis compar efficiar.

Conſiſce, & reprime moriſificando timo-
re tuo carnes pronas in mala deſideria, atque
carnales meas cõcupiſcentias: à iudiciis enim
tuis futuris ſuper peccatores timui, ſcilicet
mortem & gehennam.

¶ **A**in. Decimaſexta eſt littera, & inter-
pretatur oculus vel fons. Dum enim bona præ-
uidemus, ſit nobis oculus cordis, fons iuſtitie, vt
oculo mentali præuideamus aduentum iudicis,
quo nemo malus euadit.

Fecit rectum iudicium, examinando me
ipſum in conſcientia, & iuſtitiam, proxi-
moreddens quod ſuum eſt: & idcò non tradas
ſpiritibus malignis me falſò calumniatibus,
& perſequentibus me, vt decipiant, inſciant,
ſubvertant animam meam.

Suſcipe vt patronus ſeruum tuum clemen-
ter acceptando obſequium eius, vt ſemper proſi-
ciat in bonum gratiæ & virtutis: non calum-
nientur neque falſò me accuſent de peccatis
ſuperbi, diaboli, & miniſtri eius.

Oculi mei intellektuales defecerunt præ-
deſiderio nimio reſpicientes in ſalutare tuum
Chriſtum Ieſum, vnde venit auxilium nobis: &
etiã

etiam in eloquium Evangelicum iustitiæ tuæ per quod iustificamur gratis.

Fac supplendo humane infirmitatis defectum cum seruo tuo, non secundum merita, sed secundum abyssalem misericordiam tuam Domine & iustificationes tuas, atque præcepta iustificantia doce me intelligere & adimplere.

Servus tuus fidelis sum ego, idcirco da mihi intellectum divinitus illuminatum, ut sciam perfectè testimonia tua, iustitiam, & veritatem iustificantia.

Tempus dandi intellectum, & faciendi bonum nunc adest Domine, quia reprobi dissipaverunt fermè annihilantes, legem tuam divinam Evangelicam perversè interpretando.

Ideo ardētiori Zelo dilexi ut observem mandata tua, veraciter intellecta, super aurum purissimum, & topazion gemmā pretiosissimam.

Propterea toto studio ad omnia præcepta & mandata tua adimplenda dirigebar recta intentione: omnem viam iniquam ad vitia ducentem odio habui, propter peccati turpitudinem.

O Pe. Decima septima est litera, & interpretatur erravi. Propheta condolet his, qui errando à via veritatis calumniantur, quibus proponit, quomodo scrutatur legem, & qualem intellectum in ea habeas.

Mirabi

Mirabilia in profunditate & sententiarum
multiplicitate sunt testimonia tua sa-
cre scripture, opera diuina attestantia: & ideo
scrutata est diligenti indagine ea mirabilia
anima mea, ad intelligendum & credendum.

Declaratio, atque elucidatio sermonum
tuorum scriptorum in lege & prophetis illu-
miast animam, vt sciat quid agat & quid
omittat, & intellectum veritatis dat paruulis
& verè humilibus.

Os meum anime quod intellectus est, ape-
rui, ad cupiendum verbum Dei, quod est cibus
anime, & inde sitis attraxi & hausi spiritum
sapientie & intelligentie: quia mandata &
precepta tua diuina desiderabam pre omni-
bus scire & facere.

Aspice propitius in me oculo pietatis, & mi-
serere mei dando gratiam secundum iudi-
cium sanctorum diligetium nomen tuum,
sicut decreuisti facere diligentibus te.

Gressus meos affectus, cogitationes, verba,
& opera dirige non secundum meas volunta-
tes, sed secundum eloquium tuum, vt recte
vivendo tua iussa perficiam, & sic non domi-
netur mei, neque praeualeat omnis iniusti-
tia, per quam fit Deo iniuria.

Redime & libera me à falsis calumniis
& criminationibus hominū, impediētū me à
via recta, vt sic quieto animo ac libero custodiā
sincer

syncerius mandata & precepta tua diuina.

*Faciem tuam secundum quam creatus sum
illumina, & clarifica super seruum tuum,
infundendo mihi tui ipsius notitiam, & doce
me, quod vbertim repeto iustificationes &
preceptiones tuas iustificantes.*

*Exitus aquarum & effusiones lacrymarum
deduxerunt flentes oculi mei in poenitentia:
quia iidem oculi non custodierunt per
quos tanquam per fenestras mors subintravit,
legem tuam diuinam.*

*¶ Sade. Decima octaua est littera, & inter-
pretatur cōsolatio. Vbi enim precedit pura con-
fessio, ibi sequitur salubris consolatio per iustitiam
Dei quæ hic consistetur & laudatur.*

I*n te ipso es Domine Deus, & rectum
in regula iustitiæ est iudicium tuum, quo
reddis unicuique iuxta suum meritum & de
meritum.*

*Mandasti obseruari legem iustitiam continen-
tem, atque testimonia tua in ipsa lege con-
tenta, & veritatē tuā ineffabilem nimis valde.*

*Tabescere atque ex compassione deficere
me fecit charitas & bonus zelus meus, quem
habeo erga legem tuam, quia obliti sunt non
custodientes verba & precepta tua Evangelica
inimici mei reprobi & mali homines.*

*Ignitum, exurens vitia, & accendens amor-
rem, est eloquiū tuum sacrarum scripturarum
vehem*

vehementer à spiritu sancto, & seruus tuus
tibi mancipatus dilexit illud zelando pro ipso.

Adolescentulus iunior, insipiens sum ego
reputatus, & contemptus ab inimicis meis,
nihilominus iustificationes tuas mihi semper
dilectas non sum oblitus adimplere.

Iustitia tua diuina est iustitia in æternum
duratura, quia æterna bona bonis, & æterna
mala malis reddentur, & lex tua est ipsa syn-
cerissima veritas, nulla falsitatis nebula re-
spersa.

Tribulatio exterior, & angustia interior
inuenerunt, & irruerunt super me, sed inter
hec mandata tua diuina, meditatio assidua
mea spiritalis est, in remedium contra tri-
bulationes.

Aequitas & iustitia in se sunt testimonia
tua, & sacra scripturarum verba in æternum
sine fine: & propterea intellectum da mihi
ad cognoscendum illa, & opere adimplendum,
& viam vitæ gratiæ in presenti & vitæ glo-
riæ in futuro.

¶ Coph. Decimanona est littera, & inter-
pretatur conclusio, quæ fit in angustijs animæ.
Diabolus semper conatur nos seducere, conclu-
dere & obsidere suis tentationibus. Noxia con-
scientia nos pungit, morbi vis vrget, sensum
mentis intercipit angustia. Orationis ergo qua-
renda est medicina salubris.

Clama.

CLamaui feruenter ac deuotè in toto corde & affectu meo, exaudi me deprecationem Domine, & piū pande auditum, ut iustificationes & preceptiones tuas quas iustificam, requiram, non solum ad intelligendum sed etiam ad operandum.

Clamaui ad te, quia undique sunt hostes & tu in anima, Saluum me fac, amouenda mala tum pœna tum culpæ, ut melius custodiam corde quieto ac libero mandata tua, quibus vita paratur eterna.

Præueni tempestiuè ex deliberatione ordinata in maturitate rationis, & clamaui magnō mentis affectu, quia super omnia alia in verba tua Evangelica supersperaui, semper crescens in spe.

Præuenierunt strenuè & vigilanter oculi mei interiores ad te directi in diluculo temporis, ætatis & virtutis, ut meditarer legum eloquia tua diuina continentem.

Vocem & orationem meam audi, attende & fac secundum misericordiam tuam Domine, & non secundum merita mea, quæ nulla sunt & secundum iustum iudicium tuum, quo supplicibus parcis, & se damnantes absoluis, viuifica me per gratiam tuam, ne moriar per culpam meam.

Appropinquauerunt & alligauerunt se inimici persequentes me iniuste verbis & factis.
iniqui

iniquitati, ut eorum aucta sit iniquitas, à lege autem tua charitatis longe facti sunt, aberrantes à via recta.

Prope es mihi tribulato tu Domine intus adiuvando & confortando, & omnes viæ tuæ, quibus procedis vel affligendo, vel miserendo, sunt ipsa veritas. Vera enim & iusta sunt omnia opera tua, iussa, & verba.

Initio et ab exordio generis humani cognovisciens de testimonijs & verbis tuis sacre Scripturæ, quia in æternum inviolabiter fundasti & stabilisti ea, permansura vera super fundamentum quod Christus est.

Res. Vigesima est litera, & interpretatur caput. Designans humilitatem, quæ est caput omnium virtutum, per quam semper exauditur homo, cum oratio humiliantis se penetrat nubes.

V Ide oculis misericordie humilitatem, afflictionem, contemptum, & reprobationem meam, & eripe me de periculo mortis æternæ, quia legem tuam quæ dicit, Qui se humiliat, exaltabitur, non sum oblitus, imò opere & mente servavi.

Iudica, discerne, atque determina iudicium meum & causam meam, quam habeo contra diabolum, & reprobos, ne ipsi prævaleant, imò & redime me ab omni malo, præsentis, præteriti, & futuro: propter eloquium tuum, quod dixisti, Qui credit in me, non morietur, vivificabitur.

ca me vita eterna.

Longè est à peccatoribus impenitentibus salus gratia & gloria: quia iustificationes tuas & mandata quibus deberent iustificari, non exquisierunt, ut secundum ea viverent.

Misericordiae tuæ, quibus benefaci et parci penitentibus, multæ sunt Domine & innumerabiles: secundum iudicium tuum, quo humiles exaltas, vivifica me per augmentum gratiae tuæ.

Multi sunt tam demones quàm perversi homines qui persequuntur me mortifera suadendo, & tribulant me flagella inferendo, nihilominus à testimoniis & praeceptis tuis per te in lege testificatis non declinaui, imò constans in fide & opere permansi.

Vidi impios praevaricantes & transgredientes legem tuam, & tabescebam præ dolore deficiens, quia eloquia & praecepta tua tam dulcia, tam vilia non custodierunt, imò in tribulationibus negaverunt.

Vide & approba pietatem affectus mei, quoniam mandata & praecepta tua divina dilexi zelans pro eis in me & in alijs: idcirco Domine Deus meus in misericordia tua, quia merita mea non sufficiunt, vivifica & salva me in aeternum.

Principium & initium sacrarum verborum & eloquiorum tuorum sunt ipsa veritas, quo-

niam merè verissima sunt omnia verba sacre
Scriptura: in æternū sine vlla immutabilitate
durabunt omnia iudicia, quæ facturū es in
die nouissimo, iustitiæ tuæ, vbi pœna impijs &
præmia reddentur iustis.

W Schin. Vigesima prima est littera, & inter-
pretatur super vulnus. Tribulationes enim ceu
emplastrū sunt medicamēta contra vulnera pec-
catorū, tumorem reprimētia, dolorē mitigātia,
sanem expellentia, fracturam consolidantia.

PRincipes tenebrarum, & homines impij
persecuti sunt me, iniurijs, contumelijs,
& afflictionibus, & hoc gratis sine vlla causa,
& tamē constans in tribulatione à verbis tuis,
quibus comminaris pœnas transgressoribus legis
tuæ, formidauit, & timuit cor meum.

Lætabor ego inter tentationes & persecu-
tiones super salubria eloquia tua Evangelica,
sicut qui deuictis hostibus inuenit post bellum
spolia multa, qui & de victoria & de prædæ
magnitudine sibi gratulatur.

Iniquitatē mortalem odio habui, & de-
stundo abominatus sum peccatores, legē au-
tem tuam diuinam d. lex perfecta voluntate.

Septies per horas canonicas in die naturali
laudem dixi tibi Domine, super iudicia occul-
ta iustitiæ tuæ, confitendo omnia opera tua in-
sta, licet incomprehensibilia.

Pax interna conscientie multa & copiosa

est d'ligentibus opere & veritate legē tuam,
quia charitas pellit omnes perturbationes: &
nō est illis aliquod scandalum, quia non scan-
dalizant neque scandalizantur.

Expectabam longanimitē spe salutare tuum
Domine, ut gloria eterna coronemur, & ideo
mandata tua diuina dilexi, per quæ salus &
pax acquiritur.

Custodiuit per iugem memoriam anima &
voluntas mea diuina testimonia tua, in lege
& prophetis mandata, & dilexit ea corde &
opere vehementer & ardentē.

Seruauī diligenter opere adimplēdo mādata
tua noua, & testimonia tua vetera, quia om-
nes viæ meæ quibus progredior in hac vita,
sunt in cōspectu tuo, quæ cogito, cupio, loquor
& ago, videntur & iudicantur à te.

¶ Taph. Vltima est litera, & interpretatur,
erravit. Vir iustus se olim errasse fatetur, sed
nūc velle Deo approximare. Imbutos enim vijs
animos exuere atque emendare, non solum per
fectæ virtutis, sed cœlestis est gratiæ.

Appropinquet, & ingrediatur deprecā-
tio atque oratio mea in conspectu tuo
Domine, vsque ad thronum miserationis tuæ:
iuxta eloquium non Philosophorum, sed tuum
diuinum da mihi intellectum, ut sapiam quæ
Dei sunt, & non vanitate humane prudentiæ
euanescam.

Intret etiā ad te postulatio & oratio mea,
quæ est de amouendis malis, in conspectu tuo,
vt eam conspicias & exaudias, secundum elo-
quium & promissum tuum diuinū eripe me,
ab hostibus visibilibus & inuisibilibus.

Eructabunt de pleno corde labia mea, &
dicent hymnum ad laudem, honorem, & glo-
riam nominis tui, cū docueris intelligere me
& facere iustificationes & preceptiones tuas
nos iustificantes.

Pronuntiabit laudando & predicando lin-
gua mea cæ minister verbi eloquium tuum
sacrarum scripturarum, quia omnia manda-
ta & precepta tua diuina sunt ipsa æquitas,
pax & vita æterna.

Fiat mihi manus tua auxiliatrix, vt saluet
me liberando à malis & corroborando in bonis:
quoniā mandata & precepta tua diuina præ
omnibus temporalibus magis elegi ad meditan-
dum, operandum atque docendum.

Concupiui ardentissimè salutare tuum bo-
num Domine, quod est vita æterna & gloria
consumata, & ideò lex tua dirigens ad illud
summum bonum meditatio mea est assidua.

Viuet per gratiam in via, & per gloriam in
patria anima mea, licet hîc corpus affligatur,
& laudabit te hîc inchoatiue, illic verò cōsum-
matiue, & iudicia tua quibus hîc flagellas filios
quos recipis, adiuuabunt me, vt vitam adipi-

scar eternam.

Erraui *sepius* declinando à via veritatis, sicut ouis quæ periit & perdita fuit: quare seruum tuum Domine, vt ouem perditam reducas ad pascua vite, quia mandata & præcepta tua diuina non sum oblitus finaliter, & ex toto, licet ad tempus neglexi.

Sec. He. 120

PSALMVS CXIX.

Canticum & exultatio mentis ipsorum gradum spiritualium, quibus ascenditur ad Deum, & sicut quindecim ficerunt gradus, quibus ascēdebatur in sancta sanctorum: ita quindecim sunt gradus mentis, quibus ascenditur ad Deū, vt quindecim Psalmi sequentes demonstrant. Primus gradus est, à malis seculi exire, & vniuersæ vanitati renuntiare.

ARGVM. In hoc psalmo gradus est sine quo non ascenditur. Nemo enim viam agnoscet salutis, nisi in varias tentationes & afflictiones incidat. Qui enim verè amplectitur salutis doctrinam & confitetur, prædicat & tuetur, (id quod Christianorum est) continuò habebit contra se labia iniqua & linguam dolosam, quo malo nihil grauius in hoc incolatu quo habitamus inter impias Gentes & contradictores.

AD Dominum, qui omnipotens est & benignus, cum tribularer suggestionibus demonum & iniurijs persequentium, clamaui feruenter, & exaudiuit me, misericorditer liberando.

Domine

Domine Deus libera animam meam tibi deuotā à labijs iniquis & mēdacibus, & à lingua dolosa, quæ iniqua suadet sub specie boni.

Sagittæ sacra scripturæ, quæ sunt potentis Dei verba, acutæ & penetrabiliorez omni gladio, erunt tibi pro remedio cum carbonibus & peccatoribus olim desolatorijs, nūc ad vitam gratiæ conuersis, qui calefacti igne charitatis reuiuiscunt à mortuis.

Heu gemitus magnus mihi est, quia incolatus meus in ijs miseriis prolongatus est nimis à patria cœlesti: habitauī & conuixi cum habitantibus Cedar, iacentibus in tenebris peccatorum: multum incola & peregrina à Deo fuit anima mea, discurrendo per vana & inutilia.

Cum his hominibus, qui oderunt pacem veram & vnitatem catholicam, eram pacificus, eorum molestias patienter tolerando: & cum loquebar illis verbum veritatis, impugnabant me obstinati gratis, sine aliqua iusta causa.

ORATIO.

Omnipotēs & misericors Deus, à tribulationibus cūctis eripe nos, & libera animas nostras à labijs detrahētū iniquorū, vt adiutorijs spiritalibus prēmuniti nullis impugnationibus obruamur. Per Christum.

Sec. He. 121.

PSALMVS CXX.

*Canticum secundum gradum spirituum.
Secundus gradus est expositulatio diuini auxi-
lij in tribulatione & contentione.*

ARGVM. Hæc est vnica consolatio afflictæ animi suprâ descripti. Sicut Iosaphat dixit 2. Paral. 20. Cum ignoremus quid agere debeamus, hoc solum habemus residui, vt oculos nostros dirigamus ad te.

Leuauis sursum oculos meos mentis & corporis, in montes & excelsa electorum: unde veniet suo tempore auxilium mihi, & diuina virtus ac pietas.

Auxilium meum est à Domino Deo, qui fecit cælum & terram, atque omnem creaturam supremam & infimam.

Non det neque patiatur in commotione de bono in malum mutari pedem & affectum tuum, etiam neque dormitet neque negliget te sibi fidem, qui custodit te Israel populum fidelem, videntem Deum per fidem.

Ecce non dormitabit Dominus, neque dormiet, quasi negligeret curam tui, qui custodit sua gratia Israel, populum Christianum contemplantem Deum per fidem operantem.

Dominus omnipotens custodit te in bono, Dominus est protectio tua cōtra malum, super manum dexteram tuā, & plusquam manus dextera tua posset te protegere.

Pet

Per diem prosperitatis sol non vret te in
superbia, neque luna deprimet te per noctem
adversitatis.

Dominus Deus custodit te per suam gra-
tiam ab omni malo tentationis & culpa: cu-
stodiat semper animam tuam Dominus, ne
tibi noceant adversa.

Dominus Deus custodiat introitum tuum
in hunc mundum, & exitum tuum à vita præ-
senti, ex hoc nunc temporis & usque in secu-
lum, à principio usque ad finem.

ORATIO.

Omnipotens Deus, qui fecisti cœlum &
terrâ sis auxiliû & protectio nostra in ten-
tationibus & adversitatibus nostris Ne pa-
tiaris humanos affectus nostros dilabi in
peccatis, sed custodias animas nostras per
tuam gratiam ab omni malo, ab introitu
vicę nostrę usque ad exitum eius. Per Chri-
stum Dominum nostrum.

PSALMVS CXXI.

Sec. He. 122

Canticum tertium graduum spiritualium.

ARGV M. Sub typo ciuitatis Ierusalem, eccle-
się Christi felicitatē, & vota sanctorum illam sem-
per prouehi optantium, describit. Non illam qui-
dem Ierusalem quę in se diuisa est, quę occidit
Prophetas & lapidat Apostolos: sed quę mutua
charitate sibi vt mēbra vnius corporis cōnectitur,
quę cum Deo vnum est, & in qua rectum iudi-

cium, & pax illa quæ non habet finem perpetuam
mansura est.

L A Etatus sum & gauisus spiritu in his
quæ à Prophetis & Apostolis dicta sunt
mihi per sacram scripturam, quia in domum
Domini & in caelestem Ierusalem ibimus, et
perueniemus: duobus videlicet pedibus, charita-
tis Dei & proximi.

Stantes erant firmiter pedes & affectus no-
stri non labentes, non commoti, in atriis & pe-
netralibus tuis ô Ierusalē superna & caelestis.

Ierusalem, quæ in cælis ædificatur ex vivis
lapidibus & sanctorum contubernio, ut ciuitas
quædam, ubi est ciuium concordia & unitas,
participatio eius est in summa charitate,
in idipsum Deum, qui in æternitate semper
idem manet.

Illuc enim ad caelestem Ierusalem ascende-
runt tribus, non quæcunque, sed tribus Domi-
ni, electi filij per adoptionem, in quibus est testi-
monium verum Israel fidelis per fidem forma-
tum, ad cōfitendum in laude nomini Domi-
ni, quod solum opus est sanctorum.

Quia illic in domo caelesti sederunt Apo-
stolici viri, tanquam sedes in quibus Deus sedet
& quiescit, in iudicio futuro cum Christo iudi-
cantes: sedes super domum & familiam Da-
uid super fideles & impios.

Rogate postulando à Domino, quæ ad pa-
cem

cem obtinendam sunt huius Ierusalem cœlestis, quæ visio pacis dicta est & abundantia bonorum spiritualium ac cœlestium detur fidelibus & pijs diligentibus te, & ad Deū aspirantibus.

Fiat ergo pax cœlestis in virtute tua, ut astringamur omnes vinculo charitatis, & abundantia bonorum spiritualium sit in turribus tuis, maioribus & excelsis qui supereminent, ut instruant alios verbo & exemplo.

Propter fratres meos in vinculo charitatis astringendos, & proximos meos in vnitate ecclesiæ congregandos loquebar alijs predicando pacem de te, ut ad cœlestem Ierusalem se perfectos exhiberent.

Propter domum Domini & Ecclesiam Dei nostri adificandam, augmentandā, & glorificandam quæsiui pacem proximis predicando, bona tibi, ut efficiantur ciuitas, in qua habitare dignetur Deus.

ORATIO.

Da quæsumus Domine, diligētibus te, & nomen tuum diuinum confitentibus, abundantiam bonorū spiritualiū, ut omnes astricti hīc vinculo charitatis, & ambulantes in atrijs Ecclesiæ tuæ, in vnitate fidei, tandē in Ierusalem, ciuitate cœlesti, quæ ædificatur ex sanctorum contubernio, participatione mutua lætemur in idipsum, te verū Deum Dominum nostrum. Amen.

*Canticum quartum graduū spiritualium.
Quartus gradus est inter angustias, oculos ad
Dominum fiducialiter dirigere.*

ARGVMENTVM. Sancti contumeliis impiorum ob
rerum successum insolenter agentium expostulantes,
anxiè orant Deum, vt se liberet & defendat, quippe
cuius fidei sese totos commiserint.

AD te verum Deum meum leuavi in an-
xietatibus, oculos meos cordis & corpo-
ris, qui habitas optimus maximus in cœlis,
omnia gubernans.

Ecce sicut sunt oculi seruorum, auxilium
indigentium, vel præmium laboris expectantium,
in manibus dominorum suorum, sedulo pa-
rati ad imperium domini.

Sicut etiam oculi ancillæ intentissimæ sunt
in manibus dominæ suæ, expectantes quid ve-
lit aut placeat, ita sunt oculi nostri interiores
& exteriores ad Dominum Deum nostrum
intenti, donec misereatur nostri, liberando ab
omnibus malis & miseris.

Miserere nostri Domine, quia corpus pas-
sionibus laborat, miserere nostri, quia anima
passionibus affligitur, quia multum repleti su-
mus cōtemptu, & despectione derisi à malis.

Quia multum valde repleta est anima &
vita nostra afflictione & contemptu: quia in
opprobrium sumus diuitibus abundantibus
in sel

in felicitate mundana, & despectio sumus superbis de se præsumentibus.

ORATIO.

Cœlorum habitator Deus, ad te leuamus oculos nostros, precantes. vt confutatis opprobriis superborum, despectionibus diuitum, nobis misericordiam solitam clementer largiaris, ad quem assiduè oculos dirigimus, donec miserearis nostri, liberando ab omnibus malis præteritis, præsentibus & futuris. Amen.

PSALMVS CXXIII.

Sec. Heb.

Canticum quintũ graduum spiritualium. 124.

Quintus gradus est, liberationem nostram, non nobis, sed Deo attribuere & gratias agere.

ARGVM. Graui tentatione & periculo mortis & inferorum defuncti hæc dicimus: Extincti corpore & damnati fuissimus in æternũ, aut illa tentatio nos obruisset, nisi Dominus nos liberasset.

Nisi hoc esset, quia Dominus erat in nobis, & nisi potentia & bonitas Dei astitisset nobis, succurrisset, defensuisset, dicat nunc gratias agendo Israel, populus Christianus, videns Deum fide & spe, nisi quia Dominus erat in nobis, & fuisset pro nobis protegens & liberans:

Cum exurgeret ex malitia homines impij in nos persequendo, forte cõtingisset quod viuos de glut.

deglutissēt nos, vastādo in animo & corpore.

Cum irasceretur & exardesceret furor eorum in nos ex inuidia, forsitan aqua & inundatio tribulationum absorbuisset nos, nisi praesidio fuisset auxilium diuinum.

Tormentum persecutionum, & impetum tentationum pertransiuit & euasit anima nostra illasa: quod etiam si Dominus non fuisset in nobis, forsitan pertransisset anima nostra debilis aquam tentationum & persecutionum, intollerabilem viribus nostris.

Benedictus sit Dominus, & laudatus, qui non dedit nos seruos suos in captionem & praedam, ut laceraremur dentibus eorum, & dispergeremur crudeliter.

Anima nostra fragilis sicut passer, per Dei gratiam erepta est, & euasit impietatis pericula, de laqueo venantium spirituum malignorum, qui ad venandum animas, laqueos extendunt in concupiscentijs seculi.

Laqueus per Dominum contritus est, & in nihilum reductus, & nos liberati sumus, non propria virtute, sed diuina.

Adiutorium nostrum, non à nobis, nec in nobis, sed in nomine Domini, in virtute, & inuocatione eius, qui fecit & creauit coelum & terram, & omnia quae in eis sunt.

ORATIO.

Quaesumus Domine, creator coeli & ter-

re, vt per gratiam tuā semper sis in nobis,
liberās nos de insidiis ac deceptionibus dæ
monum, laqueos peccatorum nostrorum
conterendo, vt qui de nostra virtute diffi
dimus, nominis tui adiutorio muniamur.
Per Christum Dominum nostrum.

PSALMVS CXIII.

Sec. Re. 123

Canticum sextum graduum spiritualium.

ARGV M. ~~Montes qui sunt in circuitu Ierusalem sunt sicut mons Sion qui non moueri non potest: & talis non commouebitur in æternum à stabilitate fidei & virtutis, qui habitat in Ierusalem atque Ecclesia Christi.~~

Qui confidunt, & totam spem suam repo
nunt in Domino, non in hominibus, nec
rebus mundanis, sunt sicut mons Sion, qui mo
ueri non potest: & talis non commouebitur
in æternum à stabilitate fidei & virtutis, qui
habitat in Ierusalem atque Ecclesia Christi.

Montes, qui sunt Prophete, Apostoli, & san
cti homines, sunt in circuitu eius Ecclesie, qua
si murus, & Dominus, qui est vertex montium,
est in circuitu populi sui, vt beneficiat, ornet
& defendat ex hoc nunc & vsque in secu
lum, quia nobiscum erit vsque ad consumma
tionem seculi.

Qui

Quia non relinquet semper Dominus potestatem, virgam, & tyrannidem peccatorum impiorum super sortem iustorum ut praevalent iusti, ut non extendant iusti in longa tribulatione desperantes, ad iniquitatem & impietatem manus suas, imò patienter ferent.

Benefac Domine in tua gratia bonis opere & rectis corde: illos inquam defende, conforta, & glorifica.

Declinantes autem à rectitudine fidei ac veritatis, in obliuationes culpe ad prauitates suas per blanditias carnis, adducuntur Dominus ad vitam eternam, cum operantibus iniquitatem, & persecutoribus in ea, sed pax eterna erit super Israel rectos corde, Deum pi-
dentes fide formata.

O R A T I O.

Repelle Domine nequitias insurgentium à sorte iustorum, & serua nos, ne commoueamur à stabilitate fidei & virtutis. Ne quoque per blanditias carnis declinemus ad prauitates nostras: sed præsta, ut qui in te toto corde confidimus, nullis tentationum procellis quatiamur. Amen.

Sec. Hebr.
126.

P S A L M U S C X X V.

Canticum septimum graduum.

A R G V M. Posset hinc Psalmus intelligi de reductione Iuda ex captiuitate Babylonis, ut legitur in Eudra, nisi quid dignius nobis ostentaret.

De.

De liberatione ergo agitur qua liberati sumus per Christum ex captiuitate peccati, mortis, legis, de qua alibi diximus : Captiuā duxit captiuitatē &c. Verū solutis ab ista captiuitate restat crux, sed hæc ducit ad gloriam, id quod finis Psalmi habet.

IN conuertendo, & postquam conuerterit Dominus Deus captiuitatem Sion & populi Christiani, redimendo nos à vinculis peccatorum sanguine innocenti, facti sumus propter insperatum maximū bonum, sicut consolati ut vix credere præ admiratione possimus.

Tunc in illā conuersione repletum est gaudio spirituali os nostrum cordis, & lingua nostra corporis, etiam repleta est exultatione atque iubilatione pro tanta gratia, qua saluamur.

Tunc etiam dicent aliqui inter Gentes & fateri cogentur increduli. Magnificauit Dominus mirabilia facere cū eis fidelibus, peccata dimittendo & virtutes conferendo.

Magnificauit Dominus misericordiam suam facere nobiscum, liberando de seruitute peccati & diaboli, unde facti sumus lætantes, qui prius eramus tristes & gementes.

Conuerte Domine Deus captiuitatem nostram qua sub diabolo tenemur : sicut torrens impletur aquis & currit in austro, vento, qui nives dissoluit, ita flante spiritu sancto, soluamur à peccatis.

Qui seminant opera bona misericordia in

lacrymis compunctionis & deuotionis, in exultatione futura metent fructum aeternae beatitudinis.

Euntes de virtute in virtutem ibant proficiendo continuè, & flebant in laboribus virtutis, mittentes semina ac opera sua cum multo fructu.

Venientes autem ad iudicium venient, à morte resurgendo, cum exultatione & gaudio magno portantes manipulos suos in felicissima messe: quia fructum bonorum operum.

ORATIO.

Consolare Domine populum tuum, & reple nos gaudio spirituali, atque magnifica misericordiam tuam facere nobiscum, liberando nos à captiuitate pessima vitiorum & diaboli, vt quod hîc in bonis operibus seminamus, tandem fructum aeternae vitae recipiamus, in præmium & coronam gaudiorum. Amen.

Sec. He. 127

PSALMVS CXXVI.

Canticum octauum graduū spiritualium.

ARGVM. Nostrum arbitrium, nostrae vires, nostra prouidentia, consilia & studia vana sunt, nisi Dominus ædificauerit, custodierit, & vigilaue- rit. Et qui nimium suis operibus tribuunt, citra fidei opem, nihil inueniunt nisi panem doloris, & vexationem conscientiarum.

Nisi Dominus Christus ædificauerit in-
terius domum, & Ecclesiam suam popu-
lumque

lumq; suum in fide & moribus, in vanum laborauerunt rectores, qui ædificant eam prædicando & sacramenta administrando.

Nisi Dominus Deus custodierit in fidei puritate ciuitatem & congregationem fidelium, in vnitæte spiritus, frustra vigilat contra hostes, qui custodit eam, quia vana est omnis humana prouidentia.

Vanum & inutile est ergo vobis omnibus ante lucem Christum, qui est lux nostra, surgere, & incipere aliquod opus bonum, nisi lux gratiæ infundatur. surgite ergo per lucem gratiæ bene operando, postquàm diu sederitis in peccatis, qui māducatis in afflictione panem doloris ac penitentia.

Cùm dederit dilectis & amicis suis prædestinatis somnum mortis tēporalis, ecce hæreditas Domini, sunt tales filij renati ex aqua & spiritu sancto, quorum merces erit Christus, fructus benedictus ventris virginalis, qui eos acquisiuit per obedientiam passionis.

Sicut sagittæ sunt in manu alicuius potētis hominis ad feriendum eos de arcu: ita sunt filij & imitatores excussorum Apostolorum, qui excussi & missi sunt à Christo in fines orbis terrarum, vnde acquisita est Domino hæreditas Ecclesiæ ex Gentibus.

Beatus est vir ille qui impleuit desiderium suum spirituale, ex ipsis sagittis & dor-

*Strinis Apostolorum: quia non confunderetur
ut mendax, cum assumpserit iacula verbi Dei,
cum loquatur inimicis suis Iudeis, Gentibus,
hæreticis, in porta & frequentia populi.*

ORATIO.

Congregationem fidelium in unitate
spiritus custodi Domine, & nos filios tuos
renatos ex aqua & spiritu in Ecclesia, quâ
ædificasti sanguine tuo, fac surgere à pec-
catis, per lumen gratiæ tuæ, ut abundantes
in operibus bonis simus hæreditas tua, &
tu merces nostra, qui es **CHRISTVS** fru-
ctus benedictus ventris virginalis. Amen.

Sec. He. 28.

PSALMVS CXXVII.

*Canticum nonum graduum spiritualium.
Nonus gradus est, Deum timore casto ac filiali
timere.*

ARGVM. Timentis Deum beatitudo in labo-
ribus manuum, in vxore & liberis, in spiritualibus
æternâque apud Deum gratia, hic describitur.

BEati omnes cuiuscunque conditionis fue-
rint, qui timent Dominum timore casto
ac filiali, & qui ambulant in viis eius iuxta
Dei præscripta & sanctam scripturam.

Labores manuum tuarum in sudore vul-
tus percipies, quia manducabis de iustis labo-
ribus, beatus es in hoc, & bene tibi erit, quia
felix lucrum comprobat Deus.

Vxor tua non libidinosa, sed casta & fide-
lis erit

lis erit sicut vitis abundans fructibus, in latibus domus tuæ, omnia prudenter disponens.

Filij tui dñtes & bone spei, vñnt sicut nouellæ plantula oliuarum virentes in circuitu mensæ tuæ, quos Dei munere pascet alacer.

Ecce, quia sic benedicetur homo, & hæc Dei dona sunt qui timet Dominum Deum ambulando per viam mandatorum eius.

Benedicat tibi Dominus benedictione quæ est ex Sion, cœlesti, & ibi positus videas bona superne Ierusalem, quæ desiderasti omnibus diebus vitæ tuæ, semper & æternaliter.

Et videas longeuus filios filiorum tuorum, & nepotes beatos, pariter, timentes Deum, pacem, gratiam, & misericordiam super Israel & omnem populum Dei.

ORATIO.

Timentibus nomē tuum Domine beatitudinem largire perpetuam, vt nos & filij nostri videamus bona cœlestis Ierusalem, non quæ transeunt, sed æterna sunt, & pacem super omnem populum Christianum. Per Dominum nostrum.

PSALMVS CXXVIII.

Sec. Heb.

129.

Canticum decimum graduum spirituum. Decimus gradus est patientia, quæ in aduersis comprobatur.

ARGVM. ~~Populus Dei Semperque
 agitur Deo, quod de iuuentute, id est, de
 principio temporis, dicat nunc Israel,
 Ecclesia, quae Deum speculatur per fidem.
 Sæpe expugnauerunt me, nec destiterunt
 à iuuentute mea, & initio conuersionis mea
 ad Deum verum: etenim non potuerunt pra-
 ualere mihi, assistente Dei gratia.~~

SAepe & multum expugnauerunt me
 diabolus, tyranni, & heretici à iuuentute
 mea & principio temporis, dicat nunc Israel,
 Ecclesia, quae Deum speculatur per fidem.

Sæpe expugnauerunt me, nec destiterunt
 à iuuentute mea, & initio conuersionis mea
 ad Deum verum: etenim non potuerunt pra-
 ualere mihi, assistente Dei gratia.

Supra dorsum meum, ex qua parte videri
 non possunt, fabricauerunt insidias pecca-
 tores, & tribulationibus afflixerunt, & pro-
 longauerunt perseuerantes iniquitatē suam
 addendo mala malis.

Dominus iustus reddens singulis secundum
 opera sua concidet & destruet ceruices pec-
 catorum atque superbias impiorum: confun-
 dantur de iniquitate sua, conuertantur re-
 trorsum à Deo omnes qui oderunt Sion, &
 congregationem iustorum.

Fiant inimici gratiae ac vere pietatis sicut
 foenum testorum qui diu florere volebant,
 quod priusquam euellatur nihil fructificans,
 sed tantum, florens exaruit atque euanscit
 ante tempus.

De quo feno arido qui sunt impij non impleuit Angelus manum suam aliquo bono opere ad offerendum Deo, qui in fine mundi metet, separando bonos à malis: & sinum suum non implebit fructu malo, qui manipulos bonos ac iustos colliget & congregabit.

Et non dixerunt sancti qui prateribant nos ad coelestia, Benedictio Domini sit super vos: nec etiam dixerunt, Benediximus vobis: ex parte nostra in nomine Domini, quia nouerunt Ecclesia persecutores maledictos.

ORATIO.

Præsta nobis Domine patientiam in aduersis, & ab omnium impugnationum nequitia nos tua protectione defende, vt pericula mundi transire valeamus illæsi, vt beneuiuentes æquanimiter toleremus impios, & ab omnibus sanctis tuis benedici valeamus in nomine tuo, quod Iesus est saluator noster. Amen.

PSALMVS CXXIX.

Sec. He. 130

Canticum vndecimum graduum spirituum. Vndecimus gradus est penitentialis supplicatio, cum nullus sine peccato est.

ARGVM. Dum alij fecerunt iuramentum, solū meum
conserui. & humiliatus es semper in paenitentia.
Miserere mihi Deus, quia delinxi in conspectu
regni. & in conspectu altissimi. & in conspectu
remissionem peccatorum. & in conspectu
solus, qui iuramentum fecisti.

DE profundis cordis & miseris, & peccatorum meorum clamaui orando feruenter ad te Domine, qui solus potes liberare: Domine misericors, exaudi vocem & orationem meam.

Fiant aures tuæ pietatis, & misericordia intendentes, ut relaxetur peccata, in vocem deprecationis meæ, ne frustra orem.

Si iniquitates meas & peccata obseruaueris Domine, secundum iustitiæ rigorem, Domine bone, quis sustinebit te iudicem vindicantem.

Quia apud verum Deum te filium propitiatio est, & peccatorum nostrorum reconciliatio, & propter Evangelicam legem tuam, qua promittis misericordiam penitentibus, sustinui patienter te Domine, & sperans, & expectans.

Sustinuit confidenter anima mea, in consolatione & in verbo eius infallibili sperauit de remissione peccatorum anima mea in Domino, qui liberat, condonat, & coronat.

A custodia seu vigilia matutina, quæ est pueritiæ, quando incipit homo ratione rigere, usque ad noctem mortis & finem vitæ: speret confidenter Israel & populus fidelis in Domino expectando misericordiam.

Quia in Domino fuit misericordia in iniquitatibus peccatorum, & eropropterea

piofa

*piosa atq; sufficiens apud eum est redemptio,
cuius pretioso sanguine redempti sumus.*

*Et ipse filius Dei redimet proprio sanguine
Israel populum fidelem ex omnibus tam mor-
talibus iniquitatibus eius quam venialibus.*

ORATIO.

De profundis cordis clamamus ad te
Domine, vt de profundis peccatorum li-
beres nos, quia apud te solū verum Deum
est propitiatio & reconciliatio nostra. Ne
obserues iniquitates nostras, qui speramus
in misericordia tua, qui redempti sumus
pretioso sanguine tuo. Amen.

PSALMVS CXXX.

Sec. He. 131.

*Canticum duodecimum graduum spiri-
tualium. Duodecimus gradus est humilitas in-
terior cordis, & exterior operis.*

ARGVMENTVM. Affirmat alienum se fuisse ab arro-
gantia, & sectatum humilia, ideo exaltationem
sibi expectandam à Domino.

Domine Deus, non est exaltatum intus
cor meum per superbiam, quasi meis vi-
ribus confidens aliquid sublime de me sentiam,
neque elati sunt signo exteriori oculi mei,
vt super alios me exaltarem.

Neque ambulauī præsūmendo in magnis
factis vel virtutibus; neq; in mirabilibus su-
per me, quia non studui vana & curiosa per-
scrutari, aliorum capto meo.

Si non humiliter sentiebam, nihil presumendo de me & viribus meis, sed exaltaui superbiendo animam & personam meam, fiat de me punitio, quæ sequitur.

Sicut cum ab lactatus est puer & abstractus à mamillis super matre sua, contristatur & perit, ita retributio & punitio sit in anima & persona mea, ut à me subtrahatur consolatio divina.

Speret Israel populus fidelis ac humilis in Domino, non presumat de seipso, ex hoc nunc presentis temporis & usque in seculum æternitatis.

ORATIO.

Omnipotens Deus, ne permittas nos exaltari in superbiis nostris, neque confidere in nostris viribus, & altiora nobis indagare: sed humiliari sub potenti manu tua, & sperare in te Domino Deo nostro, ut ad æternitatem tuam in cœlestibus peruenire valeamus. Per Christum Dominum nostrum. Amen.

Sec. He. 132.

PSALMVS cxxxi.

Canticum decimum tertium graduum spiritualium. Decimus tertius gradus est edificatio spiritualis domus in moribus & fide.

ARGVMENTVM. Salomonis videtur esse Psalmus, aut populi Dei. Precatur enim Dominum Deum, ut memor sit pietatis Davidis olim tam pii regis, & veniat Christus ex semine eius, propter promissionem Davidi

uidi factam, & insuper iuramētum additum, vt statuatur regnū Sion siue solium Dauidis in æternum.

Memento Domine pater David, hoc est Christi, qui de semine Dauid secundum carnem descendit, & omnis mansuetudinis eius, qui tanquam agnus ductus est ad victimam.

Sicut iurauit Christus homo Domino Deo 2. Reg. 7 patri, & votum vouit, ex mera voluntate Deo Iacob, vt aduentu sua incarnationis redimeret genus humanum.

Si introiero (votum est Christi) quia non introibo in tabernaculum cœlestis palatii, domus meæ vt inhabitem, si ascendero, quia non ascendam in lectum & requiem strati mei sessurus ad dexteram patris; vbi erit finis laborum.

Si dederō, quia non dabo, somnum triuauum oculis meis in sepulchro, & palpebris meis dormitationem & quietem.

Et non dabo requiem aliquam temporibus meis, neque prius ascendam crucem mortis proximus, donec inueniam locum Domino patri in pectoribus credentium, quod sit tabernaculum, Ecclesia, & templum Deo Iacob, & Christianorum, qui contra vitia militare non cessant.

Ecce iam audiuius per Prophetas eam Ecclesiam futuram in Ephratha, quod est Bethle

Bethlehem, in qua natus est Christus David inuenimus eam etiam in campis sylux, & in Gentibus idololatriis & inculis.

Introibimus in unitate fidei, & vinculo charitatis in tabernaculū eius & Ecclesiam sanctam, & adorabimus in loco sacro, ubi steterunt Apostoli qui sunt pedes eius, sustentantes totum corpus Ecclesie.

a.Par.6.g

Surge nunc Domine à morte, in requiem tuam, ascendendo in cælum, qui reddidisti votum tuum tu primò, & deinde arca seu Ecclesie sanctificationis tuæ, quam sanctificasti per asperionem sanguinis tui.

Sacerdotes tui atque prælati Ecclesie induantur & muniantur iustitia fidei: & inde sancti tui atque eius subditi minores exultent testimonio bonæ conscientie.

Propter David seruum tuum, & propter filium tuum, qui ex semine David formam seruilem suscepit, non auertas penitus à Iudæ faciem & notitiam Christi filij tui.

Iurauit Dominus per semetipsum, & promissit David veritatem, quia sicut promissus, sic compleuit, & non frustrabitur eum, nec est mentitus ei, De fructu ventris tui, filium virginis natum de stirpe tua, ponam regem super sedem tuam, iuxta illud Angeli, Dabit illi Deus sedem David patris sui.

Luc. 1.c
Act. 2.c

Si custodierint filij tui per te in fide progre-

missi

niti testamentum meum, implendo precepta legis & testimonia mea Evangelica, hæc quæ docebo eos per te, & tuos.

Et etiam filij ac successores eorum, si custodierint, vsque in seculum æternum sedebunt super sedē tuam, quia sine fine tecū regnabūt.

Quoniam elegit Dominus sua gratia Sion, & Ecclesiam fidelium: elegit eam in cordibus electorum in habitationem sibi per fidem, ut Deus in ipsis, & ipsi in Deo habitent.

Hæc Ecclesia, aut anima fidelis est requies mea, non tantum in hac vita, sed in seculum seculi æternaliter, hic habitabo in benedictionibus meis, quoniam elegi eam ex pura gratia mea.

Viduam & animam eius Ecclesia desertam omni auxilio mundano, solam spem in me habentem benedicēs benedictione gratiæ in presenti benedicam benedictione gloriæ in futuro: & pauperes eius ac humiles nihil de se præsumentes, sed in misericordia sola Dei, saturabo panibus vitæ æternæ, spiritualibus, cibo cælesti & verbo Dei.

Sacerdotes atq; prælatos eius Ecclesia induā salutarī gratia Spiritus sancti, ut luceant doctrina & virtutibus, & inde sancti eius fideles baptismo sanctificati exultatione perpetua exultabunt de gratia Dei & remissis peccatis.

Illuc in Ecclesia producā & germinare faciam

Luc. I. g

*ciam cornu Dauid, & regnum & gloria
eius, parauit lucernam & Euangelij doctrinam
Christo filio meo, quæ de Sion exhibetur
orbem terrarum.*

Luc. i. b. Inimicos & aduersarios eius regni, &
cuius Euangelij Christi, induam confusione,
quia obuoluentur erroribus: super ipsum autem
Christum effloreat ac excellenter appareat
sanctificatio mea, & gloria diuinitatis.

ORATIO.

Memor esto nostri omnipotens Deus, &
indue nos iustitia atque salutari gratia tua.
Effloreat quoque super nos sanctificatio
diuinitatis tuæ, ut custodiamus testimonia
tua Euangelica, saturando pane cœlesti
uerbi Dei nos humiles, nihil de nobis præ-
sumentes, & tu in nobis atque nos in te ha-
bitando benedicas, benedictione gratiæ in
præsenti, & gloriæ in futuro.

Sec. He. 133

PSALMVS CXXXII.

*Canticum decimumquartum graduum
spiritualium. Decimusquartus gradus est charitas
fraternæ Ecclesiæ edificans.*

ARGV M. Paucis verbis hic spiritus exprimit
gratiam cōmunionis mēbrorū Christi, addens:
Quoniam illic ubi fratres habitāt in vnum, man-
dauit Dominus benedictionē & vitam per secula.

Ecce quàm bonum, & vtile, & quàm iu-
cundum ac delectabile, habitare fratres

non carnales sed spirituales in vnum, sincera
charitate, vt habeant cor vnum & animam
vnam.

Sicut vnguentum gratia Spiritus sancti,
quod fuit prius in capite Christo, quod de-
scendit postea in barbam & membra fortia
que fuerunt Apostolici viri barbam inquam
Aaron, sacerdotis Christi.

Quod etiam vnguentum Spiritus sancti de-
scendit ab Apostolis in oram vestimēti eius,
vsque ad nos, ad quos fines seculorum deuenie-
runt sicut ros Hermon, & gratia Christi,
qui descendit super Apostolos in montem
Sion, congregatos.

Quoniam illic in vnanimi cohabitatione
fratrum mandauit Dominus, & promisit hīc
benedictionem gratia, & virtutum multi-
plicationem, & vitam eternam in futuro, vsq;
in seculum seculi duraturam.

O R A T I O.

Infunde Domine in Ecclesiam tuam
charitatem fraternitatis ac pacis, vt rore
spiritualis vnguenti aspersi, benedictionis
tuæ gratiæ iucundemur in corde vno, &
anima vna. Per Christum.

PSALMVS CXXXIII.

Sec. He. 134

Canticum decimumquintum graduum
spiritualium. Decimusquintus gradus est cha-
ritas in Deum.

A R G

ARGVMENTVM. Non solum Leuitæ, quorum partes erant in domo Domini excubias agere, sed etiam serui Dei, qui fide constanti sunt in Ecclesia Christi, inuitantur ad preces Deo fundendas etiam noctu.

ECce nunc in tempore presenti benedicite Dominum, laudando & gratias agendo, omnes serui Domini, unanimiter habitantes in domo Dei.

Qui statis perseverantes in Ecclesia, domo Domini, parati ad seruendum Domino, qui & statis in atriis & ingressu domus Dei nostri, tanquam incipientes & imperfecti.

In noctibus aduersitatis, non tantum in diebus prosperitatis extollite sursum ad Deum manus vestras cordis & corporis, deuote orando in sancta intentione, ut quicquid facitis in nomine Domini faciatis, & benedicite Domino nihil vobis arrogando, sed totum Deo.

Benedicat te Dominus benedictione, quæ est ex Sion & de cælesti Ierusalem gratiam suam impertiendo: qui Deus omnipotens fecit cælum & terram, omnem superiorem & inferiorem creaturam.

ORATIO.

Benedicentes te omnes serui tui Domine deprecamur, ut nos huius mundi nocte obscuratos illuminare digneris, quatenus, dum manus nostras in bonis operibus eleuamus,

uamus, benedictionem à te æternam consequamur. Per Christum.

PSALMVS CXXXIII.

Sec. He. 35

Halleluia. Laudate Deum propter magnam beneficia & diuersa.

ARGVM. Laudandus in primis Deus est, quia in se bonus, deinde quod eam bonitatem transfudit in plasmata, nosque dignatus est perpetuo in cœlis consortio, impugnans nobiscum omnes inimicos qui eam nobis felicitatem inuident, quem admodum olim in Iudeorum gratiam ad internicionem persecutus est Pharaonem.

Laudate corde & ore nomen Domini, quod Iesus est, laudate serui Dominum, pro beneficio creationis & redemptionis.

Qui statis in Ecclesia domo Domini perseverantes, in fide, & charitate, & vos peccatores qui estis in atriis & ingressu domus Dei nostri pœnitentes.

Laudate Dominum Deum, quia bonus Dominus, & fons bonorum indeficiens: psallite nomini eius, quod Iesus est, quoniam suauis est & saluans peccatores.

Quoniam Iacob, contra vitia luctantes, elegit sibi gratis Dominus nullis meritis precedentibus, & Israel, fideles filios contemplantes Deum etiam elegit in possessionem sibi peculiarem.

Quia ego cognoui per veram fidem, & ex

Dei operibus, quod magnus est Dominus & immensus potentia, sapientia, & natura, & Deus noster est potentior ac benignior prae omnibus dijs, quia solus est Deus & dominator omnium.

Omnia tam visibilia quam inuisibilia, quaecunque voluit Dominus Deus fecit in caelo & in terra, quia causa omnium operum eius est propria voluntas, & nulla necessitas in mari, & in omnibus abyssis, quia tuetur & gubernat caelestia, terrestria, & inferna.

Hiere 10. c

Educens & subleuans nubes ab extremo terrae, ubi eleuantur vapores humidi, ex quibus nubes generantur & fulgura atque tonitrua in dictis nubibus generata in pluuiam fecit per resolutionem nubium.

Exod. 12. d

Qui producit ventos omnes de occultis thesauris suis: & qui percussit primogenita Aegypti, vindicando electos, ab homine usque ad pecus, ostendens iram & potentiam, quam spreuerant.

Et misit signa & prodigia multa in medio tui Aegypti pro populi Israelitici liberatione, in Pharaonem regem, & in omnes seruos eius, quos submersit in mari Rubro.

Nu. 21. c. g

Qui percussit post egressum de Aegypto Gentes multas, occupantes terram filijs Israel promissam, & occidit reges fortes filijs Israel resistentes.

Schon

Sehon regem Amorrhæorum occidit, & etiam Og regem Basan sub Moyse, cum prohiberent filios Israel transire per fines suos, & omnia regna Chanaam, etiã percussit Deus sub Iosue.

Et dedit terram eorum regum & gentium hæreditatem possidendam, hæreditatem inquam Israel populo suo, ex cæteris nationibus electo. Iosue 12.c

Domine, qui tanta fecisti tuis, nomen tuum erit laudabile in æternum à nobis: Domine memoriale tuum in generatione presenti, & generationem futuram.

Quia iudicabit Dominus Deus populum suum vindicando fideles de impiorum violentia, sicut fecit Aegyptiis: & in servis suis sibi obedientibus atq; electis deprecabitur, & placabilis erit, eorum preces exaudiendo.

Simulachra atque idola Gentium sunt argentum & aurum, quantum ad materiam, & sunt opera manuum hominum, quantum ad formam artificis factam.

Os habent similitudinariè, non verè, & nō loquentur, quia carent oris officio: oculos habent sculptos vel depictos, & non videbunt, quia figmentum sunt. Sapi. 15.d

Aures habent apparenter, & non audient in veritate: neque enim est spiritus seu anhelus in ore ipsorum, quia truncus sunt & fig-

menta humana.

Similes illis idolis fiant in interiore homine, qui faciunt ea operando, & omnes qui confidunt in eis adorando.

Domus, familia seu cōgregatio Israel Christianorum fidelium, videntium Deum per fidem benedicite Domino, ipsum verè colendo: domus Aaron sacerdotalis, benedicite Domino, ipsum dignè laudando.

Domus Leui, atque Levitica tota tribus, benedicite Domino, atque solliciti sitis pro vero cultu Dei veri: qui timetis Dominum ex omni Gente & populo, benedicite Domino, maiestatem eius venerantes.

Benedictus, laus & gratiarum actio deferatur ei, qui Dominus est ex Sion, solus & vnicus verus Deus creator omnium, qui habitat in Ierusalem cœlesti, vbi videbimus eum in æterna pace.

ORATIO.

Laudamus nomē tuum Domine, omnes serui tui, pro beneficio creationis & redemptionis, quoniam bonus es & suavis, deprecabilis esto super cliētulos tuos de familia tua electa, & placabilis exaudiendo preces nostras, vt hīc te benedicētes cum Angelis, in æternum te laudare mereamur. Amen.

*Halleluia. Laudate Dominum propter diuer-
sa eius magnalia & beneficia nobis collata.*

ARGVM. 2. Paral. 20. & alibi sæpe docetur, vt
cantent. Quoniam in seculum misericordia eius.
Sic autem hic opera Dei prædicantur & miseri-
cordia, vt Psalmo superiore.

Confitemini Domino confessione laudis,
quoniam bonus, quia ab ipso fonte omne
bonum profluit, quoniam in æternum mise-
ricordia eius, nec cessat vnquam benefacere,
favere, indulgere & misereri.

Confitemini Deo deorum, qui solus om-
nibus præest, & gloriam suam non dat alteri,
quoniam in æternum durat misericordia
& benignitas eius.

Confitemini Domino dominorum, quia
pro suo nutu omnes dominos regit, quoniam in
æternum misericordia eius.

Qui propria virtute facit mirabilia ma-
gna solus, non indigens auxilio cuiuscunque,
quoniam in æternum misericordia eius.

Qui fecit coelos, æthereum, sydereum, cry- Gen. 1. a
STALLINUM, & empyreum in intellectu & sapien-
tia sua, quoniam in æternum misericordia
eius, omnia in bonum electorum ordinando.

Qui firmavit & fundavit terram super Gen. 1. a
aquis, quia terra supereminet cōtra naturalem
rationem vtriusque, quoniā in æternum mi-

sericordia eius, *ut homines super terram vivere possent.*

Gen. 1. b

Qui fecit inter cetera sydera, luminaria magna, Solem & Lunam, quoniam in æternum misericordia eius, *ut lucis solatio creatura gauderent.*

Solem in potestatem diei, *ut esset lux illuminans diem*, quoniam in æternum misericordia eius, *quia sine Sole nihil maneret.*

Lunam & etiam stellas, in potestatem noctis, *ut possint illuminare noctem*, quoniam in æternum misericordia eius, *qua per hac nobis ministrat necessaria.*

Exod. 12. d

Qui percussit Aegyptum cum primogenitis eorum occidendo, quoniam in æternum misericordia, & benignitas eius.

Exod. 13. d

Qui eduxit Israel, populum Iudaicum de medio eorum Aegyptiorum, *ubi tenebantur sub tyrannica servitute*: quoniam in æternum misericordia eius, *in angustijs succurrendo credentibus.*

In manu valida & potenti, & brachio excelso, *cui nemo resistere potest*: quoniam in æternum misericordia eius.

Qui diuisit mare Rubrum, *ut sicco pede transiret Israel in diuisiones duodecim*: quoniam in æternum misericordia eius, *quia electos in medijs mortibus uiuificat.*

Et eduxit Israel, *ut transiret per medium eius*

eius mari Rubri, prabēs iter siccum: quoniam
in æternum misericordia eius.

Et excussit atque interemit Pharaonem & Exod. 14. 8
gem & virtutem seu exercitum eius in mari
Rubro submergendo in medijs fluctibus: quo-
nim in æternum misericordia eius.

Qui traduxit quadraginta annis populū
suum electum per desertum in multis mirabi-
libus, quoniam in eternū misericordia eius,
assistendo humano auxilio destitutis.

Qui percussit interimendo reges magnos
atque superbos, in suis viribus confidentes: quo-
niam in æternum misericordia eius.

Schon regem Amorrhæorum, qui primus
ausus fuit invadere Israel, quoniam in æter-
num misericordia eius.

Et Og regem Basan, fortissimum gigan- Num. 21. 8
tem: quoniam in æternum misericordia
eius.

Et dedit terram eorum regum ad heredi- Iosue 12. 6
tatem alteram, privando illos impios: quoniam
in æternum misericordia eius.

Hereditatem, inquam, Israel seruo suo
quam pollicitus fuerat patribus: quoniam in
æternum misericordia eius.

Quia in humilitate & afflictione nostra
dum graui seruitute Aegyptiorum opprimere-
mur memor fuit nostri respiciendo nos mise-
ricorditer: quoniam in æternum misericor-

dia eius, erigens elisos ab impiis.

Et redemit nos Israelitas ab hostibus & inimicis nostris, qui plures & fortiores erant, quoniam in æternum misericordia eius, qui subuenit infirmis.

Qui dat escam & cibum omni carni, atque omnibus animantibus: quoniam in æternum misericordia eius, cui cura est de omnibus creaturis suis.

Confitemini Deo, qui est creator cœli, & gubernator atque promissor, quoniam in æternum misericordia eius.

Iste versus
non est in
Hebræo.

Confitemini Domino dominorum, qui est & in cunctarum rerum, quoniam in æternum est benignitas, misericordia, & beneficentia eius, replens totam mundi machinam.

ORATIO.

Memor esto humilitatis nostræ, & miserere nobis omnipotens Deus, ut qui quondam patribus nostris terram aduersariorum in hæreditatem donasti, quæsumus ut nos à peccati macula liberatos in tuam cœlestem hæreditatem restituas. Per Christum Dominum.

Sec. Hebr.
137.

PSALMVS CXXXVI.

Psalmus iste est ipsius David Propheta propter Hieremiam, quia consonat lamentationibus

nibu Hieremia de Babylonica captiuitate.

ARGVM. Captiuitas Babylonica describitur, de qua legitur in fine Regum, & in fine Paral. In qua lugens populus irridetur ab impiis Babyloniis: Captate, inquiunt, nunc, & ludite instrumentis musicis, sicut in Ierusalem solebatis. Respondet populus Dei: Absit, vt gaudia Babylonis sequar, oblitus ciuitatis Dei: obliuiscatur mihi Deus, si obliuiscar Ierusalem. Absit, vt Dei carminibus impiorum & irradientium aures oblectem. Inde mala predicat hostibus, nō solum Babyloniis, sed etiam Idumæis, qui descenderūt ab Esau, Iudææ vicinis, qui ad talum fratrum, id est generis Iacob, latati sunt, dicētes, Exinanite &c. Hi enim paulō post abducti sunt per Nabuchodonosor regem Babyloniæ. Et nō longē à captiuitate Hierusalem vastata est Babylon per Medos & Persas, ita vt & paruuli alliderentur in oculis Babyloniōrum. Esaiæ 13. & 14. & Hierem. 51.

SVper flumina Babylonis, & super bona delectabilia huius confusibilis mundi, quæ more fluminum fluunt & refluent, illic sedimus in humilitate prostrati, & fleuimus pro peccatis & miseriis nostris, dum recordaremur tui Sion, cœlestis patria, quæ est vera terra promissionis nostræ.

In salicibus & infructuosis hominibus, qui sunt in medio eius Babylonis, suspendimus atque subtraximus organa nostra sacra Scriptura, quia indigni erant audire.

Quia illic, in Babylónico mundo interrogauerunt nos, tentantes & irridentes, qui captiuos in peccatum duxerunt nos, ministri

demonum, ut cum ipsis cantaremus verba cantionum, fruendo hoc seculo in delicijs.

Et qui abduxerunt nos à Deo & consortio bonorum, dixerunt, Hymnum cantate nobis ad laudem Dei vestri, de canticis Sion, quatenus in Ecclesia.

Quomodo cantabimus canticum Domini, inter indignos, qui sumus in terra aliena, ubi Deus verus ignoratur nec colitur?

Si oblitus fuero inter hæc mundalia delictamenta tui cælestis Ierusalem, & illis consentiam, opera bona deferendo, obliuioni datur dextera mea, & pereat à me Dei mei auxilium.

Adhæreat lingua mea faucibus meis, ut omnino mutus fiam, si non iugiter meminero tui in corde meo.

Si non omnibus alijs præposuero, & præstitero gaudijs te Ierusalem cælestem in principio lætitiæ meæ, tu mihi charior, quam omnis lætitia huius mundi Babylonici.

Memor ad puniendum esto Domine filiorum Edom, seu Idumæorum de nequitia eorum, in die sequestrationis Ierusalem, quando separabuntur boni à malis.

Qui dicunt, Exinanite, exinanite, tollite, evertite, confundite usque ad fundamentum quicquid iustitiæ & sanctitatis est in ea Ecclesia fidelium.

Filia Babylonis, istius confusissimi seculi
misera es in tua exultatione & presumptione:
beatus qui retribuet tibi vicissitudinem,
& retributionem tuam, & penam tibi debi-
tam pro malis, quam retribuisti & fecisti
nobis.

Beatus est, qui tenebit & continebit se à vi-
tijs, & allidet atque confringet paruulos suos,
& primarios motus, ad petram Christum, ne
confundatur in Babylonico mundo.

Esaia 13.9

ORATIO.

Crescat & roboretur desiderium Ierusa-
lem cœlestis in cordibus nostris, vt nō sem-
per agitemur super flumina Babylonis, hu-
ius cōfusibilis mundi, sed transeat captiui-
tas nostra, vt veniat felicitas æterna, vbi nō
cessemus cantare cantica Sion, cum Christo
Domino nostro in æternum. Amen.

PSALMVS CXXXVII.

Sec. He. 1.2.

Psalmus iste fit ipsi Dauid, hoc est Christo.

ARGV M. Vox est hominis verè credentis. Cō-
fitemur enim, hoc est laudat Deum in toto corde.
Hæc est constantis fidei confessio, & intrepida ver-
bi crediti prædicatio. Talis offert Deo iugiter sa-
crificium laudis pro gratia euangelica toti orbi
terrarum reuelata per Christum. nam de ea hîc
prophetatur, & oratur vt omnes reges & regna
mundi quæ audierunt verbum, posito supercilio
carnis agnoscant gloriam Dei.

Con

Confitebor tibi ego seruulus tuus Domine pro collatis beneficijs in toto corde meo gratias agendo, quoniam audisti verba oris mei deprecatoria.

In conspectu & presentia Angelorum assistentium tue diuinitati, psallam tibi laudando: adorabo te ad templum sanctum tuum in maiestate diuinitatis, & confitebor nomini tuo, te deuotè laudando.

Super misericordia tua, qua respicis peccatores ad liberandum, & veritate tua, qua promissiones reddis, quoniam magnificasti super omne nomen cœlestium, terrestrium, & infernorum sanctum tuum Christum, qui uniuerso orbi prædicatus est.

In quacunque die & tempore inuocauero te pro mea salute, exaudi me inuocantem: Multiplicabis & augebis in anima mea quādam virtutem spiritualem, per quā contra ingruentia mala possim resistere.

Confiteantur tibi Domine, & sanctificent nomen tuum omnes reges terræ, cognoscentes tuum dominium generale, quia audierunt Euangelium pacis & gratiæ, atq; omnia verba veritatis & vitæ oris tui diuini per Apostolos.

Et cantent atque fateantur publicè in viis & præceptis Domini ambulantes: quoniam magna & æterna est gloria Domini Dei, at ceterorum dominorum gloria vana, & transitoria.

oria.

Quoniam excelsus Dominus atq; incomprehensibilis maiestatis, & tamen humilia corda hominum approbando respicit oculis misericordiae, & alta atque superba à longe cognoscit, contemnendo & abominando.

Si ambulauero in angustijs & medio tribulationis, huius seculi, uiuificabis me, liberando à persecutoribus: & super iram inimicorum meorum me persequentium extendisti manum & potestatem tuam, eos vindicando, & saluum me fecit eternaliter dextera ac gratia tua diuina.

Dominus retribuet pro me vindictam aduersarijs secundum meritum eorum: Domine Deus misericordia & benignitas tua est in seculum æternum, & non ad tēpus, & ergo opera manuum tuarum, quia tu eos creasti, ne despicias, quamuis sint peccatores.

ORATIO.

Multiplica Domine misericordiā tuam super nos, dum te in templo sancto tuo iugiter adoramus, & confitemur tibi pro collatis beneficiis in toto corde nostro gratias agendo. Viuifica nos liberando de medio tribulationis & angustiarum, & saluet nos gratia tua diuina, ne despicias opera manuum tuarum.

In finem Christum, in quo est omnium virtutum plenitudo, dirigit nos hic Psalmus: ipsius David Propheta.

ARGVM. Psalmus iste nobis describit diuinam prouidentiam erga nos ab utero matris nostræ, quod nos & nostra sunt in manu Dei, & quod sanctos mirabiliter glorificat & multiplicat: præterea quod impij pereunt, quia hanc fidem Dei erga nos prouidentiz non habent.

Domine Deus, tu probasti me, perscrutans corda & renes, & cognouisti me & examinasti, tu inquam cognouisti sessionem meam, in humilitate recognoscendo peccata, & resurrectionem meam, quod iustificatus per gratiam tuam resurgo.

Intellexisti cogitationes meas interiores de longe, quia ab æterno semitam meam, studia, & actus meos, & funiculum meum discretionis, quem habui inter bonum & malum, inuestigasti, quia quæ gradimur & quousque peruenimus deprehendisti.

Et omnes vias meas operationes, & actus, & studia præuidisti antequam fierent, quia non est sermo excusationis in lingua mea, sed potius accusationis, quia culpam meam agnosco.

Ecce tu Domine Deus cognouisti omnia, nouissima ac vltima, & antiqua prima, adeo nihil sit sine te: tu formasti & creasti me secundum

cundum animam & corpus, & posuisti super me, protegendo manum tuam, conservantem me.

Mirabilis, imò incomprehensibilis, facta est scientia & providētia tua divina ex me, quia supergreditur intellectum meum: cōfortata est & exaltata, inuestigando, & non potero pervenire ad eam.

Quo ergo ibo à spiritu tuo, & præsentiā maiestatis tuæ? & quo à facie tua fugiam, qui ubique totus es & præsens?

Si ascendero in cœlum, tu illic es per re- Amos 9. 2
fulgentiam tuæ gloriæ: si descendero in infernum, ades per executionem iustitiæ tuæ.

Si sumpsero ad volandum pennas meas instar aviculæ in diluculo & aurora, & habitauero remotus in extremis maris, ubi nemo vivit hominum.

Etenim illuc manus & potestas tua divina deducet me, ne aberrē, & tenebit me, aliter in nihilum deciderem, dextera & potentia tua.

Et dixi tecum deliberans, Forfitan tenebræ huius seculi & mala scandala, & turbationum conculcabūt me ad cō, ut & nox erit illuminatio mea, & consolatio in deliciis meis terrenis, quia illis liberè & audacter suar in tenebris.

Quia tenebræ, quæ sunt peccata & homi-
nes

nes mali non obscurabuntur à te, quia nihil in eis existens latet te, & nox aduersitatis, sicut dies prosperitatis illuminabitur à te, quod fit, si cognoscamus merito peccatorum nostrorum aduersitates pati: & sicut tenebræ eius noctis, quæ sunt aduersa, ita indifferenter & lumen eius, quæ sunt prospera mundi, sunt mihi accepta, adeò quòd nec frangor aduersis, nec lætor prosperis.

Quia tu Domine possedisti, in potestate habēs renes & interiores meos affectus: Sulcepisti me educendo tanquā electū de utero matris meæ, ut non delectet me nox seu prosperitas temporalium, sed interior lux sapientia.

Confitebor tibi & laudabo, quia terribiliter magnificatus es in potentia & virtute: & mirabilia sunt omnia opera tua diuina, creationis, iustificationis, glorificationis, & anima mea iam fide per te illuminata cognoscet nimis: ubi ex me non poteram iam possum, quia gratia tua illuminauit tenebras meas.

Non est occultatum neq; absconditum os meum, sed ossium robora, quæ sunt firmitas animæ meæ, à te Domine, quod fecisti in occulto, quia illic homines non vident: & substantia mea corporis gemit in inferioribus terræ in hac peregrinatione, ubi afflicta tribulationibus & tentationibus fatigatur.

Imperfectum meū quòd habeo viderunt oculi

oculi tui gratia & misericordie, & in libro tuo atq; diuina memoria omnes imperfectio-
nes mee scribentur, & dies formabuntur,
quia de filiis noctis, filij lucis efficientur, & ta-
men nemo remansit in eis qui non erraret.

Mihi autē & à me nimis excellenter ho-
norificati atque honorabiles facti sunt amici
tui Deus, qui providentia tua leges amant &
credunt: nimis firmiter confortatus est & sta-
bilis principatus eorū, quia facti sunt prin-
cipes, duces atque pastores Ecclesia.

Dinumerabo facilē eos fideles, & tandem
super arenam maris multiplicabuntur ac
crescent: exurrexi atque emersi ex multis &
gravibus angustijs, & adhuc sum tecum,
quia protectorem propitium non desero.

Si quando occideris atq; damnaveris Deus
perfidos peccatores obstinatos, tunc dicam:
viri sanguinum & persecutores piorum de-
clinare à me, ne vobiscum occidat à Deo.

Quia dicitis in cogitatione vestra deri-
dendo pios: accipient ipsi & facient in vani-
tate ac frustra ciuitates suas atque conuenti-
cula. Iste ciuitates sunt sanctorum societates,
quas derident reprobi.

Nōne qui oderunt te Domine, perse-
quentes veritatem, oderā? & ego nōne super
inimicos tuos, quos videram præterire legem
tuam, tabescebam, iratus contra eos ex Zelo

tua iustitie?

Perfecto odio & iusto oderam illos impios contemptores tui & veritatis, & exinde inimici facti sunt mihi, odio iniquo persequentes me propter iustitiam.

Proba me Deus, atque scrutare, & scito cor meum, atque esto testis conscientia mea: interroga me per opera, & cognosce semitas meas, quia factis malorum non consentio, nec ea diligo.

Et vide, si via iniquitatis seu impietatis in me est, siue delectando siue consentiendo, & deduc me in via seu beatitudine aeterna, quam electis promisti.

ORATIO.

Deus meus, qui creasti me secundum animam & corpus & cognovisti me, atque actus, studia, atque cogitationes meas inuestigasti, adeo ut à praesentia maiestatis tuae nusquam effugere possim, deprecor, ut directus in via aeterna, illo defendar brachio, quo honorabiles amici tui gloriantur in caelo. Amen.

Sec. He. 140

PSALMVS CXXXIX.

In finem, & in Christum nos dirigens
Psalmus iste est David Propheta & cuiuslibet iusti.

ARGVMENTVM. Si quis perpetuo tenore in fide ac moribus Christianis conetur persistere, multos habiturus est aduersarios, qui habentes acutas linguas & venae

Et funes . peccata eorum propria extendunt in laqueum , vt me illicerent ad perpetrandum similia peccata : iuxta iter inſtar laſtronum , ſcandalum ſeu offendiculum poſuerunt mihi , praeſtantes occaſionem ruinae .

Dixi Domino ſic periclitatus , Deus meus es tu . in quo ſolo confido : exaudi ergo Domine Deus , exaudi vocem deprecationis meae , ne à via recta recedam , & in laqueum cadam .

Domine Deus , fortitudo & virtus ſalutis meae , cuius ſolius virtute ſaluari potero , obumbraſti per gratiã ſuper caput meum ad protectionem in die belli contra diabolum , carnem & mundum , ne mihi praeualerent .

Ne tradas me , neque permittas me tradi , Domine Deus à deſiderio meo & concuſpicientia mea , homini peccatori , vel diabolo , vt eiſ conſentiam , & deſiderium meum perficiam : cogitauerunt inimici contra me , vt poſſint nocere , ne ergo ſubtrahendo gratiam derelinquas me in manibus eorum , ne fortè de me victo exaltentur , triumphent & gaudeant .

Caput eſt circuitus eorum , quia impij in circuitu ambulant , & nunquam ad rectum finem perueniunt : labor labiorum ipſorum , qui ſunt mendacia , quae cum labore ſingunt per verba deceptoria & dolosa , operiet & inuoluet eos morte aeterna .

Cadent super eos *impíos* carbones *gehennæ*, & in ignem æternum delicias eos, & in miseriis suis non subsistent, quia importabilis illa est pœna atque grauissima.

Vir linguosus, mendax, detractor non dirigetur ad viam rectam, nec proficiet in terra, quoad vixerit: virum iniustum, dolosum, & iniuriosum, mala inferni capient ipsum in interitu & morte sua.

Cognoui, quia faciet tandem Dominus Deus iudicium inopis, oppressi & afflicti, & vindictam vel causam pauperum spiritu, non relinquens eorum iniuriam impunitam, imò perdet oppressores eorum.

Veruntamen iusti iam liberati & vindicati de inimicis confitebuntur laudando & gratias agendo nomini tuo diuino: & habitabunt recti corde in æternum cum vultu tuo, perfruentes visione diuina.

ORATIO.

Virtus salutis nostræ Deus, ne derelinquas nos in desideriis nostris, neque permittas in concupiscentiis nostris, vt consentiamus Satanæ suggestori: sed custodi, libera, & eripe de manu diaboli animas nostras, vt tandem confitentes nomini tuo perfrui mereamur visione diuina in cœlis. Amen.

Sec. Heb.

PSALMVS CXL.

241.

Psalmus ipsius David Propheta. Oratio
iusti contra mala huius seculi.

ARGVM. Psalmo superiore contra linguas
venenatas precatus est: hic verò pro sua lingua
precatur, vt in omnibus seruetur Deo, vt purè
Deum inuocet, non loquatur sicut impii, non
excuset peccata sicut hypocritæ. Hæc lingua orat
quoque hic contra capita siue principes seductio-
nis, vt pereant, qui perire volunt Dei veritatem.

Domine clamaui iamdiu ad te, corde &
ore deprecando, & ideo exaudi me, qui
imbécillitati meæ solus potes succurrere inten-
de voci meæ cum benignitate, cum clama-
uero ad te in necessitate mea.

Dirigatur oratio mea igne charitatis ar-
dens sicut incensum thuris quod offerebatur
in conspectu tuo in veteri lege: & eleuatio
manuum mearum atque operatio mea bona
placeat tibi, vt sacrificiū vespertinum, quan-
do in veteri lege occidebatur agnus, quod erat
figura veri sacrificij, scilicet passionis Christi.

Pone Domine, & sepius circumquaque
custodiam ori meo, ne effluat in verba ma-
la & noxia: & ostium circumstantiæ, con-
tinentiæ, non ruine in labiis meis, vt non nisi
opportunè aperiatur vel claudatur, & modes-
ratè loquatur.

Non declines, neque sinas declinare cor
meum

meum in verba malitiæ ne insolenter loquatur, & pertinaciter defendam peccata mea, ad excusandas & defendendas excusationes quæ sunt in peccatis tribuendo id falsi, aut nature.

Cum hominibus impijs, operantibus iniquitatem, nolim assimilari, & non communicabo, ut per eorum consortium excussem peccata mea, cum electis & potèntioribus eorum iniquorum atque maioribus.

Corripiet me iustus vir in misericordia & zelo amoris, & increpabit me non in furore, sed charitate: oleum autem peccatoris, & falsa laus adulatoris non impinguet, neque demulcebit aut delectabit caput meum, ut pertrahat ad peccati consensum.

Quoniam adhuc futurum expecto, quod & oratio mea, qua oro Deum ut cōvertantur, erit in beneplacitis eorum, quia tempus quo placebit illis oratio mea, cum incipient timere iudicium Dei: absorpti sunt, fracti seu victi, iuncti, & comparati petræ Christo, qui stultam fecit sapientiam huius mundi, iudices potentes & docti eorum.

Audient ergo superbi verba mea ad suam correctionem, quoniam potuerunt & prauaverunt verbis eorum: sicut crassitudo seu pinguedo terræ latens erupta est sursum & dispersa super terram.

Disſipata ſunt & diſſoluta ex tribulationum vehementia oſſa noſtra interiora, & fortiora mentis noſtræ ſecus & prope infernum, tanquam fumus in procinctu inirandi infernum: quia ad te Domine Domine, quæ es ſpes & fortitudo mea, ſunt oculi mei directi, tanquam ad adiutorem, in te ſperaui & non in alio, ideo non auferas à te per culpam animam meam.

Cuſtodi me & præſerua me à laqueo, & occultis inſidijs, quem ſtatuerunt mihi, qui me perſecuti ſunt: & à ſcandalis præbetibus alicui occaſionem ruinae illorum operantium iniquitatem, in dictis vel factis ſuis.

Cadent in retiaculo eius iniquitatis peccatores, de vitio in vitium ruentes, ſingulariter ſum ego eorum conſortia effugiens, donec tranſeam de præſenti vita ad requiem beatorum.

O R A T I O.

Pone Domine cuſtodiam ori noſtro, ne effluamus in verba noxia & ſcandaloſa, ne quoque prorumpamus in verba malitiæ ad excuſandas excuſationes in peccatis, ſed cuſtodi nos à laqueo Satanæ, ne de vitio in vitium ruentes cadamus in retiaculo eius. Per Chriſtum.

Intellectus & oratio David Propheta cū
esset in spelunca fugiens Saulē. Oratio iusti
in magna afflictione positi pro sua liberatione
ab omni malo.

ARGV M. Sicut David Saulē fugiens, sicut
Christus ex morte & inferis (postquam de omni
auxilio desperatum est) liberatus est, sic & nos li-
berabimur, modo spes nostra & portio nostra sit
Dominus, qui educet nos ex carcere peccatorum
& mortis in laudem & gloriam suam.

Voce mea ad Dominum clamaui, de-
stitutus omni humano presidio, voce
mea & oratione cordis ad Dominum de-
precatus sum pro depulsione tribulationum.

Effundo copiose in conspectu eius ora-
tionem meam cum lacrymis, & tribulatio-
nem meam ac cordis amaritudinem ante
ipsum, intus in conscientia pronuntio, ad
impetrandum consolationem.

In deficiendo ex me spiritum meum,
& dum deficit à me spiritus meus pro angus-
tijs: & tu Domine cognouisti & approbasti
semitas meas iustitiae.

In via hac fidei & legis Christi, qua am-
bulabam, innocenter viuendo, absconderunt
aduersarij laqueum mihi, sub specie boni ad
peccatum me inducentes.

Considerabam ad dexteram, ad amicos
& auxiliares meos, & videbam illos, & non

erat aliquis qui cognosceret me, quia nemo
fatebatur se mihi amicum.

Periit fuga à me, quia non video quò pos-
sum fugere, & non est aliquis qui requirat &
tutetur animā meā, & de me curare dignetur.

Clamaui ad te Domine, anxietatibus
pressus, dixi, Tu es sola spes mea, & nulla
creatura, portio & hereditas mea quam ex-
pecto non est hīc, sed in terra viventium &
coelesti patria.

Intende ad deprecationem meam Do-
mine, quia humiliatus & afflictus sum ni-
mis, atque abiectus à persecutoribus.

Libera me attenuatum spiritu & rebus à
persequentibus me inimicis meis, quia con-
fortati sunt & inualuerunt super me, adeò
ut non possum resistere.

Educ de custodia & corpore mortis huius
animam meam, & de ergastulo calamitatum
mundi, ad confitendum nomini tuo, cele-
brando beneficia gratiæ & benignitatis tuæ:
quia me expectant iusti in cælis, donec re-
tribuas mihi premium gloriæ cum ipsis.

ORATIO.

Deprecantes Domine voce humili ma-
iestatem tuam exposcimus, & orationes
nostras in tribulatione, pronunciamus, qui
cognouisti semitas nostras, ut liberes nos à
perse

persequentibus inimicis nostris, atq; adiu-
ti à te vnica spe nostra, portionem cum
electis tuis in terra viuentium sortiamur.

PSALMVS CXLII.

Sec. Heb.
143.

Psalmus iste est Dauid Propheta, quando
persequebatur eum filius suus Absalom:
& loquitur Propheta in persona cuiuslibet
penitentis.

ARGV M. Precatio est, & ardens in præsentia
neo damnationis periculo desiderium, vbi nul-
lam iustitiam in te inuenis, sed omnia despera-
tionis plena, recordaris verò quòd ab initio mun-
di Deus, mirabilia in sanctis suis operatus est, &
plena fiducia postulas & tu auxilium, dicens, Non
auertas faciem, &c.

Domine Deus exaudi orationē meam
quam fundo pro bonis impetrandis, au-
ribus tue clementie percipe obsecrationem
meam pro amouendis noxijs in veritate tua,
qua penitentibus veniam promissisti, exaudi
me, non in propria, sed in tua iustitia confie-
dentem.

Et nō intres altercando indicialiter in iu-
diciū districtum, cum seruo tuo penitente:
quia non iustificabitur neque saluabitur in
conspectu tuo & coram te omnis viuens
homo in carne mortali.

Quia persecutus est s. is insidijs inimicus
diabolus animi in meam, vt eam separaret
à iustitia tua: humiliavit atq; deiecit in terra
ac ter

ac terrenis actionibus vitam meam miseram.

Collocavit & deputavit me inimicus in obscuris & tenebris peccatorum, sicut mortuos seculi, ceterosque desperatos in peccatis morietes, & anxius est super me pro dolore culpa commissa spiritus meus, ingemiscens pro peccatis: in me turbatum est propter multiplicem tentationem, cor meum & spiritus meus.

Memor fui & ero dierum antiquorum in peccatis praeceptorum, meditatus sum in omnibus operibus tuis in quibus semper iustitia concurret & misericordia: & in factis manuum atque virtutum tuarum meditabar te mirabilem conditorem.

Expandi in oratione manus meas in modum crucis ad te tanquam ad salutis largitorem: anima mea sine gratia tua est sicut terra arida sine aqua tibi ut eam irriges.

Velociter miserando exaudi me Domine, dando rorem gratiae, quia defecit in devotione spiritus meus à te derelictus.

Non auerias tanquam offensus faciem tuam misericordiae à me poenitente, differendo donum gratiae, alioqui et similis ero descendentibus in profundum peccatorum, & in lacum inferni.

Auditam & cognitam fac mihi manere in te & sine mora misericordiam tuam, ut eam cito experiar, quia in te solo speravi, & non
in vir

in virtute propria.

Notam tibi mihi viam salutis in qua ambulem itinere recto ad patriam, quia ad te fontem gratia leuavi omni vanitate expulsa animam & confidentiam meam.

Eripe me penitentem de inimicis meis visibilibus & inuisibilibus Domine, quia ad te confugi ceu ad meum protectorem: doce me ignarum facere voluntatem tuam & non meam, quia Deus meus es tu, qui me creasti & redemisti.

Spiritus sanctus tuus bonus adiuuando deducet me per semitam virtutum in terram rectam viventium: propter nomen tuum Domine, quod Iesus est, viuificabis me vita gratia & gloria in æquitate tua, & condescendit bonitatis tue.

Edoces de tribulatione huius seculi quasi de carcere animam meam sperantem in te: & in misericordia tua, non in merito meo desperdes, ne preualeant, omnes inimicos meos.

Et in futuro iudicio perdes omnes in gehennam, qui tribulant, & affligunt iniurijs & molestijs animam meam tibi deuotam: quoniam ego seruus tuus sum, tuo mancipatus imperio.

ORATIO.

Non auertas Domine, tanquam offensus faciem tuam misericordię à nobis penitentem

nitentibus, differendo donum gratiæ, sed
 sine mora largiri digneris misericordiam
 tuam, quia in te solo sperauimus, & ad te
 fontem gratiæ leuauimus animas nostras.
 Agnoscamus ergo per te viam salutis, in
 qua ambulemus itinere recto ad patriam
 cœlestem propter nomen tuum, quod
 IESVS est. Amen.

Sec. Heb.
 144.

PSALMVS CXLIII.

Psalmus *ipsius* David, dñ pugnauit aduer-
 sus Goliath. Bellum viri iusti cōtra diabolum.


ARGVM. Hæc est gratiarū actio. Canit enim
 Deum, quod se omnibus periculis & infestatione
 hostili liberatum, in regem exaltasset, ac regnum
 suum omnimoda felicitate florere fecisset.

Benedictus sit Dominus Deus meus. *ro-
 bur & fortitudo mea*, qui docet manus
 & operationes meas ad prælium, *contra vi-
 ria*, & digitos meos disponere ad bellum per
salutaria consilia.

Misericordia mea in beneficijs conferendis
 & refugium meum in aduersis, *susceptor
 meus & defensor ne cadā*, & liberator meus
in periculis es in Domine.

Protektor meus ab insidijs, & ideò in ipso
 speraui in omnibus laboribus & prælijs, qui
 subdit populum meum & desideria mea
praua sub me, vt ratio dominetur eis.

Domine, quid est homo nisi puluis? & tas



men tanti aestimas quia innotuisti ei per assumptam humanitatem : aut filius hominis Ada, quid est, quia reputas eum tanti pretij, ut pro eo filium tuum unigenitum dares?

Homo vanitati atq; rei evanescenti atque Iob. 8. b transitoria similis factus est, quia ut fumus evanescit, ita homo tabescit: dies eius vite momentaneae sicut umbra, quae subito disparet, praetereunt propter eius fragilitatem.

Domine Deus inclina caelos tuos & altitudinem maiestatis tuae, & descende nostra humanitatis formam sumendo: tange per gratiam tuam montes & superbos huius seculi, & fumigabunt atque lacrymas emittent.

Fulgura coruscationem, atque terroribus potentia tua eos aggredere, & sic dissipabis eos ab invicem: emitte contra eos sagittas tuas & verba sacra scripturae, quae corda hominum transfigunt, & conturbabis eos, ut respiciant ad poenitentiam salutarem.

Emitte manum & potestatem tuam divinam de alto caelorum habitaculo, eripe me de potestate diaboli, & libera me de aquis multis, & inundatione malorum, & de manu, seu potestate filiorum alienorum, qui ex patre diabolo nati sunt.

Quorum os locutum est vanitatem, promittentes in temporalibus beatitudinem, & dextera atq; operatio eorum est dextera iniquitatis, quia

quia omnia agunt sub hypocrisi & falsitate.
Deus meus canticū nouum Noui testamenti
cantabo tibi de noua gratia: in psalterio de-
cachordo, atque in obseruatione decem pre-
ceptorum legis psallam tibi, ea obseruando.

Qui das salutem animarum regibus &
hominibus bene se regentibus: qui redemisti
David seruum tuum de tot persecutoribus,
inimicis, & peccatis, de gladio maligno, atq;
maligni spiritus tentatione eripe me.

Et erue me de manu ac potestate filiorum
alienorum, qui non sunt de familia filiorum
Dei, quorum os locutum est vanitatem atq;
mendacium ad bonorum deceptionem: & dex-
tera eorum est dextera iniquitatis semper
extensa ad operandum iniquitatem.

Quorum filij formosi sunt & fortes, sicut
nouellæ plantationes arborum in iuuentu-
te sua, florentes ubi est maior gratia.

Filiæ eorum sunt bene compositæ, vt arce
iuuent speciem: circumornatæ auro, gemmis,
serico, vt similitudo templi, & sicut imagi-
nes depictæ in templo.

Promptuaria & cellaria eorū sunt plena
grano, vino & oleo, eructantia, & transfundētia
ex hoc vase in illud propter nimiam copiam.

Oues eorum sunt foetosæ, & valde fecun-
dæ, abundantes partibus, lacte, & lana in
egressibus suis, quādo exeunt de ouili: boues
eorum

eorum sunt crassæ fortes. & pingues.

Non est ruina neque confectio maceræ seu parietis, quæ de solis saxis sine cemento fit, neque transitus aduersariorum, neque clamor, aut tumultus est in plateis eorum, sed omnia secunda sunt & prospera.

Beatum & felicem dixerunt homines mundani populum, cui hæc superiora sunt seu contingunt, sed non est verum: quin magis beatus populus solus, cuius Dominus principalis est Deus eius, qui Dominum Deum agnoscunt, credunt, & colunt.

ORATIO.

Misericordia nostra, ac refugium nostrum, sceptor, liberator, ac protector noster, in omnibus periculis, tentationibus, & anxietatibus nostris, qui inclinasti cœlos tuos, & descendisti pro salute nostra, humanitati formam suscipiens, doce nos spiritualibus armis peccatis resistere, ne vanitati mundanæ subiecti à dominatione cœlesti pellamur. Amen.

PSALMVS XLIII.

Sec. He. 145.

Laudatio fit ipsi David, hoc est Christo, qui de semine David natus est.

ARGV M. Laus Dei de mirabilibus eius, misericordia, & regno misericordiæ eius eterno, qui cum prouideat omni creaturæ, in primis tamen timentibus se.

N. a.

EXaltabo te, *pradicando alijs dignitatem tuam Deus meus, creator, rex & Dominus*: & benedicā nomini tuo, *quicquid enim boni faciam gratiæ tuæ ascribam in seculum hoc præsens, & in seculum seculi in æternum.*

Per singulos dies sine intermissione benedicam tibi, & memoriam habebō beneficiorum tuorum, & laudabo nomen tuum, non meritū meum, nec me in seculum hoc, & in seculum seculi in æternum & ultra.

Magnus est Dominus essentia, potestate, ac sapientia, & ideo est laudabilis nimis, quia optimus maximus: & magnitudinis eius excellentia non est finis, quia infinita est & imperscrutabilis.

Generatio præsens & generatio futura laudabit opera atque magnalia tua divina, & potentiam tuam atque mirabilia qua fecisti pronuntiabunt filijs & posteris.

Magnificentiam excellentissimam gloriæ, maiestatis, & sanctitatis tuæ divine loquentur palam: & mirabilia tua, quæ supra naturam operaris, narrabunt, provocando alios ad tuam laudem.

Et virtutem terribilium iudiciorum tuorum de malorum punitione dicent, neque tacebunt: & magnitudinem tuam in electione iustorum narrabunt.

Memoriam abundantix multæ suavitatis &

tis & bonitatis tuæ in beneficijs creationis, re-
creationis, gubernationis, & glorificationis eru-
ntabunt de corde deuoto, & iustitia tua non
sua exultabunt, intelligentes se per gratiam
tuam iustificatos.

Miserator effectus, & misericors natura est
Dominus Deus: patiens est, tolerando pecca-
tores, vt conuertantur, & multum misericors,
peccata dimittendo & dona cumulando.

Suauis, mitis, pius, beneuolus, & placabilis
est Dominus Deus vniuersis creaturis: & mi-
serationes eius sunt super omnia opera eius:
quia solem oriri facit super bonos & malos, &
pluit super iustos & iniustos.

Confiteantur tibi Domine in gratiarum
actione omnia opera tua, à te creata, magni-
ficando prouidentiam, potentiam, & bonitatem
tuam: & sancti tui per te iustificati benedi-
cant tibi, diuinas laudes celebrando.

Gloriam ineffabilem atque desiderabilem
regni tui cœlestis dicent & predicabunt, &
potentiam tuā qua creasti & ordinas omnia,
loquentur, vt soli tibi sit honor, & gloria.

Vt notam faciant & doceant filiis homi-
num fragilibus & carnalibus potentiā tuam,
qua vindicabis in malos, & gloriam magni-
ficentiæ decoris ac maiestatis regni tui cœle-
stis, qua coronabis bonos, vt sic quidam timere
pœnæ, quidam spe gloriæ conuertantur.

Regnum tuum *cœleste* est regnū omnium
seculorum durans in æternum per infinita se-
cula, & dominatio seu potestas tua diuina est
in omni generatione hac, & in omnem gene-
rationem immortalem.

Iste versus
non est in
Hebræo.

Fidelis est Dominus Deus in omnibus
verbis suis, *implet* quod promisit: & sanctus est
atque irreprehensibilis in omnibus operibus
suis. nihil enim ab eo fit iniuste vel inordinate.

Alleuat Dominus Deus omnes desiderantes
sustentari, qui corruunt in peccatum, ne mer-
gantur in aterna ruina: & erigit omnes, si
penitere velint, elisos, iam lapsos in peccatum.

Oculi omnium iustorum in te sperant Do-
mine, spe formata charitate: & tu das escam
illorum corporalem ac spiritualem in tempo-
re opportuno, quando expedit.

Aperis tu per bonitatis tue diffusionem ma-
num tuam, largè dispensando beneficia tua, &
implet omne animal rationale benedictio-
ne liberalitatis tue.

Iustus est Dominus Deus in omnibus viis,
dispositionibus & voluntatibus suis. cum sit re-
gula iustitiæ ac veritatis, & sanctus in omni-
bus operibus suis, largiter creaturis commu-
nicans bonitatem suam.

Prope ac propitius est Dominus, qui ubiq;
est omnibus inuocantibus eum, & exorabi-
lis ad manum: omnibus inquam inuocanti-
bus

bus eum non fictè, frigide, & de terrenis, sed in veritate, pia intètione, & causa salutis animæ.

Voluntatem bonam, timentium se timore filii, qui est annexus charitati, faciet & cōm p. b. Dominus, & deprecatione eorum exaudiet, si sit pia, salutaris ac perseverans, & sal-
tos faciet eos, æterna salute in nouissimis.

Custodit nunc Dominus inter tentationes & tribulationes, inter pressuras & angustias omnes diligentes se, qui dilectionē Dei mun-
dans dilectionibus prætulerunt: & omnes pec-
tatores obstinatos pœnitere negligentes disper-
det in ignem æternum.

Laudationem Domini euidenter loque-
tar os meum prædicando, cantando, celebran-
do: & benedicat meo exemplo omnis caro sen-
creatura humana nomini sancto eius, ipsum
extollendo, ac glorificando in seculum præsens,
& in seculum seculi, æternaliter sine fine.

ORATIO.

Exaltamus Domine, celebramus, atq; be-
nedicimus potentiam, magnificentiam, san-
ctitatem, virtutes terribilium, abundanti-
am bonitatis, & iustitiā tuam, qui suavis es, mi-
serator, & misericors, cuius miserationes su-
per omnia opera tua. Alleua nos corruētes
in peccatis, atq; imple benedictione super-
na, vt tandem gloria magnificentiæ regni
tui cœlestis perfrui mereamur. Amen.

saluare, quia potestas eius ubique.

Qui custodit veritatem, seruans quae nobis promisit in seculum, in aeternum, facit iudicium iustum, iniuriam & calumniam patientibus, vindicando de iniuriantibus, & dat escam mentis & ventris non saturis, sed esurientibus atque famelicis, desiderantibus.

Dominus soluit per suam gratiam compeditos, & peccatorum vinculis astrictos: Dominus Deus illuminat caecos qui tenebris ignorantiae & peccatorum involuebantur.

Dominus erigit in viam iustitiae elisos, atque prostratos à diabolo in peccatis: Dominus diligit iustos tanquam sua membra.

Dominus custodit huius saeculi aduenas seu peregrinos, qui futuram patriam inquirunt, pupillum & viduam humano destitutos auxilio suscipiet in suam curam, & vias latas peccatorum in delicijs huius saeculi disperdet in gehennam.

Regnabit Dominus, quem vereris, in saecula, cuius regni non erit finis, Deus in quem credis, tuus quem diligis à Sion Ecclesia catholica, vel anima fidei in generatione ista & generationem futuram.

ORATIO.

Omnipotens Deus, adiutor, protector, & unica spes nostra, qui fecisti coelum & terram,

mare, & omnia quæ in eis sunt, solue nos compeditos peccatorum vinculis, & dirige in viâ iustitiæ, prostratos in peccatis, atque illuminare digneris per tuam gratiam eos, qui peccatorum tenebris inuoluimur: vt sic illuminati, valeamus te pura mente diligere. Amen.

Sec. Hebr.
147.

PSALMVS CXLVI.

Halleluia, Laudate Dominum.

ARGVM. Bonum & salutare est psallere Domino & sanctificare nomen eius, qui suos ædificat & congregat vtcūque contractos & dispersos, qui nouit etiâ ex nomine qui sunt sui. Qui cum provideat etiam iumentis & volucris cæli (Pater, inquit, cœlestis pascit ea) maxime sibi complacet in eis, & diligit eos qui timent eum, & sperant in misericordia eius, reiectis illis qui suis confidunt viribus.

Laudate Dominum Deum, quoniam bonus est Psalmus ad gloriam & honorem maiestatis eius: Deo nostro vero sit iucunda ex deuotione, decoraque ex puritate conscientie laudatio atque speciosa.

Ædificans est Ierusalem & Ecclesiam catholicam Dominus Deus, quia dispersiones Israelis, populi Christiani videntis Deum per fidem congregabit in vna fide, spe & charitate.

Qui sanat à peccatis contritos corde, offerentes Deo sacrificium spiritus contribulati, & alligat, reformat & sanat contritiones,
dolores

dolores & plagas eorum vulnerum, quas sauciavit maligni spiritus rabies.

Qui numerat supputando multitudinem stellarum, quarum creator est & Dominus, & omnibus eis numeratis, nomina vocat, adscribit & designat.

Magnus & immensus est Dominus noster, quo maior esse non potest, & magna virtus eius, per quem omnia creata sunt, & sapientia eius non est numerus, quia infinita & incomprehensibilis.

Suscipiens est ad suam gratiam mansuetos Dominus humiliter de se sentientes: humilians autem peccatores, impios, superbos usque ad terram, ut terrena tantum sapiant.

Præcinite Domino Deo in confessione peccatorum & laudu: psallite Deo nostro in cithara, corde & spiritu, confitentes Deo bonitatem suam.

Qui operit coelum seu firmamentum nubi-
bus condensis, ad hoc ut & parat terræ plu-
uiam, ut fecundentur nascentia.

Qui producit in montibus fœnum ad pa-
bulum iumentorum, & herbam virentem ser-
uituti seu sanitati hominum.

Qui etiam dat iumentis & pecoribus escam
ipsorum naturalem, & pullis coruorum dat
rorem cæli unde nutriantur, inuocantibus eū

quia destituuntur à suis sine nutrimento antequam nigrescant.

Non in fortitudine equi, quod est ceruicosum & superbum animal, voluntatem bonam habebit Deus, imò spernet potius, nec in tibiis seu pedibus viri presumptuosi & audacis beneplacitum erit ei, quia non delectabitur de sui meritis confidentibus.

Beneplacitum est Domino Deo super timentes eum timore casto, quia hi non confidunt in virtute sua, sed diuina, & in eis iusti qui sperant super misericordia, gratia & benignitate eius, non in sua iustitia.

ORATIO.

AEdificator coelestis Ierusalem, Deus magnus, Dominus noster, cuius sapientia infinita est & incomprehensibilis, sana contritos corde atque reforma plagas vulnorum animæ nostræ, quas sauciavit maligni spiritus rabies, & suscipe mansuetos, atque humiliter de se sentiētes, non in viribus nostris, neque in iustitia nostra, sed in sola misericordia & gratia tua confidimus. Amen.

PSALMVS CXLVII.

Halleluia. Aggæi & Zachariæ de reparatione coelestis Ierusalem, quam illi prædixerunt, & propterea Deum laudauerunt.

ARGVMENTVM. Laudandus est Dominus quod tui sumus

sumus in regno eius & abundantes, vbi verbo suo regnat & mira facit.

Lauda Ierusalem celestis iam secunda Domini-
 minum tuum, lauda & exalta Deum
 tuum Sion, sancta Ecclesia, quae iam specularis
 Deum in vita per fidem.

Iste Psalmus iungitur praece-
 denti apud
 Hebraeos.

Quoniam confortauit & munivit seras,
 vectes & clausuras portarum tuarum cele-
 stium, & benedixit dando bona aeterna filiis
 tuis beatis in te existentibus.

Qui posuit fines tuos perfectam pacem;
 quicquid intus est pace fruitur aeterna, & adipe
 frumenti, pane videlicet qui de caelo descen-
 dit diuinitate Christi, sariat te plenissimè.

Qui emittit eloquium & verbum suum
 Euangelicum ipsi terrae cognoscendum, & per
 orbem terrarum publicandum: vnde velociter
 currit per praedicatores sermo eius, & citò im-
 pleuit mundum Christi cognitio.

Qui sermo Christi dat niuem peccatorem
 congelatum, sicut lanam tractabile, quia pec-
 catores frigidos per culpam, reddit calidos per
 gratiam: nebulam quae est caligo peccati sicut
 cinerem spargit, & dissipat in humilitate
 poenitentiae.

Mittit crystallum suum, hoc est peccatorem
 obstinatum in malitia, sicut buccellas tanquam
 frustra panis, vt incorporentur Ecclesiae: ante
 faciem & praesentiam frigoris eius vitiorum

& obstinationis quis sustinebit vel subsistet?

Emitte Deus pater verbum, filium suum in carne, & tunc verbo Evangelica predicationis liquefaciet & molliet ea obdurata corda peccatorum, quæ per niuem, nebulam, crystallum designantur: Abbit in huiusmodi corda Spiritus sanctus eius per gratiam, & fluent aquæ lacrymarum in pœnitentia.

Qui annūciat verbum suum incarnatum vel verbum Evangelicum ipsi Iacob iuniori, populo Christiano, qui luctatur contra vitia: iustitias & iudicia sua divina manifestavit Israel, populo fideli, videnti Deum per fidem.

Non fecit taliter omni nationi, sicut electo populo Christiano credenti: & iudicia sua vera æquitatis non manifestavit eis, imò dimisit iuxta errores viarum suarum.

ORATIO.

Emitte Domine verbum tuum Evangelicum, vt liquefacias & emollias obdurata corda nostra frigore vitiorū, vt nostra peccata purgētur, & efficiātur quasi nix. vt nebula ignorantie expellatur e cordibus nostris, & Spiritus sancti gratia effluant aquæ lacrymarum in pœnitentia salutarī. Amen.

PSALMVS CXLVIII.

Halleluia. Inuitantur omnes creatura ad laudē Dei, primum cœlestes, deinde terrestres.

ARGV M. Laudare Deum, & summis attollere præconiis, nõ solum est nostrum, sed etiam omniũ creaturarum: eo quòd cunctas cùm non essent, in hunc statum perduxerit, diuina ope etiam seruans ne pereant. Cuius rei nos, qui rationis capaces sumus, illas commonefacere debemus, & dum parent monitis, lætitia gestire.

Laudate Dominam Deum vestrum creatura spirituales, qui estis de coelis habitantes in eis: laudate eũ qui estis in excelsis, throni, dominat. ones, Cherubim & Seraphim.

Laudate eũ omnes Angeli eius, qui sunt nuntij diuinae volũtatis: laudate eum omnes virtutes eius, & exercitus militum angelicorum.

Laudate eum sol & luna, testantes Dei magnificentiã & decorem: laudate eum omnes stellæ, & luminaria minora, & lumen quodcunque fulget in cælo.

Dan. 3. 8.

Laudate eum cœli cœlorum, empyreum videlicet, quod est super omnes cœlos: & aquæ omnes quæ super cœlos sunt, quod est cælum crystallinum laudent nomen Domini, & sint nobis materia laudandi Deum.

Quia ipse Dominus dixit, & voluit, & facta sunt per verbũ suum vt voluit: ipse mandauit seu præcepit fieri, & creata sunt omnia de nihilo.

Stauit ea cœlestia per mäsura in æternum: & in seculum seculi futurum, quoad substantiam.

tiam, licet mutabuntur quoad qualitates: preceptum conditionem, & ordinem posuit eis, & non præteribit hoc, quin sic fiat.

Laudate Dominum vos creatura quæ estis de terra, & terram incolitis, dracones atque omnia genera monstrorum, animalium, & omnes abyssi seu profunditates aquarum.

Ignis elementaris, grando, quæ sit in superiori parte aëris, nix in media glacies in inferiori, spiritus procellarum ventus tempestatis, qui procellas facit in mari, quæ omnia faciunt verbum eius, & obediunt præcepto Dei.

Montes maiores & omnes colles minores laudate Dominum: ligna fructifera ut serviât hominibus, & omnes cedri ad gloriam Dei.

Bestiæ, fera animalia, & uniuersa pecora mansueta, & domestica, serpentes, reptilia, & volucres pennatæ, per aerem se mouentia laudent nomen Domini.

Reges terre maiores præfidentes, & omnes populi minores, principes qui dominantur, & omnes iudices terræ laudent nomen Domini.

Iuuenes, & etiam virgines, senes, omnis ætas & sexus cum iunioribus atque adolescentibus laudent nomen Domini Dei: quia exaltatum est, super omne quod est nomen eius solius, & gloria diuinitatis & bonitatis eius.

Confessio eius, & laus Dei, quæ omnia illi
confi

confitentur, est super cœlum & terram, quia omnia cœlestia & terrestria ei obediūt, & exaltavit corau. sublimitatem, dignitatem, potestatem populi sui Christiani.

Hymnus & laus Dei cum cantico competit omnibus sanctis eius, quia sancti laudabunt eum pro omnibus beneficijs suis: filiis Israel, qui per fidem vident Deum, populo scilicet appropinquaati sibi fide, spe & charitate.

ORATIO.

Deus cuius maiestatem laudāt cœlestia, terrestria, animata & inanimata, cuius nomen diuinum venerantur, adorant omnes creaturæ, tuoque deseruiūt imperio, præsta quæsumus hic hymnum tibi dicere laudis, & gratiarum actionis, vt tandem digna modulatione cum sanctis omnibus tibi cœnamus in cœlis. Amen.

PSALMVS CXLIX.

Halleluia. Laudate Dominũ corde & opere.

ARGV M. Laus est Dei ex Ecclesia sanctorum, qui læti in Deo de remisso peccato & donata eterna vita, gladios ancipites, id est verbũ spiritus habent in sua potestate, quo supprimunt & iudicant omnem mundi potentiam, iustitiam, sapientiam, vt cadat Satanæ regnum.

Cantate vos fideles, qui regenerati estis baptismo Domino Deo vestro canticum novum

nouum de mysterio vestra redemptionis: laus eius illi grata est in ecclesia sanctorum & congregatione fidelium.

Latetur Israel, populus Christianus, videns Deum per fidem in eo qui fecit eum in esse natura, & in esse gratia: & filiae Sion, quae sunt anima fideles, exultent in Christo rege suo & sacerdote, quia ut rex, in cruce vicit diabolum: ut sacerdos, obtulit seipsum in sacrificium.

Laudent fideles nomen eius in choro, & unitate fidei ac charitatis: in tympano, ubi corium extenditur, hoc est mortificatione cordis, & psalterio decachordo coelestium preceptorum psallant ei, ut verbis facta concordent.

Quia beneplacitum est Domino, & beneplacet sibi Dominus in populo suo electo Christiano: & exaltauit in iudicio mansuetos ac humiles, qui iam oppressiones pro copatiuntur in salutem eternam.

Exultabunt & gratulabuntur sancti in gloria bonorum operum, & letabuntur in cubilibus & conscientijs suis, quia omnis gloria filiae regis ab intus.

Exultationes Dei erunt in gutture vel faucibus eorum, quia nihil resonare possunt, quam quae pertinent ad gloriam & honorem creatoris sui: & gladij ancipites ex utraque parte scindentes, quae sunt verba Dei, agunt in manibus & potestate eorum.

Ad faciendam vindictam & ultionem in nationibus gentium qui blasphemant verbum Dei, & increpationes, obiurgationes, correptiones in populis, qui simpliciter vel ignoranter peccant contra Deum.

Ad alligandos reges, atque tyrannos eorum in compedibus inferni, & nobiles eorum, qui insignes sunt malitia, in menceis ferreis, quia ligatis pedibus & manibus prequebantur in rebus exterioribus.

Ut faciant iudicium, atque dominum prauitatis & impietatis, conueniunt in sacra Scriptura: gloria hac & potestas iudicij est omnibus sanctis & perfectis eius, qui pro Christi nomine omnia reliquerunt.

ORATIO.

Author totius bonitatis Deus, quomnem mansuetudinem te humiliter confitentem exaltas, prestare digneris, ut in hoc seculo factores legis effecti, in tribulationibus vite presentis probati & fideles inuenti, spiritualibus bonis ditati, mereamur glorie sanctorum adiungi. Per Christum Dominum nostrum. Amen.

PSALMVS CL.

Halleluia.

~~A. D. G. H. E. N. O. C. O. m. i. a. o. r. a. m. i. n. i. s. a. n. g. e. l. i. c. i. s. i. n. g. l. o. r. i. f. i. c. a. u. i. t. D. e. u. m. t. r. i. n. u. m. & v. n. u. m. i. n. s. a. n. c. t. i. s. e. i. u. s. q. u. o. s. i. a. m. g. l. o. r. i. f. i. c. a. u. i. t. & m. i. r. a. b. i. l. i. t. e. r. r. e. m. u. n. e. r. a. u. i. t. l. a. u. d. a. t. e. e. u. m. D. o. m. i. n. u. m. i. n. f. i. r. m. a. m. e. n. t. o. v. i. r. t. u. t. i. s. e. i. u. s. q. u. i. a. f. i. r. m. a. u. i. t. s. a. n. c. t. o. s. v. i. r. t. u. t. e. i. m. m. o. r. t. a. l. i. t. a. t. i. s.~~

Laudate vos beati & fideles Dominum Deum trinum & vnum in sanctis eius, quos iam glorificauit, & mirabiliter remunerauit: laudate eum Dominum in firmamento virtutis eius, quia firmavit sanctos virtute immortalitatis.

Laudate eum Dominum Deum in virtutibus eius angelicis: laudate eum assidue secundum multitudinem magnitudinis eius, cuius non est finis.

Laudate eum in sono vel clangore tubæ seu buccinæ sonorissimo instrumento: laudate eum in psalterio & cithara dulciori & iucundiori sono.

Laudate eum in tympano & choro que
reson

resonant dulcissima modulatione : laudate eum in chordis & organo , quæ in longin- quem audiuntur.

Laudate eum in cymbalis honoris bene sonantibus in aures humanas : laudate eum in cymbalis iubilationis, quibus cordis iubilum exprimitur ad Dei gloriam : omnis spiritus , & quicquid spiraculum vitæ continet, laudet Dominum & agnoscat Deum , suum creatorem, cui sit laus & gratiarum actio. Amen.

ORATIO.

Harmonia nostræ suavissimum melos, qui nostri pectoris modulamina, nunc fle- tibus, nunc gemitibus iubes exerceri : præ- sta quæsumus Domine, ut dū illa spirituali affectu concinimus, cœlestibus choris in- ferti, te cū sanctis omnibus collaudemus. Per CHRISTVM Dominum nostrum, qui tecum vivit & regnat Deus. Amen.

FINIS.

Sit nomen Domini Benedictum.

Sudani & alii.

Ter quinquagenos David canit ordine Psalmos, Versus bis mille, sexcentos sex canit ille.

MAGNI ATHA-

NASII IN PSALMOS

OPUSCULUM,

Angelo Politiano interprete.



MNIS quidē scriptura diuina magistra est & virtutis & verę fidei: sed liber Psalmorū habet etiam quodammodo imaginē status animarū. Ut enim qui adit regem, prius ipse habitum verbāq; componit, ne fortē imperitus habeatur: sic diuinus hic liber currentes ad virtutē, & eos qui vitam saluatoris in corpore cognoscere gestiunt, admonet prius per electionē motionum omnium, quibus anima afficitur, deinde de variis format instruitq; sermonibus. Potest igitur vnusquisq; in Psalmis motum statūq; animæ suę deprehendere, atq; ita figuram quisq; disciplināq; suam, quibūsq; verbis placere Deo possit, & quibus verbis sese corrigere valeat, & Deo agere gratias. Ne si præterquā fas est dicat, incidat in impietatem. Non solū enim de operibus, sed de omni otioso verbo reddēda apud iudicē ratio est. Si igitur beatum aliquem dicere velis,

Opusculum

habet quomodo, & quamobrem, & quem
dicas in Psal. i. Beatus vir qui non abiit.
xxx i. Beati quorum remissa sunt. xl.
Beatus qui intelligit super egenum. cx i.
Beatus qui timet Dominum, & cx xvii.
Beati omnes qui timent Dominum.

Si conqueri Iudæorum cōtra Salvatorem
insidias, habes i i. Quare fremuerūt gētes.

Si te tui persequuntur, & multi insurgūt
aduersum te, i i i. Psalmum dicas: Domine
quid multiplicati sunt.

Si autem ad hunc modum tribulatus
inuocasti Dominum, & quoniam exaudi-
uit, agere vis gratias, canito i i i i. Quum
inuocarem. & cx i i i i. Dilexi, quoniam
exaudiet Dominus.

Si vides insidias tibi à malignātibus fie-
ri, & auribus percipi cupis orationē tuam,
canito Psal. v. Verba mea auribus percipe.

Si minas Dei sentis, & inde territum te
vides, dicere potes Psalmum v i. Domine
ne in furore. & xxx v i i. Domine ne in
furore, &c. Quoniam sagittæ tuæ infixæ.

Si autem consilium ineunt aliqui con-
tra te, quemadmodum Achitophel contra
Dauid, & hoc aliquis tibi nunciat, cane
v i i. Domine Deus meus in te speravi. Et
confide in Deo qui te liberabit.

Cernēs autem gratiā saluatoris circum-
quaque

In Psalmos.

quaque diffusam, & restitutū saluti genus humanum, si alloqui Dominum vis cane, **viii.** Domine Dominus noster, quā admirabile est nomen tuū in vniuersa terra!

Si rursus canere vis pro torcularibus, Deo gratias agens, habes **viii.** Domine Dominus noster. & **lxxx.** Exultate Deo salutari nostro.

Si coerceri inimicum vis, & creaturam saluari, non confidens in teipso, sed in Dei filio. dic **ix.** Psal. Confitebor tibi Domine in toto corde meo.

Si quis te metu afficere velit, tu confidens in Domino cane **x.** In Domino confido, quomodo dic.

Si multorum superbiam & malitiam vides abūdare, ita vt nihil sit inter homines sanctum confuge tu ad Dominum, & dic **xi.** Psal. Saluum me fac Domine.

Si diutius perseuerent aduersariorū insidia, ne te ipsum negligas quasi tui Dominus sit oblitus, sed iuoca Dominū canens **xxvi.** Psal. Dominus illuminatio mea.

Si quos audis blasphemātes contra providentiam, ne sis tu quidem particeps eorum impietatis, sed ad Deum confugiens, dic **xiii.** Dixit insipiens in corde suo, non est Deus, Corrupti sunt. & **li.** Dixit insipiens &c.

Opusculum

Si scire vis qualis est regni cœlorũ ciuis
cane x i i i i. Domine quis habitabit in ta-
bernaculo tuo?

Si tibi oratione opus est, propter resisten-
tes tibi, & circumdantes animam tuam,
cane xvi. Exaudi Domine iustitiã meam.
& l x x x v. Inclina Domine aurem tuam.
& l x x x v i i i. Misericordias Domini in. &
c x. Domine clamaui ad te, exaudi me.

Si scire vis quo pacto Moyſes orabat, ha-
bes l x x x i x. Dñe refugiũ factus es nobis.

Si euasisti ab inimicis, & liberatus es à
perſequentibus te, canta quoq; x v i i. Dili-
gam te Domine fortitudo mea, &c.

Si miraris ordinem rerum creatarum, &
diuinæ prouidentię gratiam, cane x v i i i.
Cœli enarrant gloriã Dei: & opera ma-
nuum eius annuntiat firmamentum, &
x x v i i. Ad te Dñe clamabo, Deus meus
ne ſilcas à me: ne quando taceas à me, &
aſſimilebor deſcendentibus in lacum.

Si tribulatos vides, conſolare eos, &
pro eis orans dic verba pſalmi x i x. Exau-
diat te Dominus in die tribulationis, &c.

Si te cuſtodiri à Domino vides, & pro-
ſperè agere, gaudēs cane Pſalmum x x i i.
Dominus regit me, &c.

Si contra te irraunt inimici, eleua ani-
mam ad Deum, & dic x x i i i i. Ad te Do-
mine

In Psalmos.

mine leuauī animam meam, &c. & frustra eos iniquè agentes videbis.

Si perseuerauerint inimici, & sanguinolentis manibus abstrahere, vel occidere te querunt, ne des homini iudiciū: suspecta enim sunt humana omnia: sed Deū iudicem postulans, ipse enim solus iudex est, dic xxv. Iudica me Domine, quoniam ego. Item xxxiii. Iudica Domine nocentes me. & xlii. Iudica me Deus, & discerne causam meam.

Si autē sauius instet, & multitudo instar castrorū sint inimici, despicientes, quasi ne victus quidem sis, nihil formidans, cane xli. Omnes gentes plaudite manibus &c.

Si rursus impudentes sint, qui insidiantur, minimè illos curans cane ad Dominum, quæ sunt in Psal. xlvii. Magnus Dominus, & laudabilis nimis.

Si scire vis quomodo gratias acturus accedere ad Deum debes: intelligibiliter intelliges cane xlviii. Audite hæc omnes gentes, &c.

Deinde renouans domum tuam & animam, quæ Dñm suscipit, & sensibilē domū in qua corporaliter habitas, age gratias, & dic xlix. Deus deorū Dñs loquutus est. & cxxvi. Nisi Dominus ædificauerit, &c.

Sit te odio haberi propter veritatē ab ami-

Opusculum

cis & propinquis vides, ne remitte studium, neue aduersantes extimesce, sed futura cogitans, cane x x x. In te Domine speravi, non confundar in æternum.

Si baptizatos vides à corruptibili generatione liberatos, diuinam benignitatem admirans, cane x x x i. Beati quorum remissæ sunt iniquitates.

Si canere vis inter multos iustos viros, & rectè viuentes colligens, cane x x x ii. Exultate iusti in Domino, rectos decet colaudatio.

Si incidisti in hostes, & eos prudenter euitasti, atque insidias effugisti, & ob id agere vis gratias, conuoca mites homines, & cum eis cane Psal. xxxiii. Benedicam Dominum in omni tempore.

Si vides iniquos in malū certare, ne putes secundū naturā esse in illis peccatū, quemadmodum heretici quidam, sed dic xxxv. Psal. Dixit iniustus vt delinquat in semetipso, non est timor Dei ante oculos eius, & videbis quòd ipsimet peccādi causa sunt.

Si malos iniqua agentes cernis, & cōtra paruos superbiētes, & admonere vis aliquos ne istos attendant aut æmulētur, quoniam citò extinguetur, dic & tibi & aliis xxxvi. Noli æmulari in malignantibus, &c.

Si statuisti habere tui curā, & vides insidiantem

In Psalmos.

diantem aduersarium (maximè enim contritales excitatur) ac vis temet in eum parare, cane x x x v i i i. Psal. Dixi custodiam vias meas, &c.

Si multos vides pauperes & mendicos, ac misereri vis, potes & eos, qui iam sunt miserti, probare, & alios vt idem agant hortari, dicens x l. Beatus qui intelligit super egenum & pauperem.

Si desiderium habes erga Deum, inimicos audis exprobrantes, ne perturberis: sed intelligens immortalem fructum, qui ex hoc desiderio nascitur, consolare animam tuam spe erga Deum, & hac releuans mitigansq; vitæ dolores. dic x l. Psal. Quemadmodum desi. &c.

Si recordari frequenter vis beneficia Dei, quæ patribus fecit, & in exitu de Aegypto, & in deserto, & quomodo Deus quidè bonus, ipsi autem ingrati, habes x l i i i. Deus auctibus no. Item l x x v i i. Attendite po. & l x x v i i i. Misericordias Domini in æter. & c. l. Domine exaudi orationem meam, & clamor, &c. c v. Confitemini Domino quoniam bonus, quoniã in seculum, &c. c v i. Confitemini Domino, quoniam bonus, &c. Dicant qui, & c x i i i. In exitu Israel, &c.

Si confugiens ad Deum euasisti quæ aduersus te dicta sunt, & gratias agere vis Deo

Opusculum

Deo, & narrare eius erga te benignitatem, habes x l v. Deus noster refugium & virtus

Si peccasti, & conuersus poenitentia conficeris, & vis misericordiam consequi, habes confessionis verba in Psal. l. Misere mei Deus secundum magnam misericordiam tuam, &c.

Si calumniam passus es apud malum regem, & diabolum vides gloriantem, recede & dic, quæ sunt in l. i. Qui gloriamini in malitia, qui potens es in iniquitate?

Si qui te persequuntur & calumniantur proderere volentes, sicut Pharisæi Iesum, & alienigenæ David, ne tædio marcescas, se confidens in Domino, cave l. i. l. Deus in nomine tuo saluum me fac, & l. v. Misere mei Deus, quoniã conculcauit me homo

Si autem concurrat persecutio, & non cognoscens in speluncam ingrediatur, in qua tu absconderis, ne metue: habes enim in hac necessitate vtilia cum ad consolandum, tum ad memoriã rei colendã verba, in l. v l. Misere mei Deus, misere mei, quoniã in te cõfidit anima mea, & c. x l. l. Psal. Voce mea ad Dominum clamaui.

Si obseruari domum, qui insidiatur, iusserit & effugeris, age gratias Deo, & in tabulis animæ tuæ rem incipiens dic l. vii. Eripe me de inimicis meis Deus meus.

In Psalmos.

Si exprobrent inimici, qui tribulant te,
& loquacius detrahant, qui amici esse vi-
dentur, & in exercitatione tua labores ali-
quantulū, potes inuocare tu quoq; eadem
dicens, quæ sunt in 111. Psal. Quum inuo-
carem, exaudisti me Deus iustitiæ meæ.

Contra hypocritas & in facie glorian-
tes, dic ad eorum conuersionem LVII.
Psal. Si verè vtione iustitiam loquimini,
restè iudicate filij hominum.

Si asperè irruāt in te, & capere animam
tuam veliat, oppone illis subiectionem
tuam ad Deū, & bono animo sis: quò enim
magis inscruunt illi, eò magis Domino
subicientur: dic autem Psal. Lxi. Nōne
Deo subiecta erit anima mea.

Si persecutionem fugiens in desertum
concesseris, ne metuas quasi solus ibi sis,
sed habens Deum, & ad ipsum diluculo
surgens, cane Lxi. Deus Deus meus ad
te de luce vigilo.

Si perterrefaciāt inimici, nec struere in-
sidias desināt, & omnia inquirāt aduersum
te, etiā si plurimi sint, ne cesseris. Sagittæ
enim paruulorum erunt horum plagæ, si
cecineris Lxi. Exaudi Deus orationem
meā cū deprecor, & LXVII. Exurgat Deus,
& diss. Lxi. Deus in adiutorium meum
intēde, &c. & Lxx. In te Domine speraui.

Si

Opusculum

Si canere Deum vis, habes L x i i i. Te
debet hymnus Deus in Sion, &c.

Si quos imbuas resurrectionis mysterio, habes L x x i x. Qui regis Israel inter
de: qui dedu. &c.

Si misericordias à Deo petis, cane Psal-
mum L x v i. Deus misereatur nostri.

Si videas impios in pace prosperari, ne
scandalizeris, ut commouearis: dic tu que
que L x x i i. Quàm bonus Israel Deus, hic
qui recto sunt corde.

Si irascitur populo Deus: habes verba,
quibus hunc confoles, in L x i i i. Ut quid
Deus repulisti.

Si cōfessione tibi est opus, cane L x x. In
te Domine speravi, &c. L x x i i i i. Confite-
bimur tibi Deus, &c. x c i. Bonum est con-
fiteri Domino, & psallere nomini tuo, &c.
c i i i i. Confitemini Domino, & inuocate
nomen eius. c v. Cōfitemini Domino quo-
niam bonus, &c. c v i i. Paratū cor meum
Deus, &c. c x. Confitebor tibi Domine in
toto corde meo. c x v i i. Confitemini Do-
mino quoniam bonus. c x x v. Confitemi-
ni Domino quoniam bonus, quoniam in
æternum misericordia eius. & c x x x v i i.
Cōfitebor tibi Domine in toto corde meo,
quoniam audisti verba oris mei.

Si vituperare Gentilē vis & Hæreticos,

In Psalmos.

ut apud quos Dei cognitio nō est, potes intelligendo canere, & dicere, quæ sunt in Psal. LXXXV. Inclina Domine aurē tuam, & exaudi me, quoniam inops & pauper.

Si occupauerint inimici effugia tua, & magnopere tribuleris, quanquam perturberis, ne despera, sed ora: & si clamās exauditus fueris, age Deo gratias, dicens quæ sunt in Psal. LXXXVI. Voce mea ad Dominum clamaui, voce mea ad Dominum deprecatus sum.

Si perseuerantes inimici irruerint, & polluerint domū Dei, ac sanctos occiderint, & eorum corpora volatilibus cœli proiecerint, ne metuas illorū crudelitātē, sed compatiens patiētibz, dic Psal. LXXVIII. Deus venerunt gētes in hæreditatem tuam, polluerunt templum sanctum tuum.

Si canere vis Domino in celebritate, conuocatis Dei seruis, cane LXXX. Exultate Deo adiutori nostro, iubilare Deo Iacob, & ceteris. Venite exultemus Domino, iubilemus Deo salutarī nostro.

Si rursus inimici congregentur vndiqz, & minentur domui Dei, conspirantes contra pietatem, ne te multitudo & potētia illorum perturbet, habes velut anchorā spei verba quæ sunt in LXXXII. Deus quis similis erit tibi? ne taceas, neque compescaris.

Si

Opusculum

Si vides domum Dei & æterna eius
bernacula, & desiderium habes ad illa sicut
habebat Apostolus, dic & tu Lxxxi.
Quam dilecta tabernacula tua, &c.
Si cessauerit ira, & soluta captiuitas fuerit,
habes quibus gratias Deo agas Lxxxiii.
Benedixisti Domine terram tuam, auer-
tisti captiuitatem Iacob, & cxv. Credidi,
propter quod locutus sum, &c.

Si discordiam catholicæ Ecclesiæ ad-
uersus schismata cognoscere vis, & illos
conuertere, potes dicere quæ sunt in Psal-
mo Lxxxvi. Fundamenta eius in mon-
tibus sanctis, &c.

Si exhortari teipsum vis & alios ad reli-
gionem, ac persuadere quòd spes in Deum
non confundit, sed intrepidam reddit ani-
mam, lauda Deum, dicēs quæ sunt in Psal-
xo. Qui habitat in adiutorio altissimi &c.

Si canere vis Sabbatho, habes xc i. Bo-
num est confiteri Domino, & psallere no-
mini tuo altissime.

Si gratias agere vis Dominico die, ha-
bes xiii. Dixit insipiens in corde suo, Non
est Deus, &c.

Si canere vis in secunda Sabbathi, ha-
bes quæ sunt in xciiii. Venite exulte-
mus Domino, &c.

Si canere vis Parasceue, habes laudatio-
nem

In Psalmos.

nem in xc i i. Dominus regnavit, decorem indutus est, indutus est Dominus, &c. Tunc enim domus edificata est, quamvis circumire conati sunt hostes. Atque ideo triumphale carmen canendum est ipsi Deo.

Si captivitates fuerit ac vastata domus, rursusque edificata, cane quæ sunt in xc v. Cantate Domino canticum novum, cantate Domino omnis terra.

Si vexata terra fuerit ab hostibus, & deinde quiescat regnante Domino, habes quem canas, xcvi. Dominus regnavit, exultet terra, lætentur insulæ multæ.

Si vis quarta Sabbathi canere, habes xc i i i. Deus vitionū Dominus, Deus ultionum liberè egit. Tūc enim traditus, ultisci mortem coepit, & de ea triumphare.

Quum igitur Evangelium legens, videris Iudæos consiliū ineuntes aduersus Dominum, & ipsum audacter stare pro nobis aduersus diabolum, cane quæ sunt in xc i i i. Vt dictum est.

Si vides providentiā Domini in omnia, & Dominum ipsius, & vis imbui aliquos ipsius fide & obedientia, cum persuaseris prius ut confiteantur, cane xc v i i i. Iubilante Deo omnis terra.

Si potestatem iudicandi in eo cognoscis, & quod misericordiæ iudicium admiscens.

Opusculum

iudicat Deus, atque accedere ad ipsum vis
habes ad hoc verba c. Misericordiam & iu-
dicium cantabo tibi Domine.

Si propter imbecillitatem naturæ nostræ
assiduis vitæ malis aliquādo, ceu medicus,
tædio afficeris, & cōsolari te vis, habes Psal.
c. i. Domine exaudi orationem meam, & cla-
mor meus ad te veniat.

Quoniam convenit semper & in omni-
bus agere Deo gratias, quādo ipsi benedi-
cere vis, habes quo tuam animam adhorteris
c. i. i. Benedic anima mea Domino. & o-
mnia quæ intra, & c. i. i. Benedic anima
mea Domino, Domine Deus meus mag.

Si laudare vis Deum, & scire quomodo
ob aliquid oportet laudare, & quæ verba
dicere laudans debet, habes c. x. i. i. Lauda-
te pueri Dominum, laudate nomen Domi-
ni, & c. c. x. v. i. Laudate Dominum omnes
Gentes, laudate eum omnes populi. c. x. l. v.
Lauda anima mea Dominum, laudabo Do-
minum in vita mea, psallā Deo meo quan-
diu fuero. c. x. x. x. i. i. Ecce quā bonum.
& c. x. l. v. i. Laudate Dominum quoniam bo-
nus est Psalm. c. x. l. v. i. i. Lauda Ierusa-
lem Dominum, lauda Deum tuum Sion.
c. x. l. v. i. i. i. Laudate Dominum de coelis,
& c. x. l. i. x. Cantate Domino canticum
nouum, laus eius in Ecclesia sanctorum c. l.

Laudate

In Psalmos.

Laudate Dominum in sanctis eius, laudate eum in firmamento virtutis eius.

Si habes fidem quemadmodum Dominus dixit, & credis in his quæ orans loqueris, dic c x v. Credidi, propter quod locutus sum.

Si te ascendente sentis actionibus, sic ut dicas, his obliuiscor, his autem qui præcedunt contendo, habes in vnoquoque processu quæ dicas, quindecim graduum Cantica.

Sic captiuatus es alienis cogitationib⁹, & sensisti te abduci, & pœnituit, desine deinceps, & manens vbi te peccatam deprehendisti sede, ac luge tu quoque, quemadmodum fecit populus, dicens quæ sunt in c x x x v i. Super flumina Babylonis illic &c.

Si tentationes putas esse tui probationem, age post tentationes gratus Deo dicens c x x x v i i. Domine probasti me & cognouisti me.

Si teneris rursus ab inimicis, & liberari vis, dic c x x x i x. Eripe me Domine ab homine malo, à viro iniquo eripe me.

Si orare vis & deprecari dic v. Verba mea auribus percipe c x l. Domine clamaui ad te, exaudi me. c x l. Voce mea ad Dominum clamaui, voce mea ad Dominum deprecatus sum. c x l. i. Domine exaudi orationem

Opusculum

meā, auribus percipe obsecrationē. cxlv.
Lauda anima mea Dominum, &c.

Si inimicus tyrannus insurrexit aduersus populum, tu quoq; sicut Dauid Goliath, ne timeas, sed vnā cum Dauid crede, & canens dic cxlvi. Benedictus Dominus Deus meus qui docet manus meas ad prælium, & digitos meos ad bellum.

Si bonitatem Dei, & in te, & in omnes recolis, & benedicite Deo vis, dic verba quæ Dauid dixit in lxxxviii. Benedixisti Domine terram tuam, &c.

Si canere vis Domino, habes quid dicas xcvi. Cantate Domino canticum nouum, & xcvi. Cantate Domino canticū nouum, quia mirabilia fecit.

Si paruus fortè in aliquo vsu fratribus antepoueris, ne extollaris contra ipsos, sed dans gloriam Deo, psalle tu quoque li. Quid gloriaris in malitia, qui potens es in iniquitate? qui proprius Dei es, aliàs cl. Laudate Dominum in sanctis eius, laudate eum in firmamento virtutis eius.

Si canere vis obedientiā habentem Halleluia, habes cli. Confitemini Domino & inuocate nomen eius. cv. Confitemini Domino quoniam bonus, quoniam in seculum misericordia eius. Quis loquetur potentias Domini. cvi. Confitemini Dño quoniam. Dicant.

In Psalmos.

Dicant qui & c. x. Confitebor tibi Domine
intoto corde meo. c. x. i. Beatus vir qui ti-
met Dominū, in mādatis eius voler nimis.
cx i. Laudate pueri Dominum: laudate
nomen Domini. c. x i i i. In exitu Israel de
Aeg: pto. c. x i i i i. Dilexi, quoniam exau-
diat Dominus vocem orationis meae. c. x v.
Credidi, propter quod locutus sum. c. x v i.
Laudate Dominum omnes gentes. c. x v i i.
Confitemini Domino quoniam bonus & c.
Dicat nūc Israel. c. x v i i i. Beati immacula-
ti in. c. x x x i i i. Laudate nomen Domini.
cx l v. Lauda anima mea Dominum, & c.
cx l v i. Laudate Dominū, quoniam bonus
est psalmus. c. x l v i i. Lauda Ierusalem.
cx l v i i i. Laudate Dominum de coelis.
cx l i x. Cantate Domino canicū novum.
& c. l. Laudate Dominum in sanctis eius.
Si seofum vis canere de Salvatore, ha-
bes de eo in quouis Psal. Præcipuè verò ha-
bes x x i i i i. Ad te Domine leuavi animā.
c. i x. Dixit Dominus Domino meo, Sede à
dextris meis, & c.

Indicantes ipsius ex patre legitimam
generationem, & corporalem eius præsen-
tiam. x. In Domino confido, & l x v i i i.
Saluum me fac Deus, & c.

Prædicantes de diuina cruce, & quācum
pro nobis insidiarū suscepit, & quā mul-

Opusculum in Psalmos.

ta passus est. i i. Quare fremuerunt Gentes
& pop. & c x v i i i. Beati immaculati.

Significantes Iudæorum insidias, & malignitatem, & Iudę Iscariotis prodicionem.
x x. Domine in virtute tua. x l x i x. Deus
deorum Dominus locutus est, & c. l x x i.
Deus iudicium tuum regi da.

Offendentes regnum eius & iudicandi potestatem, & eius præsentiam in carne. x v. Conserua me Domine, quoniã speravi in te, & c.

Indicat eius in carne resurrectionem gloriosam, x x i i i. Domini est terra, & plenitudo eius. & l v i. Omnes gentes plaudite manibus, & c. Annunciat eius in coelũ ascensum. x c i i. Dominus regnavit. x c v. Cantate Domino canticum novum, cantate Domino omnis terra. x x v i i. Cantate Domino canticum novum, quia mirabilia fecit. x c v i i i. Dominus regnavit, irascantur populi.

Si leges, speculari poteris quæ Dominus nobis beneficia per passionem contulit.

TALIS EST STYLVS

& character Psalmorum,

ad hominum vti-

liratem.

FINIS

CATALOGVS

PSALMORVM, CVM NV-

MERIS EORVMDEN,

quò sint inuentu
faciles.

A

Ad dominum cum trib.	119
Ad te Domine leuavi animam	24
Ad te Domine clamabo, Deus	27
Ad te leuavi oculos meos	122
Afferre Domino filij Dei	28
Attendite popule meus	77
Audite hæc omnes gentes	48

B

Beatus vir qui non abiit	1
Beatus vir qui timet Dominum	111
Beatus qui intelligit super egenum	40
Beati immaculati in via	118
Beati omnes qui timent Dominum	127
Beati quorum remissæ sunt iniquitates	31
Benedicam Dominum in omni	33
Benedictus Dominus Deus meus qui dō-	
cer	143
Benedixisti Domine terram tuam	84
Benedic anima mea Domino. 1	102
Benedic anima mea Domino: Dñe. 2	103
Bonum est confiteri Domino	51

Index

C

Cantate Domino canticum nouum.1	95
Cantate Domino canticum nouum.2	97
Cantate Domino canticum nouum.3	149
Cœli enarrant gloriam Dei	18
Confitemini Domino, & inuocate nomen eius.1	104
Confitemini Domino, quoniã bonus.2	105
Confitemini Domino, quoniã bonus 3.	106
Confitemini Domino, quoniã bonus.4	117
Confitemini Domino, quoniã bonus.5	135
Confitebimur tibi Deus	74
Confitebor tibi Domine.1	9
Confitebor tibi Domine.2	110
Confitebor tibi Domine.3	137
Conserua me Domine, quoniam speraui in te	15
Credidi, propter quod locutus sum	115
Cùm inuocarem exaudiuit me Deus	4

D

Deus auribus nostris audiui mus	43
Deus Deus meus respice in me	21
Deus Deus meus ad te de luce vigilo	62
Deus deorum Dominus locutus est	49
Deus in adiutorium meum intende	69
Deus in nomine tuo saluum me fac	53
Deus iudicium tuum regi da	71
Deus laudem meam ne tacueris.	108
Deus misereatur nostri, & bened.	66

Deus

Psalmorum

Deus noster refugium, & vir.	45
Deus quis similiserit tibi	82
Deus repulisti nos, & destruxisti nos	59
Deus stetit in synagoga de.	81
Deus venerunt Gentes in hæreditatem	78
Deus ultionum Dominus	93
De profundis clamaui ad te	129
Dilexi, quoniam exaudiet Dominus	114
Diligam te Domine fortitudo mea	17
Dixi custodiam vias meas	38
Dixit Dominus Domino meo	109
Dixit iniustus vt delinq.	35
Dixit insipiens in corde	13
Dixit insipiens in corde suo, Non est Deus	52
Domine clamaui ad te, exaudi me	140
Domine Deus meus in te speraui	7
Domine Deus salutis meæ	87
Domine Dominus noster	8
Domine exaudi orationem meam. 1	101
Domine exaudi orationem meam. 2	142
Domine non est exaltatum cor meum	130
Domine probasti me, & cognouisti	138
Domine ne in furore tuo. 1	6
Domine ne in furore tuo. 2	37
Domine quid multiplicati sunt	3
Domine quis habitab. in tab.	14
Domine refugium factus es nob.	89
Domine, in virtute tua lætabitur rex	20

Index

Domini est terra, & plenitudo	13
Dominus regit me, & nihil mihi deerit	22
Dominus regnavit, decorē indutus est	94
Dominus regnavit, exultet terra,	96
Dominus regnavit, irascantur populi	98
Dominus illuminatio mea	26

E

Ecce quā bonū & quā iucundū	131
Ecce nunc benedicite Domino	133
Eripe me de inimicis meis Deus meus. 1.	58
Eripe me Domine ab homine malo. 2.	139
Eructavit cor meum verbum	44
Exaltabo te Deus meus	144
Exaltabo te Domine, quoniam suscepisti	
me	29
Exaudi Domine iustitiam meam	16
Exaudiat te Deus in die trib.	19
Exaudi Deus orationem meam	54
Exaudi Deus deprecationem	60
Exaudi Deus orationē meā cū deprecor	63
Expectans expectavi Dominum	39
Exultate iusti in Domino	32
Exultate Deo adiutori nostro	80
Exurgat Deus & dissip.	67

F

Fundamenta eius in montibus	86
I	
Inclina Domine aurem tuam	85

Psalmorum.

13	In conuertendo Dñs captiuitatē Sion,	125
11	In Domino confido	10
91	In exitu Israel de Aegypto	113
96	In te Domine speraui, no confundar.1	30
98	In te Domine speraui.2	70
26	Iubilate Deo omnis terra.1	65
	Iubilate Deo omnis terra.2	99
131	Iudica Domine nocentes me	34
133	Iudica me Deus, & discerne	42
58	Iudica me Domine, quoniam ego	25

L

139	Lætatus sum in his quæ dicta sunt	121
44	Leuaui oculos meos in montes	120
144	Lauda anima mea Dominum	145
151	Lauda Ierusalem Dominum	147
29	Laudate Dominum, quoniam bonus est	
16	Psalmus	146
19	Laudate nomen Domini	134
54	Laudate pueri Dominum	112
60	Laudate Dominum in sanctis eius	150
63	Laudate Dominum de cœlis	148
39	Laudate Dominum omnes Gentes	116

M

80	Magnus Dominus & laudabilis nimis	47
67	Memento Domine Dauid	151
86	Miserere mei Deus secundum magnam misericordiam	50
85	Miserere mei Deus, quoniā conculcauit	55
18	Miser	

Index

Miserere mei Deus, miserere mei	56
Misericordias Domini	88
Misericordiam & iudiciũ cantabo tibi	190

N

Nisi quia Dominus erat in nobis	123
Nisi quia Dominus ædificauerit domũ	126
Noli æmulari in malig.	129
Nõne Deo subiecta erit anima	61
Notus in Iudæa Deus	75

O

Omnes gentes plaudite manibus	46
-------------------------------	----

P

Paratum cor meum Deus	107
-----------------------	-----

Q

Quare fremuerunt gentes	2
Quàm bonus, Irael Deus	72
Quàm dilecta tabernacula tua Domine	83
Quemadmodum desiderat ceruus	41
Quid gloriaris in malitia	51
Qui habitat in adiutorio altissimi	90
Qui confidunt in Domino sicut mons	124
Qui regis Israel intend.	79

S

Saluum me fac Dñe, quoniam defec.	11
Saluum me fac Deus quo. intra.	68
Sæpe expugnaverunt me	128
Si verè vtique iustit. loq.	57
Super flumina Babylonis	136

Te

Psalmorum.

T

Te decet hymnus Deus in Sion 64

V

Verba mea auribus percipe 5

Venite exultemus Domino 94

Voce mea ad Dominum clamaui 76

Voce mea ad Dominum clamaui 141


Vsquequo Domine obliuisceris me 12

Vt quid Deus repulisti in finem 7


FINIS.

LVGDVN I.
Excudebat Ioannes
Marcorellius.

1571.



C 18828448







17











+ colorchecker classic

calibrite



mm